

САЙДУЛЛА МИРЗАЕВ  
САИД ШЕРМУҲАМЕДОВ

# ҲОЗИРГИ ЗАМОН ЎЗБЕҚ АДАБИЕТИ ТАРИХИ

(Ўзбекистон Ҳалқ таълими вазирлиги  
дорилғунуналар ва педагогика  
олийгоҳларининг филология қуллиётлари  
сиртқи бўлимни талабалари учун ўқув  
кўлланмаси сифатида тасдиқлаган)

ТОШКЕНТ  
«ЎЗБЕКИСТОН»  
1993

83.3 Ўз  
М 54

Жамоатчилик асосида филология фанлари  
номзоди Тўхта Бобоев таҳрир қилган

Муҳаррир С. Мирзааҳмедова

M —————— 4603020102—32 —————— 2—93  
M 351(04)93

ISBN 5-640-01265-X

(C) «ЎЗБЕКИСТОН» нашриёти, 1993

## МУАЛЛИФЛАРДАН

Маълумки, ҳозирги вақтга қадар жумхуриятимизда олий ўқув юртлари филология қуллиётларининг сиртқи бўлим талабалари учун ҳозирги замон ўзбек адабиёти тарихи фанидан маҳсус ўқув қўлланмаси яратилмаган. Амалда эса бундай ўқув қўлланмага эҳтиёж жуда катта. Ана шуни назарга олиб ҳозирги замон ўзбек адабиёти тарихидан маҳсус ўқув қўлланма яратиш устида узоқ йиллар давомида иш олиб бордик. Натижада ушбу қўлланма юзага келди.

Унда 1917 йилдан кейинги ижтимоий ҳаётда ва бадиий адабиётда содир бўлган асосий ўзгаришлар ҳисобга олинди. Ҳозирги замон ўзбек адабиётининг ўзига хос ҳусусиятлари, шаклланиш ва ривожланиш йўллари, тараққиёт босқичлари, эришган ютуқлари ва йўл қўйган камчиликлари ўқув қўлланмаси талаблари асосида хронологик тартибда баён этилди.

Мазкур ўқув қўлланмада ҳозирги замон ўзбек адабиётининг асосчилари ҳамда унинг шон-шуҳратини оширишга салмоқли ҳисса қўшган ва қўшиб келаётган истеъдодли ёзувчилар ижоди таҳлил қилинган.

## МУҚАДДИМА

Ҳозирги замон ўзбек адабиёти кўп асрлик тарихга эга бўлган ҳалқимизнинг мумтоз адабиёти меросхўридир. Шу билан бирга, бу адабиёт унинг янги замондаги қонуний давомчисидир.

1917 йилдан кейинги ҳаётнинг ўзига хос бадиий йилномаси бўлган бу адабиётнинг асосий тасвир обьекти — янги воқелиқдир. Бинобарин, унинг тематик доираси ва ғоявий мундарижаси янгидир. Ҳозирги замон ўзбек адабиёти новатор адабиётдир. Бу адабиётнинг новаторлиги аввало шу билан изоҳланадики, у янги ҳаётни акс эттиради, янги ҳаёт туфайли юзага келган янги мавзуларни тасвиrlайди.

Ҳозирги замон ўзбек адабиётининг ғоявий мундарижаси ҳам янгидир. У ҳалқимизнинг яратувчанлик, ўзгартирувчилик фаолиятини, унинг янги жамият қуриш йўлида олиб борган курашларини ва умуман, янги замоннинг рухини ифодалайди. Бу адабиёт ҳаётдаги муҳим масалаларга фаол аралашди ва улар ҳақида ўз фикрини айтди. Кўп қиррали ҳаётимизнинг ҳеч бир муҳим воқеаси йўқки, у адабиётимизда ўз бадиий ифодасини топмаган бўлсин.

Ҳозирги замон ўзбек адабиётининг ғоявий мазмуни ва тематик доираси янги бўлгани сингари, унинг асосий қаҳрамонлари ҳам янгидир. Бу адабиётнинг асосий қаҳрамонлари фаол ишчилар, дехқонлар, зиёлилар, аниқроғи меҳнат аҳлидир. Демак, янги адабиётимиз ўз қаҳрамонларини ҳаётнинг ўзидан, янги воқелиқдан

олади. Ўзбек адабиётида яратилган Зайнаб, Омон (Х. Олимжон), Ўкта, Комила (Ойбек), Жўра, Саодат (Ф. Фулом), Ҳафиза, Дехқонбой, Саида (А. Қаҳҳор), Онахон, Луқмонча, Самандар (А. Мухтор), Гулсара, Нурхон, Собир Раҳимов, Фозилхўжа (К. Яшин), Ойниса, Маъсуд (Х. Фулом), Йўлдош Комилов (И. Султон), Ойқиз (Ш. Рашидов), Маҳкам, Мехринисо (Р. Файзий), Шоқосим (О. Ёқубов) каби қаҳрамонлар бунга мисол бўла олади.

Ҳозирги замон ўзбек адабиётида турли йилларда яратилган бу ижобий қаҳрамонлар ўз даврининг фарзандлари сифатида жамият тарихининг турли даврларидаги ҳаёт ва қурашни акс эттиради. Шуниси муҳимки, бу адабиёт тараққиётининг барча босқичларида ҳам янги турдаги қаҳрамон — замондошларимиз образини яратиш ижодкорларимизнинг дикқат марказида турди.

Ёзувчиларимиз ижобий қаҳрамон муаммосини ҳал этишда замонавий мавзулар билан бир қаторда ўтмиш ҳаёт материалларидан ҳам унумли фойдаланмоқдалар. «Бой илиа хизматчи» (Ҳамза), «Ўтган кунлар», «Мехробдан чаён» (Абдулла Қодирий), «Қутлуг қон», «Навоий» (Ойбек), «Инқилоб тонги» (К. Яшин), «Алишер Навоий» (Уйғун, Иззат Султон), «Ўтмишдан эртаклар» (А. Қаҳҳор), «Фарғона тонг отгунча» (М. Исмоилий), «Юлдузли тунлар» (П. Қодиров), «Улугбек хазинаси», «Кўҳна дунё» (О. Ёқубов), «Меъмор», «Темур Малик» (Мирмуҳсин) каби асарларда ҳалқимизнинг ўтмиш ҳаёти, аждодларимизнинг бадиий образлари маҳорат билан тасвирлаб берилган. Хуллас, ҳозирги замон ўзбек адабиётининг асосий вазифаси воқеликни ҳаққоний кўрсатиш орқали ёш авлодни эзгулик руҳида тарбиялаш, унга эстетик завқ беришдан иборат бўлди. Адабиётимиз, умуман олганда, бу шарафли вазифани яхши уddyалади.

Ҳозирги замон ўзбек адабиётининг тараққиёт йўли — ривожланиш босқичлари ҳам ўзига хосdir.

Дарҳақиқат, бу адабиёт тарихи 1917 йилдан то ҳозирги кунгача бўлган давр (1917—1992 йиллар)ни ўз ичига олади. Бу давр ичида янги ўзбек адабиёти пайдо бўлди, шаклланди, янги ҳаёт билан чамбарчас боғлиқ ҳолда ўсади. Йиллар ўтиши билан янги адабиёти мизда хилма-хил сифат ўзгаришлари юз берди. Бу ўзгаришлар ҳаётдаги тарихий воқеалар таъсирида содир бўлди. Зотан, бу адабиёт тараққиёти Ўзбекистон халқларининг янги тарихи билан узвий боғлиқдир. Ана шунга кўра, ҳозирги замон ўзбек адабиёти тарихини даврлаштирганда инқилобдан сўнгги ҳаёт тарихининг ўзига хос босқичлари эътиборга олинмоги лозим.

Муайян жамиятимиз ўз тарихининг ҳозирги даврига етиб келгунча мураккаб ва сермашаққат йўлни босиб ўтди. Жамият тарихининг босқичлари ўзаро бирбиридан фарқ қилганидек, ҳозирги замон ўзбек адабиёти тараққиётининг даврлари ҳам ўзига хос хусусиятлари билан бир-биридан ажralиб, фарқланиб туради. Масалага шу нуқтаи назардан қаралса, ҳозирги замон ўзбек адабиёти тарихини қуидагича даврларга бўлиб ўрганиш мақсадга мувофиқдир.

I. Октябрь инқилоби, гражданлар уруши, халқ хўжалигини тиклаш даврида ўзбек адабиёти (1917—1929).

II. Янги жамият қуриш учун кураш йилларида ўзбек адабиёти (1929—1941).

III. Ватан уруши ва урушдан кейинги дастлабки йилларда ўзбек адабиёти (1941—1956).

IV. Янги ўзбек адабиёти тарихининг ҳозирги босқичи (1956—1992).

Албатта бу даврлаштиришни муккамал деб бўлмайди. Бу маълум даражада нисбий, қолаверса, анча-мунча мунозарали масаладир. Шунга қарамай, муаллифлар муҳтарам ўқувчиларга тақдим этилаётган ушбу китобнинг мундарижасини шу йўсинда баён этдилар.

Биринчи қисм

## ҲАЁТ ВА АДАБИЙ ЖАРАЁН

---

### I. ОКТАБРЬ ИНҚИЛОБИ, ГРАЖДАНЛАР УРУШИ, ХАЛҚ ХЎЖАЛИГИНИ ТИКЛАШ ДАВРИДА ЎЗБЕК АДАБИЕТИ (1917—1929)

Бу даврда уруш оқибатида вайрон бўлган халқ хўжалигини тиклаш, саноат ва транспортни тартибга солиш, ривожлантириш, каби муҳим ишлар амалга оширилди.

Бу даврда ўзбек халқи ҳаётида ҳам ўзгаришлар юз берди. 1924 йилда Ўрта Осиёда миллий чегараланиш ўтказилди ва Ўзбекистон Совет Социалистик Жумҳурияти ташкил этилди. Ўзбекистонда ер-сув ислоҳоти, маданий инқилоб, саводсизликка қарши кураш сингари тадбирлар амалга оширилди.

Ҳозирги замон ўзбек адабиёти ана шу тарихий тадбирларни амалга ошириш жараёнида туғилди. Бунда халқ оғзаки ижоди бойликлари ва мумтоз адабиётнинг анаъаналари муҳим аҳамиятга эга бўлди.

Бу адабиётнинг туғилиши ва шаклланишига жаҳон тараққийпарвар адабиёти тажрибалари, биринчи навбатда, қардош халқлар адабиётларининг ўзаро ҳамкорлиги самарали таъсир кўрсатди.

Маълумки, 20- йилларда мамлакатимизда ҳали синфий кураш давом этарди. Синфлар ўртасидаги аёвсиз кураш адабий фронтда ҳам акс-садо берди. Бу даврда бадиий адабиёт соҳасида турли оқимлар, гурухлар мавжуд эди. Марказий Россиядаги «Серапион муридлари», «Перевал», «Кузница» сингари уюшма ва гурухлар бўлганидек Ўзбекистон ҳудудида «Чигатой гурунги» сингари уюшма ва ҳар хил йўналишдаги оқимлар фаолият кўрсатган.

1926 йилда Самарқандда «Қизил қалам» адабий уюшмаси вужудга келди. У ҳозирги замон ўзбек

адабиётини яратиш ҳамда ёш ижодкорларни тарбиялашда ижобий ишларни амалга ошириди.

1930 йилда «Қизил қалам» уюшмаси тугатилди ва ЎзАПП (Ўзбекистон Пролетар ёзувчилари уюшмаси) ташкил қилинди.

Шундай қилиб, 20- йилларда Ўзбекистонда ҳаётдаги ўзгаришлар натижасида янги адабиёт — ҳозирги замон ўзбек адабиёти шаклланди<sup>1</sup>. Бунда Ҳамза, С. Айний, Абдулла Қодирий, Чўлпон, Фитрат, М. Сўғизода, А. Авлоний, Гайратий каби ёзувчилар фаоллик кўрсатдилар. Шу билан бирга 20- йилларда ёзувчиларимизнинг сафи Ойбек, Ҳ. Олимжон, Ғ. Ғулом, Уйғун, Элбек, Боту, Қ. Яшин, Абдулла Қаҳҳор, Ҳ. Шамс, Оидин, Миртемир, Собир Абдулла каби янги-янги ёш ижодкорлар билан кенгайиб борди.

\* \* \*

Ҳозирги замон ўзбек адабиёти тарихининг турли босқичларида доимо шеърият етакчи ўринни эгаллаб келди. Бу ҳол мумтоз адабиётимизда шеъриятнинг етакчи тур сифатида асрлар бўйи муттасил ривожланиб келганлиги анъанасининг ҳозирги замон ўзбек адабиётига кўрсатган баракали таъсири натижасидир. Шу важдан ҳам янги адабиётимизнинг илк саҳифалари шеърий асарлар, қўшиқ ва термалар билан очилган.

Ҳамзанинг «Ҳой, ишчилар!», «Биз ишчимиз!», «Ҳой, ҳой отамиз!», «Уйғон», «Яша, Шўро», «Ишчи бобо», «Ишчилар уйғон», «Берма эркингни қўлдан» каби инқилобий қўшиқлари, С. Айнийнинг «Октябрь инқиlobи», «Байналмилал марши», «Ғалаба марши», «Хуррият марши», «Биринчи Май марши» сингари жанговар маршлари ҳозирги замон ўзбек шеъриятининг дастлабки намуналаридан ҳисобланади.

Ҳамза Ҳакимзода Ниёзий ва Садриддин Айнийнинг адабиётимиз олдидағи катта хизматларидан бири шундаки, улар ўзбек мумтоз шеъриятидаги илгор анъаналарни ривожлантириш ва рус классик шеъриятидан ижодий ўрганиш асосида минбарбоп шеърият яратдилар.

20- йилларда Ҳ. Ҳ. Ниёзий, С. Айний, Чўлпон, Фитрат каби машҳур шоирлар билан бирга Завқий,

<sup>1</sup>. Бу ҳақда С. Мирзаев, Ҳ. Дониёрөвнинг «Ўзбек совет адабиёти» (1978) қўлланмасида батафсил маълумот берилган.

А. Авлоний, А. Мажидий, М. Сўфизода, Фақирий, Мутриб, Баёний, Чокар каби шоирлар ҳам 1917 йилдан кейин юз берган ўзгаришлар, янгиликлар тўғрисида шеърий асарлар яратдилар.

Бу даврдаги ижтимоий-сиёсий ҳаёт Файратий, F. Фулом, Ойбек, Ҳамид Олимжон, Уйғун, Яшин, Ойдин, Собир Абдулла, Элбек, Боту каби истеъоддли ёш шоирлар ижодида ҳам ўз аксини топди. Файратийнинг «Эрк товуши» (1927), «Яшаш тароналари» (1928) шеърлар тўпламларига киритилган шеърлар бунга мисол бўлади. Шоир ўз шеърларида ер-сув ислоҳоти («Ер ишлаганники», «Қўшчи ашуласи»), хотин-қизлар озодлиги («Мен эркли», «Бир қиз куйларкан»), озод ҳаёт ва эркин меҳнат («Темир билаклар», «Меҳнат ва турмуш», «Иш вақти», «Деҳқон қизи», «Қўраман») каби замонавий мавзуларни самимият билан акс эттирган. Файратий «Ер ишлаганники» шеърида ер-сув ислоҳотида ер олган камбағал дехқоннинг ҳис-туйгуларини ифодалайди.

Файратий ҳозирги замон ўзбек шеъриятига саноат мавзуини олиб кирди. Шоирнинг «Нефть булоги», «Бўзсув бўйларида», «Бригада сигнали», «Ишчи хотин», «Зарбдор қиз» каби шеърларида янги замон ишчилари образи яратилди. Саноат соҳасидаги янгиликлар ифодаланди.

Файратий «Тузалган ўлкага», «Фарғона», «Менинг туйгуларим», «Шоир», «Эй қалам» каби шеърларида халқлар дўстлигини, эркин меҳнат ва янги ҳаётни куйлади.

Хуллас, янгича мазмунни янгича шаклда ифодалашга интилиш, минбарбоплик ва халқ қўшиқлари руҳига ҳамоҳанглик — бу давр шеъриятининг муҳим хусусиятлари сифатида кўзга ташланиб туради. Айни чоқда, ғоявийликка берилиб кетилгани ҳолда бадиийликка етарли эътибор бермаслик, қисман мадхия-бозлик, қуруқ риторика каби иллатлар ҳам шеъриятилизмизда сезила бошланди.

\* \* \*

Янги воқелик заминида 20-йилларда ўзбек адабиётida янгича наср шакллана бошлади. Бу янгича насрнинг вужудга келиши ва ривожланишининг ўзига хос томонлари бор. Маълумки, 1917 йилдан олдинги

даврда ўзбек адабиётида реалистик наср тўла шаклланмаган эди. Ҳозирги маънодаги романлар ва қиссалар бўлмаган. Лекин бу, умуман олганда, ўзбек адабиётида ўтмишда наср ва унинг ўзига хос анъаналари бўлмаган, деган маънони билдирамайди, албатта. Демоқчимизки, ўтмишдаги насрий асарлар ўзига хос романтик услубда ёзилган бўлиб, кўпгина хусусиятлари билан ҳозирги реалистик насрдан ажралиб турарди. Демак, ҳозирги маънодаги мукаммал ўзбек реалистик насли 1917 йилдан кейингина туғилди ва ривожланди.

Ҳозирги ўзбек насрининг шаклланиши ва ривожланишида, бир томондан, ҳалқ оғзаки ижодиёти ва мумтоз адабиётимиздаги наср анъаналари, иккинчи томондан эса рус ва бошқа ҳалқлар реалистик насрининг таъсири катта бўлди. Натижада 20-йилларда ёк адабиётимизда С. Айнийнинг «Бухоро жаллодлари», «Одина», «Қулбобо ёки икки озод», А. Қодирийнинг «Ўтган кунлар», «Мехробдан чайён», «Обид кетмон», Мўминжон Муҳаммаджон ўғлининг «Турмуш уринишлари» каби қиссалари ва романлари пайдо бўлди.

20-йилларда насрнинг кичик ва ҳозиржавоб шакли — ҳикоя жанрида кўпгина асарлар ёзилди. Бу давр ҳикоячилигининг баъзи намуналари бадиий жиҳатдан бўшроқ бўлса-да, уларнинг замонга хизмат қилишда, хусусан замонавий мавзуларни кўтариб чиқишида аҳамияти катта бўлган. А. Қодирий ўз ҳикояларида («Калвак Махзумнинг хотира дафтаридан», «Тошпўлат тажанг нима дейди») эскилик сарқитларини фош этди. Гафур Гуломнинг «Йигит», «Соат», «Элатияда бир ов», «Жўра бўза», «Эшон обод» ҳикояларида янги турмуш, янги урф-одат тарғиб қилинган.

Умуман олганда, А. Қодирий ва F. Ғулом ҳикоялари гоявий-бадиий пишиклиги, кулгининг кучлилиги, характерларнинг аниқлиги, фольклордан, хусусан, жонли ҳалқ тили бойликларидан моҳирона фойдаланилганлиги билан ажралиб туради.

Шокир Сулаймон («Ўч», «Қотил», «Паразитлар», «Хукм», «Гуласал», «Тўти», «Қиз» «Лолазорда шумғия»); Ҳ. Олимжон («Заҳарли юрак», «Тонг шабадаси»); Файратий («Тиланчи хотин», «Ҳашар»); Зариф Башар («Ҳорманг», «Ипак кўйлак») каби ёзувчилар ҳам замонавий мавзуларда ҳикоялар яратдилар, янгиликнинг эскилик устидан қозонган ғалабасини тасвирлаб бердилар.

Бу давр ҳикоячилигида янги инсон (ижобий қаҳрамон) образини яратишга интилиш кучли бўлган. Ҳ. Олимжон «Тонг шабадаси» ҳикоясида халқ ҳокимияти ҳимоясида Бўронбой чангалидан қутулиб, фаол жамоатчи бўлиб етишган Қундузой образини яратишга муваффақ бўлган.

20-йилларда бадиий очерк ва фельетон жанрлари ҳам юзага келди. А. Қодирий, Ф. Ғулом, Ҳ. Олимжон, А. Қаҳҳор, Комил Алиев, Санжар Сиддик, Аъзам Айюблар ўзбек очерки ва фельетонининг дастлабки намуналарини яратдилар.

Шундай қилиб, 20-йиллардаёқ ўзбек адабиётида насрнинг деярли ҳамма жанрларида асарлар яратилди; замонавий реалистик наср шаклланди. Ўзбек насрининг ҳаётдан мустаҳкам ўрин олиши учун шарт-шароитлар яратилди. Бу соҳада, хусусан, Абдулла Қодирийдек улкан санъаткорнинг ижод қилиши ғоят катта аҳамиятга эга бўлди.

Бироқ бу давр ўзбек насринда ҳали турли нуқсонлар: натуралистик тафсилотлар, қуруқ баёнчиликка беришлар, ғоявий-бадиий етишмовчиликлар мавжуд эди.

Умуман олганда, 20-йиллар насли янги адабиётизмнинг келгуси камолоти учун мустаҳкам замин тайёрлади.

\* \* \*

Маълумки, 1917 йилга қадар ўзбек адабиётида ҳозирги маънодаги реалистик драматургия деярли йўқ эди. Октябрь инқилоби арафасида вужудга кела бошлаган саҳна асарларининг кўпи бадиий жиҳатдан заиф эди.

1913 йилдан то 1917 йил февраль инқилобигача бўлган қисқа вақт ичida «Заҳарли ҳаёт», «Илм ҳидояти» (Ҳамза), «Падаркуш» (Беҳбудий), «Қози ила мулла», «Кўкнори», «Жувонбозлик қурбони» (Хожи Мўмин Шукрулло), «Махрамлар» (А. Самадов), «Адвокатлик осонми?» (А. Авлоний), «Тўй» (Нусратилла Кудратилла), «Жувонмарг», «Ўгай она», «Бойвачча», «Саодат битди», «Хуш келдинг, хуш кетдинг» (Абдулла Бадрий) каби йигирмага яқин пьеса юзага келган.

Бу пьесалар турли ғоявий нуқтаи назардан туриб, турли бадиий савияда ёзилган. Шуниси муҳимки, уларнинг кўпида маърифатпарварлик ғоялари акс

эттирилган. Бу ҳол Маҳмудхўжа Беҳбудийнинг «Падаркуш» («Ўқимаган боланинг ҳоли») фожиасида очик кўринади. Пъесада тасвирланишича, Тошмурод бойваччанинг отаси ниҳоятда бой бўлган. Лекин у илмнинг аҳамиятига тушунмаган. Онгли-ақлли кишиларнинг «ўғлингизни ўқитинг» деган сўзларига қулоқ солмаган. Тошмурод ёшлигидан бебош бўлиб ўсади. У вояга етгач, Тангриқул каби жиноятчилар таъсирида ичкилика, майшатга берилиб кетади. Охир-оқибатда Тошмурод беҳисоб бойликка эга бўлиш мақсадида ўз отасини ўлдиришгача бориб етади. Бироқ отасини ўлдириб, олтинларини олиб қочаётган Тошмурод миршаблар қўлига тушади ва ҳибсга олинади.

Кўринадики, пъеса воқеаси ўша давр шароити учун типик, унда мантиқ бор. Бироқ «Падаркуш»да бу ҳаётий фожиани келтириб чиқарган асосий манба — ижтимоий тенгсизлик ва адолатсизлик очиб ташланмайди. Ўзбек адабиётида драматургия 1917 йилдан кейинги даврда кенг ривожланди. Ҳамза 20- йилларда «Бой ила хизматчи», «Тухматчилар жазоси», «Майсарапанинг иши», «Паранжи сирлари» пъесалари билан бу жанрни бойитди. 20- йиллар драматургияси хазинасига Фитрат ҳам салмоқли ҳисса қўшди.

Фитрат «Абулфайзхон», «Восе қўзғолони», «Арслон», «Чин севиши», «Абумуслим», «Оғузхон», «Ҳинд ихтилоҷилари», «Шайтоннинг тангрига исёни», «Темур сағанаси» каби драматик асарларнинг муаллифидир. Бу пъесалардан Фитратнинг истеъдодли драматург бўлганлиги, унинг жаҳон прогрессив адабиётидан, хусусан, В. Шекспир драматургиясидан яхши хабардор эканлиги яққол сезилади.

Фитрат пъесаларининг аксарияти ўтмиш мавзуларида ёзилган. Чунончи, «Абулфайзхон» (1924) беш пардали тарихий фожиа бўлиб, унда XIII аср ҳаётига оид воқеалар қаламга олинган. Абулфайзхон, Но-диршоҳ ва Раҳимбей ҳукмронлиги давридаги кескин воқеа-ҳодисалар, хиёнату сотқинликлар, тахт-тоҷ учун олиб борилган қирғинбарот жанглар, қонхўрликлар акс эттирилиб, хонлик тузуми аёвсиз фош этилган. Бир хон ҳайдалиб унинг ўрнига иккинчиси келиши билан мамлакат ва ҳалқ аҳволи ўзгармайди; мамлакат ва ҳалқ ҳаётини яхшилаш учун ижтимоий тузумни тубдан ўзгартириш лозим деган фикр фожианинг умумий руҳига сингдириб юборилган.

Фожианинг асосий образи Абулфайзхон тарихий шахс бўлиб, драматург ўтмиш ҳаёт ҳақиқатини очишда, пьеса сюжетига асос бўлган кескин зиддиятни ёритишида шекспирона маҳорат намунасини кўрсатган. Айниқса, аштархонийлар сулоласига мансуб бўлган Абулфайзхон билан Эрон ҳукмдори Нодиршоҳ ва сотқин Раҳимбей ўртасидаги таҳт-тож учун кескин кураш ёрқин кўрсатилган. Асарнинг бош қаҳрамони Абулфайзхон мураккаб образ. У юмшоқ табиатли золим, шафқатсиз ва майший бузуқ шахс. Ўша феодал жамият, подшоҳлик салтанати уни ёвуз, қотил ҳукмдорга айлантирган. Абулфайзхон на халқни, на Ватанинни севади, на содиқ дўстни ва на оға-инини қадрлайди. Унда на ирова, на эътиқод, на инсоф-адолат бор. Ана шунинг учун ҳам Абулфайзхоннинг ҳар бир сўзидан қоғ-заҳар томади. У «ўлдираман, ўлдираман. Дунёда битта душманим қолмагунча қон тўкаман. Улфатнинг сўзи тўғри: подшоҳлик қон билан сугорилатургон бир ёғочдир»,— дейди.

Абулфайзхон характерида ёвузлик билан кўрқоқлик, хиёнат билан шубҳа-гумон, олчоқлик билан талвасаю тавба-тазарру узвий боғлиқ ҳолда намоён бўлади. Зотан, драматург Абулфайзхоннинг руҳий ҳолатини, иккиланишларини, ички кечинмаларини, баъзан виждан қийноқларидан азобланишларини ҳам жонли ва ишонарли қилиб кўрсатган. Воқеа давомида Абулфайзхон «Мен бу ишлардан бездим... Қон тўқмакдан-да бездим. Акамни ўлдурдим. Кўп дўстларимни ўлдурдим. Мени бир ота каби асрарон Фарҳод оталикнинг бошини оёғлар остинда кўрдим (кўзларини тутуб). Уф... Кўзларим қонга тўлди. Кечалар ухлай олмайман. Кўзларимни юмғоч, бутун ўлганлар, ўлдурганларим мени айлантуруб олалар, сираланиб ёнимдан ўталар. Мени қўрқутурлар, менга кулалар!» деб қилмишларига пушаймон бўлади.

Фожиада Абулфайзхонга қарама-қарши ҳолда Иброҳимбей образи берилган. У баҳодир саркарда, халқ фарзанди ва халқ нажоткори сифатида гавдалантирилган. Иброҳимбей Эрон подшоҳи Нодиршоҳ кўмагида Абулфайзхонни таҳтдан тушириб, унинг ўрнини эгаллаган сотқин Раҳимбейга қаратса: «Жияним, мен Абулфайзхон билан урушдим. Чунки ул ҳақсизлик қилган эди. Сиз бу кун ундан ортуқ ҳақсизлик қила турубсиз»,— дейди.

Асар халқпарварлик, адолатпарварлик рухи билан суғорилган. Иброҳимбей: «Мен бўлганда, Абулфайзхонни тушургач, қурултой чақирап эдим. Янги хон билан унинг оталигини эл бошлиқларининг кенгашлари билан белгилар эдим», — дейди.

«Абулфайзхон» фожиасининг сюжети тарихий фактларга мос бўлган кескин ва типик воқеаларга бой. У тил ва бадиий маҳорат жиҳатидан ҳам пухта. Асар ўткир ва сермаъно, таъсирили ва образли монолог ва диалоглардан ташкил топган.

«Абулфайзхон» ўзбек драматургиясининг 20- йилларда яратилган етук намуналаридан биридир<sup>1</sup>.

Фитратнинг «Арслон» (1926) драмаси «бурунги Бухоро хонлигига яшаган дехқонлар ҳаётидан олинган беш пардали драма» бўлиб, унда зиддият Арслон, Тўлғуной, Батур сингари меҳнаткаш халқ вакиллари билан Мансурбой, Зайнаб бойвучча, имом каби салбий кучлар ўртасида давом этади.

Драманинг бош қаҳрамони Арслон ориятли ва виждонли дехқон йигит. У ҳалол ишлаб, ҳалол яшашни истайди, ўз меҳнати билан тирикчилигини ўтказишга интилади. Бирок ҳаётдаги адолатсизлик, жабр-зулм ва нопоклик унинг белини синдиради, хонавайрон қиласи.

Бинобарин, Арслон: «Уф!.. Яшамоқ совуқ бир ҳазилмикан, билмадим. Бало устига бало. Қайгу устига қайғу!.. Биттасини талаша-талаша йўқотурсан. Иккинчиси, учинчиси босадур, уни узатмайин, тўртинчи бешинчиси, олтинчиси!.. Ўтган йил саккиз таноб еrim бор эди. Ҳаммасини экиб, катта-катта хирмонлар кўтардим. Бек солуғ деб, мулло вакф деб, дорғалар қавсан деб ҳаммасини олдилар. Ҳашарнинг «боқи»си дейдилар, сигиримни сотиб бердим. Бир йилда икки йўла шариатга ишим тушди. Бойдан қарз сўрадим. Ерингни сотмасанг, пул йўқ деди. Тўрт танобини сотдим. Пулини қозининг одамларига улашдим!», — деб нола қиласи.

Драмада ўртаҳол дехқон Арслоннинг қашшоқланана бориши билан бирга, унинг онг-тушунчасида ўсиш-ўзгаришлар юз беради. Бу содда ва соғдил йигит воқеалар давомида ўсади, оқ-қорани фарқлайдиган, ижтимоий адолатсизликка қарши курашадиган диё-

<sup>1</sup> Эрик Каримов. «Абулфайзхон» тарихий драмаси ҳакида. «Шарқ юлдузи» журнали, 1989, 1-сон.

натли инсон, исёнкор қаҳрамон бўлиб етишади. Мансурбой қўшниси Арслоннинг ерига эга бўлиш ва унинг севгилиси Тўлғунойга уйланиш мақсадида йигитга тухмат қилиб қаматади. Асосий тирикчилик манбаи бўлган еридан ажралиб, хонавайрон бўлган Арслон қамоқдан қайтгач, Мансурбойни ўлдириб,adolatsiz ва имонсиз золимлардан қасос олади.

«Арслон» драмаси таъсири ва қизиқарли ёзилган бўлиб, ундаги асосий образлар характери, хусусан, Арслон, Тўлғуной, Мансурбой ва Имом характери жонли ва тўлақонли чиққан. Асарда персонажлар тили ва тушунчаси тўла индивидуаллаштирилган. Унда кулгили воқеалар ва сўз ўйинлари мавжуд. Бой билан бойвуччанинг диалогини беришда драматург сўз ўйинларидан ўринли фойдаланган. Зайнаб ўз ўйнаши Имомни бойга «холам» деб таништиради. Драматург бундан сўз ўйини ясаб бой ва бойвуччани фош этади.

Тўғри, Фитрат пьесаларининг гоявий-бадиий савияси ва тарбиявий-эстетик аҳамияти бирдек эмас. Уларнинг айримларида ҳар хил нуқсонлар бор.

20-йилларда Комил Яшин, Зиё Сайд, Хуршид, Гулом Зафарий каби ёшлар ҳам драматургия соҳасида ижод қилдилар. К. Яшин «Кар қулоқ», «Тенг тенги билан», «Лолаҳон» сингари кичик-кичик саҳна асарлари ёзиб, драматургия соҳасида малака ҳосил қилгач, «Икки коммунист» (1928) драмасини яратди. Гулом Зафарий эса «Етим ва етима», «Тилак» «Баҳор», «Бинафша», «Ҳалима» каби пьесаларида ижтимоий ҳаётдаги ранг-баранг воқеа-ҳодисаларни акс эттиради. Эски урф-одатларни фош этиб, янги даврнинг муҳим гояларини илгари суради. Гулом Зафарий пьесалари орасида «Ҳалима» музикали драмаси гоявий-бадиий пишиқлиги билан ажралиб туради. Пьесада бадавлат оиласдан чиққан Ҳалима билан камбагал косиб йигит Неъматнинг эҳтиросли севгиси, ижтимоий тенгсизлик ва эски урф-одатларнинг тўсқинлиги туфайли бу икки ёшнинг муроду мақсадларига ета олмаганлиги ва фожиали тақдирли таъсири қилиб кўрсатилган. «Ҳалима» — 20-йилларнинг машхур пьесаларидан бири. Бироқ, пьесада гоявий-бадиий нуқсонлар учрайди.

Зиё Сайд ва Мўминжон Муҳаммаджон ўғлининг «Қонли кун» пьесасида 1916 йилда ўлкамизда бўлиб ўтган миллий озодлик ҳаракати (Тошкентда юз берган воқеалар) кўрсатилган. Лекин асарда қўзғолоннинг

ижтимоий илдизлари чуқур очилмаган, унда схематизм аломатлари бор.

Мумтоз адабиётимизда ва халқ оғзаки ижодида мавжуд бўлган сюжетлар асосида ҳам пьесалар яратилган. Хуршид Алишер Навоий достони асосида «Фарҳод ва Ширин», Фузулий асари асосида «Лайли ва Мажнун» музикали драмаларини ёзди. Чўлпон эса фольклор сюжети асосида «Ёрқиной» драмасини яратди.

Шуни ҳам айтиш керакки, 20- йилларда шеъриятда ва насрда бўлганидек, драматургияда ҳам мафкуравий кураш давом этди. Ана шу кураш жараёнида янги ўзбек драматургияси шаклланиб, дастлабки ютуқлар қўлга киритилди. Бу муваффақиятлар тематик доиранинг кенглиги, гоявий мазмунининг янгилигидагина эмас, балки шакл ва жанр ранг-баранглигига ҳам намоён бўлди. Дарҳақиқат, 20- йиллар драматургиясида драма, музикали драма, комедия, фожия, инсценировкалар вужудга келди.

Шундай қилиб, Октябрь инқилоби, фуқаролар (гражданлар) уруши, халқ хўжалигини тиклаш ва қайта қуриш даври ўзбек адабиёти, ўз моҳияти билан адабиётимиз тарихида алоҳида ўрин тутади. Бу даврда ҳозирги замон ўзбек адабиёти туғилди ва янги турдаги адабиёт сифатида шаклланди.

#### АДАБИЁТЛАР

1. Ўзбек совет адабиёти тарихи очерки, I том, Тошкент, «Фан», 1961.
2. М. Юнусов. Традиция ва новаторлик проблемаси. Тошкент, «Фан», 1965.
3. Ўзбек совет адабиёти тарихи, I том, Тошкент, «Фан», 1967.
4. Б. Қосимов. Излай-излай топғанларим. Тошкент, Рафур Гулом номидаги Адабиёт ва санъат нашриёти, 1988.
5. Ўзбек совет адабиёти тарихи, Тошкент, «Ўқитувчи», 1990.

## II. ЯНГИ ЖАМИЯТ ҚУРИШ УЧУН КУРАШ ЙИЛЛАРИДА ЎЗБЕК АДАБИЁТИ (1929—1941)

Бу даврда халқларимизнинг фидокорона кураши ва қаҳрамонона меҳнати туфайли мамлакат халқ хўжалигининг ҳамма соҳаларида ўзгариш ва янгилашиш рўй берди. Саноатдаги ўзгаришлар янги турдаги ишчилар синфини шакллантиришга олиб келди. Қишлоқ хўжалигининг колективлаштирилиши оқибатида деҳқонлар оммасининг ҳаёти ва руҳиятида ўзгаришлар юз берди. Бу даврда фан ва маданият, адабиёт ва санъатда ҳам кўпгина янгиликлар бўлди. Халқимиз ёппасига саводхонга айланди. Аммо, бу даврда мамлакатимизда мудҳиш ижтимоий иллат — шахсга сигиниш кенг томир ота бошлади. Натижада мамлакат халқ хўжалигининг кўп соҳаларида адолатсизликка ва қонунбузарликка йўл қўйилди. Минг-минглаб соф вижданли кишилар сталинизм таъқибига учраб, беҳуда қурбон бўлдилар. А. Қодирий, Чўлпон, Фитрат, Усмон Носир, Сўфизода, Боту сингари ноёб истеъдод соҳиблари ноҳақ равишда «халқ душмани» деб эълон қилиниб, маҳв этилди. Қисқаси, Сталин шахсига сигиниш мамлакат ва халқ бошига катта зиён-захмат етказди.

Бу даврда адабий ҳаётда муҳим воқеа юз берди. Мамлакат ёзувчиларининг Бутуниттифоқ Биринчи съездига (1934) бўлиб ўтди. Бу съездга Ўзбекистондан С. Айний, F. Ғулом, Файратий, Ойдин, X. Шамс, Зиё Сайд, Р. Мажидий, К. Яшин, Н. Сафаров каби ёзувчилар делегат сифатида иштирок этдилар.

Ёзувчиларнинг Бутуниттифоқ биринчи съездига олдидан қардош жумҳуриятлар ёзувчиларининг съездлари бўлиб ўтди. Уларда бадиий адабиёт тараққиётiga доир муҳим масалалар муҳокама қилинди. Чунончи, Ўзбекистон ёзувчиларининг Биринчи съездига (1934)да ёзувчи Раҳмат Мажидий «Адабий ҳаракатни қайта қуриш якунлари ва республика ёзувчиларининг вазифалари» ҳақида маъруза қилди. Шунингдек, съездда Назир Сафаров ташкиллий масалалар хусусида, Зиё Сайд драматургия ҳақида, Анқабой эса ёш ёзувчиларнинг ижоди тўғрисида қўшнимча маъруза қилдилар.

адабиётининг етакчи хусусиятлари ва ёзувчилар олдида турган вазифалар ҳақида сўзлади.

Ўзбекистон ёзувчиларининг иккинчи съездига (1939) Эминжон Аббоснинг «Ўзбек адабиётининг вазифалари тўғрисида»ги маъruzасини, шунингдек Воҳид Зоҳидовнинг қўшимча маъruzасини тинглади. Съездда Олим Шарафиддинов «Алишер Навоий ва адабий мерос ҳақида»,Faafur Fулом «Ўзбек халқ оғзаки ижоди ҳақида» маъруза қилдилар. Иккинчи съезд қизгин мунозаралар ва кескин тортишувлар асосида ўтди.

Бу даврда қардош ва дўст халқлар адабиётлари ўртасидаги ижодий алоқалар ва ўзаро таъсир кучайди. А. С. Пушкин, Т. Шевченко, Ш. Руставели, А. Навоий каби буюк шоирларнинг юбилейлари мамлакатимизда тантанали нишонланди. Шунингдек, бу даврда бадиий таржима ишлари яхшиланди. А. Пушкин, М. Лермонтов, А. Чехов, Л. Толстой, М. Горький, В. Маяковский, М. Шолохов, Н. Островский каби рус ёзувчиларининг кўпгина асарлари ўзбек тилига таржима қилинди. Шу билан бирга, ўзбек адабиётининг баъзи намуналари рус ва бошқа қардош халқлар тилларига ўтирилди. Таржимачилик ўзбек адабиётининг дунё миқёсида танилишида ижобий роль ўйнади.

\* \* \*

30-йилларда ҳаётимизда рўй берган ўзгаришлар билан боғлиқ ҳолда ўзбек шеъриятининг тематик доираси ҳам кенгайди, у янги даврнинг йилномасига ва кўзгусига айланади.

Агар 20-йилларда шеъриятимизда Октябрь инқи lobinи қутлаш, ички ва ташқи душманларга қарши кураш, ер-сув ислоҳоти, хотин-қизлар озодлиги, хурофот ва жаҳолатни фош қилиш мавзулари асосий ўринни эгаллаган бўлса, 30-йилларга келиб колхоз қурилиши, қулоқларга қарши кураш, маданий инқилоб, саноат равнақи, эркин меҳнат, халқлар дўстлиги, ватанпарварлик каби замонавий мавзулар тобора кенгроқ тасвиirlана бошланди.

20-йилларнинг иккинчи ярмида ўрганиш ва изла-ниш даврини ўтаган Faafur Fулом, Ҳамид Олимжон, Ойбек, Уйғун, Миртемир, Гайратий, Шайхзода сингари шоирлар бу даврда ўсиб, ижодий камолотта етдилар, натижада поэзиямизда 30-йилларда «Диёrim», «Халқ»

(Чўлпон); «Турксиб йўлларида», «Яловбардорликка» (F. Фулом); «Ўзбекистон», «Куйчининг хаёли», «Ўрик гуллаганда» (Х. Олимжон); «Тонгти бўса», «Куз қўшиқлари» (Уйғун); «Фанга юриш», «Днепрострой», «Ўзбекистон» (Ойбек) каби кўпгина замонавий шеърлар пайдо бўлди. Бу асарларда кишиларимизнинг ҳисторийгулари, орзу-умидлари, меҳнат фаолиятлари, улуғ мақсад учун курашлари акс эттирилган.

30-йилларга келиб ўзбек шеъриятида шакл ва мазмун соҳасида бир қанча янгиликлар вужудга келди. Кўплаб чуқур мазмунли поэтик асарлар яратилди. Меҳнаткаш халқ образи ҳамма жанрларда, жумладан, лирикада ҳам асосий ўринни эгаллади. Шеъриятнинг бундай хусусиятлари Чўлпон, Х. Олимжон, Ойбек, F. Фулом, Уйғун, Файратий, Шайхзода, Миртемир сингари забардаст шоирлар ижодидагина эмас, балки 30-йилларда адабиётга кириб келган Усмон Носир, Амин Умарий, Ҳасан Пўлат, Султон Жўра, Темур Фаттоҳ, Зулфия каби ёш истеъдодларнинг асарларида ҳам яққол кўрина бошлади. Бу ўринда X. Пўлатнинг «Мен баҳтиёр», «Жангчи», «Вақтим чоғ», А. Умарийнинг «Ёшлиқ», «Шодлик», «Орденли комсомоллар қўшиғи», С. Жўранинг «Шодлигим», «Очиқ чеҳралар» сингари лирик шеърларини эслаш мумкин.

Ҳасан Пўлатнинг «Мен баҳтиёр» шеърида асар гояси лирик қаҳрамоннинг ички кечинмалари, кўтаринки руҳи тасвири орқали жозибали ифодаланган.

Лирикамизнинг бундай намуналарини оловқалб Усмон Носир (1912—1944) ижодидан ҳам келтириш мумкин. Зеро, Усмон Носир ижоди жўшқин ва жозибадор лирик шеърларга бой. Шоир севги-маҳаббат, қундалик майший турмуш мавзуларинигина эмас, балки катта-катта ижтимоий масалаларни ҳам илиқ лирик мисраларда ёқимли ифодалаб, муҳим гояларни ўқувчилар қалбига етказади. Шоир шеърият халқقا ва она юртга беминнат хизмат қилиши лозимлиги ҳақида-ги поэтик фикрни лирик мисралар қучоғига сингдириб юборади. Зотан Усмон Носир ростгўй шоир сифатида Ватан ва халқ манфаатини ҳамма нарсадан устун қўяди. Ана шунинг учун ҳам «Гулзор — чаман боғларга» шеърида «агар, даркор бўлса ҳар чоқ, чорласа Ватан, қўйл ёзмаларимни ташлаб, шинель кияман»,— деб хитоб қиласади. «Юрак» шеърида бутун борлигини халқقا, жамиятига багишлаш, она-Ватанга садоқат билан ҳалол

хизмат қилиш, эл-юрт тузини оқлаш ғоясини ёрқин ва оригинал шаклда ифодалайди:

Сенга тор келди бу кўкрак,  
Севинчинг тошди қирғоқдан,  
Тилим чарчар, ажаб, гоҳи  
Сени таржима қилмоқдан.

Сен эй, сен — ўйноқи дилбар,  
Зафардан изла ёрингни,  
Тўлиб қайна, тошиб ўйна,  
Тирикман, куйла борингни!

Итоат эт!  
Агар сендан  
Ватан рози эмас бўлса,  
Ёрил, чақмоқقا айлан сен,  
Ёрил! Майли, тамом ўлсам!..

Усмон Носир лирикасида ҳаёт ҳақиқати самимият билан тасвирланади. Шоир кишиларимизнинг ҳистойғуларини, орзу-истакларини ёрқин ифодалаб, эзгу ғояларни илгари суради. Масалан, «Оқ ювиб, оқ тараб...» шеъридаги лирик қаҳрамон ўзининг янги замонга бўлган меҳр-муҳаббатини қуидагича изҳор этади:

Оқ юволмай, оқ таролмай  
Ўтган бўлсанг, она,  
Оқ ювиб, оқ тараб  
Катта қилди замона.

Усмон Носир шеърияти лирик йўл билан ёқимли ва таъсирили қилиб ифодаланган чуқур мазмунли бундай поэтик фикрларга, фалсафий умумлашмаларга сероб. «Йўлчи» шеърида шоир инсон ва ҳаёт ҳақида мушоҳада юритиб, мақсад сари астойдил интилиш ва ҳалол меҳнат қилиш ғоясини олға суради:

Чу, қора тойчогим! Чу, қора йўргам!  
Муродга қасд қилиб юргран етур.  
Бўронни севмаса, дил нечун тепур?  
Тириклик не керак bemехнат, бегам?!

Чу, қора йўргам!

Усмон Носир шеърияти шакл жиҳатидан ҳам етук ва гўзал. Шоир асарларининг тили ҳалққа яқин ва жуда тушунарли бўлганидек, образлилиқ ва теранлик жиҳатидан ҳам ўқувчиларни мафтун қиласи даражададир.

Усмон Носир манзара лирикасининг устасидир. Шоир табиат гўзалликларини, табиат тобланишларини синчковлик билан қузатади ҳамда уларни ёқимли ва образли қилиб тасвирлайди:

Боғларга намозгар  
Салқин тушди.  
Гуллар нам баргини  
Қайирди аста.  
Офтоб ҳам сув ичар  
Тоғлардан пастда,  
Лоладек қип-қизил  
Ўт шафак учди.

Бундай жонли, ҳаққоний ва гўзал тасвирларни Усмон Носирнинг «Қуёш билан сухбат» (1932), «Сафар сатрлари» (1932), «Тракторобод» (1934), айниқса «Юрак» (1935), «Меҳрим» (1936) шеърий тўпламларидан яна кўплаб келтириш мумкин.

Шундай қилиб, Усмон Носир асарлари мисолида кўрганимиздек, 30-йилларда ўзбек лирикаси жиддий ютуқларга эришди. Шу билан бирга, баллада ва достон жанрларида ҳам маълум муваффақиятлар қўлга кири-тилди.

Дарҳақиқат,Faфур Ғуломнинг «Икки васика», «Тўй», Уйғуннинг «Гуласал», Ҳамид Олимжоннинг «1924 йилнинг 21 январида Самарқанд» каби балладалари 30-йилларнинг маҳсули бўлиб, уларда лирик кечинмалар билан эпик кўламдорлик узвий қўшилиб кетган. Бу асарларда кишиларимизнинг характеристи, олижаноб фазилатлари, ҳаётга бўлган муҳаббату садоқатлари лиро-эпик усулда ифодаланган.

30-йилларда ўзбек шеъриятида замон тақозосига кўра янги турдаги реалистик достончилик вужудга келди ва ҳаёт билан мустаҳкам алоқада ўса борди.

Маълумки, ўзбек мумтоз адабиётида достон жанри ривожланган. Ўтмиш адабиётимизда достончиликнинг «Муҳаббатнома» (Хоразмий), «Гул ва Наврўз» (Лутфий), «Фарҳод ва Ширин», «Лайли ва Мажнун» (А. На-воий), «Юсуф ва Зулайҳо» (Дурбек), «Шайбонийнома» (Муҳаммад Солих) каби ажойиб намуналари мавжуд. Ана шу анъаналар заминида жаҳон поэмачилиги тажрибаларидан ижодий озиқланиш йўли билан адабиётимизда янги турдаги поэмачилик яратилди.

Дарҳақиқат, ҳозирги поэмачилик ўтмишдаги дostonчиликдан ўзининг тематик доираси, ғоявий мазмунни ва тасвир объекти билан ҳам, шунингдек, тасвир услуби билан ҳам фарқ қиласи. Янги поэмачилик сюжетининг ихчамлиги билан мумтоз достончиликдан ажралиб турганидек, оддий меҳнат кишисининг кундалик ҳаётини ва унинг орзу-умидларини акс эттириши жиҳатидан ҳам янгича характерга эга. Ҳозирги поэмаларнинг асосий қаҳрамони ҳаётий кишилар — меҳнаткаш ҳалқ вакиллари. Янги поэмачиликнинг ғоявий мазмунини ҳалқимизнинг янги жамият қуриш ўйлида олиб борган курашлари, бунёдкорликлари, интилишлари ва орзу-умидлари ташкил этади. 30- йилларнинг маҳсули бўлган «Зайнаб ва Омон» (Х. Олимжон); «Дилбар — давр қизи», «Темирчи Жўра» (Ойбек); «Номус» (Миртемир); «Донгдор пахтакор», «Қобил», «Мехрибонлар» (Х. Пўлат) каби достонларда бу хусусиятлар яққол гавдаланади.

30- йиллардаги ўзбек поэмачилигининг тематикаси кенг ва ранг-барамандир. Энг муҳими шундаки, бу давр поэмаларининг аксарияти янги воқелик тасвирига, замонавий мавзуларга бағишланган.

30- йилларда ўзбек эпик шеърияти шеърий эртакчилик тарзида ҳам ривожланди. Бундай поэмачилик тараққиётига Ҳамид Олимжон («Ойгул билан Бахтиёр», «Семурғ»); Султон Жўра («Қалдирғоч», «Ҳаворанг гилам»); Зафар Диёр («Янги эртак», «Нега хўроз қиҷқиради тонггача») каби шоирлар қимматли ҳисса қўшдилар. Эртак-достонларда жанр имкониятлари доирасида муҳим ҳаётий масалалар акс эттирилди. Султон Жўранинг «Қалдирғоч» эртак-достонида она-Ватанимизнинг ҳурлик ва тинчлик макони экани зўр маҳорат билан кўрсатилган. Асарда тасвирланишича, куз фаслида мамлакатимиздан жанубга учиб кетган қалдирғоч қаерга борса, уруш, қон, очлик-яланғочлик ва зулмни кўради. Қалдирғоч ҳеч қаердан ўзига тинч жой тополмай яна Ватанимизга қайтади ва шундай деб сайдайди:

— Эҳ... ҳур Ватан! Жон Ватан!  
Кицда ҳам жонажонсан.  
Илитувчи нуринг бор,  
Бизга иссиқ ўрнинг бор.

Бироқ, 30- йиллар шеъриятида мадҳиябозлиқ, совет воқелигини асоссиз равишда безаб-бўяб, ҳаддан ошириб мақтаб тасвирлаш, Сталин шахсига сигиниш каби нуқсонларга ҳам йўл қўйилди. Шоирлар жамоаси яратган шеърий «Хат»ларда, шунингдек, «Башар қўёшига», «Сосо», «Нима бизга Америка», «Бахтлар водийси» (Ҳ. Олимжон), «Коммунизмнинг гул боғлариға» (Ўйғун) каби шеърларда бу нуқсон яққол кўринади. Бундан ташқари, 30- йиллар шеъриятида баъзан формализм ва натурализмдан қутула олмаслик, сохта новаторликка берилиш сингари камчиликлар ҳам учрайди. Э. Аббос, Эргаш, У. Исмоилий, Ш. Сулаймоннинг баъзи шеърларида бу қусур очик кўринади.

Умуман олганда, 30- йилларда ўзбек шеърияти кўп жиҳатдан ривожланиб, Иттифоқ бўйлаб танилди. Кўпгина шеърий асарлар мавзуининг ранг-баранглиги, ғоявий мазмунининг аниқлиги, образларининг ёрқинлиги, тил ва услубининг равонлиги, сюжетининг ҳаётийлиги билан китобхонлар оммасига манзур бўлди.

\* \* \*

30- йилларда ўзбек насли ҳаёт талабига монанд равишда ривожлана борди. С. Айний, Абдулла Қодирий, Чўлпон, Ойбек,Faфур Ғулом, Абдулла Қаҳҳор, Ойдин, Ҳусайн Шамс, Парда Турсун сингари ёзувчиларнинг самарали ижодий меҳнати туфайли ўзбек насрининг барча жанрларида қатор асарлар яратилди.

Бадиий очерк тўлақонли жанр сифатида шаклланди. А. Қодирийнинг «Фирвонли Маллабой ака», «МТС ячейкаси», F. Ғуломнинг «Зарборнинг туғилиши», «Оқ Жўранинг болалари», «Семурғ қанотида», «Эл қувончи», Ойдиннинг «Эл оғзида эртак», П. Турсуннинг «Мажлисда», «Дадажон раис», «Яйловда», «Тракторчи», Ҳ. Шамснинг «Довон ошганда», «Меҳнат — баҳт гарови» очеркларида жамоа хўжалик шароитидаги озод меҳнат туфайли ўз мақсадига эришган оддий меҳнаткаш инсонлар образи муҳаббат билан тасвирланган. Бу очеркларда янги ҳаётнинг фазилатларини кўрсатишга, ватанпарварлик ғояларини тарғиб қилишга алоҳида эътибор берилган.

Умуман бу давр очеркчилиги замон билан ҳамнафас бўлиб, мамлакатимиизда юз берәётган ўзгаришларни, янгиликларни зудлик билан тарғиб қилишда ва за-

мондошларимиз образларини адабиётга олиб киришда муайян ютуқларни қўлга киритди. Бироқ баъзи очерклар факт ва рақамларга кўмиб юборилди. Уларда бадиий бўёқ етишмайди ёки аксинча, айрим очеркларда саргузаштли воқеалар тасвирига маҳлиё бўлиб, қаҳрамонларнинг характеристикини очишга етарли аҳамият берилмайди (П. Турсун, Ҳ. Шамс, Н. Сафаров, Ойдиннинг баъзи очерклари бунга мисол бўлади).

30- йилларда насрда асар яратган адабилар, хусусан, А. Қодирий, Ғ. Ғулом, А. Қаҳҳор, Ойдин каби ёзувчилар эпик турнинг кичик ва ҳозиржавоб жанри — ҳикоячиликда ҳам баракали ижод қилдилар.

Маълумки, реалистик ҳикоячилик ўзбек адабиётининг 1917 йилдан кейинги даврда тўлиқ шаклланган ҳозиржавоб жанрларидан биридир. Бу жанр янги воқелик заминида, рус ва жаҳон реалистик ҳикоячилигининг самарали таъсирида майдонга келди. Шуниси қувончилики, Ўзбекистон халқлари ҳаётидаги ҳеч бир муҳим воқеа-ҳодиса ҳикоячиликнинг дикқатидан четда қолмади. Бу ҳол ўзбек ҳикоячилигининг мавзу доираси кенглигини, турмушга яқинлигини, унинг давр талабига ҳозиржавоблигини кўрсатади.

30- йиллар ҳикоячилигига ҳозирги замон тематикаси, хусусан, эскиликни фош қилувчи ва янгиликни ташвиқ этувчи асарлар салмоқли ўрин тутади. А. Қодирийнинг ҳажвиялари, Ғ. Ғуломнинг «Кулги ҳикоялар», А. Қаҳҳорнинг «Ҳикоялар», Ойдиннинг «Чақалоққа чакмонча», Файратийнинг «Қора юраклар», Ҳ. Шамснинг «Қалбаки ҳужжат» каби тўпламларига киритилган кўпгина асарлар бу давр ҳикоячилигининг яхши намуналаридан саналади.

Ўзбек ҳикоячилиги А. Қаҳҳор, Ғ. Ғулом, Ойдин, С. Абдулла асарлари тимсолида ўтмиш ҳаётни ёритишида ҳам жиддий ютуқларни қўлга киритди. «Ўғри», «Анор», «Бемор», «Хийлаи шаръий», «Ҳазил эмиш», «Ямоқчи кўчди» каби машҳур ҳикоялар худди шу даврнинг маҳсулидир.

Ўзбек реалистик қиссачилиги 30- йилларга келиб адабиётимизда мустаҳкам ўрин эгаллади. Бу даврда қисса жанрининг тематик доираси кенгайиши билан бирга гоявий-бадиий савиаси ҳам ўси. Замонавий мавзуда А. Қодирийнинг «Обид кетмон», Ғ. Ғуломнинг «Ёдгор», А. Қаҳҳорнинг «Ўтбосар», Файратийнинг «Оқим ҳукми», Шариф Ризонинг «Кор ёғди», излар

босилди», Мажид Файзийнинг «Хушёр ёшлар», Таласнинг «Партизанлар» каби қиссалари яратилди.

Бу қиссаларда халқ ва мамлакат ҳаётида юз берган ўзгаришлар, кишилар маънавиятида пайдо бўлган руҳий силжишлар ифодаланган. Хусусан, Мулло Обид, Бедли татар, Ўтбосар, Жўра ва Саодат каби образлар мисолида янги инсонларнинг шаклланиш жараёни ва фазилатлари ҳаққоний кўрсатилган.

Қиссачилигимизда ўтмиш мавзууга қизиқиш ҳам давом этди. «Шум бола» (F. Фулом), «Судхўрнинг ўлими» (С. Айний) каби қиссаларда ўтмиш мавзуи пухта ишланган. Фоявий-бадиий жиҳатдан бақувват бўлган бундай қиссалар китобхонлар қалбига жуда тез йўл топди.

Воқеликни кенг кўламда ва катта эпик планда акс эттирувчи роман жанрида ҳам анча ютуқлар қўлга киритилди. «Кеча ва кундуз» (Чўлпон), «Дохунда», «Қуллар» (С. Айний), «Қутлуғ қон» (Ойбек), «Сароб» (А. Қаҳҳор), «Хуциқ», «Душман» (Х. Шамс) каби хилма-хил романлар пайдо бўлди.

Бу даврдаги ўзбек романчилигига собиқ СССР халқлари адабиётида бўлгани каби, тарихий мавзуу кенг ишланди. Дарвоқе, А. М. Горький 30-йиллар адабиёти ҳақида гапириб, «Бизда кўз илгамаган ҳолда бадиий жиҳатдан юксак бўлган, чинакам тарихий роман яратилди... Ҳозирги вақтда А. Н. Толстойнинг ажойиб «Пётр I» романи, Чапигиннинг ипакдай товланувчи «Степан Разин», Георгий Штурмнинг талант билан ёзилган «Болотников ҳақида қисса», Юрий Тиняновнинг ғоят санъаткорона иккита романи «Кюхля» ва «Вазир Мухторнинг ўлими», яна Николай I даврини тасвирлаган бир қанча жуда муҳим китоблар юзага келди. Буларда ўтмишнинг ибрат бўладиган манзаралари маҳорат билан чизилди ва ўтмиш қатъий равища бошқатдан баҳоланди. Мен илгарилари 10 йил ичida шу қадар қимматли китоблар пайдо бўлганини сира билмайман»<sup>1</sup>, деган эди.

Горькийнинг бу сўzlари «Қуллар», «Қутлуғ қон», «Кечва кундуз» сингари ўзбек романларига ҳам тегишилдири. Негаки, бу романларда халқимиз тарихи-

<sup>1</sup> М. Горький. О литературе, М., «Советский писатель», 1953, 411-бет.

нинг турли босқичлари жозибадор ва реал акс эттирилган.

Шуни ҳам алоҳида қайд этиш керакки, 30- йилларда ўзбек романчилигига замонавий мавзулар ҳам ёритила бошланди. «Сароб» (А. Қаҳҳор), «Душман», «Хуқуқ» (Ҳ. Шамс) романларида инқилобдан сўнгги воқелик қаламга олинди. Хусусан, «Сароб»нинг яратилиши адабиётимизда қувончли воқеа бўлди. «Сароб» ўзбек адабиётида замонавий мавзуни тасвирлашга бағищланган тўнгич етук роман бўлиб, унда 20- йиллардаги ҳаёт, хусусан мафкуравий-сиёсий кураш маҳорат билан ёритилган.

30- йиллар ўзбек насрода гоявий-бадиий жиҳатдан пишиқ бўлмаган баъзи бир асарлар ҳам юзага келди. Шунингдек, саноат мавзуини, ишчилар ҳаётини акс эттирувчи эпик полотнолар яратилмади. Бундай нуқсонлардан қатъи назар 30-йиллар насли ўзбек адабиётининг ютуғи бўлиб, унинг тараққиётида янги босқич бўлди.

\* \* \*

Октябрь инқилоби, гражданлар уруши, халқ хўжалигини тиклаш ва мамлакатни қайта қуриш даврида ўзбек драматургияси соҳасида, асосан, Ҳамза Ҳакимзода, Фитрат, Гулом Зафарий, Хуршид, А. Авлонийлар фаол ижод қилган бўлсалар, 30- йилларда уларнинг анъаналарини К. Яшин, Собир Абдулла, Чўлпон, Зиё Сайд, Зиннат Фатхуллин, Назир Сафаров, Умаржон Исмоилий, Туйгун, Ислом Акрам ва бошқалар давом эттирилдилар.

30- йиллардаги ўзбек драматургияси тараққиётида К. Яшин етакчи роль ўйнади. Бу йилларда К. Яшин турли мавзуларда («Гулсара», «Номус ва муҳаббат», «Нурхон») гоявий-бадиий пишиқ асарлар яратди. «Гулсара» ва «Нурхон» пъесаларида хотин-қизлар озодлиги мавзуи ёритилган. «Номус ва муҳаббат» драмасида эса янги жамият ва янги инсон муаммоси кўтарилган, замонамиз қаҳрамонлари образлари яратилган.

Бу давр драматургиясида Зиё Сайд ва Н. Сафаровнинг «Тарих тилга кирди», З. Фатхуллиннинг «Ғунчалар», «Сотқинлар», Н. Сафаровнинг «Ўйгониш», И. Акрамнинг «Адолат», У. Исмоиловнинг «Рустам»,

«Пахта шумғиялари» каби пъесалари сезиларли ўрин тутади. Бу асарларнинг аксаияти («Тарих тилга кирди», «Сотқинлар», «Гунчалар», «Пахта шумғиялари») замонавий мавзуларга бағишланган.

«Тарих тилга кирди» пъесасида кескин келишмовчилик Темур, Иван, Рафик, Кўрқмас, Аҳмадшин каби ижобий образлар билан Бадрий,Faффорбай, Орипов, Анвар каби салбий образларнинг ўзаро тўқнашувлари ни тасвирлаш орқали ёритилган. Драмада иштирок этувчиларнинг ўз-ўзини фош қилиш усулидан ўринли фойдаланилган. Бадрий афандининг ўз ўлими олдидан сўзлаган монологи бу жиҳатдан жуда муваффақиятли чиққан. Бироқ пъеса схематизмдан холи бўлмаганидек, баъзи эпизодларда бадиийлик меъёр даражасида эмас.

Зиннат Фатхуллининг «Гунчалар» пъесасида давлатимизнинг етим болаларни тарбиялашдаги ғамхўрлиги ҳаққоний акс эттирилган. Бу музикали драмада асосий мавзу билан узвий боғлиқ ҳолда ички душманга (Мирзашароф Ахрорхўжаев, Жиянбой ва Рисолат образлари) қарши кураш, хотин-қизлар озодлиги мавзулари ҳам тўла-тўқис кўрсатилган. «Гунчалар» қувноқ юмор билан сугорилган бўлиб, анча таъсирили ёзилган.

Инқилобий ўтмиш ҳақида ёзилган «Уйғониш», «Рустам», «Адолат» каби пъесаларда меҳнаткаш омманинг зулм ваadolatsizlikka қарши олиб борган кураши жонли, таъсирили қилиб кўрсатилган. Шунингдек, уларда меҳнаткаш халқ синфий онгининг ўсиши ҳаққоний акс эттирилган. Масалан, Назир Сафаровнинг халқимизнинг 1916 йилги миллий озодлик ҳаракатини тасвирлашга бағишланган «Уйғониш» драмасида меҳнаткаш халқ инқилобий онгининг уйғониши ва ўсиши яққол ифодаланган.

Умаржон Исмоиловнинг «Рустам» пъесасига ҳам 1916 йилда ўлкамиизда бўлиб ўтган миллий озодлик ҳаракати билан боғлиқ бўлган воқеалар асос қилиб олинган. Унда ўзбек йигитларини мардикорликка олишдаги адolatsizliklar, мардикорларнинг фронт орқасида кечирган машаққатли ҳаёти, синфий тенгсизлик ва унинг аянчли оқибатлари кўрсатилган. Чор амалдорлари ва маҳаллий бойларнинг ўз қора ниятларини амалга ошириш йўлида ҳар қандай пасткашликдан ҳам қайтмасликлари очиб ташланган.

Драманинг бош қаҳрамони — косиб йигит Рустам. Асарда бу йигит онгининг ўсиб бориши, унинг ижтимоий ва миллий зулмга қарши курашдаги жонбозлиги ҳаққоний акс эттирилган. Драматург Рустамнинг исёнкорлик фаолияти мисолида халқимизнинг озодлик йўлида олиб борган кураш тарихини жонлантириб, ижтимоий адолатсизлик ва синфий тенгсизлик асосига қурилган, кишини киши томонидан эзишга қаратилган тузумни қаттиқ қоралайди. Драмада Рустамнинг пул ҳақидаги машҳур монологи ўша жамиятни фош этувчи ўткир айбнома сифатида акс садо беради.

Пул бўлса, пул бериб базм оласан,  
Пул бўлса, пул бериб имон оласан.  
Пул бўлса, пул бериб виждан оласан,  
Пул бўлса, пул бериб куръон оласан.  
Базм пул, виждан пул, хотинлар ҳам пул,  
Шариат, қошу кўз, ширин сўз ҳам пул.  
Жонлар пул, танлар пул, кўкраклар ҳам пул,  
Ҳаттоқи муҳаббат, юраклар ҳам пул...  
Пул бўлса, пул учун тизни чўксалар,  
Пул бўлса, пул учун ерни ўпсалар.  
Пул бўлса, пул учун одамни сўйиб,  
Қонидан кўчага сувлар сепсалар.  
Айтинг-чи, ким кучли — худоми ё пул?..

«Рустам» драмасидаги асосий образлар жонли ва тўлақонли чиққан. Асар тили бой, бадиий жиҳатдан пишиқ. Драма сюжети таъсири ва қизиқарли, ундаги драматизм ва конфликт ҳам кучли.

Ўзбек драматургиясида фольклор ва мумтоз адабиётимизда мавжуд бўлган сюжетлар асосида ҳам саҳна асарлари яратиш анъанаси давом этди. Собир Абдулланинг «Тоҳир ва Зухра», Туйғуннинг «Баҳодир», «Зулфизар», Аброр Ҳидоятовнинг «Аваз» каби музикали драмалари ана шу анъананинг меваси бўлиб, уларда (хусусан, «Тоҳир ва Зухра»да) ўтмиш ҳаётнинг кўп жиҳатлари ҳаққоний акс эттирилди.

30- йилларнинг охиrlарига келиб ўзбек драматурглари опера либреттоси ҳам яратса бошладилар. К. Яшиннинг «Бўрон» ва «Улуғ канал» либреттолари ана шу интилишнинг дастлабки самараасидир.

Шундай қилиб, 30- йиллар драматургияси — ўзбек адабиётининг жиддий ютуғидир. Бу даврда яратилган

кўпгина пьесалар кишиларимизни Ватанга муҳаббат, меҳнатсеварлик, қаҳрамонлик, инсонпарварлик, халқлар дўстлиги руҳида тарбиялашга хизмат қилди.

Хуллас, 30- йилларда ўзбек адабиёти ўз тарихининг янги босқичига кўтарилди. Адабиётда замонавий тематика асосий ўринга чиқди, замондошларимизнинг жонли образлари яратилди. Бу даврда адабиётда бадиий маҳорат сезиларли даражада ўсади. Натижада ўзбек адабиёти 30- йилларда гоявий-бадиий бақувват адабиёт сифатида кенг миқёсда танила бошлади.

Ўзбек адабиётининг 20- ва 30- йилларда эришган ютуқлари жамиятимиз тарихининг кейинги босқичларида, жумладан, Улуг Ватан уруши даврида мустахкамланди.

#### АДАБИЁТЛАР

1. Ўзбек совет адабиёти тарихи очерки. I том, Тошкент, «Фан», 1961.
2. Ўзбек совет адабиёти тарихи. II том, Тошкент, «Фан», 1971.
3. Ҳомил Ёкубов. Сайланма. I том, Тошкент, Гафур Гулом номидаги Адабиёт ва санъат нашриёти, 1983.
4. Ўзбек совет адабиёти тарихи. Тошкент, «Ўқитувчи», 1990.

### III. ВАТАН УРУШИ ВА УРУШДАН КЕЙИНГИ ДАСТЛАБКИ ЙИЛЛАРДА ЎЗБЕК АДАБИЁТИ (1941—1956)

#### 1. Уруш йилларида ўзбек адабиёти (1941—1945)

1941 йил 22 июнда фашистлар Германияси ҳужум қилимаслик тўғрисида тузилган шартномани қўпол равишда бузиб, СССРга қарши хиёнаткорона уруш бошлади. Қўп миллатли совет халқи фашист босқинчиларига қарши Ватан урушига отланди. Халқимиз бутун қуч ва имкониятларини ёвуз душман устидан ғалаба қозонишга сафарбар этди. Ватан уруши даврида мамлакатимиз ўзига хос ҳарбий лагерга айланди. «Ҳамма нарса фронт учун, ҳамма нарса ғалаба учун» шиори уруш давридаги ҳаётимизнинг асосий даъвати бўлиб қолди.

Ўзбек халқи собиқ СССРдаги барча халқлар қатори Ватан уруши даврида ўзининг ватанпарварлик бурчини шараф билан ўтади, буюк тарихий ғалабага катта ҳисса қўшди.

Ватан уруши адабиётимиз олдига янги, долзарб вазифалар қўйди. Бу давр ҳар бир ёзувчининг халқ ва она-Ватан олдидаги вижданний бурчини бажаришида қаттиқ синов бўлди. Мамлакатимиздаги барча халқлар-

нинг ёзувчилари душманга қарши умумхалқ курашида фаол иштирок этдилар. Мингдан зиёд ёзувчи қўлига қурол олиб, фашизмга қарши жанг қилди, жанговар фронт рўзномаларида ишлади, ҳарбий мухбир сифатида ўқ ёмғирлари остида окондан окопга ўтиб, жанговар топшириқларни бажарди, аскарларимизни ботирларча жанг қилишга унади.

Ватан урушида ёзувчилар ватанпарварликнинг ажойиб намуналарини кўрсатдилар. Бу урушда юзлаб ёзувчи ва адабиётшуносларимизнинг қони тўкилди. Муса Жалил, Аркадий Гайдар, Султон Жўра, Олим Шарофиддинов, Ҳасан Сайд сингари истеъододли ижодкорлар фашизмга қарши жангда ҳалок бўлдилар. Бу ёзувчилар ўзларининг ҳаётлари эвазига жамиятилизни, миллионлаб бегуноҳ кишиларнинг ҳаётларини сақлаб қолишга муносиб ҳисса қўшдилар.

Ватан уруши адабиётнинг мавзу доираси ва гоявий муандарижасига катта ўзгариш киритди. Натижада адабиётимизда она-Ватан мудофааси билан бевосита боғлиқ бўлган ватанпарварлик, қаҳрамонлик, дўстлик мавзулари асосий ўринни эгаллади. Агарда 30- йиллар ўзбек адабиётида тинч ва эркин меҳнат асосий мавзуни ташкил этган бўлса, уруш даврига келиб, адабиётимизнинг асосий мавзуи ватанпарварлик ва қаҳрамонликдан иборат бўлди. Бу даврда ёзувчиларимиз ҳалқларимизнинг ёвуз душманга қарши олиб борган қаҳрамонона курашларини ва фронт орқасидаги фидокорона меҳнатларини тасвирлаш орқали ватанпарварликнинг улуғвор кучини намойиш қилдилар.

Ўзбек ёзувчилари уруш даврида икки фронтда жанг қилдилар. Улардан бир қисми бевосита жанг майдонида, иккинчи қисми эса меҳнат майдонида душманга қарши курашди. Султон Жўра, Ҳасан Сайд, Олим Шарофиддинов, Назир Сафаров, Зиннат Фатхуллин, Парда Турсун, Иброҳим Раҳим, Шароф Рашидов, Илёс Муслим, Мамарасул Бобоев, Адҳам Раҳмат, Мумтоз Муҳамедов, Мирзакалон Исмоилий, Назармат, Шуҳрат, Суннатилла Анорбоев, Жуманиёз Шарипов, Султон Акбарий, Адҳам Ҳамдам, Душан Файзий, Баҳром Раҳмонов, Заҳиджон Обидов, Тўғон Эрназаров сингари 50 дан зиёд ўзбек ёзувчиси фронтда иштирок этди: бир қўлида жанговар қурол, бир қўлида ўткир қалам билан душманга қарши жанг қилди.

Ватан уруши йилларида Ўзбекистонда ҳарбий-мудофаа мавзуларида «Ўлим ёвга», «Ватан учун» (1941);

«Мард ўғил», «Шонли Ленинград» (1942); «Ўзбеклар», «Ватан чақиригига жавоб», «Газаб қўшиқлари» (1943); «Армугон», «Ватан жонбозларига», «Ўзбекистон баҳодирлари», «Қасам» (1944) сингари адабий-бадиий тўпламлар нашр этилди. Бу тўпламларда ўзбек ёзувчилари билан бирга А. Толстой («Фидокорлик»), И. Эренбург («Ўзбеклар»), В. Василевская («Истеҳкомни забт этган қаҳрамон»), Л. Первомайский («Қардошлиқ»), Ефим Дорош («Фарғонанинг қора куни»), К. Чуковский («Ленинград дўстлари»), В. Луговской («Ўзбекистон») сингари рус, украин, беларус ёзувчилари ҳам ўз асарлари билан қатнашдилар.

Уруш даврида ўзбек ёзувчиларининг бошқа халқлар ижодкорлари билан дўстлик алоқалари, адабий ҳамкорликлари ҳар қачонгидан ҳам кучайди. Айниқса, уруш даврида Ўзбекистонда яшаб ижод этган Алексей Толстой, Анна Ахматова, Микола Бажан, Пабло Тичина, Андрей Малишко, Николай Погодин, Н. Верта, Я. Колас, Б. Лавренев, В. Смирнов, В. Луговской, В. Ян, К. Чуковский, Л. Пеньковский сингари рус, украин, беларус сўз усталари ўзбек ёзувчилари билан мустаҳкам алоқада бўлдилар, ижодий ҳамкорлик қилдилар. Бу ҳақда таникли беларус шоири Якуб Колас қўйидагиларни ёзган эди:

Оғир уруш соатларида  
Сен менга ҳам бердинг макон — уй,  
Биз ўзбек-ла сўзлашдик бирга,  
Ҳам янгратиб жанг ҳақида куй,  
Бир қилични бирга қайрадик,  
Йиртқич ёвга бермадик омон.  
Қайгулардан мени шод этдинг,  
Меним оғам, сен Ўзбекистон<sup>1</sup>.

Уруш даврида Ўзбекистонда яшаган рус, украин, беларус ёзувчилари ўзбек ижодкорларининг бир қанча асарларини ўз она тилларига таржима этдилар. Шунингдек, улар ўзбек адабиёти масалаларини илмий тадқиқ қилиш соҳасида ҳам фаоллик кўрсатдилар. К. Зелинский, В. Жирмунский, Е. Э. Бертельс, Ал. Дейч каби олимлар ўзбек мумтоз ва ҳозирги замон адабиёти, фольклори ҳақида илмий асарлар яратдилар.

<sup>1</sup> «Шарқ юлдузи» журнали, 1946, 5—6-сон, 145-бет.

Ўзбек адиблари Н. Погодин, Б. Лавренев, В. Жирмунский, Ал. Дейч билан ҳамкорликда бир қатор бадиий ва илмий асарлар яратдилар. Ҳ. Олимжон, Уйғун, С. Абдулла Николай Погодин билан биргаликда «Ўзбекистон қиличи» пьесасини ёздилар. Фольклоршунос олим Ҳоди Зарипов В. М. Жирмунский билан ҳамкорликда «Ўзбек халқ қаҳрамонлик эпоси» монографиясини яратди. Ойбек билан Ал. Дейч биргаликда «Алишер Навоий» рисоласини ва бир қанча илмий мақолалар ёзиши.

1943 йил декабрь ойида Москвада ўзбек адабиёти декадаси бўлиб ўтди. Декада адабиётимиз учун жанговар кўрик бўлди; адабиётимизнинг замон талабларига ҳозиржавоблик кўрсатаётганлигини намойиш қилди.

Шундай қилиб, ўзбек адабиёти уруш даврида ўзининг барча куч ва имкониятларини буюк ғалабамизни таъминлашга сафарбар этди.

\* \* \*

Уруш даврида ўзбек шеъриятида ҳарбий-мудофаа мавзуи асосий ўринни эгаллади ва жанговар публицистик рух биринчи ўринга кўтарилиди. Ғафур Гулом, Ҳамид Олимжон, Уйғун, Ойбек, Шайхзода, Зулфия, Миртемир каби шоирларнинг публицистик шеърларида она-Ватанга оташин муҳаббат, ёвуз душманга ўтли нафрат, халқлар дўстлиги, ватанпарварлик, қаҳрамонлик ва инсонпарварлик гоялари самимият билан ифодаланди. «Шарқдан бораётирман» (Ғ. Гулом); «Она ва ўғил», «Қўлингга қурол ол!», «Ишонч» (Ҳ. Олимжон); «Зафар йўллари» (Ойбек); «Қураш нечун?», «Жанг ва қўшиқ» (М. Шайхзода) каби тўпламларга киритилган жанговар шеърий асарлар ана шундан далолат беради.

Шуни айтиш керакки, Султон Жўра, Гайратий, Собир Абдулла, Амин Умарий, Ҳасан Пўлат, Ҳасан Сайд, Зафар Диёр, Темур Фаттоҳ, Туроб Тўла каби шоирлар ҳам ҳарбий-ватанпарварлик мавзуларида яхши шеърлар ёздилар. Амин Умарийнинг «Қасос», «Ғалабанинг ўзи келмайди, дўстим», «Қирғин», «Қасамёд», «Қирувчи қиз», «Яша қадрдон», «Ленинград — қуёшли Ўзбекистон» каби оташин шеърлари уруш даври шеъриятининг етук намуналаридан ҳисобланади. Шоир ўз шеърларида ғалабага осонлик билан эришиб бўлмаслитини таъкидлаб, бундай деб ёзади:

Ғалабанинг ўзи келмайди, дўстим,  
Жон олиб, жон бериб, оласан уни.  
Тер тўкиб меҳнатда, қон ютиб жангда,  
Қалбингга ишқ каби соласан уни.

Амин Умарий қаламини найзага тенглаштириб, халқимизни курашга, жангчиларимизни ғалабаға ундар экан, илғор анъаналардан ижодий фойдаланиб, фашизмнинг халқ бошига битган бало эканини очиб ташлади.

Шоирнинг «Қасамёд» ва «Қирғин» шеърларида даврнинг жанговар руҳи пафос билан янграйди, кишиларимизнинг ҳис-туйғулари, дил сўзлари акс садо беради:

Қирғин,

қирғин.

Қирғин.

Муттаҳам босқинчи, шум ўғриларга,

Қирғин,

қирғин.

Қирғин.

Қон, суяқ бандаси — оч бўриларга.

Ҳасан Пўлат шеърлари Амин Умарийнинг ҳарбий лирикасига ҳамоҳангдир. Ҳасан Пўлат ўз асарларида, хусусан, «Юрак садоси» (1942) тўпламига кирган шеърларида Ўзбекистон халқининг ватанпарварлигини, қаҳрамонлигини тасвирлаб, адолат тантанасига, буюк ғалабамизга қатъий ишонч билдиради. Шоир, ҳатто, табиатни ҳам баттол босқинчиларга қарши ҳаёт-мамот курашига даъват этди. Ҳасан Пўлат табиатга мурожаат этиб, ёзади:

Истайманки,  
Ёвга санчилган  
Ханжар бўлсин майса ва ўтинг.  
Истайманки,  
Фашист устига  
Ўт ёндирысин кўкинг, булутинг.  
Истайманки,  
Ҳар бир япрогинг  
Ёв бетига ўт сачратган  
Энг қақшатқич шапалоқ бўлсин.

Ҳасан Пўлатнинг ҳарбий лирикаси («Баҳор», «Ватан», «Она», «Буғдой ўрамиз», «Мен ўзбек йигити», «Азиз ҳамшира», «Ўртоқ Ладунин» «Қизил танкист қўшиғи», «Қон», «Уч мард» кабилар) бадиий жиҳатдан ҳам гўзал асарлардир.

Ўзбек ҳарбий шеърияти хазинасиға фронтчи шоирлар ҳам муносиб ҳисса қўшдилар. Султон Жўра «Софиниб», «Софинчли салом» каби шеърларини ҳаракатдаги армия сафида туриб ёзган. Шеърий салом ҳат шаклида ёзилган бу асарларда шоирнинг ўз болаларига қаратса айтган соғинчли юрак сўзлари умумлашма характер касб этган.

«Софинчли салом» асарида фашистларнинг ёвуздиги «қонли қўйлакча» детали воситасида фош этилган. Шеърда фашистларнинг Варвара исмли қизчани ўлдириши ва ўликнинг устидаги қонли қўйлакчани ўлжа қилиб олиб кетишлари нихоятда таъсирли ифодаланган. Шеърнинг гоявий холосаси шундай:

Гиргиттон қизчаларим,  
Думалоқ юзчаларим,  
Ана шу Варварадай  
Қанча ёш болаларни,  
Болалик бўстонида  
Очилган лолаларни  
Ҳалок этган песлардан,  
Шу жаллод фашистлардан  
Жон учун жон оламан,  
Қон учун қон оламан.  
Хуллас, фашист ёвларни  
Тор-мор этиб батамом,  
Сўнгра, жигарбандларим,  
Ёнингизга қайтаман.

Фронтчи ёш шоир Ҳасан Сайднинг «Жангчининг қўшиқлари» (1941) тўпламига кирган «Биз енгамиз», «Марш», «Қасамёд», «Қирувчи», «Ўлим душманга», «Фармон кутаман», «Посбон сўзи», «Гражданман», «Лейтенант бўламан», «Буюк орзу» каби шеърлари окопларда ва блиндажларда ёзилган. Шоир: «Бу шеърни мен Максим пулемёти тагида ёздим. Мен бу шеърни ёзаётганимда ўнг қўлимда қалам ва чап қўлим пулемёт тепкисида эди. Узоқ-узоқларда снарядлар гумбурлаб ёриларди. Ёнаётган қишлоқлардан чиқаётган қора тутун буралиб-буралиб осмонга кўтари-

ларди»<sup>1</sup>, — деб қайд этган. Ҳасан Саид шеърларида гражданлик ва ватанпарварлик мотивлари жўшиб туради:

Фашизм тинч элга очди қонли жанг,  
Қилайлик ёвларнинг ҳолини биз танг.  
Мен ҳам фронтдаман, меҳрибон Ватан,  
Фидокор сен учун бу жон ҳам бу тан.

(«Қасамёд»,

Шуни қайд этиш керакки, уруш давридаги шеърия-тимизда бадиийлик даражаси пасайтан эмас. Негаки, шоирларимиз масаланинг бу томонини эътибордан соқит қилганлари йўқ. Улар ранг-баранг мавзуларни образли тарзда акс эттиришга интилиб, хилма-хил шакл ва усуллардан, жумладан, шеърий хат шаклларидан унумли фойдаландилар. Бу шеърий хатларда жангчининг ўз севгилисига ёки севикли қизнинг фронтдаги ёрига, ёхуд онанинг аскар ўғлига йўллаган мактублари воситасида уrush даврининг муҳим масалалари акс эттирилган. Шундай шеърий хатлар ичida Ҳамид Олимжон, Миртемир, Уйғун ва Султон Жўраларнинг асарлари алоҳида ажralиб туради.

Уруш йилларида ўзбек насли ҳам давр талабларига мос ҳолда ўсади. Ўзбек насрода кичик ҳажмли ҳозиржавоб жанрлар етакчилик қилди. Фронт билан фронт орқасининг мустаҳкам алоқасини, юртдошларимизнинг фашизмга чексиз нафратини, Ватанга муҳаббатини акс эттиришда Ҳ. Олимжон, Ойбек, С. Айний, Ф. Фулом, К. Яшин, М. Шайхзода сингари ёзувчилар жанговар публицистика жанрининг имкониятларидан унумли фойдаланганлар. Ҳ. Олимжоннинг «Мен ўзбек ҳалқи номидан сўзлайман», «Дўстлигимиз ҳақида», Ф. Фуломнинг «Оналар», «Момойи гису набурида», С. Айнийнинг «Ярадор йиртқичнинг жон талвасаси», «Она-Ватан», Ойбекнинг «Ғалаба баҳори» каби асарлари шулар жумласидандир.

«Ўзбек ҳалқининг жангчиларига уларнинг эл-юртларидан мактуб» (1942, муаллифлар жамоаси) номли асар уруш йилларидағи ўзбек публицистикасининг етук намуналаридан ҳисобланади. Бу асарда ўзбек ҳалқининг ватанпарварлиги ва биродарлиги таъсирили қилиб очиб берилган.

<sup>1</sup> Ҳасан Саид. Жангчининг қўшиқлари. Тошкент, Ўздавнашр, 1942, 2- бет.

Ўзбек насрода қаҳрамон аскарларимизнинг образларини яққол гавдалантирувчи очерклар ҳам яратилган. Бу хил очеркларнинг баъзилари «Саккиз ботир» ва «Мардлик қиссалари» тўпламларига киритилган бўлса, кўплари вақтли матбуот саҳифаларида, хусусан, фронт рўзномаларида босилган.

Ойбек, Ҳ. Олимжон, Н. Сафаров, И. Раҳим, З. Фатхуллин, Назармат, М. Муҳамедов очеркларида кўпроқ фронт воқеалари, ўзбек жангчиларининг қаҳрамонликлари ҳикоя қилинган. С. Айний, Ф. Ғулом, Ойдин, К. Яшин, Зулфия, П. Турсун, З. Диёр, Сайд Назар очеркларида эса фронт орқасидаги меҳнат қаҳрамонларининг жонли образлари чизилган.

Ойбекнинг «Фидокор қизлар», Ф. Ғуломнинг «Эри билан баҳс бойлашган хотин», Ойдиннинг «Ширинга мактуб», П. Турсуннинг «Оқ олтин», Сайд Аҳмаднинг «Фарҳод остоналарида» каби очеркларида халқимизнинг фронт орқасидаги, хусусан, Фарҳод ГЭС қурилиши ва колхоз далаларидаги фидокорона меҳнатлари кўтариинки руҳ билан акс эттирилган. Ватанпарвар кишиларнинг, айниқса, хотин-қизларнинг, чолу кампирларнинг жонли образлари яратилган. Фронтга кетган эркаклар ўрнида ҳам мардона меҳнат қилган пахтакор қизлар («Фидокор қизлар»), меҳнатда эри Болтабой билан ким ўзарга — мусобақа ўйнаган Иноятхон («Эр билан баҳс бойлашган хотин»), Фарҳод ГЭС қурилишида машҳур қаҳрамон Фарҳоддай меҳнат қилган Норбобо («Ширинга мактуб») каби образлар ана шундан далолат беради.

Уруш йилларида ҳикоя жанрида, айниқса, А. Қаҳҳор ва Ойдин баракали изход қилдилар. А. Қаҳҳорнинг «Асрорбобо», «Хотинлар», «Ботирали», Ойдиннинг «Умр совғаси», «Асл ёр», «Эрюорак» каби ҳикояларида жўшқин ва жанговар ҳаёт лавҳалари чизилган. Ватанпарвар кишиларимизнинг типик образлари яратилган.

Бу даврда қисса жанрида Абдулла Қаҳҳор самарали меҳнат қилди. У «Дардақдан чиққан қаҳрамон» ва «Олтин юлдуз» қиссаларида ботир жангчиларнинг фашистларга қарши курашини тасвиirlаб, ўзбек халқи орасидан етишиб чиққан Совет Иттилоғи қаҳрамонлари Қўчқор Турдиев ва Аҳмаджон Шукуровларнинг реалистик образларини яратишга ҳаракат қилган.

Ойбекнинг «Навоий» романи ўзбек адабиётининг

уруш йилларида қўлга киритган улкан муваффақияти бўлди ва бу асар жаҳон адабиётининг олтин фондидан мустаҳкам жой олди.

Бироқ уруш даврида ўзбек насли қанчалик қувончли ютуқларга эришган бўлмасин, барибир шеърият сингари фаоллик қўрсата олмади. Бу ҳол қисман жанр характери билан ҳам изоҳланади. Уруш даврида ҳарбий-мудофаа мавзуини ёритиш бўйича «қарздор» бўлиб қолган катта ўзбек насли урушдан кейинги йилларда ҳарбий-ватанпарварлик мавзуларида қатор асарлар билан бойиди.

Драматургия адабий жанрлар орасида оммавийлиги ва кўргазмалилиги билан ижодкорларни қизиқтириди. Шунингдек, бу даврда халқимизни душманга қарши курашга отлантиришда, ёш авлодни қаҳрамонлик, ватанпарварлик руҳида тарбиялашда саҳна асарининг аҳамияти ниҳоятда катталиги яна бир бор сезилди.

Бу даврда театрларимиз саҳнасидан халқимизнинг уруш йилларидаги жанговар ҳаётини, унинг фашизмга қарши мардонавор курашини акс эттирувчи пьесалар кенг ўрин олди. «Ўзбекистон қиличи» (Н. Погодин, X. Олимжон, Уйғун, С. Абдулла), «Даврон ота» (К. Яшин, С. Абдулла, Уйғун, Чустий), «Ўлим босқинчиларга», «Офтобхон» (К. Яшин), «Қасос» (Туйғун, Амин Умарий), «Ота рози» (Ҳамид Ғулом), «Синов кунларида» (З. Фатхуллин), «Қўчқор Турдиев», «Азим пушка» (Собир Абдулла), «Қурбон Умаров» (С. Абдулла, Чустий), «Она» (Миртемир, В. Смирнов) сингари саҳна асарлари шу даврнинг меваси бўлиб, бу пьесалар замон талабига кўра тезкорлик билан ёзилган. Бинобарин, уларнинг айримлари камчиликлар, хусусан, бадиий қусурлардан холи эмас. Умуман олганда, улар уруш даври талабларига жавоб бера олди. Масалан, «Ўзбекистон қиличи» (1941) музикали драмасида фронт ва фронт орқасидаги ҳаракатнинг узвий бирлиги, ўзбек халқининг меҳнат майдонидаги жанговар ҳаёти, ватанпарварлиги, жангчиларимизнинг қаҳрамонлиги ҳаққоний қўрсатилган.

Пьесанинг бош қаҳрамони — ўзбек йигити лейтенант Арслон. У Армия сафида фидойилик қўрсатган, жангда фаол қатнашган. Ўзбек отлиқ дивизияси тузилаётган вақтда Арслон ҳарбий қўмондонликнинг вакили сифатида Ўзбекистонга келади, дивизияни тузишда фаоллик қиласи ва дивизия билан яна фронтга

бориб, жангда жасорат кўрсатади. Отлик дивизиясининг қиличбоз аскарлари душманга даҳшат солади. «Ўзбекистон қиличи» пьесасида жанговар давр руҳи акс этган.

Ўзбек драматурглари она-Ватанга муҳаббат, босқинчи ёвга нафрат, қаҳрамонлик, инсонпарварлик гояларини олға суришда ўтмиш мавзуларидан ҳам кенг фойдаландилар. Шу тариқа «Муқанна» (Х. Олимжон), «Алишер Навоий» (Уйғун ва И. Султон), «Маҳмуд Торобий» (Ойбек), «Жалолиддин» (М. Шайхзода), «Улугбек» (Козловский) каби сахна асарлари яратилди. Бу пьесаларда ўтмиш материаллари, ўтмиш қаҳрамонлик анъаналаридан фойдаланиб, Ватан уруши даври учун муҳим аҳамиятга эга бўлган гоялар олға сурилган. Аждодларимизнинг ватанпарварлик, қаҳрамонлик хислатларидан ибрат олишга чақирилган. Бироқ, бу пьесаларнинг айримларида гоявий-бадиий нуқсонларга ҳам йўл қўйилган, тарихий ҳақиқатдан бир оз чекинилган.

Хуллас, уруш йилларида шеърият ва наср сингари драматургияда ҳам давр талабларига жавоб бериш йўлидан бориб, муайян ютуқларга эришилди. Бу муваффакиятлар Ватан урушидан кейинги даврларга келиб янада кўпайди ва мустаҳкамланди.

## 2. Урушдан кейинги дастлабки йилларда ўзбек адабиёти (1945—1956)

Ватан уруши халқларимизнинг тарихий ғалабаси билан тугагач, мамлакатимиз ўз тарихининг янги босқичига, тинч қурилиш даврига қадам қўйди. Тўрт йил давом этган даҳшатли уруш туфайли вайрон бўлган қишлоғу шаҳарларни, издан чиққан ҳалқ хўжалигини тиклаш ва тараққий эттиришга киришилди. Голиб ҳалқимиз фидокорона меҳнат қилиб, ҳалқ хўжалигининг ҳамма соҳаларида: саноат ва қишлоқ хўжалигига ҳам, илм, фан ва маданиятда ҳам муайян муваффакиятларга эришди. Бу даврда мамлакатимизнинг ҳалқаро миқёсда обрў-эътибори ҳам ошди.

Ҳаётда юз берган ўсиш-ўзгаришлар билан боғлиқ ҳолда адабиёт ва санъатнинг турмушдаги мавқеи — ёш авлодни тарбиялашдаги роли сезиларли даражада ўсади. Шу билан бирга ҳалқимизнинг маънавий эҳтиёжи, бадиий адабиёт ва санъат ғордига қўядиган талаблари

ҳам ортди. Бироқ, бу даврда адабиёт ва санъат ривожига турли хил тазиқлар ҳам бўлди. Баъзан ижод эркинлиги принципидан очиқасига чекинилди. Юқоридан ижодий ишга қўпол тарзда аралашиб, буйруқбозликка йўл қўйилди. Адабий меросга ва фольклорга нигилистларча муносабатда бўлиш ҳоллари пайдо бўлди. Конфликтсизлик «назария»си кенг тарқалди. Булар, ҳеч шубҳасиз, адабий жараёнга салбий таъсир ўтказди<sup>1</sup>.

Шуниси мұхимки, урушдан кейинги даврда ўзбек адабиёти турли хил түсиқлар оша ривожлана борди. Бу давр адабий жараёнида 1951 йил ноябрь ойида Москвада бўлиб ўтган ўзбек адабиёти ва санъатининг учинчи декадаси ҳам ижобий роль ўйнади. Зоро, декада ютуқларнинг кўриги бўлиш билан бирга янги вазифаларни ҳам белгилаб берди.

Бу даврда адабиётимиз тараққиётида Ўзбекистон ёзувчиларининг съездлари ҳам мұхим роль ўйнади. 1954 йилда жумҳурият ёзувчиларининг учинчи съезди бўлиб ўтди. Съездда «Ўзбек совет адабиётининг аҳволи ва унинг вазифалари» тўғрисидаги ҳисобот (маърузачи Уйғун) тингланди ва муҳокама қилинди. Съезд ўзбек адабиётининг замон талаблари асосида ривожланганлигини қайд қилди. Шу билан бирга, съездда бадиий адабиётда йўл қўйилган хато ва камчиликлар ҳам кўрсатилиб, ёзувчиларнинг вазифалари белгилаб берилиди.

Натижада бу даврда ўзбек адабиётida қўпгина ўзгаришлар, олға силжишлар рўй бера борди. Чунончи, шеъриятнинг тематикаси замонавий мавзулар ҳисобига кенгайди. Она-Ватан, тинч қурилиш, урушга қарши кураш, тинчлик ва дўстлик ҳақида етук шеърлар ёзилди. Ҳозирги замон ўзбек шеъриятига хос бўлган жанговар публицистик руҳ шоирларимизнинг тинчлик мавзууда ёзилган лирик асарларида давом эттирилди.Faafur Fуломнинг «Биз тинчлик истаймиз», «Бу — сенинг имзонг», Уйғуннинг «Тинчлик кабутари», «Бай-роқча», Зулфиянинг «Салом сизга, эркпарвар эллар», «Ўғлим, сира бўлмайди уруш», Асқад Мухторнинг «Виждон сўзи», Туроб Тўланинг «Ит ҳуради, карвон

<sup>1</sup> Бу ҳақда батафсил маълумот учун | каранг: С. Мирзаев, X. Дониёров. Ўзбек совет адабиёти. Тошкент, «Ўқитувчи» нашриёти, 1978.

ўтади» сингари шеърларида публицистик пафос ғоятда кучлидир.

Бундан ташқари, Ойбек, Шайхзода, С. Абдулла, Ҳ. Ғулом, М. Бобоев, Мирмуҳсин, Р. Бобожон сингари шоирларнинг шеърларида ҳам инсониятнинг тинчлик йўлида олиб бораётган курашлари умумлаштирилди, урушқоқ корчалонлар фош этилди, тинчлик ва дўстлик куйланди.

Шеъриятимизда оддий одамларнинг ҳалол меҳнати улуғланди, қадоқ қўлли инсон образи яратилди. Ўзбекистон меҳнаткашларининг қишлоқ хўжалиги соҳасидаги жасоратларини шарафлаш Ғ. Ғулом, Ойбек, Уйғун, Шайхзода, Миртемир, Зулфия, С. Абдулла каби шоирлар лирикасининг асосий мазмунини ташкил қилди. Шунингдек, А. Мухтор, М. Бобоев, Мирмуҳсин, Ҳ. Ғулом, Р. Бобожон, Т. Тўла, С. Акбарий, Ҳабибий сингари шоирлар ҳам бу мавзуда самарали ижод қилдилар. Шеъриятимиз фидокорона меҳнат, пахтачиликни ривожлантириш, янги ерларни ўзлаштириш мавзуларида ёзилган «Куз келди», «Ўзбек элининг гурури», «Теримчи қизлар» (Ғ. Ғулом); «Икки ўртоқ», «Она», «Ҳамма сафарбар» (Зулфия); «Бригадиримиз», «Теримда» (А. Мухтор) каби бақувват, гўзал ва сермазмун шеърлар билан бойиди.

Бундан ташқари, ўзбек шеъриятидаги ҳалқлар дўстлиги мавзуи ҳам етакчи ўринни эгаллади. Бу жиҳатдан айниқса,Faфур Ғулом ижоди, хусусан, унинг «Қозоқ элининг улуғ тўйи», «Бири бирига устоз, бири бирига шогирд», «Голиблар шарафига» каби шеърлари бу мавзуда яратилган асарларнинг яхши намуналариdir. Шунингдек, шеъриятда чет эл, хусусан, мазлум Шарқ ҳалқларининг ҳаёти ва кураши мавзуида ҳам қатор асарлар ёзилди. Зулфия, Шайхзода, М. Бобоев, Ҳ. Ғулом, А. Мухтор, Мирмуҳсин, Р. Бобожон сингари шоирлар хорижий мамлакатлар ҳалқларининг оғир ҳаёти, уларнинг озодлик, тенглик ва тинчлик учун олиб бораётган курашлари ҳақида шеърлар яратдилар. Чунончи, шоир Мамарасул Бобоевнинг «Эрон гилами» шеърида Эрон меҳнаткашларининг машаққатли ҳаёти гилам тўқувчилар образи воситасида таъсирчан ифодалangan:

Гилам қизил,  
Ранглар сўлғин, қаҳрабо,  
Ўз қони-ла тўқишарми, ажабо!..

Иккисидан бири шилпик, бири сил,  
Басма-басга йўталишар, муттасил.

Эскилик сарқитларига, жамият тараққиётига ғов бўлган иллатларга қарши кураш мавзуи ҳам дикқатдан четда қолмади. Бу борада шоирларимиз ҳажвиёт имкониятларидан унумли фойдаландилар. Оқибатда сатирик ва юмористик шеърият анча ривожланди. Бу соҳа тараққиётига F. Фулом, С. Абдулла, М. Бобоев, Ҳабибий, Чархий каби шоирлар ўз ҳиссаларини қўшдилар. Улар янги мазмунни ифодалашда мумтоз шеърият анъаналаридан баракали фойдаландилар. Собир Абдулланинг «Тўн янги, одат эски», «Эрта келинг», «Бир гап бўлар-кетар деб», «Қуруқ гап қулоққа ёқмас», «Анқов раҳбар, хушомадгўй хўжалик ходими» сингари шеърларида хотин-қизларга бой-феодалларча муносабатда бўлувчилар, анқовлар, лаганбардорлар, нопоклар, порахўрлар сатира қамчиси билан саваланган.

Бу даврда Ҳамза ва Элбекдан кейин маълум вактгача эътиборсиз қолган масалчилик жанри қайта жонланди. Бу соҳада Сами Абдуқаҳор, Ямин Қурбон, Олим Қўчқорбеков каби масалчилар фаоллик кўрсатдилар. «Масаллар» (С. Абдуқаҳор), «Қизиқ ҳангомалар» (Я. Қурбон), «Шеър ва масаллар» (О. Қўчқорбеков) сингари тўпламлар нашр қилинди. Сами Абдуқаҳорнинг «Раҳбар ҳўроз» масалида қобилиятли кадрларни бўлмағур баҳоналар билан ишдан бўшатиб, уларнинг ўринларига ўз яқинларини ишга оловчи бошлиқлар усталик билан фош этилган. Масалда тасвир этилишича, раҳбар Ҳўроз ансамблдан Булбул, Саъва, Майна каби хушвоз, сайроқи қущларни ҳайдаб, уларнинг ўрнига ўз уруғ-аймоқлари — Товуқ ва Жўжаларни ишга олган:

Кўп камчилик топди ҳаммадан Ҳўроз,  
Саъва сайрап эмиш бир хил оҳангда,  
Булбулнинг ёқмади куйлаши тонгда.  
Майна куй ўрнига чалармиш ҳуштак,  
Тўргай-чи? Атиги келармиш муштак.

Қисқаси, бу даврда ҳажвиёт анча ўси. Шеърияти-мизда жанрлар хилма-хиллиги кучайди.

Бу давр шеъриятидаги яна бир янгилик шу бўлдики, шоирларимиз туркум шеърлар ёзишни анъанага айлантиридилар. «Қорақолпоқ дафтари» (Миртемир), «Мехмонлар» (Мирмуҳсин), «Эрон осмони остида» (М. Бобоев) сингари шеърлар пайдо бўлди. «Меҳмонлар» ва «Эрон осмони остида» туркумларида чет эллардаги дўстларимизнинг ҳаёти, орзу-истаклари, ўй-хаёллари, ички кечинмалари тасвирланди. Шунингдек, чет эллик нопок шахсларнинг разил кирдикорлари фош этилди.

1945—1956 йилларда ўзбек поэмачилигида ҳам муайян ютуқларга эришилди. Поэмачилигимизнинг тематикаси кенгайди. А. Мухторнинг «Катта йўлда», Мирмуҳсиннинг «Яшил қишлоқ», М. Бобоевнинг «Боғбон», Шукруллонинг «Чоллар» поэмаларида дехқонларимизнинг 40-йилларнинг иккинчи ярмидаги ҳаёти, қишлоқ хўжалигини ривожлантириш ва янги қишлоқлар барпо этиш соҳасидаги бунёдкорлик меҳнати тасвирланди. Мирзачўлга кўчуб келиб, янги қишлоқ яратган собиқ жангчи Умрзоқ («Яшил қишлоқ»), колхоз қурилишининг катта йўлида ҳалол меҳнат қилиб, ҳалқ бойлигига бойлик қўшаётган Арслонқул («Катта йўлда») каби замондошларимизнинг типик образлари яратилди. «Қадрдон дўстлар» (Р. Бобоҷон), «Россия» (Шукрулло), «Дўстлик қўшиғи» (Д. Файзий) поэмаларида ҳалқларимиз ўртасидаги дўстлик, маънавий-сиёсий бирлик тараннум этилди.

Поэмачилигимизда хорижий мамлакатлар ҳалқларининг ҳаёти, озодлик ва тинчлик йўлидаги кураши ҳам ўз аксини топди (Ойбекнинг «Зафар ва Захро», «Ҳақгўйлар»).

Шунингдек, Ватан уруши воқеа-ҳодисаларини ҳикоя қилувчи поэмалар ҳам яратилди (Ойбекнинг «Қизлар», Уйғуннинг «Вафо», Мирмуҳсиннинг «Уста Ғиёс», Ҳ. Гуломнинг «Ғалаба йўлида», С. Акбарийнинг «Фарзанд»). Масалан, «Уста Ғиёс» достонида ҳалқимизнинг фронт орқасидаги ҳаёти тасвирланиб, колхознинг жонкуяри, кекса ўзбек дехқони уста Ғиёснинг ёрқин образи яратилди. Илгарилари колхоз устахонасида ишлаб ном чиқарган уста Ғиёс уруш бошланиб, йигитлар фронтга кетгач, далага чиқиб меҳнат қилишга қарор қиласди. Колхознинг пахтачилик звеносини бошқаради. Лекин у фақат ўз вазифасини бажариш билангина кифояланиб қолмай, колхознинг ҳамма ишларида фаол қатнашади. Поэмада уста Ғиёснинг

ўзига хос характери — унинг жонкуярлиги, чўртке-сарлиги, соф виждонлилиги, жамоа мулкини кўз қорашибидай асрashi, меҳнатсеварлиги яққол кўрса-тилган. Асарда ишонтириш қуввати, жозибадорлик қучли.

Поэмачиликда халқимизнинг инқилобий ҳаракати, тарихий шахсларнинг ижтимоий фаолиятини тасвирлашга интилиш кучайди. Ойбекнинг «Ҳамза», Мирмуҳсиннинг «Абдулла Набиев» достонларида яқин ўтмишдаги тарихий ҳақиқат бадиий буёқларда очиб берилган.

Шундай қилиб, бу давр шеърияти ўз мавзу доирасини кенгайтириш, реалистик образлар яратиш, ҳаёт ҳақиқатини бадиий ҳақиқатга айлантириш йўлидан борди. Айни чоқда, шеъриятимиз ўртамиёначилик касалидан қутула олмади.

Насрда ҳам бир қанча ижобий анъаналар кўзга ташланди. Бу даврда Р. Файзий, Саид Аҳмад, А. Мухтор, И. Раҳим, Шуҳрат, Ҳ. Назир, О. Ёқубов, П. Қодиров, С. Анорбоев, С. Зуннунова, Е. Шукуров сингари носирлар адабиёт майдонига кириб келдилар. Бу ҳол асарларнинг сонига ҳам, сифатига ҳам ижобий таъсир кўрсатди. Насрнинг ҳаётга яқинлашиш тенденцияси кучайди. Унинг жанрларида ҳам ўсиш-ўзгаришлар юз берди.

Бадиий очеркларни мавзу эътибори билан икки катта гуруҳга ажратиб ўрганиш мумкин. Биринчи гуруҳга реал воқелик ва ҳозирги кишиларимиз ҳақида-ги очерклар кирса, иккинчи гуруҳга чет эл мавзуига бағищлаб ёзилган очерклар киради. Очеркчиликда ихтисослашиш, проблематик очерклар яратиш тенденцияси ривожланди. А. Мухторнинг очеркларида саноат кишилари, С. Анорбоев очеркларида чорвадорлар ҳаёти, А. Қаҳҳор, Й. Шамшаров, Н. Сафаров, Ҳ. Назир, Ҳабиб Нуъмон очеркларида пахтакорларнинг серташвиш ҳаёти, унумли меҳнати қаламга олинди. А. Қаҳҳорнинг «Сўз Ганишерга», «Мирзачўлда куз» очеркларида азamat чўлқувварларнинг жонли образлари маҳорат билан тасвирланди.

Ойбек «Покистон таассуротлари», Ҳ. Ғулом «Европа таассуротлари», А. Мухтор «Европа сафари», И. Раҳим «Хитой хотиралари» каби очеркларида Европа ва Осиёдаги мамлакатлар халқларининг ҳаёти, маданияти, турмуш тарзи, урф-одатлари, озодлик ва тинчлик йўлидаги курашларини бадиий ифодалаб бердилар.

Ҳикоя жанрида ҳам бир қанча янгиликлар юз берди. «Йиллар» (А. Қаҳхор), «Ҳикоялар» (Ойдин), «Ҳаётга чақириқ» (А. Мухтор), «Повесть ва ҳикоялар» (Р. Файзий), «Қадрдон далалар» (Сайд Аҳмад), «Ҳикоялар» (С. Анорбоев), «Повесть ва ҳикоялар» (С. Зуннунова), «Ҳикоялар» (П. Қодиров), «Икки муҳаббат» (О. Ёқубов), «Одамнинг қадри» (Ҳ. Назир) сингари тўпламлардан жой олган ҳикоялар — бу давр ҳикоячилигининг намунасиdir. Бу ҳикоялар даставвал мавзу доирасининг хилма-хиллиги билан эътиборли. Уларда пахтакорлар, чорвадорлар, ишчилар, зиёлилар, чўлқуварлар ҳаётига оид лавҳалар чизилган. Замондошларимизнинг жонли образлари яратилган. Шу билан бирга, ҳаётда ва кишилар онгига учровчи айрим иллатлар фош этилган. Чунончи, Раҳмат Файзийнинг «Ёдгор» ҳикоясини эслайлик. Ҳикояда тасвирланишича, завод инженери Зуҳуржон рафиқаси Маъсумахон билан Тоҳир Зуҳролардек яшайди. Лекин Зуҳуржоннинг пешонасига бу баҳт, бу тотли ҳаёт сигмайди. Маъсумахон кўзи ёригач, тезда вафот этади. Ўғилга Ёдгор деб исм қўядилар. Маъсумахоннинг дугонаси Зарофатхон Зуҳуржонга тегиб олиш мақсадида Ёдгорга ғамхўрлик қила бошлайди. Зуҳуржон Ёдгорнинг тарбиясини ўйлаб, Зарофатхонга уйланади. Ана шундан сўнг, Зарофат аста-секинлик билан ўз «ҳунари»ни кўрсата бошлайди. У Ёдгорга ўғайлик қилиб, болани хўрлайди, азоблайди. Уни уради, овқат бермай қамаб қўяди...

Ҳикояда Зуҳуржон, Зарофат, Ёдгор образлари воситасида ахлоқ-одоб, бола тарбияси ва оила ҳақида муҳим фикрлар олга сурилади. Ҳикоя ғоят таъсирили ёзилган. Адип образлар характерини очишда психолого-тик таҳлил санъатидан моҳирлик билан фойдаланган.

Бироқ бу даврда яратилган ҳикояларнинг айримларида бадиий маҳорат етишмас эди. Баъзи ҳикояларда эса бир хиллик, бадиий қолипбозлик аломатлари учраб турарди.

Роман ва қисса жанрлари — бу давр насринда салмоқли ўрин тутди, «Эсадаликлар» (С. Айний), «Олтин водийдан шабадалар» (Ойбек), «Қўщчинор чироқлари» (А. Қаҳхор), «Ўқитувчи» (П. Турсун), «Опасингиллар» (А. Мухтор) сингари катта наср намуналари пайдо бўлди.

«Ўқитувчи» романи Ўзбекистонда янги ҳалқ зиёлиларининг шаклланиш тарихини тасвирлашга бағишлан-

ган. Унда бош қаҳрамон Элмуроднинг 1910—1930 йиллардаги ҳаёти, ўзбек зиёлиси сифатида янги турмуш учун кураши, тўсиқларни енгид камолатга етиши мисолида ўзбек ҳалқининг шу даврдаги тарихий тараққиёти бадиий ифодаланган. «Ўқитувчи» романида автобиографик материаллар кўп қўлланилган. Бу ҳақда адабнинг ўзи «Романнинг мавзуи ўзим билан ўса борди. Романда тасвирланган нарсаларнинг тўқсон фоизини мен ўз кўзим билан кўрганман ва уларда қатнашганман», деб ёзган эди.

«Ўқитувчи» романи бир неча йиллар давомида ёзилди. Парда Турсун аввал «Ҳақ йўл» ва «Ўқитувчнинг йўли» қиссаларини яратди. Кейинчалик уларни қайтадан жиддий ишлаб, бирлаштириди, янги воқеа ва образлар билан бойитди. Шу тариқа, «Ўқитувчи» романи юзага келди. Роман «Етимлик», «Бахт», «Қишлоқда», «Ҳақ йўл» деб номланган тўрт қисмдан иборат. Роман воқеалари бир-бири билан узвий боғланиб кетган. Роман сюжети кўпгина ижтимоий воқеаларни: Октябрь инқилоби арафасида мамлакатда зулм ваadolatsizlikning қучайиши, кенг деҳқонлар оммасининг қашшоқланиши, 1917 йилдан кейин янги типдаги ўзбек зиёлиларининг колективлаштириш ва хотин-қизлар озодлиги учун кураши сингари масалаларни ўз ичиға қамраб олади. Даврнинг ижтимоий масалалари бош қаҳрамон Элмуроднинг ҳаёт йўли ва бошидан кечирган воқеалар билан чамбарчас боғлаб ёритилади. Романда ижобий ва салбий образлар ўртасидаги кескин зиддият тасвири мисолида ҳаётдаги синфий кураш рўйирост очиб берилган. Роман қизиқарли қилиб ёзилган. У сюжет ва композиция, тил ва тасвир аниқлиги жиҳатидан ҳам пухта.

Замонавий мавзу — бу давр прозасининг етакчи хислати. «Олтин водийдан шабадалар» (Ойбек), «Ҳаёт булоқлари» (И. Раҳим), «Чўлга баҳор келди» (Р. Файзий), «Қадрдон далалар» (Сайд Аҳмад), «Дарёлар туташган жойда» (А. Мухтор), «Жамила» (Мирмуҳсин), «Кўкорол чироқлари» (Х. Назир), «Янги директор» (С. Зуннунова), «Оқсой шалолалари» (С. Анорбоев), «Тенгдошлар» (О. Ёқубов), «Кичик гарнizon» (М. Мухамедов) сингари роман ва қиссалар ана шу ижобий йўналишнинг самарасидир.

Пахтачилик соҳасида фидойилик кўрсатаётган, кўриқ ва бўз ерларни ўзлаштираётган, колхоз иқтисоди

дини мустаҳкамлаётган, янги қишлоқлар барпо эта-  
ётган қаҳрамонлар ҳаёти Ўкта мавзудаги («Олтин  
водийдан шабадалар»), Юлдуз ва Муҳиддин («Чўлга  
баҳор келди») сингари замондошларимиз образлари  
мисолида кўрсатилган. Бироқ, замонавий мавзудаги  
роман ва қиссаларнинг кўпи воқеаликни бўяб-безаб,  
ортиқча мақтаб тасвирлашдан қутула олмади. Натижада  
ҳаёт юзаки, бир томонлама акс этиб қола берди.  
Бундан ташқари, бу давр романчилиги ва қиссачилигини-  
нинг бадиий савияси бирдек юксак эмас эди. Ба-  
қувватроқ асарлар билан бирга, бадиий жиҳатдан  
меъeriга етмаган асарлар ҳам пайдо бўлди. «Ҳаёт  
булоқлари» (И. Раҳим), «Яшил бойлик» (Саид Назар),  
«Фасллар» (Х. Нуъмон), «Саодат» (Ж. Шарипов)  
сингари асарларда ҳаёт маълум даражада юзакироқ  
тасвирланди.

Бундай нуқсонлардан қатъи назар, мазкур даврда  
ўзбек насли ғоявий-бадиий савиясини оширишга инти-  
лиш йўлидан борди.

Ватан урушидан кейинги дастлабки йилларда ўзбек  
драматургиясининг ҳаёт билан алоқаси анча мустаҳ-  
камланди. Замондошларимиз образларини яратишга  
қизиқиши ортди. Натижада ҳозирги замон мавзуларида  
қатор асарлар вужудга келди.

Тўғри, бу даврда узоқ ва яқин ўтмиш мавзулари ҳам  
драматурглар диққатидан четда қолмади. «Равшан ва  
Зулхумор» (К. Яшин), «Алпомиши», «Муқимиш» (С. Аб-  
дулла), «Азиз ва Санам» (А. Бобоҷон), «Қиз қалъаси»  
(Саид Назар) каби саҳна асарлари яратилиб, буларда  
халқимизнинг ўтмишда зулм остида кечирган оғир  
ҳаёти, меҳнаткаш халқ оммасининг босқинчи ёвларга ва  
золимларга қарши олиб борган курашлари кўрсатилган.

Драматургияда фольклор материалларига ҳам му-  
рожаат қилинган. Халқ оғзаки ижодида мавжуд бўлган  
мазмун ва мавзулардан фойдаланиб, «Равшан ва  
Зулхумор», «Алпомиши», «Қиз қалъаси» сингари пьеса-  
лар яратилган. Собир Абдулланинг ўзбек халқ оғзаки  
ижоди материаллари асосида ёзилган «Алпомиши»  
драмаси ҳаётий воқеаларга ва ёрқин образларга бой.  
Достондаги бармоқ вазнида яратилган шеърий парча-  
лар, қўшиқлар драматургнинг ўзи томонидан аруз  
вазнида ёзилган қўшиқ ва ариялар билан алмашти-  
рилган. «Алпомиши» пьесаси вафодорлик, севигига содик-  
лик, ватанпарварлик ва қаҳрамонликни улуғловчи  
асар сифатида томошабинларга манзур бўлди.

Халқимизнинг Октябрь инқилоби арафасидаги ма-шаққатли ҳаётини ва озодлик йўлида олиб борган курашини акс эттирувчи саҳна асарлари ҳам яратилди. Шулардан Назир Сафаровнинг «Шарқ тонги» пьесаси ўзининг ғоявий мазмундорлиги ва бадиий пишиқлиги билан ажралиб туради. Драмада 1917 йил февраль буржуа инқилобидан сўнг Тошкентда юз берган воқеалар, инқилобий вазият ва унинг кун сайин кескинлашиши рўйирост кўрсатилган. Асар сюжети ҳаётий, у синфий кураш ва драматик коллизиялар заминида ривожалана боради. Воқеа Октябрь инқилобининг Тошкентдаги галабасини кўрсатиш билан тугайди.

Ўзбек драматургиясида Ватан уруши мавзууни ёритувчи, халқимизнинг гитлерчиларга қарши қурашдаги қаҳрамонлигини, ватанпарварлигини тасвирловчи «Ҳаёт қўшиғи» (Ўйғун), «Генерал Раҳимов» (К. Яшин), «Оналар» (Исмоил Акрам), «Зафар» (Умаржон Исмоилов) каби пьесалар юзага келди. Бу саҳна асарларида халқлар дўстлиги ва инсонпарварлик ғоялари тарғиб қилинган.

Шуниси характерлики, драматургиямизда асосий эътибор замондошларимиз ҳаёти ва меҳнатини тасвирлашга қаратилди. Замонавий мавзууларда яратилган саҳна асарларининг аксариятида қишлоқ хўжалигидаги меҳнат, колхозчи дехқонларнинг пахтачиликни ривожлантириш, янги ерлар очиш соҳасидаги фаоллиги, шунингдек, уларнинг ҳаётдаги иллатларга қарши курашлари анча кенг тасвирланди. «Шоҳи сўзана» (А. Қаҳҳор), «Олтин кўл», «Навбаҳор» (Ўйғун), «Мұхаббат» (Туйғун), «Чин муҳаббат» (О. Ёқубов) каби пьесаларда бу хусусият очиқ кўринади. Булардан, айниқса «Шоҳи сўзана», «Олтин кўл», «Мұхаббат» асарлари томошабинларга кўпроқ манзур бўлди. Туйғуннинг «Мұхаббат» комедиясида, хусусан, фронтга бориб келганлиги билан ўринсиз гердайиб, колхоз ишига менсимай қаровчи Етов образи муваффақиятли чиққан.

Зиёлилар ҳаёти мавзууда яратилган «Сўнгги пушаймон» (Ўйғун), «Оғриқ тишлар» (А. Қаҳҳор), «Юрак сирлари» (Б. Раҳмонов), «Фароғат» (И. Акрам), «Кечирилмас гуноҳлар» (И. Ўқтам) каби саҳна асарлари ҳам эътиборга лойиқdir. Уларда асосий мавзу билан боғлиқ ҳолда эскилил сарқитлари ва бошқа иллатларга қарши кураш, севги-муҳаббат, халқлар дўстлиги масалалари ҳам ёритилган. Хусусан, «Юрак сирлари» (1958) комедиясида асосий мавзу билан боғлиқ ҳолда эскилил сарқитлари ва бошқа иллатларга қарши кураш, севги-муҳаббат, халқлар дўстлиги масалалари ҳам ёритилган. Хусусан, «Юрак сирлари» (1958) комедиясида

дияси томошибинлар томонидан қизгин кутиб олинди. Унда кўпчиликни қизиқтирадиган ҳаётий масалалар кўтарилиганд. Пъесанинг бош «қаҳрамони» Сурмахон танноз, сатанг шахс сифатида моҳирлик билан яратилган. Илҳом, Саттор, кампир, шофёр каби образлар ҳам асар гоясини очишда, асосий конфликтни гавдалантиришда, драматизмни кучайтиришда, комик ва лирик ҳолатларни жонлантиришда муҳим роль ўйнаган.

Комедияда психологик таҳлилга алоҳида эътибор қилинган. Натижада асосий образлар характери, уларнинг маънавий қиёфалари — юрак сирлари ёрқин очилған. Асарда персонажларнинг ўз-ўзини фош этиш усулидан ҳам моҳирона фойдаланилган. Ана шунинг учун ҳам образларнинг, хусусан, Сурмахоннинг ҳар бир сўзидан, ҳатти-харакатидан унинг ички ва ташки дунёси бўртиб кўринади.

Тўғри, бу даврда «Шоҳи сўзана», «Шарқ тонги», «Юрак сирлари» каби етук пъесалар билан бир қаторда «Ҳикмат» (Туйғун), «Ҳаёт мактаби» (Н. Сафаров), «Оналар» (И. Акрам) каби бадиий бўш пъесалар ҳам юзага келди. Р. Ҳамроев ва М. Мелкумовнинг «Ёрқин ҳаёт», Ш. Саъдулланинг «Далада байрам» пъесаларида эса қишлоқ ҳаёти асоссиз ҳолда бўяб-безаб, кам-кўстсиз ва дабдабали қилиб юзаки кўрсатилди.

Умуман олганда, урушдан сўнгги биринчи ўн йилликда ўзбек адабиёти кўп жиҳатдан олға силжиди. Бу даврда назм, наср ва драматургияда замонавий мавзуларни акс эттиришга қизиқиш кучайди. Натижада замондошларимиз образини кўрсатишга багишлиланган асарлар, жумладан, йирик бадиий полотнолар юзага келди.

#### АДАБИЁТЛАР

1. Ўзбек совет адабиёти тарихи очерки. I том, Тошкент, «Фан». 1961.
2. X. Дониёров, С. Мирзаев. Сўз санъати, Тошкент, Ўзадабийнашр, 1962.
3. О. Шарафиддинов. Замон, қалб, поэзия. Тошкент, Ўзадабийнашр, 1962.
4. Ўзбек совет адабиёти тарихи, II том, Тошкент, «Фан», 1971.
5. Турсун Собиров. Давр ва драма. Тошкент,Faafur Fулом номидаги Адабиёт ва санъат нашриёти, 1975.
6. С. Мамажонов. Улуг Ватан уруши даврида ўзбек адабиёти. Тошкент, «Фан», 1975.
7. Т. Бобоев. Замон ва қаҳрамон. Тошкент, Faafur Fулом номидаги Адабиёт ва санъат нашриёти, 1976.

## **IV. ЯНГИ УЗБЕК АДАБИЁТИ ТАРИХИННИНГ ҲОЗИРГИ БОСҚИЧИ (1956—1992)**

### **1. Янги давр — янги адабиёт (1956—1985)**

Бу даврда мамлакат ҳаётида, моддий ва маънавий турмушда жиддий ўзгаришлар бўлди. Бу янгиликлар 1953 йилда сталинизмнинг қулаши билан бевосита боғлиқдир. Дарҳақиқат, сталинизм қулагач, 50-йилларнинг ўрталарига келиб, шахсга сифиниш тенденцияси аёвсиз қораланди, унинг заарли оқибатларини тугатиш соҳасида аниқ чора ва тадбирлар белгиланди. Натижада шахсга сифиниш даврида йўл қўйилган адолатсизликлар, қонунбузарликлар ва буйруқбозликларга чек қўйила бошланди. Демократия ва ижтимоий адолат қарор топиши учун йўл очила борди. Шу тарика мамлакатимиз ўз тараққиётининг янги босқичига қадам қўйди.

Бу даврда халқимизнинг маълум даражада фаоллиги ва меҳнат кўтаринкилиги ўсди. Шу билан бирга, бу даврда ижтимоий ҳаётда дабдабозликка, мақтанчоқликка, кўзбўямачиликка ва бошқа хил иллатларга йўл қўйилди. Бинобарин, бу даврда тараққиёт силлиқ кечмади. Депсиниш ва турғунлик йиллари ҳам бўлди. Ана шунинг учун ҳам бу даврни буюк ўзгаришлар, ўтмиш хатоларини тузатиш ва баъзи хатоларга йўл қўйиш даври деб аташ мумкин.

Энг муҳими, бу даврда халқ хўжалиги ва маънавий ҳаётнинг барча соҳаларида бурилиш юз бера бошлади. Сўз эркинлиги, матбуот эркинлигини таъминлашга замин тайёрлана бошланди. Жамиятдаги ўзгаришлар адабий ҳаётга ҳам ўз таъсирини ўtkаза борди. Шунингдек, бу давр адабий ҳаракатчилиги ривожида мамлакатимиз ва Ўзбекистон ёзувчиларининг съездлари ҳам катта аҳамиятга эга бўлди. Чунки уларда ютуқ ва тажрибалар умумлаштирилиб, истиқбол режалари — асосий вазифалар белгилаб берилди.

Ўзбекистон ёзувчиларининг IV съезди (1959 йилда), V съезди (1965 йилда), VI съезди (1971 йилда), VII съезди (1976 йилда), VIII съезди (1980 йилда), IX съезди (1985 йилда) X съезди (1991 йилда) бўлиб ўтди.

Бу анжуманларда адабий ҳаётни яхшилашга доир фикрлар баён этилди. Натижада бу даврда/адабиётимиз мамлакат ва халқ ҳаёти билан узвий боғлиқ ҳолда ўз фаолиятини давом эттириди. Кўпгина шеърий, насрый ва саҳна асарлари билан бойиди.

\* \* \*

Ўзбек шеъриятининг асосий эътибори шу давр воқеа-ходисаларини, янгиликларини, ҳаётдаги ва кишилар онгидаги ўзгаришларни тасвирлашга қаратилди. Шунингдек, жаҳонда тинчлик учун кураш, дўстлик, инсонпарварлик каби мавзулар ҳам шеъриятимизнинг диққат марказида бўлди. Она-Ватан, инсон ва замон, одам қадри ва дўстлик ҳурмати, меҳнат ва инсоний бурч, севги-муҳаббат ҳақида ёрқин шеърлар яратилди. Таникли шоир Шуҳрат она-Ватаннинг поэтик образини чизишда характерли деталлар ва бадиий тасвирлардан фойдаланиб жозибадорликка эришди. Она-Ватан обра-зини қалб қўри билан акс эттириди:

Шу ерга тушгандир илк оёқ изим,  
Шу боғда илк марта капалак қувдим,  
Капалак қувганим шу боғни ўзим,  
Кейинча Ватан деб, жонимдан севдим.  
Чиндан ҳам Ватаним шу bog, шу тупроқ,  
Нима бор шулардан гўзал ва покроқ.

Ўзбек шеъриятида ватанпарварлик гоялари халқлар дўстлиги гоялари билан узвий бирлиқда тараннум этилди. Шуниси муҳимки, бу мавзууни ёритишида ҳам шеъриятимизда ҳис-туйғудан маҳрум бўлган, ба-ландрарвоз, дабдабали «қизил сўзлар», риторик ваъз-хонликлар ўрнини аниқ поэтик қечинмалар, ҳаётий образлар, реалистик тасвирлар кўпроқ эгаллай борди. Faafur Гуломнинг «Бизнинг уйга қўниб ўтинг, дўстла-рим», «Қардош тоҷик халқига», Уйгуннинг «Гўзал Украина», «Салом», Зулфиянинг «Қўйчатов», Қармоқ», Р. Бобоҷоннинг «Она-Россия», М. Бобоевнинг «Қора-қум канали», Миртемирнинг «Қирғиз халқига», «Олма-отанинг қиши» каби шеърларида мана шу хусусият яққол сезилиб туради.

Халқлар дўстлиги мавзуи Э. Воҳидов, А. Орипов, О. Матжон, У. Азимов, О. Ҳожиева, Ҳ. Худойбердиева, Сайёр, Д. Файзий ва бошқа шоирлар ижодида ҳам салмоқли ўрин эгаллади. Шоирларимиз халқлар дўстлиги мавзуини тасвирлашда воқеа ва фактларни қуруқ баён этиш йўлидан эмас, аксинча, образли мушоҳада қилиш, ҳаётий картина ва янги образлар яратиш йўлидан бордилар.

Ўзбек шеъриятида дўстлик мавзуининг доираси кенгайиб бормоқда. Шоирларимиз халқлар дўстлигини

тараннум этиш билан бирга ҳалқимизнинг хорижий мамлакатлар меҳнаткашлари билан бўлган дўстона алоқалари ҳақида ҳам поэтик асарлар яратдилар.Faфур Фулом, Зулфия, Уйғун, Шайхзода, X. Фулом, А. Мухтор, А. Орипов, Р. Бобоҷон, Э. Воҳидов, Шуҳрат, С. Ақбарий, О. Матжон каби шоирларнинг чет эл воқелиги асосида ёзилган қатор асарларида хорижий мамлакатлардаги меҳнаткаш инсонларга хайриҳоҳлик билдирилиб, инсонпарварлик ва байналмилалчилик ғоялари баралла куйланади. «Ҳирот» (F. Фулом), «Ҳиндистон ҳақида» (Уйғун), «Қитъалар уйғоқ» (X. Фулом), «Кўз ёши ва табассум» (С. Ақбарий), «Канада туркумидан» (Э. Воҳидов), «Шарқ гулдастаси» (Б. Бойқобилов) каби поэтик асарларда хорижий мамлакатлар ҳалқлари ҳаётига оид типик лавҳалар акс эттирилди.

Ўзбек шеъриятида ижтимоий меҳнат ва меҳнатсевар инсон ҳақида кўплаб шеърлар ёзилди. «Кулол ва заргар», «Шофёр» (F. Фулом), «Мирза гулистон», «Булоқ» (Уйғун), «Умр ўтмоқда», «Далаларни кезмоқда гашт бор» (Зулфия), «Шундоқ ўтган умр армонсиз», «Гудок» (А. Мухтор), «Геолог», «Меҳнат қўшиғи» (Р. Бобоҷон), «Инсон ва яхшилик», «Она ва тиш» (Шукрулло), «Қалб ва қалам» (Мирмуҳсин), «Гўзаллик», «Инсон» (Э. Воҳидов) каби кўркам шеърларда оддий кишиларининг юксак меҳнати шарафланди, меҳнатсевар кишиларимизнинг поэтик образи яратилди.

Меҳнат мавзууда ёзилган шеърларнинг асосий хусусияти шундаки, уларда меҳнат — баҳт-саодат манбаи эканлиги, меҳнат туфайли ҳаёт фаровон бўлиши, чўллар гулистонга, саҳролар боғу бўстонга айланиши яққол ифодаланган. Шунингдек, уларда ўз меҳнати билан мамлакат бойлигига бойлик қўшиб, жамият тараққиётини таъминлаётган меҳнаткаш инсонлар улуғланган. Бу хусусият Зулфиянинг «Камалак», «Шалола», А. Мухторнинг «99 миниатюра», Шукруллонинг «Инсон ва яхшилик», Мирмуҳсиннинг «Ақл ва фалсафа», Э. Воҳидовнинг «Муҳаббатнома», «Садоқатнома», А. Ориповнинг «Юртим шамоли», О. Матжоннинг «Гаплашадиган дамлар» тўпламларида шеърларда ҳам бўртиб кўринади. Уларда кишиларимизнинг меҳнатга бўлган янгича муносабатлари, шунингдек, инсон ва унинг бунёдкорлик фаолияти ҳақидаги поэтик фикрлар нафис ифодаланган. Бу шеърларда фуқаролик ҳис-туйғулари уфуриб туради.

Бу даврда ўзбек шеърияти ҳаётдаги гўзал ва ибратли нарсаларни, ижобий тенденцияларни акс эттириш билан бирга турмушда учрайдиган порахўрлик, мансаб-парастлик, кўзбўямачилик, ифвогарлик, тўрачилик каби иллатларни фош қилишга ҳам эътибор қаратди. Ҳаётдаги иллатларни ва салбий нусхаларни аёвсиз фош этиш ҳолати жамиятни қайта қуриш даврида айниқса ривожланди. Натижада қатор сатирик шеърлар, масал ва фельетонлар яратилди. Уйғун, А. Орипов, А. Мухтор, О. Матжон, Мирмуҳсин, С. Абдуқаҳҳор, Н. Нарзуллаев, Я. Қурбонов, О. Қўчқорбеков, Н. Аминов, М. Худойкуловлар ҳажвий асрлар ёзишда фаоллик кўрсатдилар.

Шуни ҳам қайд этиш керакки, мазкур даврда ўзбек шеърияти шакл ва жанр, тил ва услуб жиҳатдан ҳам бойиди. Бу даврда классик шеъриятда ривожланган газал, туюқ, рубойи сингари жанрлардан кенг фойдаланилди. Газал жанрида замонавий ашула ва қўшиқлар ёзишда Собир Абдулла, Уйғун, Акмал Пўлат, Ҳабибий, Туроб Тўла, Ҳамид Ғулом, Эркин Воҳидов, Жамол Камол, Пўлат Мўмин, Восит Саъдулла, Барот Бойқобилов каби шоирлар айниқса яхши натижаларга эришдилар. Ҳозирги адабиётда ҳаётдаги камчилик ва нуқсонларни ҳажв йўли билан фош қилишда кўпинча масал ва туюқ жанрларидан фойдаланилмоқда.

Бу даврда ўзбек шеъриятида кўплаб поэмалар яратилди. Натижада поэмачилигимизда сон жиҳатидан ҳам, сифат жиҳатидан ҳам муайян ютуқларга эришилди.

Узоқ ва яқин ўтмиш ҳақида «Гули ва Навоий» (Ойбек), «Широқ» (Мирмуҳсин), «Фурқат» (Ғайратий), «Машраб» (М. Али), «Самарқанднома» (Д. Файзий), «Гирдоб» (С. Акбарий) каби достонлар ёзилди. Уларда халқимизнинг машҳур фарзандлари образлари яратилди.

Поэмачиликда халқимизнинг ҳозирги қайноқ ҳаёти, меҳнати, маънавий-ахлоқий фазилатлари ифодаланди. Ҳ. Ғуломнинг «Лола кўл», М. Бобоевнинг «Она қалби», Саида Зуннуннованинг «Сурат билан суҳбат», Ж. Жабборовнинг «Она-ер қўшиғи», С. Акбариининг «Менинг маҳаллам», Д. Файзийнинг «Онаизор» ва бошқа поэмалари ана шундан далолат беради.

Ҳамид Ғуломнинг «Лола кўл» поэмасида севгига содиқлик ва чин инсонийлик улуғланди, табиат гўзалликларини эъзозлаш, унинг бойликларини асраш ғояси олга сурилди.

«Лола кўл» достонида Мехри билан Тўлаган ўртасидаги севги саргузашти, уларнинг оиласига турмуши ва қисмати серкүёш диёrimиздаги катта ҳаёт фонида акс эттирилган. Достонда тасвирланишича, Мехри ва Тўлаган беш йил бирга турмуш қурадилар. Бир қиз ва бир ўғил кўрадилар. Лекин бу баҳт кўпга бормайди. Негаки, Тўлаган ўз оиласига бевафолик қилиб, умрини бошқалар билан кайф-сафода ўтказади. Охир-оқибатда бу оила тезда нурайди. Асарда Тўлаган ва Мехрининг оила бузилгандан кейинги ҳаёти ва тақдири таъсирили қилиб акс эттирилган. Мехрининг ички кечинмаларини, Тўлаганинг ўз қилмишларидан пушаймон бўлишини кўрсатишда шоир психологик таҳлил санъатидан ўринли фойдаланган.

Бу давр поэмачилигига Рамз Бобожоннинг «Оби ҳаёт» достонининг ўз ўрни бор. Бу поэма Ўрта Осиё жумҳуриятларида юз берган туб ўзгаришлар, Мирзачўлнинг ўзлаштирилиши, Ватан уруши йилларида Ленинградни ҳимоя қилишда иштирок этган ўзбеклар, қозоқлар, туркманлар ҳақида ҳикоя қилади.

Поэмачиликда фуқаролик масалалари, умумбашарий муаммолар борган сари кўпроқ ўрин олди. Нотинч дунё ташвишлари билан яшаётган замонамиз кишиларининг ҳис-туйғулари, уларнинг урушга қарши, тинчлик ва дўстлик учун олиб бораётган курашлари ўз бадиий ифодасини топди. Ойбекнинг «Даврим жароҳати» поэмасида даҳшатли атом урушининг олдини олиш масаласи кўтарилган бўлса, Ҳамид Ғуломнинг «Амазонка» достонида кишилик жамиятининг тақдири, инсоннинг ҳаётдаги ўрни, қадр-қиммати масаласини ёритиш биринчи ўринда туради. Тинчлик ва озодлик, адолат ва тараққиёт каби умумбашарий масалалар эса публицистик кўтаринкилик билан акс эттирилган.

Чет эл мавзууда ёзилган «Амазонка» достони марказида Чили халқининг дунёга машҳур шоири Пабло Неруда образи туради. Ҳ. Ғулом бу образни ҳурмат ва ихлос билан яратган. Шу билан бирга у Пабло Неруда асарларининг Чили ватанпарварларига мадад бераётганлигини аниқ ифодалаб, фашистлар исканжасида азоб чекаётган Чили халқининг кучига, порлоқ келажагига ишонч билдирган:

Достон қаҳратонидан  
Сирқирайди суюклар,  
Неруда достонидан

Мадор олар юраклар,  
Азобга берар бардош,  
Ахир, чиқар-ку қуёш!

Юқоридагилардан ташқари, бу даврда «Юракдаги ўқ» (Назармат), «Тановар» (Х. Шарипов), «Келинчак», «Бўйтўргай» (О. Ҳожиева), «Ражаб Ашурев достони» (Ж. Камол), «Эрк садолари» (Э. Самандар) сингари ҳаётий поэмалар ҳам яратилди. Бу даврда шоирларимиз шеърий роман жанрига ҳам мурожаат этдилар. «Шукухли карвон», «Нотинч Хурросон» (Б. Бойқобилов), «Боқий дунё» (М. Али), «Бир савол» (Х. Шарипов) каби асарлар шеърий роман яратиш соҳасидаги ишларимизнинг дастлабки самарасидир.

Тўгри, бу давр шеъриятида ютуқлар билан бирга турли нуқсонлар, «ўртамиёна» асарлар, гоявий-бадиий заиф шеърлар мавжуд эди.

Умуман олганда, бу давр ўзбек шеърияти ўз тараққиётининг янги босқичига кўтарила борди. Шеъриятда интим кечинмалардан тортиб, то минбарбоп шеърларгача, кундалик мавзуларга бағишлиланган асарлардан тортиб то ахлоқ-одоб, севги-муҳаббат, экология ва сиёsat мавзуларига тааллуқли бўлган ранг-баранг шеърлар яратилди. Ўзбек поэмасининг шуҳрати мамлакатимиз бўйлаб тобора ошиб борди.Faфур Ғулом вафотидан сўнг «Сарҳисоб» шеърлар тўплами, Зулфия «Камалак» ва «Шалола» китоблари, Рамз Бобоҷон «Оби ҳаёт» достони учун юксак мукофотларга сазовор бўлишиди. Бир қанча шоирларнинг яхши шеърлари, поэмалари рус тилига, шунингдек бошқа тилларга таржима қилинди ва кўпчиликка манзур бўлди.

Бу даврда ўзбек насли кўп жиҳатдан ривожланди. Натижада у адабиётимизнинг чиндан ҳам илгор ва етакчи тармоғига айланди.

Бу давр ўзбек насли соҳасида Ойбек, А. Қаҳҳор, Р. Файзий, М. Исмоилий, Сайд Аҳмад, А. Мухтор, П. Қодиров, О. Ёқубов, Шуҳрат, Ҳ. Ғулом, Мирмуҳсин, И. Раҳим, Ҳ. Назир, С. Анорбоев, С. Зуннунова сингари тажрибали ёзувчилар ижод этдилар. Шу билан бирга, насрда Ўлмас Умарбеков, Ўқтам Усмонов, Ўткир Ҳошимов, Шукур Ҳолмирзаев, Мурод Муҳаммад Дўст, Нурали Қобул, Хайридин Султонов, Эркин Самандаров, Фарҳод Мусажонов, Faффор Ҳотамов, Темур Пўлатов, Неъмат Аминов, Саъдулла Сиёев, Тогаймурод

ва бошқа истеъдодли адиблар ҳам самарали ижод қилдилар.

Очерк ва ҳикоя жанрлари, кейинчалик бадиий публицистика ривож топди. С. Аҳмад, О. Ёқубов, Ў. Ҳошимов, П. Қодиров, Ў. Умарбеков, Ш. Холмирзаев ва бошқалар яратган ҳикоя ҳамда очеркларда асосий дикқат-эътибор ҳозирги замон мавзулари тасвирига, замондошларимизнинг реалистик образларини яратишга қаратилди. Бадиий публицистика соҳасида қалам тебратган Эркин Воҳидов, Сарвар Азимов, О. Ёқубов, Ў. Ҳошимов, Т. Пўлатов, П. Қодиров, Б. Даминов каби ёзувчилар инсон меҳнати, табиатни асраш, Орол денгизини фалокатдан сақлаб қолиш, табиат бойликларидан тежаб-тергаб фойдаланиш, ўзбек тилига давлат мақоми бериш, жумҳуриятимизни иқтисодий ва сиёсий жиҳатдан тўла мустақил бўлиши ва бошқа долзарб мавзуларни дадил кўтариб чиқдилар.

Бу йилларда, хусусан, қисса ва роман жанрлари тез ривожланди. Ҳалқимизнинг ўтмиш ҳаёти ҳақида «Болалик» (Ойбек), «Ўтмишдан эртаклар» (А. Қаҳҳор), «Зулмат ичра нур» (М. Осим), «Бухоронинг жин кўчалари» (А. Мухтор), «Чўли ироқ» (Ў. Умарбеков) сингари ҳаётий, етук қиссалар яратилди. Айни чоқда, «Синчалак», «Мұхабbat» (А. Қаҳҳор), «Қадрим», «Мерос», «Эрк» (П. Қодиров), «Муқаддас», «Ларза», «Қанот жуфт бўлади» (О. Ёқубов), «Бўронларда бордек ҳаловат» (А. Мухтор), «Ёлғончи фаришталар» (Н. Аминов), «Севгим-севгилим», «Ёз ёмғири» (Ў. Умарбеков), «Баҳор қайтмайди», «Дунёning ишлари» (Ў. Ҳошимов) каби гоявий-бадиий бақувват қиссаларда ҳозирги даврнинг хилма-хил мавзулари маҳорат билан ёритилди, замондошларимизнинг жонли, тўлақонли ва ибратли образлари яратилди.

Бу қиссаларнинг аксариятида табиийлик, самимилик ва жозибадорлик кўзга ташланади. Шунингдек, бу қиссаларда янги мавзуларни бадиий ифодалашга, янги фикр айтишга, янги образ яратишга интилиш ҳолати қучли. Масалан, Иброҳим Раҳимнинг «Оловкор» ва «Ҳилола» қиссалари ўз вақтида насримизда янгилик бўлди. «Ҳилола» қиссасидаги бош қаҳрамон Ҳилола — ўзбек ёш аёлларининг умумлашма образи. Ҳилола бухгалтерлик касбининг моҳир устаси. У колхоз мулкини тежаб-тергаб асраш йўлларини пухта билганилиги, «қаттиққўллиги», жамоа манфаатини ҳар нарса-

дан устун қўйиши, ўткир сўзлиги, принципиаллиги билан китобхон ҳурматига сазовор бўлади. «Ҳилола» — бадиий жиҳатдан пишиқ асар. Адабиётшунослар унинг тили образли, халқчил, ҳазилларга, нозик ўхшаштишларга тўла эканлигини, унда умумий нарса хусусий тарзда деталлар орқали очиб берилганлигини алоҳида таъкидлаб кўрсатишган.

«Дунёнинг ишлари» (Ў. Ҳошимов), «Истеъфо» (Мурод Муҳаммад Дўст), «Қудуқ тепасидаги ой» (Ғ. Ҳотамов), «Ёлғончи фаришталар» (Н. Аминов) сингари ҳаётий пъесалар ҳам китобхонларга манзур бўлди. Чунки уларда ҳозирги давр ҳаёти ва инсоннинг маънавий олами теран тадқиқ этилган. Бироқ, бу даврда гоявий-бадиий жиҳатдан заиф ва ўртамиёна қиссалар ҳам пайдо бўлди.

Романчилик — бу давр адабиётининг етакчи жанри бўлди. Романчилигимизда тематик доира кенгайди, гоявий мазмун чуқурлашиб, образлар туркуми бойиди. Ижобий қаҳрамонлар қатори янги, етук образлар ҳисобига тўлдирилди. Роман жанрида сифат ўзгаришлари, янгиликлар юз берди. Аввалги даврларда насримизда бўлмаган роман-дилогия («Машъал»), роман-трилогия («Уфқ»), роман-новелла («Чинор», «Икки эшик ораси») жанрларида ҳам кўзга кўринарли асарлар яратилди. Тарихий-психологик роман («Улугбек хазинаси»), ижтимоий-психологик роман («Давр менинг тақдиримда»), тарихий-фалсафий роман («Кўхна дунё») намуналари юзага келди.

Шу даврнинг маҳсули бўлган «Улуг йўл» (Ойбек), «Фаргона тонг отгунча» (М. Исмоилий), Улугбек хазинаси», «Кўхна дунё» (О. Ёқубов), «Юлдузли тунлар» (П. Қодиров), «Меъмор», «Темур Малик» (Мирмуҳсин), «Наврўз» (Н. Сафаров), «Қасоскорниңг олтин боши» (Х. Тўхтабоев) сингари романларда халқимизнинг узоқ ва яқин ўтмиши тасвиirlанган. Халқимиз ўтмиш ҳаётининг ибратли томонлари ҳам, ўша замондаги зулм ва адолатсизлик ҳам образли тарзда очиб берилган.

Мирзакалон Исмоилийнинг «Фаргона тонг отгунча» романida халқимизнинг 1917 йиллар арафасидаги ҳаёти ёрқин тасвиirlанди.

Ҳамид Ғулом «Машъал», «Мангалик» романларида 1917 йилдан сўнгги дастлабки даврларда халқимизнинг мashaққатли ва мураккаб ҳаёт йўлини образли тарзда

кўрсатган. Бу икки романда ҳам янги жамиятнинг қарор топиши билан бир қаторда, янги кўринишдаги кишилар (Ботирали, Эъзозхон, Маъсуд каби образлар) нинг юзага кела бошлаши, уларнинг характерлари аниқ ифодаланган. «Машъял» романининг бош қаҳрамони Ботирали Исмоилов образида 20-йиллардаги фидойи кишиларга хос шижаат, қатъият, ишчанлик, ҳалқ ва инқилоб ишига фидойилик, камтарлик каби хислатлар мужассамлаштирилган. Ботирали ҳалқ фарзанди. У ҳалққа таяниб иш кўради. Асарда Ботирали характерининг шаклланиб, чиниқиши ҳаққоний тасвирланган.

Ёзувчи «Мангулик» романнада ўзбек ҳалқининг маданий инқилоб давридаги (20-йиллардаги) ҳаёти ва қурашини акс эттирас экан, икки дунё — икки мағкура ўртасидаги ҳаёт-мамот қурашининг асл моҳиятини, ижобий ва салбий образларнинг маънавий оламини яққол гавдалантиради. Асарда психологик таҳлил пухта ва асосли. Романда бош қаҳрамонлар Маъсуд билан Шерхўжа ўртасидаги кескин тўқнашув тасвирланган ўринларда психологик таҳлил чуқур ифодаланган.

«Мангулик» романнада бадиий тўқима образлар билан бир қаторда тарихий шахс — атоқли давлат арбоби Акмал Икромовнинг ҳам реалистик образи яратилган. Асарда Акмал Икромов оташин қурашчи, камтар инсон, талабчан раҳбар сифатида гавдаланади. «Мангулик» романнада тасвирланган конфликт ҳаётий бўлгани сингари асар сюжети қизиқарли, композицияси пухта, тили пишиқ. «Мангулик» юксак даражадаги мукофот билан тақдирланган (1980).

Ҳалқимизнинг йигирманчи йиллардаги кўп қиррали ҳаёти ва фидокорона қураши «Ҳамза» (К. Яшин) романнада ҳам акс эттирилди. Унда янги ҳаётнинг жанговар қуйчиси Ҳамза Ҳакимзоданинг жонли образи чизилган. Шунингдек, қатор ижобий ва салбий образлар яратилган.

Бу даврда Ватан уруши мавзууда, ҳалқимизнинг фронт ва фронт орқасидаги жанговар ҳаёти ҳақида «Қуёш қораймас» (Ойбек), «Шинелли йиллар», «Олтин зангламас» (Шухрат), «Қудратли тўлқин» (Ш. Рашидов), «Фидойилар», (И. Раҳим), «Хижрон кунлари» (Сайд Аҳмад), «Вафодор» (В.Faфуров), «Ҳазрати инсон» (Р. Файзий), «Эр бошига иш тушса» (О. Ёқубов)

каби романлар ёзилди. Бу асарларда Ватан урушининг моҳияти, мақсади, бу даврдаги халқ қаҳрамонлиги кенг кўламда ҳаққоний акс эттирилди. Жангчиларимизнинг ажойиб образлари яратилди. Масалан, «Шинелли йиллар» романининг бош қаҳрамони Элмурод ҳаёти мисолида Ватан урушининг бошидан охиригача бўлган характерли воқеалар тасвирланган. Роман воқеаси Ўзбекистонда бошланиб, Волга бўйларида, Кавказда, Украинада ва чет элларда давом этади. Бу воқеа фашистлар тор-мор қилингач, Элмуроднинг уйига — тинч ҳаётга қайтиши билан тугайди. Асарда жангчиларимизнинг инсоният олдидаги буюк хизматлари оқилона кўрсатилган. Роман охирида Элмурод ўзининг немис дўсти Гансга шундай дейди: «Шуни унутмангки, дўстим, агар Прометей инсонга олов топиб бериш учун худоларга қарши исён кўтарган бўлса, совет кишилари немис халқининг ўз ҳақ-хуқуқларини қайтариб бериш учун, вабодан сақлаб қолиш учун ана шу оловга кирди, унда ёнди, ўртанди, бироқ қайтмади. Немис халқининг инсоний баҳтини асрраб қолди; ёлғиз немисни эмас, башариятни даҳшатли, мудҳиш ҳалокатдан сақлаб қолди».

Раҳмат Файзийнинг «Ҳазрати инсон» (1969) романида Ватан уруши давридаги халқ ҳаёти, хусусан, халқимизга хос энг юксак хислат — инсонпарварлик, (хусусан, болажонлик) асосий мавзу қилиб олинган. Мавзу чуқур тадқиқ этилган, қизиқарли ва таъсирили сюжет воситасида ёритилган. Асарга уруш йилларидағи оғир турмуш шароитига қарамай, ўн тўрт етим гўдак (турли миллат фарзандлари)ни ўз тарбиясига олиб, инсонпарварликнинг бекиёс намунасини кўрсатган тошкентлик Шоаҳмад Шомаҳмудов ва Бахри хола жасорати асос қилиб олинган.

Лекин шунга қарамай, роман воқеаси, ундаги асосий образлар умумлашма характерига эга. Чунки ёзувчи романда фақат бир оила ҳаёти материалларидан ва нуқул ҳужжатлардан фойдаланиш билангина чекланмайди, айни чоқда бадиий тўқима имкониятларидан ҳам унумли фойдаланиб, катта умумлашма яратади, типик образларни типик шароитда ҳаққоний кўрсатишга муваффақ бўлади. Бу ҳақда Раҳмат Файзийнинг ўзи шундай деб ёзади: «Бу романим фақат ҳужжатли асар эмас. Унинг тасвир доираси бир оила тарихига нисбатан анча кенг. Унинг қаҳрамонлари мен урушнинг

машаққатли йилларида яқиндан билган ва жондан севган оддий кишилар. Мен «Ҳазрати инсон» романида урушнинг оғир машаққатларини бошидан кечирган, аммо ҳамма қийинчиликларни енгиб, душман устидан бўлажак ғалабани яқинлаштириш учун мардонавор меҳнат қилган совет кишиларини тасвирлашга интилдим»<sup>1</sup>.

Адиб романда Маҳкам aka ва Мехринисо опанинг етим болаларга кўрсатган меҳрибонликларини тасвирлар экан, ўзбек халқига хос инсонпарварликнинг туб моҳиятини ва унинг манбаларини образли тарзда очиб беради. Инсонпарварлик гояларини фронт билан фронт орқасининг узвий бирлиги, фонида, ватанпарварлик, байналмилал дўстлик мотивлари билан чамбарчас боғлиқ ҳолда ёритади. Асада давр руҳи, замон нафаси уфуриб туради ва у республикамизнинг уруш давридаги ҳаёти ҳақида ўқувчида тўғри тасаввур қолдиди.

«Ҳазрати инсон» романида Маҳкам, Мехринисо, Ориф, Тожихон, Ботир, Салтанат каби асосий образлар билан бирга халқимизнинг доно фарзандлари — Усмон Юсупов ва Йўлдош Охунбобоев каби эпизодик образлар ҳам муваффақиятли яратилган. Ёзувчи тўқума образларнинг ҳам, тарихий шахс образларининг ҳам ўзига хос характерларини аниқ қилиб ифодалаган. Хусусан, ёш болалар руҳиятини акс эттиришда катта маҳорат кўрсатган.

«Ҳазрати инсон» романи рус, қозоқ, украин, беларус, кирғиз, латиш, озарбайжон, шунингдек, инглиз, француз, испан, немис, поляк, араб, форс, болгар, чех, вьетнам тилларига таржима қилинган. Таниқли ёзувчи Георгий Марков бу роман ҳақида шундай деб ёзган: «Мана орадан кўп йиллар ўтди, лекин Раҳмат Файзийнинг «Ҳазрати инсон» романига бўлган қизиқиши сусаймаяпти. Бу роман китобхонлар орасида жуда оммалашиб кетди. Бунинг сабаби нимада? Сабаби бор. Ҳамма гап шундаки, бу талант билан ёзилган китоб. Раҳмат Файзий ҳаққоний китоб ёзган, ҳаёт оқимининг нақ ўзидан ҳаётий материални тутиб олишга муюссар бўлган ва бу улкан материални у қалб қўри билан иситган. У материални салмоқли мазмун билан,

<sup>1</sup> Раҳмат Файзий. Ҳазрати инсон. Тошкент, 1975, 7-бет.

ўзининг ҳақиқий ёзувчилик зўр туйгуси билан боитган<sup>1</sup>.

Ватан уруши — кўп қиррали ва доимо долзарб мавзуу, бинобарин, бу мавзуда янги-янги асарлар ёзилаётгани табиий ҳолдир. Бироқ, майдонга чиқаётган асарларнинг ҳаммасини бадиийлик жиҳатидан пишиқ деб бўлмайди. Улар орасида «Чин муҳаббат» (И. Раҳим), «Сайли» (С. Анорбоев) сингари ўртамиёна, юзаки асарлар ҳам бор.

Сўнгги давр романчилигига асосий эътибор ҳалқимизнинг 50—80-йиллардаги ҳаётини ва меҳнат фаолиятини биринчи ўринга чиқариб, ҳар томонлама тасвирлашга қаратилди. Бу даврда юзага келган «Туғилиш» (А. Мухтор), «Умид» (Мирмуҳсин), «Бинафша атри» (Х. Фулом), «Уч илдиз» (П. Қодиров), «Одам бўлиш қийин» (Ў. Умарбеков), «Оқибат» (И. Раҳим), «Жаннат қидирганлар» (Шуҳрат), «Диёнат» (О. Ёқубов), «Икки эшик ораси», «Нур борки, соя бор» (Ў. Ҳошимов), «Лочин қанотлари» (Х. Назир), «Гирдоб» (Ў. Усмонов), «Сўнгги бекат» (Ш. Холмирзаев), «Тўфон» (Ж. Абдуллахонов) ва бошқа романларда ҳаётимизнинг турли жиҳатлари акс эттирилди.

Ўлмас Умарбековнинг «Одам бўлиш қийин» романида одоб-ахлоқ ва эътиқод масаласи марказий ўринда туради. Тўгри, бу роман айрим кишиларга 60-йиллар аччиқ муҳаббат қиссаси бўлиб туюлиши мумкин. Аслида эса романда Абдулла ва Гулчеҳра севгиси саргузашти асосида инсон характерининг мураккаблиги, ёшларимиз интеллектуал дунёсининг кенглиги ва чуқурлиги очиб берилган. Шу боисдан романга оддий муҳаббат қиссаси дебгина эмас, балки муайян даврдаги ҳаёт қиссаси деб ҳам қарашиб лозим.

Асада ёшларимизга хос вафодорлик, ҳалоллик, дўстлик ва инсонпарварлик улуғланиб, худбинлик ва эгоизм қораланади. Романда яратилган Гулчеҳра, Сайёра,Faфуржон, Ҳусанжон каби хилма-хил образлар орасида бош қаҳрамон Абдулла образи ўз характерининг ҳаққонийлиги ва мураккаблиги билан ажralиб туради. Абдулла зоҳирлан вижданли ва ҳалол кишига ўхшайди. Унинг амалпарастлиги, худбин ва эгоистлиги кўпчиликка тезда маълум бўлмайди. Ёзувчи Абдулланинг руҳий дунёсидаги қарама-қарши туйгулар кура-

<sup>1</sup> «Шарқ юлдузи» журнали, 1978, 9-сон, 265-бет.

шини, унинг Гулчехрага бўлган муҳаббатидан юз ўгириб академикнинг қизи Сайёрага уйланишини психологик жиҳатдан чуқур асослаб бера олган.

Ўткир Ҳошимовнинг «Икки эшик ораси» романи воқеаси Тошкент атрофидаги қишлоқлардан бирида, асосан Ватан уруши йилларида бўлиб ўтади. Шу билан бирга, асарда ўрни-ўрнида қишлоқ кишиларининг урушдан олдинги ва урушдан кейинги ҳаётидан ҳам ҳаяжонли лавҳалар чизилади. Шундай қилиб, асарда колхоз қурилиши, Ватан уруши ва Тошкент зилзиласи билан боғлиқ бўлган қарийб қирқ йиллик ҳаёт ҳақиқати қамраб олинади. Ёзувчи ҳаётни ҳеч қандай пардбозсиз, ҳеч қандай дабдабасиз тасвирлаш йўлидан боради.

Ў. Ҳошимов асар сюjetи ва композициясини ишлашда мумтоз адабиётда (масалан, Алишер Навоийнинг «Сабъаи сайёр» достонида) мавжуд бўлган қолиплаш санъатидан ижодий фойдаланиб, янгилик яратган. Роман воқеаси Робия, Қора амма, Кимсан Ҳусанов, Музаффар Шомуродов, Мунаввар Алиева, Раъно, Умар закунчи, Олимжон Комилов сингари турли характер ва тоифадаги тўққизта персонаж тилидан ҳикоялар тизмаси шаклида берилган. Бу ҳикоялар мазмунан ўзаро бир-бири билан мустаҳкам боғланган бўлиб, бир-бирини тўлдиради. Шу тариқа улар романнинг бир бутун, тугал, оригинал ва жозибадор сюjet чизигини ҳосил этади.

Адид кундалик ҳаёт воқеаларини, қишлоқ кишиларининг ҳаракатларини, ўзаро муносабатларини рўйност тасвирлаш орқали турли қисмат ва тақдир соҳиблари бўлган одамларимизнинг ёрқин образларини яратади. Эътиқоди мустаҳкам, виждони пок, диёнати маҳкам Ориф оқсоқол, Қора амма, Ҳусан дума, Қобил табиб, Робия каби оддий кишиларнинг инсонпарварлик, ҳалоллик, Ватан ва халқ ишига фидойилик, меҳрмуҳабbat сингари фазилатларини эҳтирос билан тасвирлайди. Қахрамонлар ҳаётда не-не қийинчилик,adolatsizlik, кулфату кўргилик ва ҳатто фожиаларга дучор бўлмасинлар, барι бир тўғри йўлдан тоймайдилар, имонларини йўқотмайдилар,adolat ва ақл билан иш тутадилар. Чунки, бу кишилар қалбida нур бор, пок эътиқод — виждон бор, ёзувчи буни жуда таъсирли ва ҳаққоний қилиб акс эттирган.

Масалан, Ориф оқсоқол баъзи раҳбарларнингadolatsizligi туфайли раисликдан ноҳақ бўшатилганида

ҳам, икки азамат ўғлининг жангда ҳалок бўлгани ҳақидаги шум хабарни эшитганида ҳам шошиб қолмайди, руҳий тушкунликка берилмайди. Чин инсонлигини амалда намойиш қиласди. Ёки Қора амма ва Ҳусан дума образларида ҳам тантлилик, одамийлик, бардош, меҳроқибат кучли. Улар ўзлари қийналсалар-да, бошқаларга яхшиликни раво кўрадилар, атрофдаги одамларга доимо беминнат хизмат қиласдилар.

Романда Раъно ва Умар закунчи образлари ҳам салмоқли ўрин тутади. Раъно образида фронтга кетган эри Шомуродга вафосизлик қилиб, йўлдан адашган сувул келинчакнинг оғир қисмати, пушаймони, фожиаси ғоят таъсирли қилиб очиб берилган. Умар закунчи образида эса уруш даврида колхозда ўзи хон, кўланкаси султон бўлган раисларнинг нопок ишлари асосли тарзда фош этилган.

Романда образларни умумлаштириш ва индивидуаллаштириш масаласи ўзаро диалектик бирлиқда ҳал қилинган. Ана шунга кўра асардаги асосий образларги на эмас, балки Рашид абзи, Башор опа, Парча, Ойсара, Самадов сингари эпизодик образлар ҳам китобхон ёдида узоқ сақланиб қолади. Асарда сунъийлик йўқ. Аксинча, ишонтириш санъати кучли. Муаллиф қалтис, мураккаб масалаларни ҳам фавқулодда топқирлик билан ишонарли қилиб тасвирлайди. Қора амманинг ўз ўғли Кимсаннинг севгилиси Робияни иложесизликдан Шомуродга тўй қилиб узатиши, Ориф оқсоқолнинг ёшлиқ қилиб йўлдан озган келинига мардлик билан адолат қилиши, қисматлари чалкашиб кетган Музаффар ва Мунаввар севгиси тасвирланган ўринларда бу ҳол айниқса очиқ кўринади. Романда ҳар бир воқеа, ҳар бир тафсилот пухта асосланиб, чуқур тасвирланган.

Умуман олганда, ў. Ҳошимовнинг «Икки эшик ораси» романнода ҳаёт ҳақиқати рўйирост кўрсатилиб, тўлақонли, оригинал образлар яратилган. Роман Ҳамза номидаги жумҳурият Давлат мукофоти билан тақдирланган.

Бироқ, бу даврда ёзилган романлар орасида пишиқ ва қизиқарли романлар билан бир қаторда «Машраб», «Қорадарё» (Х. Ғулом), «Чотқол йўлбарси», (Мирмуҳсин); «Одам қандай тобланди» (И. Раҳим); «Қора марварид» (Ю. Шомансур); «Вафо» (Й. Сулаймон); «Мувозанат» (М. Салом) каби ўртамиёна асарлар ҳам

бор. Бу романларда воқелик чуқур тадқиқ этилмайди, тасвирида юзакичиликка йўл қўйилади, характерлар тўла очиб берилмайди. Сюжетда тигизлик-зичлик, тилда шира ва жозибадорлик етишмайди.

Бу даврда ўзбек насирида кўпроқ катта жанрлар (роман ва қиссачилик) тараққий этди. Кўпгина адилларнинг бадиий маҳорати, характер яратиш малакаси ортди. Хусусан, ҳаётни чуқурроқ ва реалроқ акс эттириш тенденцияси кучайди.

Бу даврда ўзбек драматургиясида ҳам олға қадамлар ташланди. Түрли хил мавзуларда кўплаб пьесалар яратилди. «Инқилоб тонги» (К. Яшин); «Мирзо Улугбек» (М. Шайхзода), «Абу Райхон Беруний», «Зебунисо» (Уйғун); «Номаълум киши» (И. Султон); «Баҳор арафаси» (Б. Раҳмонов); «Нодирабегим» (Т. Тўла); «Қора камар» (Ш. Холмирзаев) сингари пьесаларда халқимизнинг узоқ ва яқин ўтмиши қаламга олинди.

Замонавий мавзуларни ёритища К. Яшин, Уйғун, И. Султон, М. Шайхзода, Н. Сафаров, З. Фатхуллин каби атоқли, тажрибали драматурглар билан бир қаторда С. Азимов, Сайд Аҳмад, Ҳ. Ғулом, Т. Тўла, Ў. Умарбеков, Э. Воҳидов, М. Бобоев, Ш. Бошбеков, А. Иброҳимов каби истеъоддли ижодкорлар ҳам самарали меҳнат қилдилар.

Ҳозирги замон вокелигини тасвирилаш, янгилик билан эскилик ўргасидаги қурашни ҳамда ахлоқ-одоб мавзуини ёритиши драматургиямизнинг дикқат марказида туради. Бу мавзудаги ютуқларни «Аяжонларим» (А. Қаҳҳор), «Имон» (И. Султон), «Парвона» (Уйғун), «Олтин девор» (Э. Воҳидов), «Тошболта ошиқ» (Ҳ. Ғулом), «Қиёмат қарз» (Ў. Умарбеков), «Келинлар қўзғолони» (Сайд Аҳмад), «Ер илдизи» (М. Бобоев) каби пьесалар мисолида очиқ кўриш мумкин.

Иzzat Султоннинг «Имон» драмасида олимларимиз ҳаёти тасвиirlаниб, юксак ахлоқ-одоб соҳиби Йўлдош Комилов образи яратилди. Наим Саңжаров ва Ориф образлари мисолида ахлоқий ақидалардан чекинган сохта илмий ходимлар фош этилди. Драмада Йўлдош Комилов оиласи мисолида ўзбек зиёлиларининг ижтимоий, моддий-маиший, илмий-маданий ҳаёти умумлаштириб кўрсатилади. Бу оила аъзоларининг жамиятдаги ўрни ва хизматлари, ахлоқу эътиқодлари, ўзаро муносабатлари ҳар қандай кишининг ҳавасини келтиради. Бу оила аъзоларининг бири — профессор, яна

бири — институт директори, иккинчиси — таниқли журналист, учинчиси — врач... Уларнинг эътиқодлари-ча, нон-туз ҳамда илм-тарбия бериб ўстирган Ватан ва халқ учун вижданан хизмат қилиш, жамият ва оиласда ҳалоллик билан мазмундор ҳаёт кечириш катта баҳт. Асарда шу хусусиятлар барча кишиларнинг зарурый инсоний бурчи бўлиши керак деган ғоя олға сурилган.

Пьесанинг бош қаҳрамони Йўлдош Комилов бутун умри давомида бор кучини, билимини, ақл-заковатини халқ иши учун хизмат қилишга бағишилаган. У фарзандларининг ҳам ўзидаи бўлиб ўсишлари ва халққа ҳалол хизмат қилишларини истайди. Шу сабабли ота ўғли Орифнинг одоб-ахлоқ нормаларидан чекинишига сира-сира чидай олмайди. Йўлдош Комилов характерининг бу жихатлари ўғли Ориф ва маккор «дўсти» Санжаровнинг разилликларига, тубанликларига қарши кураш жараёнида яққол гавдаланади. Орифнинг кандидатлик диссертацияси марҳум профессор Юсуповнинг қўллөзмасидан қўчириб олингандиги маълум бўлгач, Йўлдош Комилов кучли газаб ўтида ёнади. Йўлдош Комилов характерининг кучлилиги шундаки, у Орифни қингир йўлдан қайтишга, виждан ва ҳаққоният олдида тиз чўкишга мажбур этади.

«Имон» пьесасида гарчанд оиласдаги бир кунлик воқеа кўрсатилса-да, ундаги ҳар бир образ ўзининг аниқ қиёфасига, тўлиқ таржимаи ҳолига, ўтмиши ва келажагига эга.

Ўлмас Умарбековнинг «Қиёмат қарз» драмаси ўз ғоявий мазмунига кўра «Имон» пьесасига яқин туради. Чунки унда ҳам ахлоқ-одоб ва эътиқод мавзуи тасвиrlаниб, ҳалоллик ва тўғрилик улуғланади. «Қиёмат қарз» драмасининг марказида олижаноб, ҳалоллик тимсоли бўлган Сулаймон ота образи туради. Асарнинг асосий ғояси Сулаймон отанинг ҳаёти ва у билан боғлиқ воқеалар фонида, ижобий ва салбий характерларнинг тўқнашуви жараёнида очила боради.

Пьесада кўрсатилишича, уруш арафасида ёш йигит Нуъмонжон ҳарбий хизматга жўнаш пайтида отасидан мерос қолган иккита қўзини Сулаймон отага омонат тарзида топшириб кетади. Сулаймон ота омонатга хиёнат қилмай, Нуъмонжоннинг қўзиларини меҳр билан боқади. Натижада бу қўй-қўзилар йил сайин кўпайиб боради. Аммо уруш галаба билан тугаб, бир неча йиллар ўтгандан сўнг ҳам Нуъмонжондан дарак

бўлмайди. Кексайиб қолган Сулаймон ота эса ҳамон ўша қўй-қўзилар (омонат)ни эгасига эсон-омон топшириш умиди билан яшайди, имкони бўлган ҳамма жойдан Нуъмонжонни сўроқлайди. Ниҳоят қўйлар кўпайиб кетгач, колхоз уларни ўз ихтиёрига олади. Сулаймон отага эса қўйларнинг пулини тўлаб, уни пенсияга чиқаради. Шундан сўнг отанинг ташвиши янада ортади.

Бутун умри меҳнат билан ўтган Сулаймон ота аввало бекорчиликдан қийналади, зерикади, шунингдек, Нуъмонжонни топиш, омонатини эгасига қайтариш ўй-хаёли унга тинчлик бермайди. Шунинг учун у колхоз правлениеси ажратган йўлланма билан курортга бориб дам олиб келишдан ҳам воз кечади. Нуъмонжонни излаб йўлга отланади. У Нуъмон Назаров деган одам дарагини қаердан эшитса, ўша ерга кириб боради, сўрабсуриштиради. Шу йўлда у турли одамларга дуч келади, ҳар хил воқеаларнинг гувоҳи бўлади.

Сулаймон ота излаб-излаб, ниҳоят ўзи қидирган киши — Нуъмон Назаровни топади. Аввалига, Сулаймон ота Тошкентда катта бир шифохонага бошчилик қилаётган Нуъмон Назаров ўзи излаётган ўша одам (омонатнинг эгаси) эканлигини билиб жуда қувонади. Унга қиёмат қарз (20 минг сўм пул)ни бермоқчи бўлади. Аммо Нуъмон Назаров фронтга бормаган экан. У мансаб ва бойлик орқасидан қувиб, муайян мавқега эришган бўлса-да, қадр-қийматни билмайдиган худбин, амалпаст бир шахс бўлиб чиқади. Буни сезган ота ғазабдан ларзага келади. Унинг қалбидаги муҳаббат туйғулари ғазаб ва нафрат ҳисси билан алмашади. Натижада Сулаймон ота Нуъмонга у қолдирган икки қўзинингги-на ҳақини бериб, «Сен бундай яхшиликка арзимайсан» деб қолган пулни олиб қишлоғига жўнайди.

Кўринадики, Сулаймон ота «қиёмат қарз» деган тушунчани тўғрилик, ҳалоллик, омонатга хиёнат қилмаслик маъносида тушунади. Шунинг учун ҳам Сулаймон ота Нуъмон Назаровга лаънат тамғасини муҳрлаб кетади. Кейинчалик ота Киев шаҳрига бориб, ўзида қолган икки юзи кам йигирма минг сўм пулни (қўй-қўзилар учун колхоздан олган пулни) ўртоқлик мозорида ётган шаҳид аскарларимиз қабрига ёдгорлик ўрнатиш учун тегишли кишиларга тақдим этади. Бу билан Сулаймон ота ўз зиммасидаги қиёмат қарздан кутулгандай бўлади, тинчийди, ором олади, роҳатланади.

«Қиёмат қарз» драмаси қизиқарли, таъсирили ва ҳаяжонлантириарли қилиб ёзилган. Драмада, хусусан, бош қаҳрамон Сулаймон ота образи моҳирона яратилган.

Ўлмас Умарбековнинг «Комиссия», «Кузнинг биринчи куни», «Шошма, қуёш», «Аризасига кўра», «Курорт» сингари пьесаларида ҳам кишиларимизнинг ҳалоллик, вижданни поклик, бурчга садоқат, принципиаллик ва инсонпарварлик сингари олижаноб хислатлари маҳорат билан акс эттирилган. Замондошларимизнинг ибратомуз ижобий образлари яратилган. Умумхалқ ва давлат манфаатини шахсий манфаатидан устун қўйиб, ўз аризасига биноан директорлик лавозимидан озод бўлган, соф вижданли инженер Ботиров («Аризасига кўра»), эл-юртга садоқат билан ҳалол хизмат қилиш эвазига ҳалқ меҳрини қозонган раиса Санобар опа («Шошма, қуёш»), жиноятчиларни фош этишда принципиаллик намунасини кўрсатган милиция капитани Мурод Султонов («Кузнинг биринчи куни») каби ижобий образлар драматургнинг жиддий ютуғидир.

Ў. Умарбеков ўз пьесаларида ранг-баранг ижобий образлар яратиш, ҳаётдаги истиқболи порлоқ кучларни кўрсатиш ва қўллаб-қувватлаш билан бирга, кўзбўяма-чилик, иккиюзламачилик, манманлик, порахўрлик, лаганбардорлик, муросасизлик каби иллатларни беаёв фош этади.

Бу давр ўзбек драматургиясида ўтмиш ва ҳозирги воқеликни тасвирлаш билангина кифояланилмади. Бу жанрда чет эл ҳаёти ва у билан боғлиқ мавзулар ҳам акс эттирилди. Натижада драматургиямиз «Қонли сароб», «Замон драмаси» (С. Азимов), «Истамбул фожиаси», (Э. Воҳидов), «Тухмат» (Ў. Умарбеков) каби пьесалар билан бойиди.

Сарвар Азимовнинг «Қонли сароб» драмаси турли хил сабабларга кўра турли даврларда чет элларга кетиб қолган ўзбек мухожирларининг мураккаб ҳаётини тасвирлашга бағишлиланган. Маълумки, ўзлари туғилиб ўсан она-Ватанини тарқ этишга мажбур бўлган кишилар ва уларнинг авлодлари орасида пок вижданли ҳалол ва мард, доно ва ишбилармон, ватанпарвар ва инсонпарвар шахслар ҳам кўп. Улар ҳалқимизга ва юртимизга нисбатан беғараз, самимий дўстлик, қон қардошлиқ муносабатида бўлиб, ҳозирги вақтда Ўзбекистон жум-

хуриятини ҳар жиҳатдан ривожлантиришга сидқидилдан кўмаклашиш ниятини изҳор этмоқдалар. Бу ҳаёт ҳақиқатини «Эл» Халқаро уюшмаси ташабbusи билан 1991 йил 24 сентябрда Тошкентда ўтказилган ўзбеклар (туркистонликлар)нинг биринчи халқаро учрашуви ҳам ёрқин намойиш этди.

Чет эллардаги ватандошларимиз орасида яхши ниятли кишилар билан бир қаторда, қора ниятли шахслар ҳам бор. Сарвар Азимов ўз драмасида, асосан, ана шундай ёмон ниятли шахсларнинг ҳаёти ҳақида ҳикоя қиласди. Аниқроғи «Қонли сароб» драмасида хорижий мамлакатларда хомхаёл йўлида дайдиб юрган бир ҳовуч шахсларнинг Ватан урушидан кейинги дастлабки йиллардаги аччиқ қисмати, кирдикорлари кўрсатилган.

Бу даврда драматургиямиз мавзу ва ғоявий мазмун жиҳатидангина эмас, балки жанр жиҳатидан ҳам бойиб борди. Бу даврда, айниқса, комедия жанрида жиддий ўсиш-ўзгаришлар юз берди ва «Тобутдан товуш» (А. Қаҳҳор), «Келинлар қўзғолони», «Қуёв» (Сайд Аҳмад), «Олтин девор» (Э. Воҳидов), «Тошболта ошиқ (Х. Фулом) сингари ажойиб комедиялар яратилди. Бу асарларда асосий воқеа хушчақчақ кулги асосига қурилган бўлиб, Суқсурев, Нетайхон, Фармон буви, Гани, Тошболта каби комик ва сатирик характерлар яратилган. Шулар орқали ҳаётимизнинг ранг-баранг қирралари кўрсатилиб, иллатлар ва нуқсонлар кулги остига олинган. «Тошболта ошиқ»да зарарли диний урф-одатлар фош этилса, «Келинлар қўзғолони»да келинлар ва қайнона муносабати тасвирланиб, эскилил сарқитлари қораланади. «Олтин девор» комедиясида мол-мулкка — бойликка ҳирс қўйишининг оқибатлари фош этилиб, ҳалоллик ва тўғрилик мадҳ қилинади.

Шундай қилиб, 50-йиллардан сўнгги даврда ўзбек драматургияси шубҳасиз, анчагина ютуқларга эришди. Бироқ айрим ҳолларда миқдорий ўсиш билан сифатий ўсиш ўртасида бирлик таъминланмади, яъни бу давр драматургиясида ғоявий-бадиий жиҳатдан юқори савиядада яратилган саҳна асарлари етарли бўлмади.

Хуллас, бу даврда адабиётимиз ғоятда мураккаб тараққиёт йўлини босиб ўтди. Дарҳақиқат, мамлакат ижтимоий ҳаётидаги зиддиятлар, дабдабабозликлар, мақтанточоқликлар, етишмовчиликлар ва бошқа иллатлар адабиёт ривожига салбий таъсир кўрсатди. Бироқ

бундай тўсиқлар бадиий ижодчилик жараёнини тўхтабиб қўйган эмас. Бинобарин, адабиётимиз ўз вазифасини бажариш йўлида маълум ютуқларга эришиди: адабиётнинг ҳаёт билан алоқаси мустаҳкамдана борди; замонавийлик, гоявийлик, ҳаққонийлик, бадиий маҳорат учун кураш давом этди. Натижада бадиий адабиёт жамият тараққиётининг янги босқичига кириб келди.

## 2 Янги тафаккур ва янги адабиёт (1985—1992 й.)

Мамлакатимиз халқ хўжалигига 1970—1980 йилларда маълум ютуқларга эришилди. Бироқ жамиятимиз тарихий тараққиёти давомида, хусусан, шахсга сифиниш ва турғунлик йилларида турли жиддий хато ва камчиликларга ҳам йўл қўйилди. Дабдабозлик, мақтанчоқлик, кўзбўямачилик, ошна-огайнигарчилик, ўз мансабини суистеъмол қилиш, халқни ва давлатни алдаш, порахўрлик сингари иллатлар томир отди. Оқибатда мамлакат ва халқ аҳволи сўнгги йилларга келиб яхшиланиш ўрнига ёмонлашиб борди. Аҳволни тузатиш учун ҳаётда туб ўзгаришлар — сифат ўзгаришлар қилиш лозим бўлиб қолди. Натижада давр талабига кўра 1985 йилда янги сиёсий тафаккур шиори ўртага ташланди. Шу тариқа, мамлакатимиз ўз тараққиётининг янги даврига қадам қўйди.

Ўтган қисқа вақт ичida халқимиз янги сиёсий тафаккур туфайли кўпгина тадбирларни амалга оширади. Оқибатда ҳаётда демократия ва ошкоралик кучайди. Ҳар нарсани ўз номи билан аташга, яхшини яхши, ёмонни ёмон, жиноятни жиноят деб очиқчасига айтиш имконияти яратилди.

Адабиёт янги фикр, янги образлар билан бойиди. Асарларнинг гоявий мазмунидагина эмас, шаклида ҳам ўзгаришлар юз бера бошлади. Янги сиёсий тафаккур шарофати билан 80-йилларнинг ўрталаридан бошлаб адабиётимизда танқидий рух, ошкоралик ва демократия мисли кўрилмаган тарзда ўса борди. Ўзбек адабиёти 80-йилларга келиб ўз тараққиётининг янги босқичига қадам қўйди.

Бу даврда халқ оммасининг жамият ҳаётидаги ҳал қилувчи роли тикланди. Халқни сиёсий онги ва дунёқарашида туб сифат ўзгаришлари юз берди. Шу билан боғлиқ ҳолда халқ оммасининг талаб ва эҳтиёжлари ортди. Янги фикр, янги гоялар майдонга чиқди.

Мамлакатдаги ҳар бир жумҳуриятда мустақилликка эришиш масаласи кун тартибига кўндаланг қилиб қўйилди. Дарҳақиқат, Ўзбекистон Республикаси Олий Кенгаши 1991 йил 31 августда жумҳуриятимизнинг Давлат мустақиллиги тўғрисида Қонун қабул қилди. 1 сентябрь Ўзбекистон Республикасининг Мустақиллик куни деб белгиланди ва бу кун байрам ҳамда дам олиш куни деб эълон қилинди. Ўзбекистон халқларининг азалий орзу-ниятлари ушалди. Ўзбекистон тарихида янги давр бошланди. Бу фавқулодда муҳим тарихий жараёнда ёзувчиларимизнинг ҳам салмоқли ҳиссалари бор.

Эндиликда мустақиллик туфайли Ўзбекистон ёзувчилари ҳаёт ҳақиқатини бутун борлиги ва мураккаблиги билан рўйирост акс эттириш йўлидан бормоқдалар. Бу ҳолни адабиётимизнинг ҳамма жанрларида кўришимиз мумкин. Айниқса, шеъриятимизда реализм — ҳаққонийлик кучайди. Чунончи, авваллари (хусусан, турғунлик йилларида) инсон меҳнати кўпинча бир томонлама, осон иш сифатида дабдабали қилиб, бўяб-безаб акс эттириларди. Шуниси муҳимки, қайта қуриш даврига келиб бу мавзу, чунончи, пахтакор меҳнатининг оғирлиги ва унинг ўзига хос машақкатлари бутун борлиги билан аниқ тасвирлана бошланди. Бу жиҳатдан, айниқса, А. Орипов, Э. Воҳидов, Ҳ. Худойбердиева, Р. Парпи, М. Солих, О. Матжон, У. Азим, Ш. Раҳмон, Ж. Қамол, А. Суюн, Э. Самандаров, Г. Нуриллаева, М. Юсуф, Ҳ. Даврон, М. Мирзаев, О. Ҳожиева, М. Аъзам, Ю. Жумаев, З. Мўминова, Ш. Қурбонов ва бошқа қатор шоирларимизнинг сермаҳсул ижоди характерлидир. Уларнинг шеърларида халқ ва жумҳурият ҳаётини яхшилашга қаратилган муаммолар, оддий инсон қадр-қимматини тиклаш ва кўтариш, ўзбек тилига давлат мақомининг берилishi каби долзарб мавзулар теран акс этган. Бу, албатта, сўнгги йилларда адабиётда ҳаққонийлик, ошкоралик, танқидий рух кучайганлигининг самарасидир.

Шоирларимиз инсонни ва ҳақиқий инсонийликни ҳар нарсадан устун қўйиб, ҳалол ишлаб, ҳалол яшашни тараннум этмоқдалар. Шунингдек, шоирларимиз жумҳуриятимиз мустақиллигини тўла таъминлаш, табиатни асраш, Орол денгизини фалокатдан сақлаб қолиш, инсон меҳнатини эъзозлаш, турмуш маданиятини кўтариш ҳақида кўплаб ўткир шеърлар ёздилар.

Чунончи, Усмон Азимнинг «Инсонни тушуниш», «Ҳолат», «Оқибат», хусусан, «Қўзгу», «Сурат парчалари», «Дарс» сингари гоявий жиҳатдан ўткир, бадиий жиҳатдан бақувват тўпламларида шеърлар диққатга лойикдир.

Бу даврда Ўзбекистоннинг мустақилликка эришганидан қувониб ёзилган ижтимоий публицистик лирика намуналари ҳам шеъриятимизда салмоқли ўрин эгаллади. Бир гурӯҳ шоирлар<sup>1</sup> томонидан ҳозиржавоблик билан ёзилган «Мустақиллик қасидаси»да қўйидаги оташин ва самимий мисралар бўртиб туради:

Мустақиллик! Қўйлайман сени  
Бор овозим, йўлларим билан.  
Мустақиллик! Асрайман сени  
Керак бўлса қўлларим билан.  
Халқим!  
Юртим!  
Бошингда хумо.  
Уни асра, учиб кетмасин!  
Қора кучлар бордир доимо,  
Толеингни забун этмасин!  
  
Мустақиллик! Қутлайман сени  
Бор санъатим, баётим билан,  
Мустақиллик! Асрайман сени  
Керак бўлса ҳаётим билан!

\* \* \*

Ватан мустақиллик нурига тўлсин,  
Жаҳон харитаси мукаммал бўлсин!

Қайта қуриш даврида шеъриятимизда тинч ҳаёт ва ёшлиқ, виждон ва бурч, ахлоқ-одоб, севги-муҳаббат сингари мавзуларда ҳам қатор бақувват шеърлар яратилди. Бу ҳам шеъриятимизнинг гоявий-тематик доираси кенгайиб, янги образлар билан бойиб бораётганлигидан гувоҳлик беради. Мисол учун Ҳалима Худойбердиеванинг ижодини олайлик. Шоира рангоранг мавзуларда, хусусан, болалар ва оналар, оддий меҳнаткаш хотин-қизлар ҳақида жонкуярлик билан гўзал асарлар битди, ҳаёт ҳақиқатини, хотин-қизлар ҳаётидаги ижобий, томонларни ҳам, оғир-машаққатли

<sup>1</sup> Тилак Жўра, Азим Суюк, А. Кўчимов, Т. Мирзо, М. Улуғ, М. Мурод қизи, Қутлибека, С. Ҳаким, Ш. Салимова, А. Қутбиддин.

ва кўнгилсиз жиҳатларни ҳам рўйирост акс эттириди. Истеъоддли шоиранинг «Она садоқати ва ўғил армони қиссаси»да севига садоқат ва инсоний бурч ҳақидаги теран поэтик фикр ифодаланган.

Асарда тасвирланишича, уруш туфайли ёш бева қолган Сайрам келин кўз очиб кўрган ёрига садоқат намунасини кўрсатади: эрининг фронтда ҳалок бўлгани тўғрисида «қорахат» олгач, ич-ичидан эзилади. Шу билан бирга, у абадий фироқни ихтиёрий равишда абадий висол деб билади, бутун меҳрини севикли ёридан ёдгор бўлиб қолган ёлғиз фарзандига багишлади. Ўғлини оқ ювиб, оқ тараб тарбиялайди. Ўғил вояга етиб, уйли-жойли ва олти болали ота бўлгач, тўсатдан оғир касалликка йўлиқади, фарзандлар камолини кўра олмай, бевақт дунёдан ўтади. У охирги дақиқаларида онасига ўз армонини баён этади:

Энам, сен энадан эдинг ёлғиз қиз,  
Не учун мени ҳам ёлғиз ўстирдинг.  
Бировга суяна олмадим, эсиз,  
Сениям ҳамиша ғамбода кўрдим...  
Энажон, не учун тегмадинг эрга,  
Бир ўйил, ҳеч йўқса бир қиз бўлсайди,  
Отамни-ку ахир бергандинг ерга,  
Оғам деб йиглашга бир қиз бўлсайди.  
Бир елка бўлсайди суянмоғинга.

Ҳалима Худойбердиева ўз шеърида ёлғизликни қоралаб, муҳим ҳаётий фикрни ифодалашда халқ оғзаки ижодига хос услубдан фойдаланган. Натижада шеър гоят таъсирли ва халқчил бўлиб чиққан.

Жамиятни қайта қуриш даврида лирика сингари лиро-эпик шеърият янги замон руҳини тўғри акс эттириди. Достончиликда ошкоралик, авваллари айтиш мумкин бўлмаган гапларни топиб, дангал ёзиш, одамлар онгига ҳақиқатни чуқур сингдириш одати кучайди. Абдулла Ориповнинг «Ранжком», Султон Ақбарийнинг «Қатагон», О. Матжоннинг «Нега мен?», Азим Суюннинг «Ўзбекистон», Хуршид Давроннинг «Ватан ҳақида етти ривоят», Икром Отамуродовнинг «Узоқлашаётган оғриқ» каби достонларида поклик билан нопоклик ўртасидаги ҳаёт-мамот кураши, шахсга сифициш даврининг иллатлари ва уларнинг фожиали оқибатлари образли равишида тасвирлаб берилган. Масалан,

«Қатағон» достонида шоир давр ҳақиқатини, қатағон йиллар фожиасини халқона содда ва теран очиб берган:

Етти кечак тергов, сиқув сурунка,  
Наркомнинг эгнида қонли тиринка.  
Ки гаров ёргизиб тирноқ қиларлар,  
Ўликни тўргизиб қистоқ қиларлар,  
Шу қадар фаранг бўб кетганми жазо!  
Шу қадар қийинми шўрода қазо!  
Чалажон чўзилса, сувга пишарлар,  
Қўй ютган аждаҳо янглиғ шишарлар.  
Ахир, у чибин-ку, эмас каркидан,  
Отиб юборсайди тезроқ аркидан.

Шундай қилиб, жамиятни қайта қуриш йилларида шеъриятимизда ҳаётга чуқурроқ кириб бориш, уни бутун борлиғи ва мураккаблиги билан аниқ тасвирлаш, воқелигимизни бўяб-безамасдан, асоссиз мақтамасдан бор ҳақиқатни рўйирост кўрсатиш, юксак сифатли асарлар яратишга қизиқиш кучайди. Бу ҳол қайта қуриш давридаги ўзбек насрiddan ҳам тобора мустаҳкам ўрин эгалламоқда.

Бу даврда ўзбек насрidda шахсга сигиниш ва турғунлик давридаги ҳаётни танқидий нуқтаи назардан таҳлил этиб тасвирловчи публицистик мақолалар, ҳикоя ва очерклар, қисса ва романлар яратилди. Янги замон ғояларини ифодалашда. О. Ёқубов, Ў. Ҳошимов, П. Қодиров, Ҳ. Худойбердиева, А. Иброҳимов, С. Азимов публицистика имкониятларидан усталик билан фойдаланган бўлсалар, А. Мухтор, Мирмуҳсин, Ў. Умарбеков, Ш. Ҳолмирзаев, Ў. Усмонов, Ҳ. Султонов, Ф. Хотамов ҳикоя жанрида самарали ижод қилдилар. Шукур Ҳолмирзаевнинг «Ҳайкал», «Хоразм», «Жонгинам», «Йиғи», «Ҳукумат», «Ўзбек характери» каби асарлари ҳикоя жанрининг етуқ намуналари бўлиб, уларда ҳаёт ҳақиқати жозибали ва ихчам шаклда ифодаланган. Ёрқин характерлар яратилиб, ҳикоя ғояси асарнинг умумий руҳига сингдириб юборилган.

Қисса жанри қайта қуриш даври руҳини реал акс эттирувчи асарлар ҳисобига бойиди. Асқад Мухторнинг «Кумуш тола», Ў. Ҳошимовнинг «Икки карра икки — беш», Ҳ. Султоновнинг «Ажойиб кунларнинг бирида», Ф. Мусажоновнинг «Боғ кўчамни қўйсайман», Тоҳир Маликнинг «Қалдиргоч», Ү. Назаровнинг «Тўзондаги шарпалар» каби қиссаларида ҳаётий конфліктлар ва

жонли характерлар янги давр талабларига мос равиша тасвириланди.

Ўзбек романчилигига ҳам замон талабларига ҳозиржавоблик кучайди. Қисқа вақт ичидаги турли мавзуларда ўнлаб романлар ёзилди. «Оқ қушлар, оппоқ қушлар» (О. Ёқубов), «Лолазор» (Мурод Мұхаммад Дўст), «Жимжитлик» (Сайд Аҳмад), «Илон ўчи» (Мирмуҳсин), «Унутилган соҳиллар» (Н. Қобул), «Кафансиз кўмилганлар» (Шукрулло), «Қирғоғини йўқотган дарё» (Э. Самандар), «Эгилган бош» (О. Мухтор), «Мунгли кўзлар» (Х. Тўхтабоев) каби романлар тезкорлик ва ҳозиржавоблик билан яратилган бўлиши билан бирга бадий жиҳатдан ҳам пишиқ Бинобарин, бу йирик насрый асарларнинг аксарияти ўзбек романчилигига янгилик бўлди. Бу романларнинг мавзуи янги бўлганидек, уларда танқидий руҳ — ошкоралик кучли. Бу янги романларда турғунлик даврининг жумҳурият ҳаётининг турли соҳаларига етказган зиён-заҳматлари яққол тасвирилаб берилиган. «Жимжитлик»даги Мирвали, «Лолазор»даги Яхшибоев «Оқ қушлар, оппоқ қушлар»даги Музаффар Фармонов, Фотих образларида ҳаётдаги салбий томонлар рўйирост очиб ташланган. Бу романларда ҳаётдаги ёрқин томонлар, истиқболи порлоқ кучлар тасвири ҳам меъёрида. Ёзувчиларимиз Шораҳим Шоввоз, Расул Нуриддинов, Жайрон, Толибжон сингари ижобий образлар яратиб, ҳалол ишлаб, ҳалол яшовчи одамларимизни улуғланлар.

Демак, ўзбек романчилиги ҳозирги замоннинг муҳим мавзуларини тасвирилаш билан бирга, бадий маҳорат масаласига ҳам алоҳида эътибор бермоқда. Шунинг учун ҳам янги романларимизнинг кўпі ўқимишли — қизиқарлилиги билан китобхонларни жалб қилмоқда.

Бу давр романчилигининг яхши намуналари ҳақида гап борар экан, П. Қодировнинг «Авлодлар довони», У. Назаровнинг «Чаён йили» асарларини ҳам тилга олиш лозим. Бу романларнинг биринчисида узоқ ўтмиш мавзуи (Бобур авлодларининг ҳаёти ва кураши), иккинчисида эса халқимизнинг Ватан уруши давридаги ҳаёти тасвириланган. Лекин иккаласида ҳам теран тасвиру таҳлиллар ва ёрқин характерлар бўртиб туради.

Ўзбек адабиётида Ватан уруши мавзууда анчагина романлар яратилган. Лекин уларнинг аксариятида

уруш давридаги ҳаёт бўяб-безаб, нуқсонсиз қилиб тасвиirlанган. Учқун Назаров «Чаён йили» романида масалага ўзгачароқ ёндашади. Ёзувчи халқимизнинг ватанпарварлиги ва инсонпарварлигини кўреатиш билан бирга, фронт орқасидаги нохушликларни, салбий воқеа-ҳодисаларни ҳам рўйирост акс эттиради. Бу жиҳатдан романдаги «мафия» бошлиғи Муродхўжа образи ва унинг кирдикорлари тасвири характерлидир. Адиб Ойнисо, Қаюмжон, Маъсуд каби соф виждонли кишилар билан бирга Муродхўжа, Ҳошимжон сингари нопок шахсларнинг ҳам реалистик образларини чизиб берган. Шу орқали уруш давридаги ҳаёт ҳақиқатини қандай бўлса, шундайлигича акс эттирган. «Чаён йили» романидаги янгилик ҳам ана шу ҳаққонийлик билан бевосита боғлиқ.

Янги давр гояларини ифодалашда ёзувчиларимиз драматургия имкониятларидан ҳам самарали фойдаланишга интилмоқдалар. Шунинг учун ҳам бу даврда ёзилган пьесаларнинг аксариятида жамиятни қайта қуриш билан боғлиқ бўлган замонавий мавзулар ёритилди. Қишлоқ хўжалиги, саноат, хусусан маънавий ҳаётда мавжуд бўлган ва жамиятни инқирозга олиб келган жиддий нуқсонлар очиб ташланди. Ў. Умарбековнинг «Курорт», Ш. Бошбековнинг «Темир хотин», Шукруллоннинг «Унсиз фарёд», Э. Вохидовнинг «Истамбул фожиаси», А. Иброҳимовнинг «Пуч», Ҳ. Гуломнинг «Бир миллион можароси», У. Назаровнинг «Ойна» ва бошқа саҳна асарлари фикримизнинг далилидир.

Масалан, Ў. Умарбековнинг «Курорт» асарида «Меҳнат аҳли» колхозининг 80-йиллардаги ҳаёти мисолида порахўрлик, кўзбўямачилик сингари иллатлар очиб ташланган. Асарда кўрсатилишича, колхоз раиси Тўлан ҳамтовоқларидан пора олади ва бунинг эвазига уларнинг нопок ишларини оқлаб, жиноятларини яширади. Натижада ҳаромхўрлар раисга суюниб, ҳеч нарсадан тап тортмай жиноят устига жиноят қиласверадилар. Чунки уларнинг суюнчиғи бор. Бу суюнчиқ порахўр раис Тўландир. Ўз қарамоғидаги шахслардан пора оладиган Тўлан, айни чоғда, ўзидан катталарга пора беради. Демак, унинг ҳам ўз суюнчиқлари бор. Ана шу суюнчиқларига таяниб Тўлан ўзини бемалол тутади, нопоклик устига нопоклик қиласверади. Асарда ана шу суюнчиқнинг «ўсиши», кейинчалик эса ич-ичидан чириб-емирилиши ва нураши асослаб берилган. Нати-

жада Тўлан порахўр ва кўзбўямачи, майшатпарат ва амалпарат нопок шахс сифатида гавдаланади. Муаллиф Тўланнинг кирдикорларини фош этиш жараёнида покланиш даври руҳини, ҳалол ишлаб, ҳалол яшаш гоясини олға суради.

Асардаги асосий салбий тип Тўлан образи қанчалик усталик билан яратилган бўлса, ундаги бош ижобий қаҳрамон Кўзибой образи ҳам шунчалик маҳорат билан чизилган. Колхознинг бош ҳисобчиси Кўзибой янги даврнинг моҳиятига тушунган ҳолда софдил колхозчиларга таяниб ҳаракат қиласди. Раиснинг нопок қилмишларини очиб ташлаб, колхоз мулкини кўз қорачигидай асрайди. Кўзибой ҳалол, камтар ва диёнатли киши. У тўғри ишлаб, рост сўзлайди. Шундай қилиб, Кўзибой пъесада нопокликларни таг-томири билан емириб ташлаб, адолат ва ҳаққоният тантанасини таъминлаётган софдил, ҳалол замондошларимизнинг типик вакили сифатида гавдаланади.

Бу давр драматургияси тараққиётида Шароф Бошбековнинг «Темир хотин» комедияси салмоқли ўрин эгаллади. Комедияда ҳаёт ҳақиқатига асосланган конфликт кучли мантиқ асосида маҳорат билан ёритилган.

Адабиётимизда узоқ йиллар давомида (хусусан, турғунлик йилларида) пахтакорлар меҳнати, айниқса, пахтакор хотин-қизлар меҳнати жуда осон иш тарзида, дабдабали байрамона кайфиятда тасвирланиб келинди. Шароф Бошбеков «Темир хотин» комедияси билан драматургияда биринчи бўлиб ана шу сохта тасаввурга қаттиқ зарба берди. Пахтакор аёл меҳнатининг қанчалик оғир, қанчалик машаққатли эканини очиб ташлади. Асарда ҳозирги қишлоқ ҳёти, ўзбек аёлларининг моддий-маънавий жиҳатдан оғир шароитда кун кўраётганликлари, узлуксиз оғир меҳнат остида эзилиб хўрланаётганликлари, «жони қирқта» бўлган ўзбек аёллари бардош берган машаққатли меҳнататга ҳатто темир ҳам бардош бера олмаслиги комедия жанри имкониятлари доирасида таъсирли ва қизиқарли қилиб кўрсатилган. Комедиянинг «Темир хотин» деб аталишида чуқур рамзий маъно бор. «Темир хотин» мамлакатимизнинг кўп театрларида саҳналаштирилди ва томошабинлар томонидан қизғин кутиб олинди. Асар Ҳамза номидаги республика Давлат мукофоти билан тақдирланди.

Янги тафаккурнинг ҳаётга кириб келганига энди-гина олти-етти йил бўлган бўлса-да, бу йиллар адабиётимизда ўз изини қолдирди. Чунки бу йиллар кўп ёзувчилар учун астойдил изланиш ва қизгин ижод даври бўлди. Натижада сўз санъатининг ҳамма жанрларида муайян ютуқлар қўлга киритилди. Энг муҳими, ёзувчиларимиз янги тафаккурнинг туб моҳиятини чуқур англаганлари ҳолда уни қўллаб-қувватловчи ва бу муҳим ишни жадаллаштиришга хизмат қилувчи ранг-баранг бадиий асарлар яратмоқдалар. Бироқ бунда баъзан бадиий маҳоратнинг етишмаслиги сезилиб қолмоқда. Шунинг учун ҳам бадиий маҳорат масалала-рига янада кўпроқ эътибор бериш лозим. Ҳаёт тақозоси ана шудир.

#### АДАБИЁТЛАР

1. Ўзбек совет адабиёти тарихи. III том, Тошкент, «Фан», 1972.
2. Иzzat Султон. Асарлар, 2-том, Тошкент, F. Фулом номидаги Адабиёт ва санъат нашриёти, 1972.
3. Т. Бобоев. Ҳаёт материалидан бадиий образга. Тошкент, «Фан», 1976.
4. Озод Шарағифиддинов. Биринчи мўъжиза. Тошкент, F. Фулом номидаги Адабиёт ва санъат нашриёти, 1979.
5. М. Қўшижонов. Ҳаёт ҳақиқати ва бадиий ҳақиқат. Тошкент, «Фан», 1982.
6. У. Норматов. Етуклик. Тошкент, F. Фулом номидаги Адабиёт ва санъат нашриёти, 1982.
7. С. Мирвалиев. Роман ва замон. Тошкент, «Фан», 1983.

*Иккинчи ҳисм*

## **ҲОЗИРГИ ЗАМОН ЎЗБЕК АДАБИЁТИ НАМОЯНДАЛАРИ**

---

### **ҲАМЗА ҲАҚИМЗОДА НИЁЗИЙ (1889—1929)**

Ҳамза Ҳакимзода Ниёзий ҳозирги замон ўзбек адабиётининг асосчиларидан бири сифатида адабиёт тарихида фахрли ўринни эгаллайди. Унинг ижоди сермазмун ва кўп қирралидир. Ундан катта адабий-маданий мерос қолган. Ўзбек адабиётшунослиги ана шу меросни тўплаш, нашр этиш, илмий асосда ўрганиш ва халқ орасида тарғиб қилиш соҳасида анча ишлар қилган. Бироқ ҳамзашунослик силлиқлик билан ривожлангани йўқ. Ҳамзашунослик ўзбек адабиётшунослигининг таркибий қисми сифатида ўз тараққиётида ибтидоийликдан чуқур илмийликка томон кўтарилиб бормоқда. Ҳамза ҳақида қатор илмий асарлар нашр этилди. Ю. Султоновнинг «Халқ санъаткори», Л. Қаюмовнинг «Инқилоб қуйчиси», «Инқилоб ва ижод», «Инқилобий драма», М. Рахмоновнинг «Ҳамза ва ўзбек театри», А. Бобохоновнинг «Ҳамзанинг ижтимоий-педагогик ва адабий фаолияти», Ҳ. Абдусаматовнинг «Традиция ва новаторлик проблемаси», М. Қўшжоновнинг «Ҳамза ижодидан лавҳалар», Ф. Мўминовнинг «Традиция ва маҳорат», Ф. Кароматовнинг «Ҳамза Ҳакимзода Ниёзий ва ўзбек совет музикаси», У. Бозоровнинг «Ҳамза ижодининг гоявий асослари» каби китоблари шулар жумласидандир. Уларда Ҳамза асарларининг гоявий-бадиий хусусиятлари, ижодкорнинг фалсафий, сиёсий ва ижтимоий қарашлари, традиция ва новаторлик масалалари ёритилган<sup>1</sup>.

---

<sup>1</sup> Каранг: С. Мирзаев. Ҳамзашунослик уфқлари. «Ўзбек тили ва адабиёти» журнали. 1989, 1-сон.

Ҳамза Ҳакимзода Ниёзий мураккаб ва мазмундор ҳаёт йўлини босиб ўтди. У 1889 йили Қўқон шаҳрида табиб оиласида дунёга келган. Ҳамза дастлаб эски ибтидоий мактабда, сўнг мадрасада таҳсил кўрган. Бироқ мадрасадаги таълим-тарбия Ҳамзани қаноатлантирумайди. Шунинг учун ҳам у мустақил мутолаага берилади. Яширин равишда инқилобий адабиётларни ўқий бошлади. Ҳамза маълум муддат рус-тузем мактабида ҳам ўқиган.

Ҳамза буюк Навоий, Бобур, Бедил, Фузулий, Фурқат каби мумтоз шоирлар асарларини ўқиш, халқ ҳаёти билан яқиндан боғланиш туфайли XX асрнинг бошлирига келиб ўз даврининг илгор маърифатпарвар ва халқпарвар зиёлиларидан бири сифатида танила бошлиди.

Ҳамза 1905 йилдан бошлаб адабий-ижодий иш билан шуғулланади. Унинг 1905—1909 йилларда яратилган шеърларининг аксарияти Муқимий ва Фурқат сингари шоирлар асарларига эргашиб ёзилган. Чунончи, Муқимиий бир ғазалида:

Сабо, арз айла то ул зулфи райҳон, бир келиб кетсун,  
Ки топсун бўйидин тан ҳар нафас жон, бир келиб кетсун,

деб ёзган бўлса, Ҳамза шу ғазал таъсирида бундай дейди:

Сабо, арзимни еткур, моҳи тобон бир келиб кетсун,  
Тамоми ҳусн элинин шоҳи-султон бир келиб кетсун.

Шуниси мухимки, Ҳамза ёшлигиданоқ тақлидчиликка берилмайди. Мумтоз шоирлардан ўрганиб, севги-муҳаббат, одоб ва ахлоқ, ота-она ҳурмати, дин ва эътиқод ҳақида оригинал шеърлар яратишга интилади. Шу билан бирга, ўз даврининг мухим ижтимоий масалаларини ёритишга ҳаракат қиласида. Ҳамза дастлабки вақтларда ўз шеърларига «Ниҳон» («Яширин») тахаллусини қўйган.

Ҳамза шеъриятда муайян тараққиёт йўлини босиб ўтди. Бу тараққиёт шоир асарларининг мазмунига ҳам, шаклига ҳам тааллуклидир. Зотан, йиллар ўтиши билан шоир дунёқарашида, эстетик мушоҳадаларида ўсиш-ўзгариш юз бера борди. Масалан, дастлабки даврларда Ҳамзанинг динга, худога, ислом ақидаларига ихлосу эътиқоди баланд бўлган. Бу ҳол — динга комил ишонч

уининг мактуб, мақола ва шеърларида ҳам ўз ифодасини топган:

Ҳамд ўқийлик сидки дил бирла худога барчамиз,  
Ҳамд дуруд айтиб Мұхаммад Мустафага барчамиз,  
Дин ривожи-чун очайлик қўй дуога барчамиз,  
Шояд ул еткурса етсак муддаога барчамиз...

«Наврўз» шеърида кўринганидек, Ҳамза баҳтли-саодатли ҳаётга динни инкор этиш орқали эмас, аксинча, ислом дини ёрдамида эришиш мумкин деган фикрда муқим турган. Ҳамзанинг «Енгил адабиёт», «Ўқишикитоби», «Қироат китоби» номли уч дарслигида ҳам, «Девони»да ҳам диний қарашлар (диний тематика) анчагина жойни эгаллаган.

Ҳамза Октябрь революцияси кунларида ҳам ўзининг диний эътиқодидан воз кечмади<sup>1</sup>.

1913 йилда у чет элларга сафар қиласди: Афғонистон, Хиндистон, Арабистон, Туркияга боради; шунингдек, Россиянинг жанубий ўлкаларида бўлади. Шоир кейинчалик ёзган бир шеърида ўзининг чет эл саёҳатини қўйидагича ифода этади:

Узладим кезган еримни, кўрмадим сенек пари,  
Миср, Истамбул, Араб, Шому, Ажам, Кашмирда...  
Кўриб Қашғар, Хутан, Кашмиру, Хиндистону, Афғонни,  
Адан, Байрут, Измир, Шом, Хайф, Арзи, Эронни,  
Мадина, Макка, Жадда, Рум, Истамбул, Хурасонни,  
Бутун Русияда ҳар шаҳар, ҳар миллатда ҳар жонни  
Сени мислингга ўхшаш кўрмадим гарчанди бор бўлсин.

Ҳамза қаерга бормасин, ҳамма жойда меҳнаткаш ҳалқ оммасининг очлик ва яланғочлик, билимсизлик ва жаҳолат исканжасида қолганлигини кўради ва бу оғир аҳволга ачиниб, шеърлар, мақолалар ёзади. Шоирнинг «Рамазон», «Согиниб» шеърларида ҳалқ оммасининг ўша пайтдаги аянчли аҳволи аниқ ифодаланади:

Камбагаллар титрашуб юргай ялангоч изгушуб,  
Оҳ, бу фақру асорат онлара сайдидир.  
Дил шикаста, багри хун, кўзида ёши шашқатор,  
Отасиз, бахтсиз етимлар ҳолига фарёддир.

(«Рамазон»)

<sup>1</sup>. Қаранг: С. Мамажонов. Ҳамза диндор бўлганми? «Гулистон» журнали, 1990, 12-сон.

Ҳамза бундай қашшоқликнинг асосий сабаби — илмсизликдир, деган хулосага келади ва меҳнаткаш оммани илмли-билимли бўлишга, маърифатни эгаллашга даъват этади. Дарҳақиқат, меҳнаткаш оммани илмли-билимли бўлишга, маърифатга чақириш гояси Ҳамзанинг 1917 йилдан аввалги ижодининг лейтмотивини ташкил қиласиди.

Шоир 1914—1915 йилларда ёзилган «Ўқи!», «Илмиста», «Олим бўлайлик», «Китоб», «Қалам», «Мактаб», «Ҳикоя», «Тўғри сўз бола», «Тошибақа бирла Чаён», «Қиморнинг боши», «Боланинг ёмон бўлмогига сабаб бўлган онанинг жазоси» каби шеърларида илм-маърифат, ахлоқ-одоб, тўғрилик, ҳалоллик, чин дўстликни тарғиб қиласиди. «Илмиста» шеърида меҳнаткаш оммага қарата дейди:

Хар муродинг, мақсадингга етмоқ истарсан, мурод,  
Кўз очуб бедор бўй: даркор илм, даркор илм!..  
Ул ҳақиқат ойинига сайқал истарсан Ниҳон,  
Илмиста, илмиста, истагил зинҳор илм!

Ҳамзанинг 1915—1916 йилларда нашр этилган «Оқ гул», «Қизил гул», «Сариқ гул», «Яшил гул», «Пушти гул», «Сафкар гул» номли шеърий тўпламларида, шунингдек, «Илм ҳидояти», «Заҳарли ҳаёт» (1915) сингари пьесалари ва «Янги саодат» (1915) настрий асарида ҳам маърифатпарварлик гоялари бўртиб туради.

«Янги саодат ёҳуд миллий роман» асари 46 бетдан иборат. У Қўқонда нашр этилган. Асар муаллифнинг «Кириш сўзи» билан бошланади. Унда асарнинг «қора меҳнатчиларга» бағишлиланганлиги қайд этилади ва у меҳнаткашларни илмли-билимли бўлишга, ҳунар ўрганишга даъват этади.

«Янги саодат»да тасвирланишича, Абдуқаҳҳор бойвачча отаси Фозибайнинг вафотидан сўнг ундан қолган катта меросдан самарали фойдалана олмайди. Меросни қиморга ютқазиб қўяди. Бойваччанинг ҳеч қандай ҳунари ҳам, билими ҳам йўқ эди. Натижада у оиласини боқа олмай, онаси Рузрон, хотини Марям, фарзандлари — Олимжон ва Хадичаларни ташлаб қочиб кетади. Хотини Марям эса турмуш қийинчиликлари гирдобида шошиб қолмайди. Ўз меҳнати билан оиланинг тирикчилигини таъминлайди. Болаларини ростгўй, меҳнатсевар

қилиб ўстиради. Ўғли Олимжон бир муаллимнинг ёрдамида ўқиб илм эгаллайди, халқпарвар зиёли бўлиб етишади. Шундан сўнг Олимжон Тошкентда оч-ялангоч дайдиб юрган отаси Абдуқаҳхорни излаб топади ва уйига — Кўқонга олиб қайтади.

Шундай қилиб, бу оила илм ва ҳалол меҳнат туфайли фожиадан кутулади. Абдуқаҳхор бойваччанинг илмсизлиги, ҳунарсизлиги ва меҳнатдан бўйин товлаши оқибатида бахтсизликка учраган бу оила Марямнинг меҳнатсеварлиги, тадбиркорлиги, Олимжоннинг илм эгаллаши натижасида қайтадан баҳт соодатга эришади.

Ҳамза асар хотимасида: «буғдой эккан — буғдой, арпа эккан — арпа олур. Бас, маълум бўлдики, ўқиган киши олим бўлмай, у соодатга етмай қолмас, ўқимаган киши, албатта, разолатдан бошқа нимарса ҳосил қилас», деб таъкидлайди.

Асарда Ҳамза илмсизликни, ҳунарсизликни қоралаш билан бирга, хотин-қизларнинг ақл-идроқда эрлардан қолицмасликларини образли тарзда кўрсатиб беради.

Асарда ўртаҳол деҳқон қизи Марямнинг бош қаҳрамон қилиб олиниши ва самимий муҳаббат билан акс эттирилиши бежиз эмас.

Ҳамза маърифатпарварлик гояларини турмушда амалга ошириш учун фаол ҳаракат қилди. У 1911—1915 йилларда аввал Кўқонда, сўнгра Марғилонда мактаб очиб, ўқувчиларга дарс берган. Улар учун «Ўқиш китоби», «Қироат китоби» ва «Енгил адабиёт» номли дарслик ва ўқув қўлланмалари яратди. Ҳамза меҳнаткаш болаларни бепул ўқитди. Бироқ Ҳамзанинг бундай халқпарварлик, маърифатпарварлик ҳаракатлари чор амалдорлари томонидан қўллаб-қувватланмади. Аксинча, улар Ҳамзани бундай ҳаракатлари учун таъқиб қилдилар. Янги очган мактабини ёпиб қўйдилар. Бунга қарши норозилик билдирган Ҳамза:

Йўқ экан ҳисси миллият калонларда,  
Ҳаммасининг даъвоси бил, экан забонларда,

деб ёзади.

Маълумки, кишини киши томонидан эзишга асосланган феодал жамиятда халқ оммасини ёппасига билимли-маърифатли қилиш мумкин эмас эди. Бу эзгу ниятни амалга ошириш учун мавжуд ижтимоий

тузумни ўзгартириш, инқилоб қилиш зарур эди. Ҳамза дастлабки даврда буни тушуниб етмади. Шунинг учун ҳам у бу даврда халқни маърифатга чақиришдан нарига ўта олмади.

Шундай қилиб, Ҳамза 1905—1916 йилларда лирик шоир, демократ-маърифатпарвар қуйчи сифатида ижод этди.

У 1917 йил февраль буржуа-демократик инқилобини қувонч билан кутиб олди. Негаки, шоир бу инқилоб меҳнаткашларга озодлик келтиради, деб ўйлади. Яхшики, Ҳамза бу инқилобнинг асл моҳиятини тезда англаб олди. Ҳаёт Ҳамзанинг қўзини очади. Чунончи, Ҳамза 1917 йил март ойида Қўқон шахрида «Кенгаш» номли журнал чиқара бошлайди. Аммо Муваққат ҳукумат назорати Ҳамзага халққа ҳақиқатни айтишга йўл қўймайди. Биринчи сони чиқиши биланоқ бу журнал Муваққат ҳукуматнинг таъқибиға дуч келади.

Шундан кейин Ҳамза Муваққат ҳукуматни, буржуа инқилобини фош қилиб «Шундоқ қолурми?», «Ҳой ишчилар» каби инқилобий шеърлар ёзди. Ҳамза 1917 йилнинг апрель ойида ёзилган «Шундоқ қолурми?» шеърида февраль буржуа инқилобидан сўнг ҳокимият тепасига чиқиб олган буржуа корчалонларига қаратса нафрат билан «Туркистоннинг истиқболи сиз хоинларга қолурми?!» дея хитоб қиласди. «Ҳой ишчилар» шеърида эса муваққат буржуа ҳокимиятини ағдариш гоясини олга суради:

Битсин золим бойлар!  
Анга йўлбошлилар!  
Яшасин энди мангур  
Қора меҳнатчилилар!..

Қуроллан, меҳнатчилилар!  
Бўлсин дунё сенинг.  
Бас энди қуллик кўруб,  
Асрлар келганинг!

Ҳамзанинг «Биз ишчимиз», «Уйгон!», «Ишчи бобо», «Ҳой, ҳой, отамиз», «Ишчилар, уйгон!», «Берма эркингни қўлдан!» каби шеърлари янги ўзбек шеъриятининг илк асарларидан ҳисобланади.

Ҳамза мумтоз шеърият анъаналаридан ижодий фойдаланиб яратган «Ўзбек хотин-қизларига» шеърида хотин-қизларни илм олишга, ҳаётдаги янгиликдан баҳраманд бўлишга даъват этади;

Келди очилур чоги, ўзлигинг намоён қил,  
Парчалаб кишанларни ҳар томон паришон қил.  
Мактаб, анжуман борғил, унда фикр очиб гоҳи,  
Илму фан тиги бирлан жоҳил бағрини қон қил...  
Сен қаҷон маорифнинг даргоҳига йўл топсанг,  
Нурларин олиб кўзга сурмайи Сулаймон қил.

Ҳамза шеърияти ўз мавзуининг долзаблиги, гояси-нинг муҳимлиги билангина эмас, балки содда ва образли қилиб ёзилганлиги билан ҳам ҳалқ орасида кенг тарқалиб кетади. Ҳамза асарларининг халқчиллигини ва ўқимишлигини таъминлашда унинг халқ оғзаки ижодидан, хусусан, жонли халқ тили бойлигидан моҳирона фойдаланиши катта роль ўйнади. Ҳамза фольклорни севган ва уни қунт билан ўрганган. «Ҳамзанинг ажойиб ва қимматбаҳо хусусиятларидан бири ўшундаки,— деб эслайди академик Қори Ниёзий,— у кўп вақтлар омма орасида бўлар, уларнинг ҳаётини ўрганар ва ҳаётий мавзуларда сухбатлашар эди. Унинг чўнтагида доимо маҳсус бир дафтарчаси бўлиб, унга халқ хазинасидан чиққан айрим сўзлар ва мақолларни ёзиб юрар эди». Ҳамза фольклор мотивлари ва гояларидан, халқ қўшиқларига хос бадиий хусусиятлардан (услуб, тил, вазн, ритмик, тасвирий воситалар, қоғиялаш тизимидан) ижодий фойдаланган. Шоирнинг «Мактублар» асари ошиқ-маъшуқ айтишмаларидан иборат халқ лапарлари услубида ёзилган бўлиб, унда халқ жонли тили бойликлари ва халқ ибораларидан ўринли фойдаланилган:

Икки қизил гул шохига  
Ёлғиз булбул қўнолмас.  
Ўз суйгани турган жойда  
Ўзга ёрни севолмас.

Бир қозонда икки таом  
Аралашмай пишарми?  
Икки ёрга кўнгил берган  
Хеч дунёда яшарми?

<sup>1</sup> «Ўзбекистон маданияти» газетаси, 1960, 13 август.

Ҳамзанинг 30 дан зиёд шеъри ҳалқ куйлари асосида ёзилган. «Согиниб» шеъри «Қора сочим» ашуласи оҳангида, «Салом айтинг» шеъри «Савти чоргоҳ» оҳангида, «Бир эшон ҳазратлари айталар экан» шеъри «Войзолим» номли ҳалқ ашуласи оҳангида яратилган.

Ҳамза ўз асарларида ҳалқ мақоллари, ҳикматли сўзлари, образли иборалари, ҳалқ ўхшатишлари, сўз ўйинларидан фойдаланган.

Кенг ҳалқ оммаси тушуниши қийин бўлган арабча, форсча сўзлар ўрнига жонли сўзлар ва ибораларни ишлатган..

Хуллас, Ҳамза ҳозирги замон ўзбек шеърияти-нинг дастлабки намуналарини яратди. Шу билан бирга, у янгича мазмунни янгича шаклда ифодалаш учун курашиб, поэтик шаклни мукаммалаштириш, бадий асар тилини жонли ҳалқ тилига яқинлаштириш соҳасида ҳам самарали равищда изланишлар олиб борди.

Ҳамза драматургия жанрларида ҳам самарали ижод қилди ва ўзбек драматургиясида асос солувчилардан бири бўлди. Ҳамза «Бой ила хизматчи», «Майсарапанинг иши», «Паранжи сирларидан бир лавҳа ёки яллачилар иши», «Жаҳон сармоясининг сўнгги қунлари», «Мухторият ёки автономия», «Туҳматчилар жазоси», «Ким тўғри», «Фарғона фожиаси», «Истибодод қурбонлари», «Тошкентга саёҳат», «Сайлов олдидан», «Эшон ўпкасига жавоб», «Бурунги сайловлар», «Март қурбони Ойниса», «Ер ислоҳоти» сингари қирққа яқин пьесанинг муаллифиидир.

Ҳамзанинг поэтик ижоди сингари драматургия соҳасидаги фаолияти ҳам 1917 йилдан аввал бошланган. Ҳамза «Заҳарли ҳаёт ёхуд ишқ қурбонлари», «Илм ҳидояти», «Мулла Нормухаммад домланинг куфр хатоси» (1915), «Лошмон фожиалари» (1916) каби пьесалар ёзди. Бу саҳна асарларида драматург ҳалқнинг зулмдан кутулиши, озодликка чиқиш йўлини очик-ойдин кўрсатиб бера олмаган бўлса-да, ҳарҳолда эксплуататорлик тузумни, эзувчи синфларнинг кирди-корларини фош эта олди. Мехнаткаш ҳалқнинг оғир ахволини аниқ акс эттириб, унга ҳамдардлик билдириди.

Ҳамза дастлабки драмаларида маърифатпарварлик ва ҳалқпарварлик ғояларини тараннум этди. Ҳамза пьесаларидағи ғоявий йўналиш ўша даврдаги ҳукмронларга ёқмади.

Ҳақиқатан ҳам ҳалқпарварлик ва маърифатпарварлик гояларини тарғиб этиш Ҳамза пьесаларининг асосий гоявий мазмунини ташкил этади. «Заҳарли ҳаёт ёхуд ишқ қурбонлари» асарида ижтимоий тенгиззилик, хотин-қизларнинг аянчли аҳволи кўрсатилган. Ўқимишли бойвачча Маҳмудхон билан фақир косиб қизи Марямхон бир-бирларини севадилар. Лекин мавжуд ижтимоий тартиблар ва феодал урф-одатлар тақозосига биноан Марямхон Ҳазрат Эшонга еттинчи хотин қилиб никоҳлаб берилади. Марямхон бундай адолатсизликка рози бўлмайди, заҳар ичиб ўлади.

Драмада жоҳил руҳонийларнинг ваҳшийлиги, инсофисизлиги, улар томонидан ўтмишда аёлларнинг оёқ ости қилинганилиги очиб ташланади. Бироқ асарда ҳаётдаги реакцион кучларга қарши ижобий кучлар борлиги ва улар ўртасидаги ҳаёт-мамот кураши ўз бадиий ифодасини топмаган.

Ҳа, Ҳамзанинг 1917 йилдан аввалги драмаларида турли нуқсонлар, хусусан, бадиий қусурлар мавжуд. Монолог ва диалогларнинг ортиқча чўзилиб кетгани, натуралистик эпизодларнинг учраши, воқеанинг суст ривожланиши ана шу нуқсонлар жумласидандир. Ҳамза 1917 йилдан кейинги янги ўзбек драматургиясининг яратилишида ғоятда фаол иштирок этди.

Хуллас, Ҳамза янги даврда драматургиянинг деярли барча жанрларида қалам тебратди. Драма («Бой ила хизматчи»), трагедия («Паранжи сирлари») ва комедия («Майсарапанинг иши») жанрининг намуналарини яратди. Бундан ташқари Ҳамза «Қора соч» номли опера яратиш устида ҳам ижодий иш олиб борди.

Ҳамзанинг «Бой ила хизматчи» (1918) драмаси ўзбек адабиётида алоҳида ўрин эгаллайди. Тўғри, бу драманинг асл матни (тўлиқ мазмуни) бизгача етиб келмаган, йўқолган. Драманинг ҳозирги амалдаги матни эса 1939 йилда К. Яшин томонидан тикланган вариантидир.

«Драманинг бу вариантининг мавжудлиги унинг илк нусхасининг аҳамиятини пасайтирумайди, чунки асл вариант ўз вақтида катта ижобий роль ўйнаган. Драманинг асл варианти К. Яшин тиклаган нусхадан унча узоқ эмаслигини 1919 йили чиққан афишадаги маълумотлар ҳам тўла тасдиқлайди<sup>1</sup>.

<sup>1</sup>. Ўзбек совет адабиёти тарихи (дарслик). Тошкент, «Ўқитувчи», 1990, 145-бет.

Демак, К. Яшин драмани Ҳамзанинг ижодига асосланган ҳолда кенгайтириб қайта ишлаган<sup>1</sup>, пардозлаган, асарга сайқал-жило берган. Шу тариқа К. Яшин катта ижодий ишни бажарган. Натижада 1939 йилда ўзбек драматургиясининг етук намунаси — «Бой ила хизматчи» драмасининг ҳозирги мукаммал варианти юзага келди.

Ҳамзанинг «Бой ила хизматчи» драмасида ўзбек халқининг инқилоб арафасидаги ҳаёти кескин конфликт ва ёрқин образлар воситасида кўрсатилган. Ҳаёт ҳақиқати — синфий тенгсизлик ва ижтимоий адолатсизлик аниқ акс эттирилиб, шахсий ва синфий манфаат билан боғлиқ бўлган зиддиятлар драма мазмунига моҳирлик билан сингдириб юборилган. Шу тариқа драмада меҳнаткаш омма сиёсий онгининг уйғониши, ўсиши табиий қилиб ифодаланган.

Асарнинг бош қаҳрамони қарол йигит Фофир ўша даврдаги меҳнаткашларнинг типик образидир. Драматург Фофир характерини динамик тарзда акс эттирган. Шунга кўра, асар охиридаги Фофир асар бошидаги Фофирдан бутунлай фарқ қиласди. Фофир асар бошида содда, меҳнаткаш йигит сифатида кўринади. Соғ виждонли, ҳалол бу йигит дастлаб бой ва руҳонийларга ишонади, уларга садоқат билан хизмат қиласди. Лекин ҳаёт Фофирнинг кўзини очади. У воқеа давомида бой ва руҳонийларнинг, қози ва ҳокимларнинг ҳақиқий башараларини англай боради. Асарда Фофир онгининг ўсишини кўрсатишда оиласи ҳаёт воқеасидан усталик билан фойдаланилган. Солиҳбой қарол йигит Фофирни ўзининг абадий хизматкорига айлантириш мақсадида уйлантириб қўяди. Дарҳақиқат, Солиҳбой тўй баҳонаси билан Фофирни қарзга ботиради. Хўжа йиннинг бу хиёнатини сезган Фофир «Шунча қарзим бор эканми? Мен буни қандай узаман, бой ота? Менинг чўтимда ҳаммаси бўлиб беш юз сўмдан ошмас эди-ку? Ёки адашдингизми экан-а, бой ота?» деб норозилик билдиради. Бой эса Фофирнинг «ношукур» лигидан аввал ғазабланади, сўнгра ҳийлакорлик йўлига ўтиб, «Узарсан! Узолмасанг яна беш-ўн йил ишлаб берарсан! У эмас, бу эмас, хотинлик бўлиб қолганингга шукур қилсанг-чи, баччагар!» деб юпатади. Аммо Солиҳбой

<sup>1</sup> К. Яшин. Асарлар. З-том, Тошкент, F. Фулом номидаги Адабиёт ва санъат нашириёти, 1972, 51—52-бетлар.

тобора разиллаша боради, у Фофиринг меҳнати эвазига бойлик орттириш билангина кифояланиб қолмайди.

Бой Фофиринг хотини Жамилани кўриб, унга «ошиқу беқарор» бўлиб қолади. Натижада бой ўта юзсизлик ва виждонсизлик билан олчоқларча ҳаракат қилиб, Фофиринг маънавий ҳаётига заҳар солади. Жамилани ундан тортиб олмоқчи, бошқача қилиб айтганда, келинига энди қайин ота эмас, эр бўлмоқчи бўлади. Солиҳбой Жамилага «эрингдан чиқиб менга тегасан, еганинг олдингда, емаганинг кетингда, хоннинг хотинидай кун кўрасан...» дейишгacha бориб етади. Жамила бойга қарши «ўша қаролингизни яхши кўриб текканман, бошимдан зар қўйсангиз ҳам ундан айрилмайман», деб Фофирига бевафолик қилмаслигини айтади. Бой эса: «Кўрамиз... Ким зўр экан? Сендаги севги билан вафоларми ёки менинг чўнтағимдаги олтинларми?» деб зўравонлик йўлига ўтади, олтинларини ишга солади. Қози ва муллалар «хизмати»дан беорлик билан фойдаланади. Бироқ Жамила билан Фофирир ўртасидаги соғ муҳаббат олтиндан ҳам кучли бўлиб чиқади.

Фофирир ўз жуфти ҳалолига қараб: «Жамила... Менинг олтинларим, марварид-маржонларим, атлас-шоҳила-рим йўқ! Ёлғиз гавҳардан тиниқ, қуёшдан ҳам юксак муҳаббатим бор, холос!.. Бойнинг молу мулкига қизиқиб... мени ташлаб кетмайсанми?» — деб мурожаат қилар экан, Жамила: «Бас! Бас! Бас! Ўртаманг мени, этларимни наштар билан тилсинлир, хонумонимга ўт қўйсинлар, бошимдан тегирмон тоши юргизсинлар! Мен сиздан ажралмайман!» — деб жавоб беради. Жамила вафодорликнинг ҳақиқий намунасини кўрсатади.

Драма воқеаси давомида Солиҳбойнинг Фофирир билан Жамиланинг она сутидек пок муҳаббатини оёқ ости қилиш йўлидаги кирдикорлари очила борилади. Бой охириқибатда қози, мингбоши, ҳоким-тўра билан тил бириктириб, Фофирири «подшога қарши исёнкор, ўғри» сифатида ноҳақ қаматиб, Сибирга сургун қилдиради. Дин-шариат пешволари ёрдамида Жамилани зўрлик билан ўз никоҳига олади. Аммо Жамила Фофирига вафодор, содиқ бўлиб қолади: ўзини бойга топширмайди, заҳар ичиб ўлади. Жамила ўлар чоғида: «Фофирижон! Унутма мени! Болангни ўлдирган, хотинингни хазон қилган бойнинг, бутун бойларнинг жазосини бер! Замонасига ўт қўй, ёндири!» деб фарёд қилади.

Фоғир Сибирда «сиёсий маҳбус»лар билан дўстлашиб, ўз ҳақ-хукуқини таниб, довюрак курашчи бўлиб етишади. Сургундан ўз юртига қайтиб келгач, бойлардан қасос олади. Шундай қилиб, Фоғир асар бошида бойнинг содик хизматкори ва онгиз қули сифатида кўринган бўлса, асар охирига келиб сиёсий онги шаклланган ҳақиқий курашчи даражасига кўтарилади. Фоғир халқ кучига ишонади ва унга таянади. Бинобарин, Солиҳбойнинг адолатсизлигидан газабланган Фоғир золим бой ва диёнатсиз руҳонийларга қараб: «Ҳой, бўрилар! Сўзларингдан қайт! Бўлмаса ҳокимингга бормайман, мингбошига ялинмайман, халқقا арз қиласман, халққа!» деб хитоб қиласди.

«Бой ила хизматчи» драмасида Жамила образи ҳам ўсиш-ўзгариш жараёнида кўрсатилган. Асар охирида Жамила ҳалок бўлса-да, маънавий жиҳатдан ғалаба қозонади. Жамила — вафодорлик, севгига содиқликнинг тимсолидир. На бойлик, на зўравонлик уни бу ҳақ йўлдан қайтара олмайди.

«Бой ила хизматчи» драмасида камбагалларнинг маънавий жиҳатдан бойлардан бекиёс даражада устун туришлари Фоғир ва Жамиланинг вижданан поклиги, ҳалоллиги, вафодорлиги мисолида умумлаштириб кўрсатилган. Шу билан бирга, бойнинг маънавий тубанлиги ва бузуклиги, виждан ва диёнатдан маҳрумлиги фош этилган. Солиҳбой уятни, ор-номусни билмайди. Шунинг учун ҳам бошқаларнинг уй-рўзгорини бузишдан тап тортмайди. У: «Халқнинг маломати билан менинг нима ишим бор», — дейишгача бориб етади.

«Бой ила хизматчи» пьесасида бой хонадонининг маънавий бузуклиги, бой ва бойвуччаларнинг бири-бирини алдаб, бири-бирига хиёнат қилишлари очиб ташланади. Хонзода Солиҳбойнинг мол-дунёсига, беҳисоб мулкига якка ўзим меросхўр бўлай деб, Гулбахорнинг боласини қайноқ сувга ташлаб ўлдиради, кундошининг ўзини осиб ҳалок этишига сабабчи бўлади. Жамилани тўғри йўлдан тойдиришга, унинг қўли билан бойни заҳарлаб ўлдиришга интилади...

Драмада ўша даврдаги шариат пешволари фош қилинади. Солиҳбой ўз кирдикорларини амалга оширишда домла, имом, қози ва муфтиларнинг кўмагига таянади. Улар ҳам, ўз навбатида, «кимхоб чопонлар, ёғлиқ паловлар учун бойларга зулм пичоғини қайраб

берадилар», Солиҳбойнинг тайриахлоқий ишларини кўллаб-қувватлайдилар.

Ҳамза драмада домла-имом, элликбоши, қозиларнинг адолатсизликлари ва виждонсизликларини Ғоғир тилидан шармандаю шармисор қиласди. Ғоғир: «Бу қандай зулм, бу қандай бедодликки, севган хотинимни золим бой тортиб олмоқчи бўлса-ю, менга ёрдам бериш ўрнига бойнинг ёнини оласиз! Ривоятлар топасиз! Фатволар ясайсиз! Шуми инсоф! Шуми диёнат, шуми камбағалга шафқат!» дейиш билан дин-шариат пешволоварини бепичоқ сўяди.

Пьесада шариат пешволовари ва амалдорларни фош қилувчи воқеалар бор. Шулардан бири эл олдида ўзини доно ва билимдон киши қилиб кўрсатишга уринувчи домла-имомнинг аслида саводсиз ва нодон шахс эканини очиб ташловчи эпизоддир. Эпизодда кўрсатилишича, Қодирқул мингбоши имомга қараб: «Қани домла, Зокирга икки энлик хат ёзинг» деб буюради.

И м о м: — Бизнинг хатимиз андак бадхатроқми-кан-а, қози домла!

Қ о з и: — Ёзинг, тақсир, ёзинг!

И м о м: — Эшон мирза қайдалар!

Қ о д и р қ у л: — Майли, ёзаверинг, ишқилиб, бир қора чизик бўлса бўлди-да!

И м о м (уялиб): — Йўғе, жуда ҳам бўлмагур-да, бўлмаса бажонидил эди-ку.

Қ о д и р қ у л (истеҳзо билан): — Икки юз сўмнинг ўзини ҳам ёза олмайсизми? Қанақа гап бу?

И м о м (бўйнига олиб): — Тўғрисини айтсак, хатимиз йўқ ҳисоб-да!»

«Бой ила хизматчи» пьесаси бадиий маҳорат эътибори билан ҳам қимматлидир. Асарда конфликт ҳаётий, драматизм кучли бўлганидек, қаҳрамонлар характеристи ҳам ёрқин ишланган. Драмада Ғоғир, Жамила, Гулбаҳор (ижобий образлар), Солиҳбой, Қодирқул мингбоши, Хонзода, Қози, Ҳожиона (салбий образлар) каби персонажларнинг типик хусусиятлари ҳам, индивидуал белгилар ҳам яққол гавдалантирилган.

Пьесада конфликт ривожланган ва ўстган сари образлар характеристи ҳам яққол намоён бўла боради. Бошқача қилиб айтганда, асар конфлиktи ҳам, сюжети ҳам характер (образ) яратишга тўлиқ бўйсундирилган.

«Бой ила хизматчи» драмаси тил ва услуб жиҳатидан ҳам юксак санъат асаридир. Унда монолог ва

диалоглар пухта-пишиқ ва гўзал ишланган. Фикрни қисқа ва лўнда, образли ва таъсирил қилиб ифодалашда халқ мақолларидан, ҳикматли сўзлари ва қўшиқларидан, турли хил тасвирий воситалардан, жумладан саж приёми (усули)дан ўринли фойдаланилган. Персонажлар тили усталик билан индивидуаллаштирилган.

«Бой ила хизматчи» драмаси мамлакатимиздаги, шунингдек, чет эллардаги кўпгина театрларда саҳналаштирилган ва кенг томошабинларга манзур бўлган.

Ҳамзанинг 1926 йилда ёзилган «Бурунги қозилар ёки Майсаранинг иши» комедиясининг асл қўллөзмаси 1939 йилда топилган. Фольклор материаллари асосида яратилган бу сатирик комедияда нопок амалдорларга нафрат усталик билан ифодаланган. Маънавий бузуклик ҳажв остига олиниб, пок севги, вафодорлик улуғланган. Комедияда кўрсатилишича, инсоний қиёфасини йўқотган қози, муфти ва аълам домла Чўпон номли камбағал йигитнинг хотини — Ойхонга «ошиқ» бўлиб қоладилар. Улар ўз ниятларига етиш йўлида шармандаларча ҳаракат қиласидилар.

Комедия сюжети доно ва тадбиркор хотин — Майсаранинг ана шу соҳта ошиқларни комик вазиятга тушириб, шармандаю шармисор қилиши асосига қурилган.

Майсара ўз келини Ойхонга кўз олайтирган қози, Мулларўзи, Ҳидоятхон каби шариат пешволари ва мансабдор шахсларни тузоқса илинтириш мақсадида ҳийла ишлатади. Бир «ошиқ»нинг Ойхон умидида Майсара хонадонига кириб ўтириши биланоқ иккинчи «ошиқ»нинг дарвозани тақиллатиши комик вазият — кулгили ҳолатни юзага келтиради. Ниҳоят, Чўпон таъқибидан қўрқсан «ошиқлар» шармандали ҳолатга тушади: Майсара қозини бешикка белайди, аълам Мулларўзининг устига сигир терисини ёпади, Ҳидоятхонни «эчки»га айлантиради... Воқеа охирида қози: «Ҳар қанча гуноҳни худойим кечирав эди... Одамлар қаторида қолурлиқ ҳолимиз қолмади. Бизнинг қўл-оёқларимизни бўшатинг, тоғлар орасида бир умр юрайлик», дейишга мажбур бўлади.

Драматург ҳаётий конфликт ва қизиқарли сюжет асосида кулгили сатирик образлар яратишга муваффақ бўлади. Асарда Ойхон ва Чўпон вафо ва садоқат тимсоли. Майсара топқирлиқ, тадбиркорлик, донолик рамзи, қози домла, Мулларўзи, Ҳидоят эса нопоклик,

ахлоқий бузуқлик ва иккиюзламачилик тимсоли сифатида гавдаланадилар.

Асарда, хусусан, Майсара, Мулларўзи, қози домла ва Ҳидоятхон образлари жуда муваффақиятли чиққан. Бош қаҳрамон Майсара — доно, зийрак, тадбиркор, меҳрибон аёл. Бу образ орқали хотин-қизларнинг ақлу фаросатда, мардлик ва тадбиркорликда доно эрлардан қолишмаслиги очиб берилади, меҳнаткаш хотин-қизлар улуғланади.

Комедиянинг машҳур бўлишида Мулладўст образининг хизмати каттадир. «Ошиқ»ларнинг фош этилишида Мулладўстнинг кўмаги айрича, у ғоят оригинал, хушчакчақ ва жонли образ бўлиб гавдаланади. Мулладўст ўтмишда меҳнат қилиб роҳат кўрмаган,adolatsiz тузумнинг айби билан беҳад изтироб чеккан заҳматкаш оддий кишиларнинг типик вакилидир.

Мулладўст қози ҳамда муфтиларнингadolatsizлигини ва бошқа разил ишларини кўп кўрган. Шу сабабли улардан ихлоси қайтган. Мулладўст: «Қўйинг, ўша қози домлангизга ҳам отган ошиқнинг ҳаммаси пуккасига тушади. Худо солмаган қулоқни қозиси соладими! Ўзлари бўлса тўқсан бешни жева қилиб, икки юзни бева қилдилар... Уламо деган песлардан ҳам ихлосим ачитма гўжадек қайтди-да! Шайтон буларнинг олдида қипқизил валиюллодир. Аҳвол шу-ю, тағин булар халқ ичига кирса буруннинг сувидек кўз ёшини оқизиб... «Эгамдин кимки қўрқмас, ул сазовори жаҳаннамдур», деб амри маъруфни наврўзнинг ёмғиридек шилт-шилт қилворади. Билмайман, ўша жаҳаннамга ўзларидан бошқа қайси махлуқлар борар экан?» дейди. Бошқача қилиб айтганда, Мулладўст ўзининг чуқур мазмунли ва кинояли сўзлари билан қози, муфти, аълам каби шариат пешволарининг сирларини очиб ташлайди, улар устидан аччик қулади.

Комедияда муаллиф образ яратишида жонли халқ тили бойликларидан, ўхшатиш, сифатлаш, жонлантириш, муболага каби тасвирий воситалардан, халқ мақол ва қўшиқларидан усталик билан фойдаланган. Асарда ишлатилган халқ қўшиқлари образ характерига, руҳий ҳолатига мос бўлиб, улар персонажнинг ички дунёсини очишга бевосита хизмат қиласиди. Масалан, қозининг хизматкори Мулладўст ўз тақдиридан норози. Драматург бу ҳолатни Мулладўст тилидан берилган кинояли қўшиқ воситасида таъсирли қилиб ифодалайди:

Олма анорингга балли,  
Як дона холингга балли,  
Тангриим, мени шўр лойдан  
Ясаган қулолингга балли.

Олма анорингга балли,  
Сабру қарорингга балли,  
От тепгай иқболинг билан  
Ноомади корингга балли.

«Майсаранинг иши» комедияси ўзбек ва қўшни халқлар театрлари саҳнасидан мустаҳкам ўрин эгаллаб келмоқда. Бу комедия асосида композитор Сулаймон Юдаков «Майсара» номли таъсирчан, жозибали опера яратди. Бу опера Ўзбекистондагина эмас, шу билан бирга, Москва, Ленинград, Польша, АҚШ театрларида ҳам саҳналаштирилди ва катта шуҳрат қозонди. «Майсаранинг иши» комедиясининг «Ёш гвардия» театррида саҳналаштирилган варианти асосида «Ўзбекфильм» суратга олган кинокомедия эса асар таржимаи ҳолига янги саҳифа бўлиб қўшилди.

Ҳамзанинг «Паранжи сирларидан бир лавҳа ёки яллачилик иши» (1927) трагедиясида хотин-қизларнинг ўтмишдаги оғир турмушки, эски урф-одатларнинг, хусусан, паранжи-чачвоннинг заарли эканлиги ўша ҳаётдан олинган типик воқеа ва характерли деталлар асосида очиб берилган. Асарда тасвиirlанишича, бадавлат хонадоннинг қизи Тўлахон (Холисхон) билан камбағал Рустам бир-бирларини севадилар ва баҳтли оила қурмоқчи бўладилар. Лекин уларнинг эзгу орзулари мустабид тузумнинг ва эски урф-одатларнинг айби билан барбод бўлади.

Тўлахон ўз севгилисига етишишга ҳаракат қиласи. Бироқ у Маствура яллачи, Гулжон қўшмачи ва Мирзакарим қораларнинг тузогига илинади. Кунлардан бир кун Гулжон уйга келиб ўзини Тўлахонга Рустам томонидан юборилган киши сифатида танитади. Қизни «Сени Рустамхоннинг олдига олиб бораман» деб алдаб, отонасига билдиримай уйдан олиб чиқиб кетади. Шундан сўнг, Тўлахон Маствура яллачилик қўлида турли балоларга гирифтор бўлади.

Ярамас шахслар ўз қора ниятларини амалга ошириш ва сирларини яширишда паранжидан бир восита сифатида фойдаланадилар. Шу сабабли Ҳамза бу драмани «Паранжи сирларидан бир лавҳа» деб атаган.

Феодал урф-одатларнинг яроқсизлигини фош этувчи бу пьеса «Холисхон» номи билан республикамиз театрлари репертуаридан жой олган.

Булардан ташқари, Ҳамза 20-йилларда «Тұхматчилар жазоси», «Ер ислоҳоти», «Март қурбони Ойниса» сингари кичик ҳажмли саҳна асарлари ёзди. Уларда хотин-қизлар озодлиги, ер-сув ислоҳоти ва янги урф-одат улуғланади.

Дарҳақиқат мәхнаткаш дәхқонларнинг ерга эга бўлиш ҳақидаги азалий орзу-истаклари янги даврда рўёбга чиқарилганлигини намойиш қилиш «Ер ислоҳоти» асарининг асосий гоявий мазмунини ташкил этади. Шеърий диалог тарзида ёзилган бу саҳна асарида мамлакатимизда 20-йилларда ўтказилган ер-сув ислоҳотининг моҳияти тўғри очиб берилган. Бу ислоҳот натижасида ерли-сувли бўлган камбағал дәхқонларнинг қувончи асарнинг умумий руҳига сингдириб юборилади:

- Эски унум қайга кетди?
- Бой, эшонлар киссасига.
- Бу унумлар қайга борур?
- Ишчи-дәхқон фойдасига.

Асарда ер ислоҳоти туфайли мол-мулкидан айрилиб, «бозордаги совундек, ичи тушган қовундек» бўлиб айниган бойлар, «олти пуллик такадек, ўтмай қолган чақадек» бўлиб эл назаридан қолган руҳонийлар қулги остига олинади.

Бу ўринда Ҳамзанинг «Сайлов олди», «Ер ислоҳоти», «Март қурбони Ойниса», «Тұхматчилар жазоси» каби саҳна асарларида замонамиз қаҳрамонларининг образларини яратишга ҳаракат қилганини алоҳида қайд этиш лозим. Масалан, «Тұхматчилар жазоси» комедиясида озод аёллар образи яратилган. Комедия қаҳрамони Фотима, янги урф-одат душманлари (домлагимом ва Султон пияниста) га қарши курашади.

Комедияда кўрсатилишича, хотин-қизлар озодлиги душманлари Фотима ҳақида турли иғво-бўйтонлар тўқиб, унинг эри Қосимжонни чалғитмоқчи бўладилар. Бироқ улар ниятларига етолмай фош бўладилар. Асар охирида Қосимжон Фотиманинг ҳалоллиги, поклиги, вафодорлигига тан беради.

Хуллас, Ҳамза ҳозирги замон ўзбек адабиётининг, хусусан, янги поэзия ва драматургиямизнинг тамал тошини ўрнатди. Биринчи ўзбек шоири ва ёзувчиси, драматурги ва композитори, маданият ва жамоат арбоби Ҳамза ўз қалбининг бутун қудратини, шоншарафли оташин ҳаётини халқнинг озодлиги ва фаровонлигига багишилади.

Ҳамзанинг адабиёт ва санъат олдидаги хизматлари халқимиз томонидан муносиб тақдирланиб келинмоқда. Ҳамза 1926 йилда республика ижодий зиёлилари орасида биринчилардан бўлиб, «Ўзбекистон ҳалқ ёзувчиси» фахрий унвонини олишга мусассар бўлди.

Унинг асарлари турли тилларда нашр этилди. Ўзбекистон Фанлар академияси ҳар йили Ҳамза ижодига бағищлаб анъанавий илмий анжуман ўтказмоқда. Олимларимиз ўз илмий асарлари билан ҳамзашуносликни ривожлантирум оқдалар. Ҳамза пьесалари театрларимиз репертуарларидан мустаҳкам ўрин эгаллаб, томошабинлар олқишига сазовор бўлмоқда.

Республикамизда бир қанча туман, жамоа хўжаликлари, гўзал bog ва кўчалар, олийгоҳлар, театр ва мактаблар Ҳамза Ҳакимзода Ниёзий номи билан аталмоқда. Республика Фанлар академиясининг адабиёт институтида Ҳамза ҳаёти ва ижодини ўрганиш доимий қўмитаси ташкил этилган. Ўзбекистонда 1964 йилда Ҳамза номидаги республика Давлат мукофоти таъсис этилди. Ҳамза ҳақида Ойбек, К. Яшин, Ҳамид Олимжон, А. Умарий, З. Фатхуллин, Л. Қаюмов, Туроб Тўла достон ва драма, К. Яшин роман яратди. Рассомларимиз ижодида ҳам Ҳамза образи фахрли ўринда турибди. Ҳусусан, муаллифлар жамоаси яратган «Оловли йўллар» фильм-эпопеяси маданий ҳаёти-мизда муҳим воқеа бўлиб қолди. Ҳамзанинг поэзия, ҳусусан, драматургия соҳасидаги анъаналари К. Яшин, Уйғун, И. Султон, Ҳ. Ғулом, Ў. Умарбеков, М. Бобоев, Ш. Бошбеков, А. Иброҳимов каби издошлари ҳамда шогирдлари томонидан давом эттирилди ва ижодий ривожлантирилди.

Ҳамзанинг аксарият асарлари ҳозирги кунда ҳам халқимизга маънавий озуқа бермоқда, ёш авлодни эзгулик руҳида тарбиялашда иштирок этмоқда. Ҳамзанинг мангу тириклиги ҳам ана шунда.

#### АДАБИЁТЛАР

1. Ю. Султонов. Ҳалқ санъаткори. Тошкент, Ўззадабийнашр, 1959.
2. М. Рахмонов. Ҳамза ва ўзбек театри. Тошкент, Ўззадабийнашр, 1959.
3. У. Бозоров. Ҳамза ижодининг гоявий асослари. Тошкент, «Фан», 1960.
4. Муаллифлар жамоаси. «Ҳамза ҳақида мақолалар», 1960.
5. Ўзбек совет адабиёти тарихи. 1- том, Тошкент, «Фан», 1970.

6. И. Султонов. Асарлар. 2- том. Тошкент, F. Фулом номидаги Адабиёт ва санъат нашриёти, 1972.
7. К. Яшин. Асарлар. 3- том. Тошкент, F. Фулом номидаги Адабиёт ва санъат нашриёти, 1972.
8. X. Абдусаматов. Традиция ва новаторлик проблемаси. Тошкент, «Фан», 1974.
9. Ҳамза замондошлари хотирасида. Тошкент, F. Фулом номидаги Адабиёт ва санъат нашриёти, 1979.
10. Л. Қаюмов. Сайланма. 1- жилд. Тошкент, 1981.
11. М. Қўйиқжонов. Ҳамза маҳоратидан лавҳалар. Тошкент, «Фан», 1986.
12. Ўзбек совет адабиёти тарихи. Тошкент, «Ўқитувчи», 1990.

### М а т н

*Ҳамза Ҳакимзода Ниёзий. Муқаммал асарлар тўплами (беш томлик). Тошкент, «Фан», 1988—1989.*

## САДРИДДИН АЙНИЙ

(1878—1954)

Бадиий ижод оламида ўзига хос адабий мактаб яратган ва кўплаб шогирдлар етиштирган устоз ёзувчи Садриддин Айний икки тилда — ўзбек ва тоҷик тилида бирдек маҳорат билан қалам тебратган. Бинобарин, у ўзбек ва тоҷик ҳалқлари учун бирдек севимли адидбир. С. Айний асарлари ўзбек китобхонлари учун ҳам, тоҷик китобхонлари учун ҳам баб-баравар қимматлидир.

Адабнинг «Бухоро жаллодлари», «Доҳунда», «Қуллар», «Судхўрнинг ўлими» сингари қисса ва ромонлари дастлаб ўзбек тилида, сўнгра тоҷик тилида ёзилган. «Одина», «Эсадаликлар» каби асарлари эса аввал тоҷик тилида, кейинроқ ўзбек тилида яратилган.

С. Айнийнинг адабиётимиз олдидағи буюк хизмати аввало шундаки, у ўзбек ва тоҷик ҳалқлари насрининг дастлабки намуналарини яратди. Адид ўзининг ана шу хизмати билан ўзбек ва тоҷик насрининг шаклланиши ва юксалишига катта ҳисса қўшиб, янги адабиётимизнинг асосчиларидан бири даражасига кўтарилди.

С. Айнийнинг номи Жамбул Жабаев, Ҳамза Ҳакимзода, Абдулла Қодирий, Ойбек, Сулаймон Стальский каби йирик арбобларнинг номлари билан бир қаторда туради.

С. Айний ижоди жаҳоншумул аҳамиятга эга. Чехословак ҳалқининг миллий қаҳрамони, машҳур

ёзувчи Юлиус Фучик 1935 йилдаёқ қўйидагиларни айтган эди:

«С. Айний фақат Сизнинг (совет халқининг) ёзувчингизгина эмас, у бизнинг ҳам ёзувчимиз. Унинг асарлари биз учун фақат гўзал санъат намунасигина бўлиб қолмасдан, кўргазмали ўқиши китоби ҳамдир. Бу китоблар Совет халқларининг ўтмиш азоб-уқубати ва янги муваффақиятларини акс эттирибигина қолмайди. Улар шу ютуқларнинг жонли далиллари ҳамдир»<sup>1</sup>.

С. Айнийнинг асарлари чет эллардаги бир қанча тилларга ҳам таржима қилинган. Натижада С. Айний бутун дунёдаги илғор китобхонларнинг севимли ёзувчиси бўлиб қолди. Осиё ва Африка ёзувчиларининг Қоҳира конференциясида (1962) қабул қилинган Декларацияда Шарқнинг Робендронат Тагор, Лу-Синь, Тако Хусейн сингари буюк ёзувчилари билан бир қаторда С. Айнийнинг номи ҳам ҳурмат билан тилга олинди.

Адабиётшуносликда, жумладан, ҳозирги замон ўзбек адабиётшунослигига С. Айний асарларини илмий асосда таҳлил этиш соҳасида жиҳдий ютуқларга эришилган. Адаб ижоди ҳақида мақолалар, адабий-танқидий очерклар ҳамда «Садриддин Айний» (Н. Раҳимов), «Айний гулшани» (М. Ҳасанов) каби монографиялар яратилган, бир нечта илмий ишлар ҳимоя қилинган. Бу илмий ишларда С. Айнийнинг ҳаёт ва ижод йўли аниқ далиллар асосида ёритилган, ёзувчининг ижодий эволюцияси ҳақида характерли фикрлар билдирилган.

Ҳозирги кунда адабиётшуносларимиз С. Айний ижодида реализм, ижобий қаҳрамон, сатира ва юмор, бадиий тил, фольклордан фойдаланиш сингари мавзулар бўйича самарали тарзда илмий тадқиқот ишлари олиб бормоқдалар.

С. Айний 1878 йил 15 апрелда Бухоро вилояти Фиждувон ноҳиясига қарашли Соктаре қишлоғида дехқон оиласида туғилди. Унинг отаси Саидмурод камбағал, лекин маърифатпарвар киши эди. Ёш Садриддин бошлангич таълимни ўз қишлоғида олгач, Бухорога боради ва моддий жиҳатдан ниҳоятда қийналса-да, мадрасада ўқииди. У мадраса таълими билангина кифояланиб қолмай, ўз устида тинмай ишлайди. Навоий, Низомий, Жомий, Бедил, Фузулий, Аҳмад

<sup>1</sup>. «Шарқ юлдузи» журнали, 1953, 4-сон, 110-бет.

Дониш ва бошқа мумтоз шоирлар асарларини қунт билан мутолаа қиласи. Натижада С. Айний XIX асрнинг охирларига келиб ўз даврйининг илфор маърифатпарвар, халқпарвар зиёлиси сифатида танила бошлайди.

С. Айний дунёқарашининг ўсишида ўз даврининг машҳур маърифатпарвари, демократ Аҳмад Донишнинг таъсири катта бўлган.

Маълумки, Аҳмад Дониш ўзининг «Наводиулвақоё» асарида реакцион руҳонийларни, амир ва унинг амалдорларини, Бухоро мадрасаларидағи ўқиш-ўқитишининг яроқсиз эканини фош қилган эди. С. Айний ана шу асар ҳақида фикр юритиб, «... ушбу китобнинг мутолааси соясида муҳокамам қўзғалди ва фикримда ўзгариш пайдо бўлди», — деб ёзган эди.

С. Айнийнинг маърифатпарварлик фаолияти дастлабки даврларда жадидлар таъсирида давом этди. Унинг асарлари жадидларнинг «Бухори шариф», «Турон» номли газеталарида босилди. У 1909 йилда «Таҳзиб ус-сибиён» («Болалар тарбияси») номли ўқиши китоби ёзил, нашр эттиради. Ёзувчи бу асарида маърифатпарварлик гояларини тарғиб қиласи.

С. Айнийнинг маърифатпарлик ва халқпарварлик фаолияти амир амалдорларига ёқмайди. Улар С. Айнийни таъқиб остига оладилар. 1917 йили у зиндонга ташланади ва етмиш беш калтак билан қаттиқ жазоланади. Бу жазоланиш жараёнини С. Айний «Қисқача таржимаи ҳолим» асарида қўйидагича тасвирлайди: «Миргазаблар «бир-икки» деб икки томондан савалай бошладилар, улар темирчилар навбатма-навбат темирга болта ургандек бири калтагини кўтарганда, иккинчиси калтаги билан ураган эди. Шу зайл бўйнимдан тортиб белимнинг пастига қадар калтак билан савалашар эди. Баданимдан қон сачрар, узилган гўшт ва тери парчалари турли томонга отилар эди. Дардга чидаб бўлмас эди. Бироқ ўшандада менда чунон куч ва чидам пайдо бўлдики, у золим ваҳший палидлар олдида додлаш ва йиғлашдан номус қиласи эдим, мардоналик билан амалдорларга тик боқар эдим.

Калтаклаётганларida яқинроқ турган мулла ва амалдорлар бошимга, бетимга мушт туширади. Еир

<sup>1</sup> С. Айний. Асарлар. 8 томлик, 1- том, Тошкент, Ўзбекистоннанпр. 1963, 198- бет.

вақт миргазаблардан бирининг «етмиш беш» деган овози эшитилди. Бу сон амирнинг калтак жазосида энг катта ва сўнгги сон эди»<sup>1</sup>.

Калтак зарбидан жуда мадорсизланган С. Айнийни яна зиндонга ташладилар. Бироқ тезда уни инқилобий солдатлар озод қилишади ва Когон шахри касалхонаси га олиб келишади. С. Айний бу ҳақда «Эллик икки кун касалхонада ётиб, йигирма беш кун хирургия тадбирла-ри кўрилгандан кейин бирмунча тузалдим. Дўхтир ка-салхонадан чиқиб кетишга рухасат берди... Мен у ердан Самарқандга кўчиб бордим»<sup>2</sup>, — деб ёзган эди.

Шундан сўнг С. Айний то 1951 йилгача Самарқандда яшаб, ижод қилди. Унинг Самарқанддаги ижоди ғоят баракали бўлди. Самарқанддаги янгича шарт-шаро-ит С. Айнийнинг онги, дунёқарashi ва ёзувчилик фаолиятининг ўсишида муҳим роль ўйнайди.

Айний ижтимоий ҳаётда, хусусан, адабий, маданий ва илмий соҳада фаол иштирок этди. 20-йилларда Самарқандда биринчи янги мактабларни ташкил этишда, оддий меҳнаткашларнинг фарзандларини саводхон, билимдон қилишда жонбозлик кўрсатди. У ўз даври-нинг илғор зиёлилари бўлган А. Г. Леменовский, М. Абдужабборов билан бирга Самарқанддаги Кўшҳо-вуз маҳалласида янги мактаб очиб, унда янгича ўқиши ўқитиши тартибини биринчи бўлиб жорий қилди. Шу билан бирга, мактаблар учун дарслик ва қўлланмалар яратди. «Шуълаи инқилоб», «Меҳнаткашлар товуши» каби ойнома ва рўзнома мухарририятларида ишлади. Кейинчалик (қирқинчи йилларда) эса С. Айний Самарқанд дорилфунунида ишлаб ёш филолог олимларни тайёрлашга ўз ҳиссасини қўшди.

Дарҳақиқат, С. Айний ижоди кўп қирралидир. У шоир, носир бўлиш билан бирга, адабиёт ва тарихга оид кўпгина илмий асарлар яратган забардаст олим ҳамдир. Унинг «Бухоро манғит амирлари тарихи», «Бухоро инқилоби тарихи учун материаллар», «Тожик адабиёти намуналари», «Алишер Навоий ва тожик адабиёти», «Алишер Навоий», «Устод Рудакий», «Фирдав-сий ва унинг «Шоҳнома»си ҳақида», «Шайхурраис Абу Али ибн Сино», «Шайх Муслиҳиддин Саъди Шерозий», «Мирзо Қодир Бедил», «Зайнiddин Восифий ва унинг

<sup>1</sup> С. Айний. Асарлар. 1- том, 88- бет.

<sup>2</sup> С. Айний. Асарлар. 1- том, 92- бет.

«Бадоъеул-вақое асари ҳақида» каби илмий очерклари ва монографияларида ўзбек ва тожик халқларининг тарихи, хусусан, ўтмиш адабиёти ҳақида қимматли фикрлар баён қилинган; бир қанча йирик шоирлар ижоди таҳлил этилган.

С. Айний ёш ёзувчи ва олимларни тарбиялаб етиштиришга катта эътибор берган. Кўпгина ўзбек ва тожик ижодкорлари ўзларини С. Айнийнинг шогирдлари деб биладилар ва бу билан ҳақли равишда фахрланадилар.Faфур Гулом: «Садриддин Айний ўзбек ёш адабиётчиларини тарбиялашга қимматли ҳисса қўшди ва шахсан менинг ҳам устозимдир»<sup>1</sup> — деб ёзган эди.

С. Айний Ўзбекистон Фанлар академиясининг фахрий аъзоси (1943), Тожикистон Фанлар академиясининг ҳақиқий аъзоси ва биринчи президенти (1951) қилиб сайланган эди.

\* \* \*

С. Айний ўз ижодини Бухорода мадрасада ўқиб юрган чоғларида (1894—1895 йилларда) кичик-кичик шеърлар ёзишдан бошлаган. Аввал у «Сифлий», «Мухтоҷий», «Жунунний» тахаллуслари билан газаллар машқ қилган. 18 ёшидан (1896) бошлаб «Айний» сўзини ўзига тахаллус қилиб олган. Маълумки, «Айний» сўзининг 48 маъноси бор. Бу ҳақда ёзувчининг ўзи шундай деб ёзган эди: «Маъноси кўп бўлган сўз топиб тахаллус қилмоқчи бўлдим. Шу мақсад билан лугат китобини варақлар эдим, кўзим «айн» сўзига тушди. Лугатда шу сўзнинг 48 маъноси кўрсатилган эди. Энг муҳимлари, чунончи, шулар: 1) кўз, 2) булоқ, 3) офтоб ва яна бошқалар. Мен бу сўзнинг кўз ва булоқ маъноларига нисбат бериб, ўзимга «Айний» тахаллусини қабул этишга қарор қилдим»<sup>2</sup>.

С. Айнийнинг дастлабки шеърлари тожик ва ўзбек мумтоз шоирларига эргашиб, улар таъсирида яратилган ишқий лирик характердаги мисралардан иборат эди. Масалан, у «Нест» радифли шеърида «букун ҳайит куни, менга ёр ва майдан бошқа ҳеч нарса керак эмас. Ёр

<sup>1</sup> Faфур Гулом. Адабий-танқидий мақолалар. Тошкент, «Фан», 1970, 117- бет.

<sup>2</sup> С. Айний. Асарлар. 1- том, 55- бет.

бўлмаса май ҳам керак эмас», — деган поэтик фикрни ифодалаган. С. Айнийнинг шеъриятида маърифатпарварлик, халқпарварлик гоялари бўртиб туради.

С. Айний «Хуррият марши», «Байналмилал марши», «Марсия», «Кун чиқарлиларга хитоб», «Хилоли ахмор марши» каби шеърлар яратди. Жанговар тожик ва ўзбек шеъриягининг илк асарларидан бўлган бу қўшиқ ва маршлар Ҳамза Ҳакимзоданинг шеъриятига ҳамоҳангидир.

С. Айнийнинг «Хуррият марши» билан «Байналмилал марши» (1919) асарлари гоявий мазмун жиҳатидан бир-бирига яқин туради ва бир-бирини тўлдиради. «Байналмилал марши» шеърида шоир бутун дунё меҳнаткашларига мурожаат қилиб, уларни эски дунё ўрнига янги дунё қуришга чорлайди. Жанговар публицистик руҳда ёзилган бу шеърдан С. Айнийнинг порлоқ келажакка, янги ҳаёт тантанасига ишончи уфуриб туради:

Уйғон, дунё ишчиси, турғил!  
Яқинлашди ойдин кунлар.  
Ёруғ дунёга чиқ, гайрат қил!  
Кўп кўрдинг қоронги тунлар.

С. Айний шеъриятида меҳнаткашларни ҳаётдаги янгиликлардан баҳраманд қилиш, ўқиб илм олишга даъват этиш гояси илгари суриласди. Шоир «Мактаб марши», «Дорулмуаллимин марши» (1919), «Мактаб шарқийси» (1920), «Лоҳутий дили» (1927) каби шеърларида ёш авлодни янгиликларни ўрганишга, илм-маърифатни эгаллаб, янги замонга муносиб кишилар бўлиб етишишга чақиради.

Кўринадики, Ҳамза Ҳакимзода сингари С. Айний ҳам 20-йилларда давр талаблари даражасида туриб ижод қилган. Янги замоннинг бошланғич даври учун характерли бўлган янги мавзуу ва янги гояларни тараннум этган. Бу хусусият унинг 30—40-йилларда ёзилган шеърларига ҳам хосdir.

С. Айний 30-йилларда янги ҳаёт, маданий қурилиш, баҳтли ёшлиқ, мактаб-маориф, дўстлик, устоз ва шогирд мавзуларида шеърлар ёзди, «Ёдгорлик» (1935) шеърлар тўпламини нашр эттирди. Шунингдек, С. Айний «Инсоннинг сув учун кураши» (1940) номли поэма ёзди. Унда Тожикистон меҳнаткашларининг асов

дарёларни жиловлаб, инсонга хизмат қилдириш соҳасидаги фидокорона меҳнати акс эттирилган. Сув ва инсон муаммоси образли тарзда ёритилган.

Ватан уруши даврида С. Айний ижодида жанговар публицистик руҳ янада кучайди. У бу даврда «Ўлим фашист кўпракларга!», «ХХ аср Чингизи», «Думсиз эшак», «Етти бошли дев», «Шерзод», «Сассиқ экан», «Ярадор йиртқичнинг жон талвасаси», «Она-Ватан», «Чин ва ёрқин тонг» каби сатирик асарлар, публицистик мақолалар, «Темур Малик», «Муқанна исёни» сингари тарихий очерклар яратиш билан бирга, ҳарбий мудофаа мавзусида «Қасос марши», «Ғалаба қўшиғи», «Қаҳрамон Ленинград», «Хой Москва» каби шеърлар ёзди. Уруш даврида турли рўзномаларда С. Айнийнинг 30 тача жанговар шеъри эълон қилинди.

Ватан урушидан сўнгги даврда С. Айний жаҳонда тинчлик учун кураш, меҳнат, ҳалқлар дўстлиги мавзуларида шеърлар ёзди.

С. Айний «бир умр шеър ёзишга ҳаракат қилиб келган» (Асарлар, 1- том, 64- бет) ҳамда тоҷик ва ўзбек шеърияти хазинасига ўз ҳиссасини қўшган.

\* \* \*

Маълумки, ҳозирги насримизнинг шаклланиб ўсиши, энг аввало, А. Қодирий ва С. Айнийнинг номи билан боғлиқдир. Адиблар ҳалқ оғзаки ижодидаги ва мумтоз адабиётимиздаги наср анъаналаридан, шунингдек, жаҳон реалистик насли бойликларидан баҳраманд бўлган ҳолда 20- йилларда ўзбек насрига асос солдилар, унинг илк намуналарини яратдилар. Агар ёзувчи Абдулла Қодирий «Ўтган кунлар» ва «Мехробдан чаён» романларини яратиш билан ўзбек романчилиги мактабига асос соглан бўлса, С. Айний «Бухоро жаллодлари» ва «Одина» қиссаларини ёзиш билан ўзбек қисса жанрини бошлаб берди.

С. Айний насрини ўзбек ва тоҷик ҳалқлари ўтмиш ҳаётининг бадиий тарихи дейиш мумкин. Чунки унда ҳалқларимиз ҳаётига тегишли кўпгина мухим масалалар, хусусан, ўтмиш жамиятидаги тенгсизлик, адолатсизлик, ҳалқнинг ижтимоий зулмга қарши янги ҳаёт қуриш йўлидаги фаолияти акс этган.

С. Айний эпик турнинг қарийб ҳамма жанрларида асарлар яратган. Очерк ва публицистик мақолалар,

бадиий лавҳа ва фельетонлар, қисса ва романлар ёзган. Адибнинг «Аҳмад Дербанд», «Муғанна исёни», «Ажо-йиб одам», «Бахтсиз қизнинг бошидан ўтган қора кунлари» каби асарлари бадиий очеркнинг ўзига хос намуналаридир.

С. Айнийнинг ўтмиш мавзуидаги очекрлари далилларнинг ноёблиги ва бадиий тасвирнинг аниқлиги билан характерланади. Адид бундай очеркларида эски тузумни қоралаш билан бирга, ҳалқимизнинг ўтмишда босқинчи ёвларга қарши олиб борган қаҳрамонона курашини муҳаббат билан тасвирлайди, ватанпарварлик ва қаҳрамонликни улуғлайди. Бу ўринда унинг Темур Малик ҳақидаги асари диққатга лойиқ.

С. Айнийнинг замонавий «Жаҳон гўзали» ва «Тарихий байрам» очеркларида озодликка чиққан кишиларнинг қувончи, ҳис-туйгулари жўшқин ифодаланган.

С. Айнийнинг «Она-Ватан», «Инсониятнинг тенг ярмиси», «Ярадор йиртқичнинг жон талвасаси», «Ҳар кун ҳайит эмас-ку, чалпак есанг», «Тарихни сохталаштирувчилар фош этилди», «Улугбек расадхонаси» каби публицистик мақолаларида ҳалқимизнинг олижаноб фазилатлари, маданият ва илм соҳасида эришган ютуқлари тасвирланган.

С. Айний, айниқса, қисса ва роман жанрларида маҳорат кўрсатган. Унинг «Бухоро жаллодлари» (1922), «Одина» (1924), «Қулбобо ёки икки озод» (1928), «Эски мактаб» (1935), «Судхўрнинг ўлими» (1937), «Етим» (1940) каби қиссалари, «Дохунда» (1930), «Қуллар» (1934) романлари, «Эсадаликлар» (1949—1954) эпопеяси ана шундан далолат беради. Тўғри, бу асарларнинг ҳаммасини ҳам бирдек маҳорат билан яратилган деб бўймайди, уларнинг айримлари (хусусан аввал ёзилгандаридан) маҳоратнинг етишмаслиги билан изоҳланадиган нуқсонлар мавжуддир.

Шу нарса эътиборлики, адид қиссадан қиссага, романдан романга ўтган сари унинг маҳорати ўса борган. «Бухоро жаллодлари»га нисбатан «Одина» қиссаси пишиқ бўлганидек, «Одина»га қараганда «Судхўрнинг ўлими» қиссаси гоявий-бадиий жиҳатдан устун туради. Ёки «Дохунда»га қараганда «Қуллар» романни ҳар жиҳатдан бақувват. Бундай ижодий эволюциянинг содир бўлишида, ёзувчининг камолотга етишишида унинг ҳаёт ҳақиқатини, устозлар маҳорати-

ни, айниқса, М. Горький анъаналарини ижодий ўзлаштириши ҳал қилувчи роль ўйнади.

С. Айний: «Горький ижоди менга жуда кўп нарса ўргатди... менинг ёзувчи сифатида шаклланишимга асосий туртки бўлди. Кўпчилик китобхонларнинг диққатини тортган ва юксак мукофотга сазовор бўлган «Эсдаликлар»им бевосита улуғ ёзувчининг «Болалик», «Одамлар орасида» сингари асарлари таъсирида яратилди»,— деб ёзган эди.

С. Айнийнинг насрый асарлари мавзуу ва маҳорат эътибори билан ҳар хилдир. Унинг «Бухоро жаллодлари» асари мемуар характерига эга, унда 1918 йил март ойида Бухорода юз берган ҳалқ намойишидан сўнг амирликда кучайиб кетган зулм тасвири асосий ўринни эгаллаган. Адид бу асарида амир ва унинг амалдорларининг нопоклигини, қабиҳлигини, жаллодларнинг ваҳшийлигини рўйирост кўрсатади.

Қисса сюjetи жаллодларнинг ўзаро суҳбати, ўз бошидан кечирган воқеаларни ҳикоя қилиши асосига қурилган. Қиссада Ҳамроғавбоз, Қурбондевона, Қодирбоз, Ҳайдарча каби жаллодларнинг образи яратилган. Ёзувчи бу салбий типларнинг ўзаро суҳбатларини тасвирилаш орқали амирлик тузумининг яроқсизлигини очиб ташлайди.

Тўғри, «Бухоро жаллодлари» асарида меҳнаткаш ҳалқнинг амирликка қарши норозилиги ва кураши етарли ёритилмаган, баъзи ўринларда натурализмга йўл қўйилган. Шунингдек, қиссанинг композицияси ҳам анча бўш ишланган. Булардан қатъи назар, «Бухоро жаллодлари» қиссаси С. Айнийнинг реалистик насрага ўтишида муҳим роль ўйнади. Унда йўл қўйилган нуқсонлар ёзувчининг кейинги асарларида тутатила борди.

С. Айний «Одина» қиссасида тоҷик ва ўзбек меҳнаткашларининг ўтмишдаги оғир ҳаётини, бой ва амалдорлар зулмига қарши норозилигини ва уларда сиёсий онгнинг уйгона боришини тасвирлайди. Асарнинг тасвир марказида қашшоқ тоҷик йигити Одинанинг машаққатли ҳаёт йўли туради. Адид талқинича, бош қаҳрамон Одина жуда ёшлигида ота-онадан етим қолиб, Арбоб Камол номли бойнинг эшигига хизмат қиласади. Одина кейинчалик бой хонадонидаги оғир меҳнат ва ҳақоратларга чидолмай, Арбоб Камолнинг қўлидан қочиб кетади. Фарғонадаги пахта заводига

ишга киради. Заводда ишлаб бир оз пул тўплайди, сўнгра ўз севгилисӣ Гулбибига уйланиш ниятида қишлоққа қайтади. Бироқ у муродига етолмайди. Чунки Одина қишлоққа қайтишда йўлда амир амалдорлари томонидан талаанди. Қишлоққа қайтгач Арбоб Камолнинг таъзибига дуч келади ва яна қишлоқдан чиқиб кетишга мажбур бўлади.

Ёзувчи асарда Одинанинг бундай ачинарли қисмати мисолида ўша даврдаги меҳнаткашларнинг машаққатли аҳволини умумлаштириб кўрсатади. Бу ҳақда қиссанинг сўз бошисида Файзулла Хўжаев бундай ёзган эди: «С. Айний ўз повестида мутлақо ҳуқуқсиз бўлган ва шафқатсиз эксплуатацияга маҳкум этилган ўнлаб ва юзлаб меҳнаткашларнинг ҳаётини ҳаққоний равишда, ҳеч қандай бўямасдан тасвирлаб берди. Одина ва унинг хўжайини орасидаги муносабат ҳуқуқсиз ва камбағал ҳалқ аҳволининг типик тасвиридир. Бундай ҳол Қоратегин сингари олис ерлардагина эмас, ҳатто муқаддас Бухоронинг ўзида ҳам мавжуд эди»<sup>1</sup>.

Қиссада Одинадан ташқари Арбоб Камол ва Гулбиби образлари ҳам реалистик бўёқларда тасвирланган. Лекин асарнинг хотимаси муваффақиятли чиқмаган.

С. Айнийнинг «Эски мактаб» қиссаси автобиографик асардир. Унда С. Айний ўзининг болалик чоғларини, эски мактабда ўқиган йилларини хотирлар экан, эски мактабдаги сколастик ўқитиш усулини, ўқувчиларга тан жазоси (жисмоний жазо) берилишини қоралайди.

Садриддин Айнийнинг «Судхўрнинг ўлими» қиссаси гоявий-бадиий етук сатирик асардир. Қиссада ўта хасис ва разил судхўр Қори Ишкамбанинг сатирик образи зўр маҳорат билан яратилган. Бу образ орқали ёзувчи текинхўр бойлар, судхўр ва очкўз шахслар устидан кулиб, китобхон қалбida уларга қарши нафрат уйғотади. Қиссада Қори Ишкамбанинг портрети сатирик бўёқларда чизилган.

«У ўрта бўйли, қорни катта, семиз, бўйни калта ва йўғон, боши ҳам катта ва сергўшт бир одам эди, бўйнининг йўғонлиги ва юзининг сергўштлиги шу даражада эдики, унинг гавдаси сув тўлдирилган мешдай текис кўринар эди. Агар унинг қалин соқоли ва сочи олинниб, кийимлари ечиб ташланса, нортуянинг ошқозонига ўхшаб қолар эди, фақат фарқи шундаки, бу

<sup>1</sup>. С. Айний. Одина, Москва, 1930, 4- бет.

туяниң ошқозонидан қаттароқ ва туси ҳам қизғишроқ бўлиб, ою куни тўлган семиз, туллаган кекса, бўгоз чўчқанинг худди ўзи бўлиб қолар эди».

Қори Ишкамба образи Шекспир, Бальзак, Мольер, Пушкин, Чехов, Гоголь каби буюк ёзувчиларнинг асарларида учрайдиган ўта хасис ва очкўз типлар билан бир қаторда туради. Чунки Қори Ишкамба образи жонли ва таъсирли қилиб яратилган, ҳақиқий салбий тип даражасига кўтарилган.

С. Айний қиссада Қори Ишкамбанинг разиллигини, хасис ва инсофсизлигини, очкўз ва ҳийлакорлигини фош қила оладиган типик воқеа ва сатирик бўёқларни, характерли бадиий деталларни топа билган. Қори Ишкамбанинг инсоний қиёфадан маҳрумлиги — инсофсиз маҳлуқлиги, хасисларнинг хасиси эканлиги унинг ҳаракатларидан очиқ билинади. Қори Ишкамба шу қадар зиқна ва хасиски, у ҳатто ҳафталаб ўз уйида овқатланмайди: бошқаларнинг овқатланиш пайтини пойлаб, уларнинг насибасига юзсизлик билан шерик бўлади. У ўз хотинларини ҳам алдайди, уларга ҳам солиқ солади, улар уйда дўппи тикиб топадиган даромадни ҳам пасткашлик билан ўзлаштиради. Қори Ишкамба ўз хонадонида гугурт ишлатишда ҳам, чироқ мойи сарфлашда ҳам, соч олдиришда ҳам ўта хасислик қилади. Бу ўринда, лоақал Қори Ишкамба билан сартарош диалогини эслайлик:

«— Бошқа одамлар ҳафта — ўн кунда соч олдириб турсалар, сиз икки ойда бир марта соч олдирасиз, устара ҳақини ҳам бошқалар берадиганнинг ярмисича бериб қочасиз...

— Мен хоҳ ҳафтада бир марта соч олдирай, хоҳ икки ойда бир, бунинг сизга ҳеч бир тегишлиги йўқ. Менинг сочим хоҳ ўсиб кетган, хоҳ ўсмаган бўлсин, сиз бир марта устара урасиз, узун соч учун икки марта устара ишлатмайсизки, меҳнатингиз ортиқ сарф бўлса. Агар мен соч олдириш ҳақини бошқалардан кўра камроқ берсам, бу тўғрида шикоят қилишга ҳаққингиз йўқ, чунки ўзингиз кўриб турибсизки, бошимнинг ярмиси сочсизdir ва сиз у ерга ҳеч бир устара урмайсиз».

С. Айний асарда Қори Ишкамба образи орқали текинхўрлик ва судхўрликни туғдирган амирлик тузумини аёвсиз фош қилади.

Қиссада адид судхўр образини яратиш жараёнида меҳнаткаш халқ оммасининг машиқатли ҳаётини ҳам (оз бўлса-да) акс эттиради. Лекин асарда Қори Ишкамба асосан хасис, очкўз ва пасткаш шахс сифатида кўрсатилган, оқибатда унинг судхўрлик қиёфаси очилмай қолган.

С. Айнийнинг биринчи романи «Дохунда» бўлиб, унда ўзбек ва тожик халқларининг инқилоб арафасида ги заҳматли ҳаёти, уларнинг амирлик тузумига қарши олиб борган кураши акс эттирилган.

Асарда тасвирланишича, Бозор исмли камбағал яхши ҳаёт истаб Кўллдан Ҳисорга кўчиб келади. Бироқ у қаерга бормасин, ўша тошу тарозига — оғир ҳаётга дуч келади. Бозор Ҳисорда Азимшоҳ қўлида ниҳоятда қийналиб тирикчилик ўтказади. Бозор ўлгач, бой унинг ўғли Ёдгорни эзишни давом эттира бошлайди. Натижада Ёдгор Азимшоҳ даргоҳидан қочади. Тог орасидаги гўзал Дараи Ниҳон қишлоғига бориб подачилик қиласиди. Кўп вақт ўтмай Азимшоҳ томонидан юборилган Алимардон ясовул Ёдгорни тутиб келади. Кейинчалик Ёдгор Азимшоҳдан кутулиш ва Дараи Ниҳонда қолган севгилиси Гулнорага етишиш ниятида сарбозликка ўтади. Аммо мақсадига ета олмагач, амир сарбозлигидан (аскарликдан) қочади. Бироқ тезда қўлга тушиб, зинданга ташланади.

Романинг кейинги бўлимларида Ёдгорнинг зиндандан озод қилиниши, Гулнор билан Ёдгорнинг топишиши, шунингдек, ер-сув ислоҳоти, қишлоқ ҳўжалигини жамоалаштириш каби воқеалар тасвирланади.

Роман беш бўлимдан иборат. Асар композицияси мураккаб ва қизиқарли. Унда воқеалар кўпинча хронологик тартибда ҳикоя қилинмайди. Воқеа энг қизиқ жойидан бошланиб, сўнг унинг тафсилоти баён этилади.

Асарда бош қаҳрамон Ёдгор динамик образ сифатида талқин этилган. Ёзувчи Ёдгор характеристининг шаклланиши, қаҳрамон онгининг аста-секин ўса бориши, натижада унинг янги ҳаёт курашчиси ва қурувчисига айланинини ишонарли қилиб тасвирлайди.

Ёзувчи Ёдгор ҳаётини халқ ҳаёти билан узвий боғлиқ ҳолда тасвирлайди. Шунинг учун ҳам бу романдан ўша даврдаги халқ ҳаёти ҳақида кенг маълумот олиш мумкин.

«Дохунда» романида ҳаётдаги қарама-қаршиликлар, ижтимоий тенгсизлик ва синфий кураш кенг акс эттирилган. Амирликда ҳукм сурган адолатсизлик аниқ ва типик деталлар воситасида фош этилган. «Бу гап тўғри,— деди бояги чўпон,— бир бой билан бир бечора орасида жанжал чиқса, ҳокимлар бойнинг тарафини оладилар. Бу иш менинг ўз бошимдан ўтди: Ниёзшоҳ сохта хатлар билан ерларимни тортиб олди. Шундан сўнг қози қолмади, ҳоким қолмади, раис қолмади — орқаларидан юурдим, арз-дод қилдим. Ҳаммалари мени уриб қувладилар. Лекин мен ҳам бўш келмадим, бугун қувласалар, эртасига яна бориб дод деявердим. Охирда ҳокимнинг ясовулбошиси менга: «Агар бунақа кунда келиб ҳокимхонани танг қиласаверсанг, оч қирғи, отабезор деб сени зиндонга соламан, умрингнинг охиригача чириб ётасан», деди. Мен билдимки, ҳокимлар бойларнинг тарафида эканлар».

«Дохунда» романида Ёдгор, Гулнор, Абдуллахўжа, Мискинзода, Бозор, Сафар, Фотима каби ижобий образлар ва уларга қарама-қарши ҳолда Ёқуббой, амир Олимхон, Анвар пошшо, эшон Султонхон, Азимшоҳ, бой Мутти, Алимардон ясовул сингари салбий образлар яратилган. Романдаги персонажлар бир-бирига қарама-қарши бўлган икки лагернинг вакиллари бўлиб, адид бу образларни реал акс эттира олган.

«Дохунда» романида Гулнор, Мехримо, Феруза, Фотима, Тўтий сингари хотин-қизлар образи ҳам анча кенг тасвирланган. Улар асада ўз ўрни ва қиёфасига эга. Бироқ баъзи бобларда (хусусан, асарнинг тўртинчи қисмида) персонажлар ортиқча кўпайиб кетган. Умуман олганда, «Дохунда» романи 30-йиллар насрода ўз ўрнига эга.

С. Айнийнинг «Қуллар» номли монументал асари 100 йилдан кўпроқ даврдаги тарихий воқеаларни (қулларнинг уч авлоди ҳаётини) ўз ичига қамраб олган. Романда 1824 йилдан 1933 йилгача бўлган даврдаги халқ ҳаёти тасвирланган.

Асада Бухоро амирлиги вақтидаги меҳнаткаш халқнинг бошидан кечирган оғир кунларнинг ёрқин картиналари яратилиб, қуллар ҳаётининг бутун даҳшатлари очиб ташланган.

«Қуллар» романининг асосий қаҳрамони халқ. Романда Раҳимдод, Гулсум, Гулфом, Фарҳод каби қул ва чўрилар; Сафарқул, Эргаш, Қулмурод, Ҳасан, Фотима сингари озод меҳнаткашлар образлари яратил-

ган, эзувчи ва эзилувчилар ўртасидаги синфий курашнинг тури кўринишлари тасвирланган.

Шундай қилиб, «Дохунда» асаридағига нисбатан «Қуллар» романида тасвирланган воқеалар доираси кенг, сюжетнинг ўсиш динамикаси кучли. Бу роман бадиий жиҳатдан ҳам мукаммал ишланган. Унда адабнинг образ (характер) яратишдаги маҳорати яққол кўринади. Чунки асардаги персонажларнинг аксарияти ўзига хос характерга эга. Бунда С. Айний халқ оғзаки ижоди материалларидан, хусусан, жонли халқ тили бойликларидан унумли фойдаланган. С. Айнийнинг ўзи таъкидлаганидек «Одина»да фольклордан деярли фойдаланмаган бўлса, «Дохунда»да бу нарса бор. «Қуллар»да фольклор материаллари, сўз ўйини ва ҳоказолардан кўплаб фойдаланилган.

Ҳақиқатан ҳам «Қуллар» романида халқ қўшиқлалири, хусусан халқ мақоллари ва ҳикматли сўзлари, халқ иборалари ва зарбулмасаллар тез-тез учраб туради. Романнинг дастлабки қисмида қафасга тушган қушдай нола қилган, ҳижронда ёрини орзиқиб кутган қул тилидан:

Додлама, додлама, дод саси галди,  
Қаршининг чўлидан ёр саси галди.  
Үлкадан ўлкай ел каби юрсам,  
Гунларнинг бирида ёр юзин гўрсам...  
Додлама, додлама, дод саси галди,  
Қаршининг чўлидан ёр саси галди.  
Сайрасам, яйрасам кенг фазоларда,  
Ёр ҳидин исласам хуш ҳаволарда.  
Додлама, додлама, дод саси галди,  
Қаршининг чўлидан ёр саси галди,—

деган қўшиқ берилган. Асарнинг сўнгги қисмида эса Некқадамнинг набираси Ҳасан ва унинг севгилиси Фотима тилидан дехқонларнинг ер-сув ислоҳотидан хурсанд бўлганлигини акс эттирувчи қуийидаги шўх халқ қўшиғи берилган:

Фотима: Гул боғчада гулим бор-е,  
Қўлимда булбулим бор-е.  
Ҳасан: Бойлар нозин чекмайди-е,  
Энди ерим-сувим бор-е.

Ҳар иккала мисолда ҳам халқ қўшиғи қаҳрамонларнинг руҳий дунёсига монанд қилиб ишлатилган. Шу сабабли бу қўшиқлар қаҳрамонлар кайфиятини кўрсатишга бевосита хизмат қилган.

Хуллас, «Қуллар» романи ўзида акс эттирилган воқеаларнинг кўлами, олга сурилган ғоянинг аҳамияти, композицион тузилиши, сюжет тўқиши ва характер яратиш санъати ҳамда бадиий тил эътибори билан адабиётимизда алоҳида ўрин эгаллайди.

С. Айнийнинг сўнгги йирик асари «Эсадаликлар»дир. «Менинг фикримча,— деб таъкидлайди С. Айний асарга ёзган сўз бошисида,— эсадалик ёзиш роман ва ҳикоялар ёзишдан қийинроқ бўлгани учун бу ишни кўпроқ тажриба олгунимга қадар қолдирган эдим. Чунки одам ўтган турмушни аниқ тарзда ўрганмагунча яшаб турган даврнинг қимматини етарли даражада тасаввур қила олмасди».

С. Айний бу йирик прозаик асарни яратиш билан тожик ва ўзбек адабиётида янги типдаги мемуар (хотиранома) жанрига асос солди.

С. Айнийнинг «Эсадаликлар» асари мумтоз адабиётимиздаги мемуарлар (масалан, Навоий, Бобур, Восифий, Аҳмад Доңиш мемуарлари)дан тубдан фарқ қиласди. Бу фарқ, аввало шундаки, «Эсадаликлар»да ҳаёт ҳақиқати, халқ турмуши аниқ тасвирланган. Ўтмиш жамиятидаги ижтимоий адолатсизлик ва сиёсий кураш кўрсатилган, халқ оммасининг тарихдаги буюк роли ҳаққоний ёритилган. Бунда С. Айний мумтоз адабиётимиздаги мемуарчилик анъаналарини ривожлантириш, М. Горькийнинг «Болалик», «Одамлар орасида», «Менинг университетларим» номли автобиографик асарларидан ижодий озуқланиш орқали эсадаликлар жанрининг етук, оригинал намунасини яратган.

«Эсадаликлар»нинг бош қаҳрамони Садриддин — ёзувчининг ўзидир. Асарда С. Айний ўзининг шахсий ҳаётига узвий боғлиқ ҳолда муайян даврнинг ижтимоий характеристикасини образли тарзда ифодалай олган. Бухоро амирлигидаги қишлоқ ва шаҳар ҳаётини, меҳнаткашларнинг жафоли турмушини, ўша даврдаги синфий тенгсизликни ва адолатсизликни, амир ва амалдорларнинг, реакцион руҳонийларнинг қиёфасини усталик билан тасвирлай билган.

«Эсадаликлар» тўрт қисмдан иборат. Биринчи қисмда Бухоро амирлиги ҳудудидаги қишлоқларнинг 1884—

1890 йиллардаги оғир ҳаётидан ёрқин картиналар чизилади. Ёзувчи ўтмиш ҳаётни қоп-коронги тунга ўжшатади. Шу билан бирга, бу коронги тунда милт-милт этиб ёниб турган юлдузлар ҳам борлигини унутмайди. Бошқача қилиб айтганда, адид ўтмиш ҳаётни тасвиirlар экан, уни бир томонлама, қора бўёқларда кўрсатиб кўя қолмай, аксинча қишлоқ аҳлиниг Сайд Умархўжа, Сайдмуродхўжа, Тўтапошша, Гулом, Некқадам, Ҳабиба каби ижобий образларини яратиш орқали ўтмиш ҳаётдаги эзгу анъаналарни, отабоболаримизнинг меҳнатсеварлик, маърифатпарварлик, ростгўйлик, болажонлик, меҳр-оқибатлик, дўстлик сингари фазилатларини ёрқин бўёқларда акс эттиради. Масалан, Садриддиннинг отаси Сайдмуродхўжа образида меҳнаткаш халққа хос бўлган кўп фазилатлар ёрқин ифодаланган. Сайдмуродхўжа ўзи иқтисодий ёрдамга муҳтоҷ бўлса-да, қашшоқларга қўмаклашишни канда қилмайди, одамларга беминнат яхшилик қилишни ўзи учун ҳам фарз, ҳам қарз деб ҳисоблади. Ёзда деҳқончилик, қицда косиблик қилиб оила тебратишга мажбур бўлган Сайдмуродхўжа ўғлига «ўқиши шавқим зўр, қобилиятим ҳам бор эди, аммо тирикчиликнинг мажбурияти билан «Чала мулла» бўлиб қолдим. Лекин, «мен эришмаган мақсадга бошқалар эришсан» деб тогангни, яна бир неча ўшларни мадрасага жойлаштиридим»,— дейди. Сайдмуродхўжа иқтисодий жиҳатдан ночор яшасада, ўғли Садриддинни илмлибилимли қилиш учун бутун борлиги билан интилади.

Сайдмуродхўжанинг жаҳолат ва нодонликка, адолатсизлик ва сохталикка қарши қураши ҳам ибратлидир. «Отам расмий муллалар, имомлар, қози ва раисларни ёмон кўрар, улардан баъзиларини нодон, баъзиларини ноинсоф ва золим деярди»,— деб ёzáди С. Айний.

«Эсадаликлар»нинг биринчи қисмида қишлоқ ҳаёти ҳикоя қилинган бўлса, иккинчи қисмида кўхна Бухоро шаҳридаги (1890—1892 йиллардаги) мураккаб ҳаёт тасвиirlанади: амирлик тузумидаги қабоҳат, адолатсизлик, золимлик фош этилади. Меҳнаткаш халқ оммасининг мавжуд тузумдан норозилиги кўрсатилади. Мадрасалардаги ўқиши-ўқитиш тартиби қораланиб, дунёвий илмларни эгаллаш гояси қўллаб-қувватланди.

«Эсадаликлар»ни ўқир эканмиз, ўтган асрдаёқ ўзбек ва тожик халқлари ვაკილларининг илгор рус мада-

ниятига қанчалик қизиққанликларини билиб оламиз. Асарда тасвирланишича, Аҳмад Дониш, мулла Туроб ва Пирақ сингари халқ оммаси орасидан чиққан ақлли кишилар реакцион руҳонийларнинг таъна ва таъқибларига қарамай, рус халқи вакиллари билан дўст бўлишга, рус тилини ўрганишга интилганлар.

Асарда ўз даврининг пешқадам маърифатпарвар ва халқпарвар зиёлиси бўлган Аҳмад Дониш образи муҳаббат билан тасвирланган. С. Айний ўз дунёқарашнинг Аҳмад Дониш асарлари, хусусан, унинг «Наводи-рул вақое» асари таъсирида шаклланганлигини мамнуният билан қайд этади ва Аҳмад Донишни ўз устози сифатида улуғлайди. С. Айний Аҳмад Донишни билим-донлиги, донолиги, дадил фикрлари, мардлиги, дунёқарашининг илгорлиги, ватанпарварлиги ва инсонпарварлиги учун гоят қадрлаган.

Асарда Аҳмад Донишнинг ўзига хос характеристи ҳам аниқ қилиб кўрсатилган. Ҳар томонлама чуқур билим соҳиби бўлган бу аллома саёҳатни севган, турли касб эгалари билан дўстлашган. Шеъриятни, мусиқани, ашулани чуқур тушунган ва уларни жуда қадрлаган. Аҳмад Дониш зулм ва адолатсизлик билан асло келиша олмаган. Бинобарин, у золим амирни, текинхўр амалдору бекларни, нодон ва жоҳил муллаларни фош қилувчи асарлар ёзган.

С. Айний «Эсадаликлар»ида ўша вақтдаги адабий ҳаёт ҳақида ҳам анча кенг маълумот беради. Бу жиҳатдан «Эсадаликлар»нинг учинчи қисми алоҳида ажралиб туради. Унда С. Айний ўзининг 1893—1896 йиллардаги шахсий ҳаёти, ижтимоий-ижодий фаолияти ҳақида, шунингдек, ўша даврдаги халқ, ва мамлакат ҳаётининг ўзига хос хусусиятлари ҳақида қизиқарли маълумотларни келтириш, мадраса ҳаётини ва разил судхўрларнинг кирдикорларини очиб ташлаш билан кифояланмайди. Балки бу қисмда муаллиф ўша даврда Бухорода яшаб ижод этган Таксин, Ҳайрот, Гулшаний, Зуфунун, Саҳбо, Шоҳин, Соми, Бўстоний, Латифжон Маҳдум сингари шоир ва ёзувчилар ҳақида қимматли маълумотлар беради. Ана шунга кўра, «Эсадаликлар»нинг учинчи қисми ўзига хос шеърията ўхшайди. Масалан, асарда Абдулмажид Зуфунун ҳақида қуйидагича ахборот берилган: «Абдулмажид Зуфунун — юлдузлар илмиди Аҳмад Донишнинг шогирди бўлиб, шеър ва адабиёт ҳамда Бухоро мадрасалаган.

рида ўқитиладиган бошқа расмий фанлар соҳасида ҳам маҳорат кўрсатган эди. У турли фан ва илмларни кўп билгани сабабли, замондошлари унга «Зуфунун» лақабини берган эдиларки, бунинг маъноси «фанлар эгаси» демакдир.

«Эсадиқлар»нинг тўртинчи қисмида XIX аср охири ва XX аср бошида Бухорда бўлиб ўтган ижтимоий воқеалар ҳикоя қилинади. Адид яна ўз ҳаётига боғлиқ ҳолда Бухоро шаҳридаги мураккаб ҳаётни, синфий курашни, Россиядаги инқилобий воқеалар таъсирида ижтимоий турмушда юз берган ўзгаришларни, ҳалқ оммаси сиёсий онгининг ўсишини батафсил тасвирлаб беради. Бунда адид ҳаётдаги ижобий ўзгаришларни, ҳалқнинг озодлик йўлидаги кураши манзараларини ҳаққоний акс эттирган. Шу билан бирга, 1918 йилги ҳалқ ҳаракати (Колесов воқеаси)нинг ваҳшнийларча бостирилиши, амирликдаги қонли зулм воқеаларини ҳам реалистик тарзда чизиб берган. Амир миршаблари (Абдураҳмонбек ва Давронбек образлари)нинг кирдиқорларини, дин-шариат пешволарининг мунофиқлигиги ни фош этган.

С. Айний «Эсадиқлар»да ҳалқ онгидаги ўсиш ўзгаришларни кўрсатар экан, ўз онги ва дунёқарашидаги ўзгаришларни ҳам босқичма-босқич тасвирлаб беради. Ана шунга кўра, асарнинг дастлабки қисмларидаги Садриддиндан сўнгги қисмлардаги Садриддин онг-тушунча, дунёқарааш, ҳаётий тажриба жиҳатидан жиддий фарқ қиласди...

«Эсадиқлар»нинг дастлабки қисмида Садриддин инсон қувончига ҳам, қайғусига ҳам шерик бўлишга интигувчи, ўз меҳнати билан одамлар мушкулини осон қилишдан ҳузурланувчи содда, беғубор, тўғри сўз бола сифатида гавдаланади. Бунда ёзувчи болаларнинг ўзига хос ҳарактерини, бола психологиясини усталик билан акс эттирган.

Садриддин мадрасада ўқиш учун қишлоқдан Бухорга келгач, аввало янги ҳаётга (шаҳар ҳаётига) ўрганолмай тезда қийналиб қолади. Сўнгра у шаҳар ҳаётига кўнигади, бу ҳаёт унинг одамлар ва воқеалар ҳақидаги тасаввурларини ўзгартириб юборади. У воқеалар давомида ўсади. Натижада Садриддин ўз даврининг ҳалқ-парвар, адолатпарвар илғор зиёлиси сифатида китобхон кўз ўнгига ёрқин гавдаланади.

Бош қаҳрамон Садриддин «Эсадиқлар»нинг ҳар

тўрттала қисмида ҳам фаол иштирок этади ва кўп ўринларда воқеаларнинг марказида туради. Садриддин образи жонли ва ишонарли чиққан. Адид Садриддин образи орқали ҳалқ ҳаётидаги катта ўсиш-ўзгаришларни, хусусан, ҳалқ зиёлисининг шаклланиш жараёнини умумлаштириб кўрсатиб берган.

«Эсадаликлар»нинг ҳар бир қисми ўзича мустақил, тугал асар. Шу билан бирга, улар ўзаро узвий боғлиқ. «Эсадаликлар»нинг барча қисмларини Садриддин образи, шунингдек, ҳалқ образи бирлаштириб туради. Зотан, ёзувчи ўз ҳаётини ҳалқ ҳаёти фонида акс эттиради. Ана шунга кўра, «Эсадаликлар»да меҳнаткаш ҳалқ образи, унинг ўтмиш оғир ҳаёти, орзу-истаклари, озодлик ва баҳтли ҳаёт учун интилиши, амирлик тузумига бўлган нафрати, кураши каби муҳим масалалар тасвири ёзувчининг дикқат марказида туради. Асарда ҳалқ образи, ҳалқ психологияси, ҳалқнинг куч-қудрати ҳаққоний акс эттирийлган. Меҳнаткаш ҳалқقا муҳаббат ва самимий ҳурмат руҳи билан сугорилган бу асарда ёзувчи ҳалқ ҳаётини иложи борича кенг қамраб тасвирлашга интилган. «Эсадаликлар»да икки юздан зиёд персонажнинг тасвирланиши ҳам бежиз эмас, албатта.

«Эсадаликлар»да меҳнаткаш ҳалқ вакилларининг ранғ-баранг образлари берилган. Садриддиннинг отаси Сайдмуродхўжа, устози Аҳмад Доңиш, дўстлари Ҳабибий ва Пирақ, мулла Туроб ва мулла Омон, Лутфулла полвон, доно кампир Тўтапошша, ўз даврининг илгор фикрли кишилари Ҳайрот, Зуфунун, Тақсин, Латифжон, Маҳдум, Гулшаний, Мирзо Саҳбо, Сами Бўстоний, Шоҳин каби шоир, ёзувчи ва маърифатпарвар зиёлилар; севимли ҳалқ ҳофизи Ҳожи Абдуазиз, кўпни кўрган нуроний чол Гулом Некқадам, Абдуллаҳӯжа, уста Амаки (Устахӯжа), мулла Бурхон, Пошшохон каби ижобий образлар шулар жумласидандир.

«Эсадаликлар»да жонли ва табиий қилиб тасвирланган талайгина салбий образлар ҳам бор. Қонхўр Сайд Олимхон, бераҳм миршаб Абдураҳимбек, Давронбек, вобкентлик амалдор ва бошқа салбий образларни яратиш билан С. Айний ҳукмрон табақаларнинг турли қатламлари ҳаётини кўрсатган, амир ва амалдорларни, судхўр бойларни, жоҳил руҳонийларни аёвсиз фош этган. Шу тариққа амирлик тузумининг ва умуман ҳукмронлик жамиятининг яроқсизлигини образли тарзда очиб берган. Битта мисол: айбсиз-айбдор Шукур разил

амалдорнинг адолатсизлиги устидан раисга шикоят қиласади. Раис эса «Бу дардингга даво топиш менинг қўлимдан келмайди. Биз шундай замонда яшаб туриб-мизки, ҳеч ким бирорга ғамхўрлик қилмайди ва қилолмайди. Золимларнинг зулмидан ҳокимларга, ҳатто амирнинг ўзига ҳам шикоят қилишнинг фойдаси йўқ», деб жавоб беради.

«Эсадаликлар»нинг яна бир муҳим фазилати шундаки, унда ўзбек ва тожик халқларининг тарихи, этнографияси, урф-одатлари, миллий хусусиятлари, шунингдек, диёrimiz табиатига ва деҳқончилигига доир қимматли маълумотлар кўп ва улар асарнинг асосий гоявий мазмунига узвий боғлиқ ҳолда қизиқарли қилиб ифодаланган. Асар тил, услуб, сюжет ва композиция жиҳатидан ҳам пухта ёзилган. Муаллиф халқ жонли тили ва фольклор бойликларидан унумли фойдаланган. Шу сабабли асарда халқ ҳикматлари, халқ мақол ва маталлари, чиройли ўхшатиш ва сифатлашлар тез-тез кўзга ташланиб туради.

Қисқаси, С. Айнийнинг «Эсадаликлар»и гоявий-бадиий жиҳатдан юксак асар бўлиб, унинг маърифий ва эстетик-тарбиявий аҳамияти катта. Зоро, машҳур адаб Леонид Леонов «Эсадаликлар» ҳақида фикр юритиб: «Айнийнинг бу асари бадиий умумлаштиришлари, фикр-мулоҳазаларининг чуқурлиги ва ҳикматомузлиги, юксак санъаткорлик маҳорати билан бизнинг умумиттифоқ адабиётимизда улкан ҳодиса бўлди»,— деб ҳақ гапни айтган эди.

Хулоса қилиб айтганда, С. Айний ҳозирги замон ўзбек адабиётининг, хусусан, янги насримизнинг шаклланишига, ўсишига катта ҳисса қўшди. Зотан, С. Айний насли тоҷик адабиётининггина эмас, ўзбек адабиётининг ҳам таркибий қисмидир. Шунга кўра, ўзбек насрини С. Айний асарларисиз тасаввур қилиб бўлмайди. С. Айнийнинг насрдаги анъаналари Ойдин, П. Турсун, Ҳ. Фулом, Мирмуҳсин, М. Исмоилий, О. Ёқубов, Шуҳрат, П. Қодиров каби адаблар томонидан давом эттирилди ва ижодий ривожлантирилмоқда.

#### АДАБИЁТЛАР

1. Ўзбек совет адабиёти тарихи, 1- том, Тошкент, «Фан», 1967.
2. Н. Раҳимов. Садриддин Айний (маҳоратига доир), Тошкент, «Фан», 1970.
3. С. Айний замондошлари хотирасида, Тошкент, Ф. Фулом номидаги Адабиёт ва санъат нашриёти, 1978.

4. М. Ҳасанов. Айний гулшани, Тошкент, Ф. Ғулом номидаги Адабиёт ва санъат нашириёти, 1982.
5. Ўзбек совет адабиёти тарихи, Тошкент, «Ўқитувчи», 1990.
6. М. Қўшижонов. Айний бадиатининг эволюцияси. Тошкент, «Фан», 1988.

#### М а т и

*Садриddин Айний. Асарлар (сақкиз томлик), 1—8- томлар, ЎзССР  
Давлат бадиий адабиёт нашриёти, Тошкент, 1963—1967.*

## АБДУЛЛА ҚОДИРИЙ

(1894—1938)

Улуг реалист адаб Абдулла Қодирий бадиий ижод оламида ёрқин юлдузdir. У ўзбек романчилигига асос солиб, адабиётда катта янгилик яратган, адабиётимизнинг савиясини кўп даражада баландликка кўтарган. Бинобарин, у ҳозирги замон ўзбек адабиёти тарихида фахрли ўринни эгаллайди. Қодирийшунос олим Иззат Султонов: «Абдулла Қодирийнинг асарлари бадиий маҳорат намунасидир. Бу асарларда асосий ғоя доимо яққол ифода қилинади, одамлар ва уларнинг ҳаёт шароити худди «кўз олдимизда тургандек» тасвир этилади, бу асарларнинг сюжети доимо қизиқарли, тили бой ва ширали. Бу асарларнинг ҳалққа манзур бўлгани бежиз эмас»<sup>1</sup>, — деб ёзган эди. Ойбек эса: «Абдулла Қодирийнинг насли биринчи навбатда ғоятда ҳаётийлиги билан ажралиб туради. Қодирийнинг тилидан унинг ҳалқнинг бой ва ажойиб тилини ғоятда яхши билганлиги яққол сезилади; унинг романлари ана шундай гўзал тил билан ёзилган. У тутма эпик ёзувчи, кенг кўламдаги мастер, юксак маънодаги реалист санъаткор эди»<sup>2</sup>, — деб қайд этган эди.

Абдулла Қодирий (Жулқунбой) 1894 йилда Тошкентда камбағал дехқон оиласида туғилди. Аввал эски мактабда, сўнgra «Русско-туземная школа»да ўқиди. Бойлар қўлида мирзо (котиб) бўлиб ишлади. Дехқончилик билан шуғулланди. «У аклий меҳнат кишиларига ҳар маҳал ҳам насиб бўлавермайдиган даражада жисмоний меҳнатга ўч киши эди», — деб ёзган эди Ойбек.

<sup>1</sup> Иззат Султонов. Ёзувчи Абдулла Қодирий ҳақида. «Қизил Ўзбекистон» газетаси, 1956, 28 октябрь.

<sup>2</sup> Ойбек. Тутма адаби, «Фан ва турмуш» журнали, 1967, 7-сон, 23- бет.

Абдулла Қодирий 1909 йилдан бошлаб бадий-ижодий иш билан шуғуллана бошлади. Дастрлаб кичик-кичик шеърлар, мақолалар, ҳажвий асарлар ёзди. У 1917 йилдан аввалги даврда «Аҳволимиз», «Миллатимга» сингари шеърлар, «Бахтсиз күёв» (1914), «Жувонбоз» (1915) каби пьесалар, «Улоқда» (1915), «Жинлар базми» (1916) ва бошқа ҳикоялар ёзиб, эски реакцион урф-одатларни, қолоқлик ва жаҳолатни танқид қилди. Китобхонларни эзгулилка, илм-маърифатга ундади. «Аҳволимиз» шеърида шоир халқ ва юрт тақдирини кўзлаб қуидагича ёзади:

Кўр бизнинг аҳволимиз, гафлатда қандай ётамиз,  
Жойи келган чогида виждонни пулга сотамиз.  
Ўғлимизга на одаб, на фан, на яхши сўйламак,  
На худонинг бўйруғи бўлган илм ўргатамиз...  
Келингиз, ёшлар, зиёлилар, бу кун ғайрат қилинг,  
Ухлаганларни агар Қодир эсак уйғотамиз.

А. Қодирий ижодида демократик, халқпарварлик мотивлари акс этиб турган. Унинг «Бахтсиз қүёв» драмасида ҳам бу хусусият очиқ кўринади. Драмада бойларга тақлид этиб катта тўй қилган ва натижада қарзга ботиб бахтсизликка учраган камбағал йигитнинг фожиаси ҳикоя қилинади. Асарда синфий тенгсизликни — бойлар билан хизматкорлар ўртасидаги ижтимоий тафовутни образли тарзда очиб беришга ҳаракат қилинган. Камбағал йигит Солиҳ ўз хўжайинидан оғир шартлар билан пул қарз олиб, тўй қилади, уйланади. Бироқ Солиҳ қарзни ўз вақтида тўлай олмайди. Оқибатда унинг ҳовли-жойи қарз эвазига бойга ўтадиган бўлади. Ёш келин-қуёв бу кулфатга чидай олмай, ўзларини ўзлари ҳалок қилишади. «Бахтсиз қүёв» драмасида ёш ижодкор камбағал хизматкор, судхўр бой, домла-имом образларини яратишга интилиб, маълум ютуқларга эришган. Бироқ асарда ҳаётдаги ижтимоий тенгсизлик сабабларини, шунингдек, образлар ҳарактерини очишда маҳорат етишмай қолган. Абдулла Қодирий ўз устида жиддий ишлаш, ҳаётни ва устозлар маҳоратини синчилаб ўрганиш орқали изла-ниш даврида йўл қўйган бундай нуқсоnlардан қутула боради ва кўп ўтмай истеъододли адаб сифатида танилади. Абдулла Қодирий адабий-ижодий ишга зўр масъулият билан қарайди. Шунга кўра, бадий асар ёзишда ҳаёт ҳақиқатини яқиндан туриб пухта ўрганиш-

га алоҳида эътибор беради. Ана шу мақсадда кўп жойларни яёв кезиб чиқади, турли тоифа одамлар ҳаётини синчиклаб тадқиқ этади. Абдулла Қодирий «Мен турмушда кўрмаган, билмаган нарсам ҳақида ҳеч нарса ёзмайман, ҳар бир асаримнинг ёзилишига турмушда учраган бирор воқеа сабабчи бўлади», — деган этди.

Абдулла Қодирий ҳаёт ҳақиқатини ўрганишга қанчалик катта аҳамият берган бўлса, уни бадиий ҳақиқатга айлантиришга ҳам шунчалик эътибор билан қараган. У бадиий ғўрликка, маҳоратсизликка қарши адабиётда шакл ва мазмуннинг бирлиги ва етуклиги учун изчил қурашади. Ўз асарларига ҳеч бир эринмасдан сайқал ва жило беради. Сўз ва ибораларни тежаббергаб, ўрни-ўрнида маҳорат билан ишлатади.

Абдулла Қодирий 1917 йилдан сўнг дастлаб журналистика соҳасида ишлади. 1923 йилдан бошлаб биринчи ўзбек сатирик журнали «Муштум»га муҳаррирлик қилди. Фельетон, мақола ва ҳажвий ҳикоялари билан «Муштум» журналида фаол қатнашди.

Абдулла Қодирий ижоди янги замон талабларига мос равишда мавзу жиҳатдан ҳам, ғоявий-бадиий жиҳатдан ҳам йил сайин тобора ўса борди. Адабнинг 1924 йилда Москвага бориб, Давлат журналистика институтида таҳсил кўриши Абдулла Қодирий ижодида муҳим аҳамият касб этди. А. Қодирий Москвадан қайтгач, яна матбуот соҳасида ишлади, ижодий иш билан банд бўлди.

Абдулла Қодирий рус тилини мукаммал билган. У 1927—1930 йилларда русча-ўзбекча лугат тузишда<sup>1</sup>, рус тилидаги дарсликларни ўзбек тилига таржима қилишда фаол қатнашган. А. П. Чехов, Н. В. Гоголь, Марк Твен, Эмиль Золя, Дени Дидро, Алфонс Доде каби ёзувчиларнинг бир қанча асарларини ўзбек тилига ўтирган.

Абдулла Қодирий рус реалистик адабиётини севиб мутолаа қилган. Л. Н. Толстой, Н. В. Гоголь, А. П. Чехов, А. М. Горький, Алексей Толстой сингари бадиий ижод кишиларидан хусусан, ёрқин характер яратишни, психологик таҳлил маҳоратини ижодий ўрганган.

<sup>1</sup> Зокир Маърупов. А. Қодирий — лугатчи. «Шарқ юлдузи» журнали, 1966, 4-сон.

«Мумтозлардан таълим олиш — ўсиб юксалишимиз-нинг гаровидир»,<sup>1</sup> — деган эди Абдулла Қодирий. У «Майда ҳикоялар ёзганда сўзни қандай тежаш керак» (1936) мақоласида А. П. Чехов маҳоратининг «сир»ларига доир қимматли фикрлар билдирган ва Чехов ижодини ибрат мактаби сифатида таърифлаган, таҳлил этган.

А. Қодирий Чеховнинг «Хамелеон», «Олчазор», Н. В. Гоголнинг «Уйланиш» асарларини ўзбек тилига биринчи бўлиб таржима қилган. Аммо Абдулла Қодирийнинг ижодий камолатида унинг ўзбек мумтоз адабиётидан, ҳалқ оғзаки ижодидан олган сабоқлари асосий ва ҳал қилувчи роль йўнаган. У ўзбек адабиётидаги очерк, ҳикоя, қисса ва роман жанрларининг бир қанча етук намуналарини яратган. Адибнинг «Гирвонлик Маллабой ака» очеркида фидокорона меҳнат қилиб катта обрўға эришган оддий колхозчи — янги типдаги деҳқон образи муҳаббат билан яратилган. Очеркда тасвирланишича, гирвонлик деҳқонлар янги даврга келиб пахтачиликни машиналаштириш билан боғлиқ бўлган кашфиётлар яратиш даражасигача кўтарилади-лар.

Очёркда пахтачиликдаги «шахмат усули»нинг ихти-рочиси гирвонлик деҳқон Маллабой ака образини яратиш орқали пахтачиликнинг истиқболи янги усусли жорий этишда, техникадан унумли фойдаланишда деган ғоя олға сурилган. «Ҳаммангиздан яширин эмас,— дейди Маллабой ака,— сизнинг эски кетмон усулингиз одамдан икки баравар куч сарф этишни талаб қиласди. Менинг шахмат усулимда аксар ишни от ва машина бажарганидек, киши қучини сизникидан тўрт баравар кам талаб қиласди. Ҳосилга келганда эски усулдан кам унум бермайди. Менга ишониб, янги усулга ўтишингизни талаб қиласман».

Очерк қаҳрамони Маллабой Бокибоев Ўзбекистоннинг донгдор пахтакорларидан бири. А. Қодирий бу образни яратиш билан ҳаётдаги янгиликларни, илгор иш усулларини тарғиб этган. Демак, ёзувчи замон билан мустаҳкам алоқада бўлган. Бу фикрни адибнинг ҳикоячилиги ҳам тасдиқлайди. Адид ҳикоячилигига ҳозирги замон мавзуси — эскиликни фош этувчи,

<sup>1</sup> А. Кадыри. Учеба у классиков — залог нашего роста. Газета «Литература Средней Азии», 1935, 21 ноябрь.

янгиликни қўллаб-қувватловчи новеллалар асосий ўринни эгаллайди. Ёзувчи ўзининг «Калвак Маҳзумнинг хотира дафтаридан», «Тошпўлат тажанг нима дейди?», «Ширвон хола нима дейди?», «Тинч иш» каби сатирик ҳикояларида эскилиқ қолдиқлари устидан, янги ҳаётнинг моҳиятига тушунмай тажанг бўлган чапанилар, бекорчи-дангасалар устидан қаттиқ кулади. Калвак Маҳзум каби жоҳил руҳонийларнинг иккиюзла манилиги ва текинхўрлигини фош этади.

**А** Қодирий ўз ҳикояларида янги типдаги ижобий қаҳрамон образини яратишга ҳаракат қиласди. «Шубҳа» (1935) ҳикоясидаги ишчи Тўйчибоев образи ана шу ҳаракатнинг самарасидир. Ҳикоядa 30- йиллар бошидаги қишлоқ ҳаёти, синфий кураш акс эттирилади. Колхозга суқилиб кириб олган ёт унсурлар янги ҳаётни зимдан бузмоқчи бўладилар. Жиноят устига жиноят қиласдилар. Лекин анча вақтгача жиноят изи топилмайди. Жиноятнинг ким томонидан содир қилинганлиги сир бўлиб қолаверади. Бу ишни текшириш учун райондан келган комиссия бирор хулосага келолмайди. Охир-оқибатда шаҳардан қишлоққа, дўсти Зухуровникига меҳмон бўлиб келган Тўйчибоев шубҳа остида қолади. Воқеа давомида бу шубҳа ўринсиз бўлиб чиқади. Ҳикоя сўнггида Солих, Холиқов сингари ёт унсурлар кўлга тушади.

«Шубҳа» ҳикояси тил ва композицион қурилиш жиҳатидан ҳам пухта ишланган. Унда, хусусан, воқеа ечимини сир сақлаш усулидан усталик билан фойдаланилган.

Умуман олганда, А. Қодирий ҳикоялари давр талабларига мослиги, ғоявий мазмуннинг аниқлиги, характер (образ)ларнинг жонли ва табиийлиги, бадиий пишиқлиги, кулгининг кучлилиги, халқ оғзаки ижодидан унумли фойдаланилганлиги билан ажralиб туради. Бу хусусиятлар А. Қодирийнинг «Обид кетмон» (1934) қиссасига ҳам хос. «Обид кетмон» — ўзбек адабиётида жамоа хўжалиги қурилиши мавзусида ёзилган биринчи йирик насрый асадир. Унда ўзбек дәҳқонларининг жамоа хўжаликка уюшиш жараёни «Четан» жамоа хўжалигининг тузилиши ва ўса бориши мисолида очиб берилади.

Асадарда жамоалаштириш давридаги қийинчиликлар, якка хўжалик ҳаётига одатланиб қолган дәҳқонларнинг жамоа хўжалигига кириш жараёни, улардаги иккила-

нишлар, жамоа хўжалиги тузиш вақтида йўл қўйилган хатоликлар, душманларнинг извогарликлари акс эттирилган. Асарда колхоз — баракадир, колхоз йўли — тўгри йўлдир, деган ғоя бадиий тарзда ифодаланган.

Асарнинг бош қаҳрамони Обид ўртаҳол дехқонлардан. У аслида шаҳардан қишлоққа этикдўзлик қилиб чиққан қашшоқ, майда косиб бўлган. Обид қишлоқда Холмирза ака деган ўртаҳол дехқоннинг қизига уйланади. Ҳалол меҳнат қиласи. Кейинчалик у қайнатасидан мерос қолган беш таноб ери тўқай ерлар ҳисобига кенгайтиради, натижада унинг ўзи ҳам ўртаҳол дехқон бўлиб олади. Обид ниҳоятда сергайрат, меҳнатсевар, тадбирли ва тажрибали киши. У ўзининг бундай хислатлари билан якка хўжалик вақтидаёқ одамлар ўртасида танилади ва Обид кетмон лақаби билан машҳур бўлади. Обид колхозда сидқидилдан меҳнат қиласи ва кейинчалик колхоз раиси этиб сайланади. Обид ўзининг кўпгина фойдали тадбирлари билан колхоз хўжалигини мустаҳкамлашга ҳисса қўшади.

Абдулла Қодирий «Обид кетмон» асарида ҳам ўзининг хилма-хил характерлар яратишга моҳир санъаткор эканлигини кўрсатди. Қиссадаги асосий образлар (Обид кетмон, Берди татар, Рафиқов, Усмон полвон, Хатиб домла, Муҳсин домла) ҳам, эпизодик образлар (Холмирза ака, Собиров, Мирвали банди, Абдужалилбой, Султонкул, Хуббибой) ҳам ўзларига хос характер, ўзларига хос фаолият ва индивидуал ҳусусиятларга эга. Айниқса, қишлоқнинг икки мулласи — Хатиб домла билан Муҳсин домла образи санъаткорона тасвирланганлиги билан диққатни ўзига жалб қиласи. Қиссада қишлоқ руҳонийларининг икки хил типи яратилган. Хатиб домла Муҳсин домлага нисбатан кўпроқ сатирик планда тасвирланган. Муҳсин домла эса бирмунча ижобийроқ қилиб кўрсатилган. Адид бу икки мулла характерини очар экан, ўз фикрини уларнинг «бири тулки, бири кулги» деб якунлайди.

«Обид кетмон» қиссасининг тили бой, ёзувчи ўз нутқида ҳам, персонажлар нутқида ҳам жонли халқ тилидан, мақол ва фразеологик бирикмалардан унумли ҳамда ўринли фойдаланган.

Абдулла Қодирийнинг бадиий ижод оламидаги буюк хизмати шундаки, у ўзбек адабиётида биринчи бўлиб роман жанрига асос солди. У наинки, ўзбек романчили-

гини, балки, умуман, Ўрта Осиё халқлари романчилиги ни ҳам бошлаб берди. Бу ҳақда машҳур шарқшунос олим Е. Э. Бертельс ҳам, дунёда бешта, яъни француз, инглиз, рус, немис ва ҳинд романчилиги мактаблари борлигини... энди олтинчиси, яъни ўзбек романчилиги мактаби пайдо бўлганини, бу мактабни Абдулла Қодирий яратганини алоҳида таъкидлайди.

Абдулла Қодирий асарлари ўзбек романчилигининг дастлабки маҳсулотлари сифатидагина эмас, балки бу жанрнинг етук намуналари сифатида ҳам қимматлидир. Кўпгина ёзувчи ва адабиётшунос олимларнинг тан олишича, Абдулла Қодирий ромәнлари, хусусан «Ўтган кунлар» асари ўзбек насли ҳозиргача забт этган биринчи юксак чўққидир. Шуниси характерлики, 20-йилларда юзага келган «Ўтган кунлар», «Мехробдан чаён» романлари ҳозирги кунда ҳам китобхонларни ўзига тобора кўпроқ мафтун этмоқда. Ҳар иккала роман нафақат бизда, балки чет элларда ҳам машҳурдир. Биргина мисолни эслайлик. Маълумки, «Ўтган кунлар» романи 1968 йилда Германияда, Берлин шаҳрида «Тошкентлик севищганлар» номи билан немис тилида нашр этилган эди. Бу китобда илова тарзида немис адабиётшунос олими Ниота Туннинг Абдулла Қодирий ижоди ҳақидаги мақоласи берилган. Мақолада «Ўтган кунлар» сўз санъатининг ажойиб намунаси сифатида юксак баҳоланганди. Олим «бу роман ҳозирги китобхонларга ҳам эмоционал таъсир кўрсатади. Асарни муаллиф «биринчи тажриба» деб атаса ҳам аслида у Абдулла Қодирийга ўзбек адабиёти тарихида мустаҳкам ўрин олиш ҳуқуқини беради», — деб ёзган.

Дарҳақиқат, Абдулла Қодирий романларининг бу даражада китобхонлар қалбига кириб боришининг боиси нимада? Адаб романлари ўзининг қандай хусусиятлари билан китобхонлар оммасини қойил қолдирмоқда? Бу саволга жавоб бериш учун ҳар иккала роман ҳақида ҳам алоҳида-алоҳида тўхталиш лозим бўлади. Аввало «Ўтган кунлар» ҳақида.

Маълумки, Абдулла Қодирий 1919 йилдан бошлаб «Ўтган кунлар» романни учун материал йиғишига ва уни ёзишига киришган, 1922 йилда «Инқилоб» журналида романдан дастлабки парчалар эълон қилинган. Сўнгра романнинг ҳар бир бўлими алоҳида-алоҳида китобча (I бўлим — 1924, II бўлим — 1925, III бўлим — 1926 йилда) ҳолида нашр этилган.

«Үтган кунлар» инсонпарварлик, адолатпарварлик, вафодорлик, қаҳрамонлик, золимларга ва хиёнатчиларга чексиз нафрат руҳи билан сугорилган романдир. Унда халқимизнинг XIX аср ўрталаридағи ҳаёти, орзуистаклари зўр маҳорат билан тасвирланган.

Романда феодал хон ва беклар ўртасидаги ўзаро урушлар қаттиқ қораланган. Адиг қора чопонлилар билан қипчоқлар ўртасидаги ўзаро қирғинларни, Қўйон хонлиги билан Тошкент беклиги ўртасидаги тарафкашлик жангларини тасвирлар экан, бу уруш ва қирғинлардан золим ҳукмдорлар, фитначи беклар ўз қора ниятларини амалга ошириш учун фойдаланганликларини кўрсатиб беради. Асарнинг, айниқса «Тошкент устида қонли булутлар», «Тошкент қамалда», «Азизбек», «Мусулмонқул», «Қирғин» каби бобларида ўзаро қирғинларнинг, тарафкашлик жангларининг келиб чиқиш сабаблари ҳам, уларнинг мамлакат ҳаётини издан чиқариб, халққа етказган зиён-заҳматлари ҳам моҳирона тасвирланган.

«Үтган кунлар» романида адолатсиз тузумнинг одамни инсоний ҳуқуқлардан маҳрум этиб, уни турли жабру ситамларга мубтало қилиши, эски реакцион урф-одатларнинг яроқсизлиги яққол кўрсатилган. Ёзувчининг моҳирлиги аввало шундаки, у воқеаларни четдан туриб қуруққина баён этиб қўя қолмайди. Аксинча, ўтмишнинг ёрқин манзараларини яратиш йўли билан китобхонни тасвирланган ўша ҳаёт ичига олиб киради.

Тошкентлик савдогар йигит Отабек билан марғилонлик оқила қиз Кумушбиби ўртасидаги севги саргузашти роман сюжетининг асосини ташкил этади. Бироқ ёзувчи севги саргузаштини тасвирлаш билангина кифояланиб қолмайди. Балки бу икки ёшнинг севгиси мисолида ўша даврнинг ижтимоий-сиёсий муҳитини ёритиб беради. Отабекнинг Марғилонга бориб, Кумушбибига уйланишини, бу икки ёш қалбнинг бир-бирларига бўлган самимий муҳаббатини, уларнинг эски урф-одатлар ва қора ниятли шахслар қаршилигига дўч келиб, руҳан эзилишларини, ҳижрон ўтида ёнишларини, кундошлар ўртасидаги можароларни ўша давр ижтимоий ҳаёти билан, хонлик ва беклик ўртасидаги ўзаро можаролар, сарой фитналари натижасида меҳнаткаш халқ бошига тушган кулфатлар билан боғлиқ ҳолда тасвирлайди.

Абдулла Кодирий романда типик образлар яратишда зўр маҳорат кўрсатди. Романдаги ҳар бир персонаж ва ҳар бир эпизод асарнинг узвий бир қисмини ташкил қиласиди. Уларнинг ҳар бири асар сюжети тараққиётида ўз ўрнига ва ўз вазифасига эга. Асаддаги Отабек, Кумушбиби, Юсуфбек ҳожи, Зайнаб, Ўзбек ойим, Ҳасанали, Офтобойим, Мирзакарим қутидор, Ҳомид каби асосий образларгина эмас, шу билан бирга, Хушрўйбиби, Тўйбека, Ойболдок. Жаннат кампир, Саодат, уста Олим, Нусратбек сингари эпизодик образлар ҳам китобхон ёдида узоқ вақт сақланади. Адид образлар характерини усталик билан индивидуаллаштирган. Шунинг учун ҳам ҳар бир образнинг ўзига хос маънавий қиёфаси, хатти-харакати, хулқ-автори ва ташки кўриниши ёркин намоён бўлган.

Ёзувчи «Ўтган кунлар»нинг бош қаҳрамони Отабек образи орқали ўша даврнинг илгор гояларини илгари сурган. Унда Отабек хонлик тузумини қоралайди. У она-Ватанини севади, унинг сиёсий, иқтисодий ва маданий жиҳатдан тараққий этишини истайди. Шу нуқтаи назардан у феодал ва беклар ўртасидаги ўзаро бемаъни урушларни қоралайди. Отабек ўша даврда ҳукмрон бўлган реакцион урф-одатлар билан ҳам келишолмайди, уларга қарши туради. У эркин муҳаббат тарафдори. Отабек севгилиси Кумушбиби билан бирга бўлгандагина ўзини баҳтиёр ҳис этади. «Ота-она орзуси» туфайли олган иккинчи хотини — Зайнаб қарисида эса «ўзини жонсиз ҳайкалдек сезади». Бироқ шундай пайтларда ҳам у ўзининг кучли иродасини, Кумушбибига бўлган самимий муҳаббатини, ҳурматини намойиш қиласиди. Ёзувчи Отабек билан Кумушбиби, Отабек билан Зайнаб, Кумушбиби билан Зайнаб ўртасидаги муносабатларни тасвирлаш орқали бурч ва ҳиссиеёт, севги ва ҳавас ҳақида чуқур фалсафий хуросалар чиқаради. Кундошликни қоралайди, кўп хотинлиликни лаънатлади.

Романда тасвирланишича, Отабек ота-онасининг қистови билан севгилиси Кумушбиби устига кундош қилиб Зайнабга уйланишга мажбур бўлади. Бироқ кундошлик туфайли оила тотувлиги бузилади. Воқеа давомида Зайнаб ўз кундоши Кумушбибини заҳарлайди. Бу оғир жиноятни ҳазм қила олмаган Зайнаб охир оқибатда руҳий фожиага учрайди, жинни бўлиб қолади. Демак, Отабек ҳам, Кумушбиби ҳам, Зайнаб ҳам ўз

муроду мақсадларига ета олмайдилар. Ўша адолатсиз ижтимоий тузумнинг ва реакцион урф-одатларнинг айби билан уларнинг ҳаёти фожиали равишда тугайди.

Асар бош қаҳрамонларнинг фожиали ўлими билан яқунланса-да, унда пессимистик рух сезилмайди. Зотан, оқила келинчак Кумушбибининг ўлими унча-мунча ўлим эмас, бу ўлим мавжуд ижтимоий тузумни ва феодал урф-одатларни кескин қораловчи ўткир айбнома ҳамдир. Дарҳақиқат, ёзувчи Кумушбиби образини муҳаббат билан яратган. Кумушбиби оқила қиз, «малак сиймо» — гўзал; севгига содик маъшуқа, «мужассами иффат» келинчак, ота-она ҳурматини бажо келтиришни юксак бурч деб билган меҳрибон фарзанд. Асарда Кумуш портрети, унинг маънавий қиёфаси, психологияси ёрқин тасвирланган.

Романда адолатли хонлик тарафдори Юсуфбек ҳожи (Отабекнинг отаси) образи муҳим ўрин эгаллади. Юсуфбек ҳожи образида тадбирли, адолатли, инсонпарвар одам, ўз халқи ва ўз юртининг тақдири учун қайгурувчи, ўз ниятлари пучга чиққанда ҳам тушкунликка берилмаган иродали инсон, доно маслаҳатгўй, меҳрибон ота қиёфаси намоён бўлади. Юсуфбек ҳожи умрининг асосий қисмини «бўлмаганларга бўлишиб» ўтказган бир киши. У аввал Азизбекка ўхшаш амалдорларга умид қўзи билан қарайди, уларга хизмат қиласди, уларни адолатга ундейди. Лекин улардан яхшилик чиқмагач, алданган, «тақдир киноясига» йўлиқкан Юсуфбек ҳожи бутунлай руҳсизланмайди. У юртда адолат ўрнатишнинг янги йўлини ахтариб, адолатсиз ҳоким Азизбекнинг ўрнига, адолатли ҳоким қўйдиришга ва шу йўл билан юртда осойишталик ўрнатишга интилади. Бироқ Азизбек ўрнига Нормуҳаммад қушбегининг ҳокимият тепасига келиши билан ҳам аҳвол ўзгармайди.

Асар меҳнаткаш халқقا чуқур ҳурмат рӯхи билан сугорилган. Ёзувчи Ҳасанали, уста Олим, Саодат, Тўйбека, Ойбалдоқ сингари меҳнаткаш халқ вакиллари образларини ҳам меҳр билан яратган. Юсуфбек ҳожи-нинг хизматкори Ҳасанали уддабурро, тадбирли, садоқатли, ақлли, меҳнатсевар, виждонли, меҳрибон — умуман оддий инсонга хос яхши фазилатларни ўзида мужассамлаштирган киши сифатида китобхон ҳурматига сазовор бўлади. Асардаги уста Олим образи воситасида эса адид ўша замондаги гоҳ синиб, гоҳ ўзини ўнглаб тириклик ўтказган, қўли гул бўлса ҳам, баҳтини топа олмаган, лекин жамият тараққиётига

ҳисса қўшган соф вижданли ҳунарманд косиблар ҳаётини тасвирлайди.

«Ўтган кунлар» романида хотин-қизлар образлари салмоқли ўрин эгаллади. Ёзувчи хотин-қизларнинг Кумушбиби, Зайнаб, Ўзбек ойим, Офтоб ойим, Саодат, Ойбалдоқ, Тўйбека, Хушрўйбиби, Жаннат кампир каби ўнлаб хилма-хил характерларини яратган. Отабекнинг онаси Ўзбек ойим образи ўзига хос мураккаб бир характердир. У меҳрибон, содда она, аммо унча-мунчани назар-писанд қилмайдиган бойвучча, эри Юсуфбек ҳожини ўзининг айтганига кўндира олуви чи ўқтам, хатти-ҳаракатларининг оқибатларини унча ўйлаб ўтирамайдиган думбул табиат аёл. Шунинг учун ҳам у ўғли Отабекни ва эри Юсуфбекни ўз иродасига бўйсундириб, оқибатини ўйламасдан Зайнабни иккинчи келин қилиб олдиради. Ўзбек ойим, кейинча Кумушни кўриб, уни ёқтириб қолгач, Зайнабни менсимай қўяди. Кумушнинг онаси Офтоб ойим эса Ўзбек ойимга нисбатан кўпроқ мулоҳазали ва муҳокамали аёл, у аксарият ҳолларда эрининг кўнглига қараб иш қўради. Ўзининг иболилиги, андишиалиги, вазмин табиатлилиги билан ажралиб туради.

Абдулла Қодирий ижобий образларнингина эмас, Ҳомид, Хушрўйбиби, Жаннат кампир, Мусулмонқул, Азизбек, Содик каби салбий образларни ҳам маҳорат билан яратган. Масалан, Кумушбиби вафодорлик, гўзаллик ва самимийликнинг рамзи бўлса, Хушрўйбиби ичиқоралик ва шумликтининг, баттоллик ва ёмонликнинг, беҳаёлик ва урушқоқликнинг, ўжарлик ва шахсиятпрастликнинг тимсолидир. Хушрўйбиби ота-она ҳурматини ҳам, аждодлар анъанасини ҳам ва, умуман олганда, одамлар орасида одат тусига кириб қолган ахлоқ-одоб қоидаларини ҳам чақа пулга олмайди. У ҳамма нарсадан ўз шахсини устун қўяди. У истаса эрга тегади, истаса қундошини боласи билан ҳовлидан кўчага ҳайдайди ва истаса оламни титратган эри Нусратбекни ҳам бир зумда гум қиласди.

Хушрўйбиби яхшилик, дўystлик, жариндошлиқ каби муносабат ва хислатларни тан олмайди ва кези келганда уларга туфуришдан ҳам қайтмайди. Бу соҳада унинг ўз «фалсафаси» бор. У ўз «фалсафаси»ни синглиси Зайнабга қуйидагича тушунтиради: «Мен йиғлашни билмайман, кишилар йиғлаганда, менинг кулгим қистайди... Душман ўзи нима деган сўз? Мен сенга боя ҳам

айтдим: кишининг дунёда дўсти йўқ, магар нафсига ўзи дўст; кишининг дунёда душмани йўқ, магар нафсига ўзи душман. Масалан, сен ўзинг, отангга, онангга дўстим деб ишондинг. Аммо улардан нима яхшилик кўрдинг?».

Хушрўйиби ўз «яашаш усулини» синглиси Зайнабга ҳам ўргатади ва уни ўзи каби бузғунчи, ҳаёсиз, ёвуз бўлишга ундейди. Бироқ инсоний қиёфасини ҳали бутунлай йўқотмаган Зайнаб ўз опасининг изидан охиригача бора олмасдан, ора йўлда майиб бўлади,

Зайнаб адолатсиз ижтимоий тузумнинг, феодал урф-одатларнинг қурбони бўлади. Биринчи қараашда Зайнаб романдаги ҳамма кўнгилсиз воқеаларнинг, зўр фожиаларнинг сабабчисидек кўринади ва ашаддий салбий образдек туюлади: Зайнаб инсонийлик ва нафосат рамзи Кумушшибини ўлдиради, унинг чақалоги Ёдгорбекни етим қолдириб, Отабекнинг тотув оиласини бузади. Аслида бундай эмас. Зайнаб ашаддий, ёмон ниятли аёл эмас, балки Отабек ва Кумушлар яшаган ўша адолатсиз ижтимоий тузумнинг қурбонидир. Зайнаб кундошлиқ рашкида ёнган, эски урф-одатлар бўйинтуругини улоқтириб ташлай олмаган, яхшилик йўлини топа билмаган, бутунлай ёвузлик йўлини ҳам ҳазм қила олмаган баҳтсиз ва бечора жувон образидир. Шунинг учун Зайнаб ҳам ачинарли, ҳам нафратланарли тип бўлиб чиққан.

Жаннат кампир образи ҳам салбий шахслар орасида алоҳида ўрин тутади. Бу образ адабнинг мумтоз адабиётимиз ва ҳалқ оғзаки ижодидан усталик билан фойдаланганлигини кўрсатади. Жаннат кампирнинг қилиqlари ва хатти-ҳаракатларини кўрган киши бехосдан Алишер Навоийнинг «Фарҳод ва Ширин» достонидаги Хисравга сотилган, Фарҳодни алдаб, беҳуш қилиб душманга боғлаб берган маккор кампирни эслайди. Чунки Жаннат кампир ҳам ёсуманлик қилиб, Кумушга ўзини холис хизмат қилувчи сифатида кўрсатади ва уни алдаб, зўр қайғуга солади. Бундан шум кампирнинг ўзироҳатланиб кулади: «Кумушшиби Жаннат кампир келтирган мактубни ўзининг сўнгги томчи кучи билан ўқиб тамом қилади-да, жонсиз бир товуш ила «Уятсиз!» деб қичқиради ва ерга йиқилиб ўзидан кетади... Йиқилишда қўлидан чиққан қоғоз парчаси шамол билан учиб бориб, боши ёнига тушди. Йўлак панасидан

мудхиш башара (Жаннат кампир) чиқиб, бир, икки қайта унга кулиб қарагач, йўқолди»,

Жаннат кампир ўқувчига маккор Ёсуманни ҳар қанча эслатмасин, барибир, у ўзбек адабиётида оригинал тип сифатида пайдо бўлган. Жаннат кампирнинг ҳаётйлиги, хусусан, унинг бузуқилар билан сухбатлашиши эпизодида, Кумуш билан учрашув пайтида, ўғли Содикқа қайғуришларида очиқ кўринади.

«Ўтган кунлар» романидаги инсонлик қиёфасини йўқотган, халқ тақдирини ўйламайдиган, шахсий манфаат йўлида ёвузиликдан ҳам қайтмайдиган золим хон ва қонхўр беклар образлари ҳам усталик билан чизилган. Романдаги «тахт устига қўндирилган жонли ҳайкал Худоёрхон», халқ қонини сувдек ичган Мусулмонқул ва қаллоб Азизбек образлари мисолида ўз қора ниятларини амалга ошириш учун меҳнаткаш ҳалқнигина эмас, балки бир бировларини ҳам алдашдан тоймайдиган, ўз шерикларига ҳар қадамда фириб берадиган фитначи хону беклар фош этилган.

Мусулмонқул ўз куёви ва жияни Худоёрхонга қарши зидан ҳаракат қилиб, қилич қайрайди. Бу йўлда у жосуслардан, жаллодлардан, Ҳомидга ўхшаш пасткашлардан фойдаланади. Адид асарда Мусулмонқулнинг кирдикорларини фош қилас экан, ҳаёт ҳақиқатига асосланган ҳолда қуидагиларни ёзади: «Мусулмонқулни ким холис одам, деб ўйлайдир? Унинг юрт учун қон тўкишдан бошқа нимага фойдаси тегди? Мусулмонқул ўз гарази йўлида орада йўқ низоларни қўзгаб куёви Шералихонни ўлдирди, гуноҳсиз Муродхонни шаҳид этди, қўй каби юввош Тошкент ҳокими Салимсоқбекни ўлдирив, ўрнига Азизбекдек золимни белгилади ва ўзини мингбоши эълон қилиб, ақлсиз бир гўдак (Худоёр)ни хон кўтариб, эл елкасига минди».

Романда тасвирланишича, Кўқон хони Худоёрхон авваллари тоғаси ва қайнотаси Мусулмонқулга қарши ҳаракат қилишдан қўрқади. Лекин пайт келиши билан уни ағдариб таштайди. Тошкент беги Азизбек ҳам ана щундай иккюзламачи, сотқин амалдорлар тоифасидан бўлиб, у вақти келганда ҳалқقا ялиниди,adolat ваъда қиласди. Азизбек ўз мавқенини «мустаҳкамлаб» олгач, ҳалқقا хиёнат қиласди. Ўзига қарши турган кишиларни эса жаллодга топширмоқчи бўлади. Ҳалқ унга қарши исён кўтарганда, Азизбек яна ялиниш, яна «тавбатазарру» қилиш йўлига ўтади.

Абдулла Қодирийнинг салбий характер яратишдаги санъаткорлигини Ҳомид тимсолида ҳам очиқ кўриш мумкин. Отабек билан Кумушбиби ўртасидаги соф ва мусаффо севгига ғов бўлишга интилган, инсон, бурчи ва қадр-қимматини оёқ ости қилган қора юрак Ҳомид жаҳон адабиётида машҳур бўлган Яго типидаги образлар қаторида туради. У кишилар орасида авваллари «Ҳомид хотинбоз» деб «шуҳратланади». Адиб тили билан айтганда, «кишилар Ҳомид орқасидан сўзлашганда унинг отига тақиған лақабини қўшиб айтмасалар, ёлгиз «Ҳомидбой» дейиш ила уни танита олмайдилар». Лекин Ҳомиднинг хотинбозликдаги «шуҳрати» унинг хотин-қизларга ҳурмат билан қарашини билдирилмайди, аксинча, хотинларга шахсий мулк сифатида, ҳайвоний ҳирсини қондиришдаги восита деб қарашини ва уларга нисбатан ҳадсиз-ҳисобсиз зулм ўтказишини англатади. Унинг хотинларни «бошқариш системаси» асосида қуидаги «фалсафа» ётади: «Қамчинингдан қон томса, юз хотин орасида ҳам роҳатланиб тириклик қила оласан. Мен бу кунгача икки хотин ўртасида туриб жанжалга тўйганимча йўқ, аммо хотинни учта қилишга ҳам ўйим йўқ эмас».

Мана шу инсоний қиёфасини йўқотган Ҳомид Отабек билан Кумушбиибининг соф муҳаббатига, ширин-шакар оиласига ҳасад кўзи билан қараб, уларнинг турмушига суюқасд уюштиради. У ўзининг қабих ниятига эришиш (Кумушни Отабекдан тортиб олиш) учун ҳар қандай пасткашликдан қайтмайди. Аввал қушбеги Ўтаббойга бегуноҳ Отабек ва Мирзакарим қутидор устидан «ватанпарвар» сифатида арз қиласди. Сўнгра фош бўлиб, ўзи қазиган чуқурга ўзи йиқиладиган бўлгач, хонга бориб ўзини «бир ғарибу бечора» сифатида танитади ва Ўтаббой қушбегини ҳам Отабекларнинг шеригига чиқаради. Бу «хунари» ҳам иш бермагач, Ҳомид жамиятнинг энг паст сарқитлари — Содик, Мутал, Жаннат кампир каби қаллобларни ишга солиб, ўз ниятига етмоқчи (Отабекни ўлдирмоқчи) бўлади. Шунинг учун ҳам Ҳомиддан ҳамма нафратланади. Ўз хотинлари ҳам Ҳомиддан жирканадилар ва унга ўлим тилайдилар.

Ҳомиднинг оилавий муносабатлари ҳақида романда шундай дейилади: «Унинг Қўйондан қайтиши иккала хотин учун ҳам улуғ бир фалокат бўлди. Чунки арзимаган бир сабаб билан иккаласи ҳам яхшигина таёқ

еб олди. Шунинг учун икки кундош унинг олдига киришдан қўрқиб, яна тўғриси, унинг совуқ афтини кўришдан жирканиб, ҳовлиниг чет-четидан юаралар, икки кундош бир иттифоқ бўлиб, унга ўлим сўрарлар: «Қўқонда ўлса, ўлигини итлар еса, биз ачинармидик» деярлар эди».

Шундай қилиб, «Ўтган кунлар» романидаги катта-кичик образларнинг ҳар бири ўзича бир оламки, улар хеч қачон бир-бирини такрорламайди.

Ёзувчи характер яратишда психологияк таҳлил санъатидан кенг фойдаланган. Отабекнинг иккинчи хотин олишга мажбур қилиниши, қайнотаси Мирзакарим қутидор томонидан ноҳакдан қувилиши, кундошлар ўртасидаги келишмовчиликлардан руҳан эзилиши, Кумушбибининг ўлими натижасида юз берган түғёнлари тасвирланган ўринларни ёки Кумушбибининг тўй, висол, ҳижрон, кундошлик ва ҳомиладорлик давридаги ички кечинмалари тасвирланган саҳифаларни психологик таҳлил санъатининг ажойиб намуналари дейиш мумкин.

«Ўтган кунлар» романининг ишонтириш қуввати кучли. Ёзувчи асарнинг ишонтириш кучини, асар реализмини таъминлашда турли усуллардан, тарихий воқеалардан, шунингдек, Худоёрхон, Мусулмонқул сингари тарихий шахсларнинг образларидан унумли фойдаланган. Адид «Мен — ёзувчи, «Ўтган кунлар» ҳикояларини марҳум отамдан неча қайталаб эшитсан ҳам зерикмас эдим», дейиш билан романда тарихий ҳодисалардан фойдаланганлигига ишора қилган. Лекин ёзувчининг тарихий воқеалар ва саналардан фойдаланганлиги бу асарнинг ва ундаги образларнинг катта бадиий умумлашма натижаси эканлигини инкор этмайди. Чунки бу асарнинг ишонтириш қуввати, асосан, тарихий воқеа ва ҳодисаларни эслатилишидагина эмас, балки романдаги ҳар бир деталнинг, ҳар бир характернинг, ҳар бир ҳаракат ва воқеанинг пухта ўйлаб, асослаб берилганида ва ўз ўрнида тасвирланганлигидадир. Зотан, ёзувчи ҳар бир образнинг ўз характерига, уз психикасига хос бўлган шундай қилиқ ва ҳаракатларни ишлатадики, булар шу вазиятга бутунлай мос тушади ва гоят табиий тарзда намоён бўлади. Романда асарнинг гоявий мазмуни ва образлар характери кучли мантиқ асосида очиб берилиши билан бирга, роман самимий лиризм билан сугорилган. Асарнинг, айниқса, «Тўй»,

«Қизлар мажлиси», «Унутмайсизми...», «Қувланиш», «Унута олмаса нима қилсин», «Наво куйи», «Кумуцнинг сўз ўйини», «Ой-куни яқин эди» каби боблари гўзал лирик тасвиirlарга, лирик чекинишларга сероб. Демак, ёзувчи қаҳрамонларнинг руҳий ҳолатларини очища лиризм имкониятларидан маҳорат билан фойдаланган.

«Ўтган кунлар» романининг яна бир фазилати шундаки, асарда миллий колорит руҳи уфуриб туради. Бу хусусият образларнинг ички ва ташки қиёфасида ҳам, пейзаж ва сюжет тасвирида ҳам яққол кўринади. Романда ифодаланган миллий колорит асар реализмини кучайтиришга хизмат қилади. Шунингдек, китобхонга ҳалқимизнинг урф-одатлари, расм-руsumлари, меҳмон кутиш, совчи юбориш, тўй қилиш, қиз узатиш, келин тушириш каби маросимларига оид жуда кўп қизиқарли маълумотлар беради.

«Ўтган кунлар» романининг тили бой, гўзал, жозибадор ва сермазмун. Роман чуқур мантикли, чиройли ибораларга, оригинал ва хилма-хил тасвирий воситаларга сероб. Адиднинг она тилимиз хазинасидан танлаб олинган сўзларни ишлатиш маҳорати диққатга сазовор. Ёзувчининг услуби равон ва изчил, у персонажлар тилини ҳам, муаллиф нутқини ҳам синчковлик билан пухта ишлаган. Персонажлар тилини индивидуаллаштиришда шевага хос сўзлардан, ҳалқ мақол ва ибораларидан, сўз ўйинларидан ўринли фойдаланган. Ажойиб ўхшатишлар, янги сифатлашлар, сермазмун муболагалар ва бошқа тасвир воситалари билан асар тилини нихоятда безаган.

«Ўтган кунлар» романни сюжет ва композиция жиҳатидан гўзал ва жозибадор. Асардаги воқеалар мураккаб, айни бир пайтда гўзал доирада ривожланиб боради. Роман сюжети эса тифиз, тугал ва қизиқарли. Ундаги воқеалар бир-бири билан мустаҳкам боғлиқ, муаллиф воқеадан воқеа чиқариш ва воқеалар ҳалқасидан яхлит сюжет занжирини ясаш орқали асарнинг асосий сюжет йўналишини яратган.

Қисқаси, «Ўтган кунлар» ўзбек романчилигининг биринчи буюк чўққисидир,

Роман адабий танқидчилик ва адабиётшуносликда ҳақли равиша юксак баҳоланди. Бироқ, дастлабки даврларда, хусусан, шахсга сифиниш йилларида «Ўтган кунлар» романини бузиб талқин этиш ва унга нисбатан нотўғри муносабатда бўлиш ҳолларига ҳам йўл қўйил-

ди. Масалан, М. Шевердин: «Роман аввало аҳолининг қуий синф табақаси тўғрисида ҳеч қандай тасаввур бермайди. Романин ўқир эканмиз, ўша вақтларда меҳнаткашларнинг қандай кун кечирганлари, уларнинг аҳволи, манффаатлари ҳақида бирор хулоса чиқаролмаймиз. Аксинча, Қўқон хонлигининг барча фуқаролари савдогар бўлган ва бадавлат яшаган, деб ўйлаш мумкин»<sup>1</sup>, — деб романга нотўғри баҳо берган. Сотти Ҳусайн эса ўз мақолаларида А. Қодирийни тақлидчиликда айблайди. Тўгри, А. Қодирий йигирмадан зиёд романнинг муаллифи бўлган араб адаби Жўржи Зайдонни (1861—1914) устоз деб ҳисоблаган, ундан ижодий ўрганган. Бироқ, бу икки санъаткор романларини ўзаро таққослаш, қиёсий ўрганиш А. Қодирийнинг бадиий маҳорат жиҳатидан Жўржи Зайдондан юқори туришини тасдиқлади<sup>2</sup>.

Абдулла Қодирий иккинчи романи — «Меҳробдан чаён»ни 1929 йилда нашр эттириди. Романда Қўқон хони Худоёрхон ва унинг саройидаги адолатсизликлар, бузуқликлар фош этилган, хон саройининг фисқу фасод ва фитна уяси эканлиги очиб ташланган. Асарнинг мавзуини ёзувчининг ўзи қуидагича изоҳлайди: «Туркистон феодалларининг кейинги вакили бўлган Худоёрхоннинг ўз хоҳиши йўлида деҳқон оммаси ва майда ҳунарманд-косиб синфини қурбон қилиши, мамлакат хотин-қизларини истаганча тасарруф этиши, бунга қарши келувчиларга, ким бўлмасин, раҳмсиз жазо бериши — романнинг мавзуудир. Худоёрнинг бу йўлдаги биринчи истинодгоҳи бўлган уламолар, уларнинг ички-ташқи аҳволи, ахлоқи, мадраса ва оила ҳаёти, уламода инсоний ҳис битганлиги ва қолгани ҳам ифлослик пардаси остида сезилмас даражага етганлиги мундарижга сифидирган қадар баён қилинади».

«Меҳробдан чаён» романида Қўқон хони Худоёрхон, шунингдек, Абдураҳмон домла каби фитначи амалдорлар, нопок руҳонийларнинг салбий образлари яратилган. Уларга қарама-қарши ҳолда Мирза Анвар, Раъно, Султонали сингари меҳнаткаш ҳалқ вакилларининг ижобий обрәзлари чизилган.

<sup>1</sup> М. Шевердин. Первый узбекский роман. «За партию» журнали 1928, № 3, 43-бет.

<sup>2</sup> С. Мирвалиев. Роман ва замон. Тошкент, «Фан», 1983, 11- бет.

«Ўтган кунлар» романидагига қараганда «Мехробдан чаён» романида ижтимоий тузум (феодализм) батафсилроқ фош этилган.

Романинг бош қаҳрамони Анвар Худоёрхоннинг қилишиларидан нафратланади. У хон саройидаги адолатсиз сиёsatдан норози, «Ўрдадаги тўкилиб турган гуноҳсиз қонлар, доим теваракдан эшитилиб турган оҳу зорлар менинг юрагимни эзадир, тинчлигимни оладир»,— дейди Анвар.

Абдулла Қодирий «Мехробдан чаён»да ранг-баранг характерлар яратишда (образларни типиклаштириш ва индивидуаллаштиришда) зўр маҳорат кўрсатган. Айниқса, асарнинг бош қаҳрамони Мирза Анвар образи бу жиҳатдан характерли. Меҳнаткаш табақадан етишиб чиққан Анвар — соғдил, меҳнатсевар, ҳалқпарвар ва ғоят истеъдодли йигит. Анвар қашшоқ бир оиласда дунёга келади. Ёшлигига ота-онаси вафот этиб, етимлик азобини ўз бошидан ўтказади. У аввал поччаси эшигида, сўнгра мактабдор домла Солиҳ маҳдум хонадонида етимона тирикчилик ўтказади. Шу билан бирга, Солиҳ маҳдумдан таълим-тарбия олади. Анвар ёшлигиданоқ ўзининг ўткир зеҳни, ақлу одоби билан танишибилишларнинг, хусусан Солиҳ маҳдум хонадонидагиларнинг эътиборини қозонади. Солиҳ маҳдум Анварнинг истеъдодидан ўз манфаати йўлида фойдаланмоқчи, ҳатто унга қизи Раъонони бериб, ичкуёв қилиб олмоқчи бўлади.

Анварнинг мактабдаги сабоқдош шериги Насим (Муҳаммад Ражаббекнинг ўғли) билан дўстлашиши унинг камолотида алоҳида аҳамиятга эга бўлади. Насим бевақт вафот этгач, Ражаббек Анварга суюниб қолади ва унга кўп илтифотлар кўрсатади: ўрда хизматига олади. «Девонда расмий мирзо бўлишининг учинчи йилида Анвар жуда катта эътибор қозонган эди... Буни мирзолардан бошлаб сарой шоирлари, сарой муфтилари, бош мунший Муҳаммад Ражаббек, ҳатто хоннинг ўзи ҳам эътироф қиласа эдилар». Натижада кўп вақт ўтмай Анвар бош мунший лавозимига тайинланади. Анвар бу лавозимни истар-истамас бир мажбурият орқасида қабул қиласи.

Ўзининг ақл-фаросати, илму дониши ва ҳалол меҳнати туфайли хон саройининг бош мирзаси даражасига кўтарилиган Анвар камбағалларга қўлидан келганча ёрдам беради. Тўғри ишлайди, адолат учун қурашиб,

текинхўр беклар, золим амалдорлар ва иғвогар руҳо-  
нийларнинг зиёни қилмишларига қарши туради.  
Бунинг оқибатида амалпарамаст ва таъмагир сарой аҳли  
Анварга душман бўлиб қолади. Улар Анварга қарши  
фитна-фасод уюштирадилар, шу йўл билан уни адолат-  
сизлик олдида тиз чўктирмоқчи бўладилар.

Абдураҳмон домла, Шаҳодат муфти, Калоншоҳ  
сингари амалпарамаст, нопок мирзолар эса ўз шум  
ниятларига етиш учун Анвар билан Раъно ўртасидаги  
севгига тўғоноқ бўлишдан ҳам қайтмайдилар. Улар  
Раънонинг ҳуснижамоли ҳақида Худоёрхонга Гулшан  
қўшмачи орқали хабар қиладилар. Оқибатда Худоёрхон  
Раънога гойибона «ошиқу бекарор» бўлиб қолади.  
Солиҳ маҳдум эса ўзининг аввалги аҳдидан қайтиб,  
қизини хонга беришга розилик беради. Бироқ Анвар  
билан Раъно бу адолатсизлик ва инсофисизликка қарши  
мардона ҳаракат қиладилар: уйдан қочиб кетадилар.  
Лекин меҳробдан чаён бўлиб чиққан Абдураҳмон  
домлалар бу билан ҳам тинчмайдилар. Улар Анвар-  
нинг «гуноҳлари» учун унинг дўсти Султоналини  
ўлимга ҳукм эттирадилар. Бу ўта ноҳақлик ва адолат-  
сизликни эшитган Анвар чидаб туролмайди. У ўзини  
жаллод қўлига топшириб, дўсти ҳаётини сақлаб  
қолишини ихтиёр этади, хон саройига (ўрдага) бориб,  
Худоёрга юзма-юз келади.

«Рақибни бу қадар жасоратда кўрган Худоёрнинг  
кипприк остилари учиб, соқол туклари силкинди ва бир  
оз сўз тополмагандек тамшаниб турди.

— Сен бизга хиёнат қилдинг, ит увли!

Анвар бош иргатди.

— Иқрорман.

— Тузумни унутдинг!

— Тонмайман!

— Иқрорсан, тонмайсан, ўбдан иш! — деди заҳар-  
ханда қилиб хон,— ўлувдан ҳам қайтмайсан?!

— Мен сиздан марҳамат сўраб келган эмасман! —  
деди илжайиб Анвар,— ўзимни ўлимга бериб, бир  
гуноҳсизни кутқазиш учун келганман!

Ҳамнишинлар лабларини тишладилар. Худоёрхон  
истеҳзоли кулди.

— Пусулмончилик қифонсан-да!

— Албатта! — деди Анвар,— бошқалар киши гуно-  
ҳи учун гуноҳсизни тутиб мусулмончилиқдан чиққач,  
мен мусулмонлик билан ўлишни ўбдан билдим!

Бу жавоб Худоёрни қип-қизил тусга қўйиб, манглайида терлар кўринди, газаб ўти аланга олди.

— Сенинг қифон ишинг пусулмонликда борми, ит увли?!

— Мусулмончиликда юзлаб хотин устига бир камбағал уйланмоқчи бўлган қизга ҳам зўрлик қилиш борми, қиблай олам?!

— Чиқар буни, жаллод!!!».

Асар охирида Анвар Султонали, Сафар бўзчи, Раҳим, Шариф, Қобил сингари софдил меҳнаткашларнинг жонбозлиги натижасида жаллодлар қўлидан озод бўлади. Ўз севгилиси Раъно билан бирга Кўқондан Тошкентта қочиб кетади.

Бу ерда шуни алоҳида таъкидлаш керакки, ёзувчи Анварнинг ҳаёт йўлини чизиб бериш билан бир нарсага ишора қиласди: мирзо Анвар қанчалик адолатпарвар бўлмасин, қанчалик хонлик ҳаётидан жирканмасин, барибир у адолат ўрнатолмайди, хонликка қарши очиқ кураш олиб боролмайди. Чунки у якка эди.

«Мехробдан чаён» романида Раъно образи ҳам ёрқин бўёқларда тасвирланган. Анвар билан Раъно ўртасидаги муҳаббат мисолида ёзувчи ёш юракларга куч, жасорат бағищлайдиган ҳақиқий инсоний севгини улуғлайди. Шу билан бирга, хотин-қизларнинг ўтмишдаги оғир ҳаётини, ҳуқуқсизлигини очиб ташлайди. Раъно образи «Ўтган кунлар»даги Кумуш образидан фарқ қиласди. Раъно вафодорлик ва оқилалик сифатлари билан Кумушга яқин турса ҳам, у Кумушга нисбатан журъатли ва жасоратли. Раъно оғир аҳволга тушган пайтда мардона ҳаракат қилиб, хон чангалидан қутулиш йўлини қидиради, бу йўлда севгилиси Анварга ёрдамлашади. Анвар эса ўз ҳаракатларида Раъно билан маслаҳатлашиб туради. Шу тарзда Раъно образи асарда ақл-идрок ва мардлик жиҳатидан эркаклар билан тенг қўйилади. Демак, адид хотин-қизлар образини яратишда ҳам асардан асарга ижодий ўса борган.

Романда Анвар билан Раънонинг қуийидаги шеърий диалоги берилган:

— Агар Фарҳоднинг Ширин, бўлса Мажнуналарнинг Лайлоси,  
Насиб ўлмиш менга гулшан аро гулларнинг Раъноси.

(Мирзо)

— Агар ор этса Лайли ҳақлидир Қайснинг жунунидин,  
Не баҳт, Раъно, ҳаридоринг талаб аҳлининг мирзоси.  
(Раъно)

Бу сермазмун ва чиройли байт-барак ҳам қаҳрамонларнинг фазилатларини, ақлу донишларини намойиш этиб, асарга ҳусн бағишилаган.

«Мехробдан чаён» романида «зулм тифини камбагаллар қони билан сарбаст қилғон» золим Ҳудоёрхон, ноҳок ва разил шахс Абдураҳмон, виждонини пулга сотишидан қайтмайдиган, хасислар хасиси Солиҳ маҳдум каби салбий образлар жонли ва тўлақонли бўлиб чиққан. Айниқса кейинги икки образ — Абдураҳмон домла ва Солиҳ маҳдум образлари типиклиги, айни вақтда, индивидуаллиги билан ажralиб туради. Романда тасвирланишича, Абдураҳмон суюги ифлослик билан қотган, фитна уясида таълим олган, бинобарин, меҳробдан чаён бўлиб чиққан мунофиқ шахс. Абдураҳмон асарда Анвар образига қарама-қарши ҳолда тасвирланган. Романда ҳикоя қилинишича, Анвар Абдураҳмонга кўп марта яхшилик қилади. Лекин бу яхшиликлар ундан ҳар сафар ёмонлик бўлиб қайтади. Абдураҳмон ва унинг ғаразгўй шериклари Анвар обрў-эътиборининг ортиб бораётганлигини кўра олмайдилар. Улар бу истеъдод соҳибини чаён бўлиб чақишига, уни обрўсизлантиришига, ўрдадан кетказишига, ҳатто қатл эттиришига интиладилар.

Асар сўнгига Анвар дор остига келтирилгач, ўз рақиби Абдураҳмон билан охирги марта учрашади. «Анвар титради, Абдураҳмон илжайди...

— Кулишга ҳаққингиз бор, домла, чунки ўч оласиз! — деди Анвар. Бирдан ҳамманинг кўзи Абдураҳмонга тушди.— Фақат сиз ифлослик натижасида куласиз, мен... мен тўғрилик самарасини ўраман; сиз ифлос виждон билан голибсиз, мен соғ виждон билан мағлубман... Мени дор остига ким келтирди? Виждон эмасми, тақсир! Сизни бу ерда ким томошабин қилди? Ифлослик эмасми, тақсир?»

Умуман олганда, «Мехробдан чаён» романи ғоявий мазмун жиҳатидан ҳам, бадиий маҳорат жиҳатидан ҳам бақувват, гўзал асар. Унинг сюжети қизиқарли ва драматик вазиятларга бой бўлганидек, тили ҳам пухта.

Кўринадики, А. Қодирийнинг ҳар иккала романнинг ҳам миллион-миллион китобхонларни қизиқтирадиган

муҳим гоялар зўр маҳорат билан ифодаланган. Ҳаёт ҳақиқати такрорланмас даражадаги оригинал ва ёрқин образлар орқали бадиий ҳақиқатга айлантирилган. Абдулла Қодирий романларининг сюжети том маъноси билан ҳайтий ва ниҳоятда қизиқарли бўлганидек, улар образ (характер) яратиш, тил бойликларидан фойдаланиш жиҳатидан ҳам гоят гўзал ва жозибадордир. Ҳар иккала романда ҳам Абдулла Қодирий бадиий маҳоратнинг юксак намунасини кўрсатган. Адиб ижоди ҳақоратни олий даражадаги намунасидир.

Абдулла Қодирий маҳоратидан ўзбек ёзувчилари билан бир қаторда қозоқ, туркман, озарбайжон, тоҷик, қирғиз, татар, қорақалпоқ, уйғур санъаткорлари ҳам маънавий озуқа олганлар, ундан маҳорат «сир»ларини ўргангандар. Масалан, Берди Кербобоев: «... Ўзбек ёзувчи Абдулла Қодирийнинг «Ўтган кунлар», «Мехробдан чаён»ини ўқиб, шулардан ибрат олмасам «Дадил қадам»ни бошлай олмаган бўлар эдим»,— деган эди. Мухтор Аvezов эса, «Абдулла Қодирий асарларини худди Қурмонгози ёки Чайковский қуйларини тинглагандай, дам олиб, мириқиб, гашт қилиб ўқийсан киши»,— деб ёзган эди. Чингиз Айтматов устозларини санаганда ноёб адиб Абдулла Қодирий номини ҳурмат ва ихлос билан тилга олган эди.

Абдулла Қодирий шахсга сифиниши даврида ноҳақ туҳматга учраб, 1938 йилда қатл этилди. Адиб 1956 йилда тўлиқ оқланди. Натижада ёзувчи ижоди юксак қадрланиб, унинг бебаҳо хизматлари муносиб тақдирланди.

Хозирги вақтда бир неча мактаблар ва ўқув юртлари, хиёбон ва кўчалар, маданият уйлари, кутубхоналар, жамоа ва шўро хўжаликлари Абдулла Қодирий номи билан аталмоқда. Адиб асарлари турли тилларда қайта-қайта нашр этилмоқда.

Халқимиз ва ҳукуматимиз Абдулла Қодирийнинг буюк хизматларини тақдирлаш, адибнинг табарруқ номини абадийлаштириш соҳасида янги-янги тадбирларни амалга оширмоқда. Жумладан, Тошкентдаги Маданият институтига ва Жиззах педагогика олийгоҳига Абдулла Қодирий номи берилди. Жумхуриятимиз пойтахтидаги марказий кўчалардан бири Абдулла Қодирий номи билан аталадиган бўлди. Ёзувчининг ўғли Ҳабибулло Қодирий бу ҳақда катта қониқиши билан ёзган ҳамда Абдулла Қодирий авлодлари номи-

дан халқимизга, давлатимизга миннатдорчилик изҳор этган эди<sup>1</sup>.

Абдулла Қодирийнинг адабий меросини илмий асосда ўрганиш, таҳлил этиш ва кенг тарғиб қилиш соҳасида ҳам муайян ютуқларга эришилди. Ойбек, Иzzат Султон, М. Қўшжонов, X. Ёқубов, С. Мирвалиев, Ф. Насриддинов, Ш. Турдиев, Л. Қаюмов, Иброҳим Мирзаев, X. Қодирий ва бошқа муаллифларнинг мақола ва рисолалари ана шундан далолат беради. Бу илмий ишларда Абдулла Қодирий асарларининг гоявийбадиий хусусиятлари, унинг ўзбек адабиётига қўшган қимматли ҳиссаси, Абдулла Қодирийнинг абадий барҳаётлиги кўрсатиб берилган.

Ҳа, Абдулла Қодирий ўзининг сермаъно ва сержило, гўзал асарлари билан мангу тириқдир.

## АДАБИЁТЛАР

1. С. Мирвалиев. Ўзбек романи, Тошкент, «Фан», 1969.
2. Ф. Насриддинов. Адиднинг йўли. Тошкент, F. Ғулом номидаги Адабиёт ва санъат нашриёти, 1971.
3. И. Султон. Асарлар (тўрт томлик), 2- том, Тошкент, 1972.
4. Иброҳим Мирзаев. Абдулла Қодирийнинг ижодий эволюцияси, Тошкент, «Фан» нашриёти, 1977.
5. Ойбек. Абдулла Қодирийнинг ижодий йўли. Ойбек. Муқаммал асарлари тўплами. 14- том, Тошкент, «Фан», 1979.
6. М. Қўшжонов. Шахс ва муҳаббат қисмати. М. Қўшжонов. Ҳаёт ва қаҳрамон. Тошкент, F. Ғулом номидаги Адабиёт ва санъат нашриёти, 1979.
7. Ҳабибулло Қодирий. Отам ҳақида (хотиралар), Тошкент, 1984.
8. Абдулла Қодирий замондошлари хотирасида. Тошкент, 1986.
9. Ўзбек совет адабиёти тарихи. Тошкент, «Ўқитувчи» нашриёти, 1990.

## М а т н

Абдулла Қодирий. «Обид кетмон» (1959), Кичик асарлар (1969), «Ўтган кунлар» (1973), «Мехробдан чаён» (1974), «Фирвонлик Маллавой» (1987).

<sup>1</sup> Қаранг: Ҳабибулло Қодирий. Отам ҳақида, Тошкент, F. Ғулом номидаги Адабиёт ва санъат нашриёти, 1984.

## ЧҮЛПОН

(1897—1938)

Қатагон йилларида ноҳақ қурбон бўлган улуғ шоир, истеъдодли адаб, моҳир драматург, мунаққид ва таржимон Абдулҳамид Чўлпон ҳозирги замон ўзбек адабиёти тарихида алоҳида ўрин тутади. У янги давр ўзбек ёзувчиларининг биринчи авлодига мансуб бўлиб, Ҳамза, А. Қодирий, Фитрат, С. Айний сингари сўз санъаткорлари билан бир сафда туради.

Маълумки, Чўлпоннинг истеъодди ноёб, илҳоми хаёл сингари бепоён бўлган. Бироқ у ўз ижодий имкониятларини тўлиқ рўёбга чиқара олмаган. Шоир кўнглида туғиб, дилида пишириб юрган дурдана асарларини қоғозга кўчиришга улгурмай, армон билан дунёдан ўтган. У шахсга сифиниш ҳукмронлик қилган қалтис даврда қирқ бир ёшида (айни кучга тўлган ва ижодий камолотга етган чоғида) мудҳиш тухматга йўлиқкан: «халқ душмани» сифатида ноҳақ қамоққа олинган ва судсиз, сўроқсиз 1938 йилда қатл этилган.

Чўлпон 1956 йилда тўла-тўқис оқланди. Натижада шоирнинг «Яна олдим созимни» (шеърлар), «Кеча ва кундуз» (роман), «Ёрқиной» (пьеса) каби бир қанча асарлари қайтадан нашр этилди. Чўлпоннинг ҳаёти ва ижоди ҳақида бир қанча мақолалар ёзилди.

Маълумки, 20- ва 30- йилларда ҳам Чўлпон ижоди ҳақида кўпгина мақола ва тақризлар ёзилган эди. Олим Шарофиддиновнинг «Ўзбек шоири Чўлпон», Ойбекнинг «Чўлпон шоирни қандай текшириш керак?», Усмонхоннинг «Мунаққиднинг «мунаққиди» каби мақолалари шу даврнинг маҳсулидир. Бироқ бу даврда ёзилган мақолаларнинг аксариятида шоир ижоди кўпроқ қора бўёқларда ёритилган. «Ўзбек шоири Чўлпон» номли мақолада «Чўлпон йўқсул халқнинг шоири эмас. У миллатчи, ватанпараст, бадбин зиёлиларнинг шоири-дир...» деб ёзилган.

Агарда, 20—30- йилларда эълон қилинган аксарият мақолаларда Чўлпон ижоди асосан қораланган бўлса, сўнгги йилларда (хусусан 80- йилларда) ёзилган илмий ишларда шоир асарларининг гоявий-бадиий хусусиятлари, умуман олганда, тўғри қайд этилган. Дарҳақиқат, Озод Шарофиддинов, Бахтиёр Назаров, Наим Каримов, Эрик Каримов, Шерали Турдиев каби мунаққидларнинг янги мақолаларида Чўлпоннинг шеърий

ва насрый асарлари, асосан, ҳозирги кун талаблари даражасида тўғри таҳлил этилган. Чўлпоннинг улуғ ва ноёб ижодкор эканлиги мисоллар асосида кўрсатиб берилган.

Абдулҳамид Сулаймон ўғли Чўлпон (Чўлпон таҳаллуси Тонг юлдузи маъносини англатади) 1897 йилда Андижонда савдогар оиласида туғилган. Эски мактабда ва мадрасада ўқиц билан бирга, ўз устида мустақил ишлаб, Шарқ ва Farb мумтоз адабиётини пухта ўрганган. Низомий, Навоий, Жомий, Бобур, Умар Ҳайём, Бедил, Фузулий, Тагор, Пушкин, Лермонтов, Гоголь, Толстой, Достоевский, Чехов, Горький, Маяковский, Есенин, Абдулла Тўқай каби ёзувчилар ижодини ҳам чуқур ўрганган.

Чўлпон араб, форс, турк, рус тилларини яхши билган. А. Пушкиннинг «Дубровский», Н. Гоголнинг «Ревизор», М. Горькийнинг «Она», В. Шекспирнинг «Гамлет» каби машҳур асарларини, шунингдек Крилов, Блок, Брюсов ва бошқаларнинг шеърларини ўзбек тилига моҳирлик билан таржима қилган.

Чўлпоннинг адабий-ижодий фаолияти 1913 йилда бошланган, унинг дастлабки шеър, ҳикоя, очерк ва мақолалари «Садои Фарғона», «Садои Туркистон», «Туркистон вилоятининг газети», «Ойна», «Шўро» каби рўзнома ва ойномаларда чоп этилган. Натижада Чўлпон инқилоб арафаларида ёқ маърифатпарвар ва демократик кайфиятдаги ёш ижодкор сифатида танила бошлаган. Унинг дастлабки асарларида («Курбони жаҳолат», «Доктор Муҳаммадиёр» ва х. к. да) қолоқлик ва жаҳолатга қарши маърифатпарварлик ва халқпарварлик гоялари тарғиб қилинган.

Чўлпон эндиGINA йигирма ёшга қадам қўйганда Октябрь инқилоби ғалаба қозонди. Шоир инқилобдан сўнг «Қизил байроқ», «Иштирокион», «Туркистон», «Бухоро ахбороти» рўзнома таҳририятларида меҳнат қилиб, давр талабига ҳозиржавоб бўлишга интилди. Натижада Чўлпон дунёқарашида ўсиш-ўзгаришлар юз берди. Бу ўсиш-ўзгаришлар шоир ижодида ҳам ўз ифодасини топа борди. Шоирнинг «Уйгониш» (1922), «Булоқлар» (1924), «Тонг сирлари» (1926), «Соз» (1935) тўпламлари ўзаро таққосланса, Чўлпон шеъриятидаги қарама-қаршиликларгина эмас, балки ижодий камолот, гоявий-бадиий фазилатлар ҳам очик кўрилади.

Чўлпон шеъриятидаги бундай фазилатлар шоирничг, айниқса, сўнгги тўплами — «Соз»да жуда равшан намоён бўлади. Бу тўплам 30-йилларга келиб Чўлпон шеърияти янги моҳият ва янги сифат касб этганлигидан, ширага, жозибага тўлганлигидан далолат беради. Тўпламдаги «Соз» шеърида Чўлпоннинг ғоявий нуқтаи назари ва эзгу ниятлари қуидагича ифодаланади.

Бир неча йил қантаргач,  
Яна олдим созимни.  
Энди айтиб йигламас,  
Кўнгилдаги розимни.

Кўнгилдаги қудурат  
Кўтарилиди, ниҳоят,  
Энди, илҳом манбаи —  
Қайнаб ётган шу ҳаёт.

Ҳақиқатан ҳам, Чўлпон шеърияти ҳаёт билан, ҳалқ турмуши билан узвий боғлиқ. Шоир ўз асарларида даврнинг муҳим мавзуларини, чунончи, инсон қадр-қиммати, ҳалқ қудрати, эрк ва инқилоб, ахлоқ-одоб ва хотин-қизлар озодлиги қаби замонавий масалаларни акс эттиради. Шунга кўра шоир шеъриятида замонавий руҳ бўртиб туради. Буни «Ҳалқ» шеърида яққол кўриш мумкин. Асарда шоир ҳалқнинг жамиятда тутган ўрнини, унинг куч-қудратини яққол тасвиrlаган. Ҳалқ образини бутун борлиги ва бутун салобати билан рўйирост гавдалантирган:

Ҳалқ дengиздир, ҳалқ тўлқинdir, ҳалқ кучdir,  
Ҳалқ исёndir, ҳалқ оловdir, ҳалқ ўчdir...  
Ҳалқ қўзғалса куч йўқдирким, тўхтатсин,  
Қувват йўқким, ҳалқ истагин йўқ этсин.  
Ҳалқ исёни салтанатни йўқ қилди,  
Ҳалқ истади: тож ва тахтлар йиқилди...  
Ҳалқ истаги: озод бўлсин бу ўлка,  
Кетсин унинг бошидаги кўланка.

Чўлпон том маънодаги миллий шоир. Ана шунинг учун у ҳалқимиз ҳаётидаги ютуқлардан қанчалик қувонса, адолатсизлик ва тенгсизликдан, эрксизлик ва тутқунликдан шунчалик изтироб чекади. Шоир шеърларида дард ва алам ғояларининг уфуриб туриши ҳам ана шу ҳолат билан, ҳалққа, она-Ватанга муҳаббат туйғусининг кучлилиги билан изоҳланади. Шоир ҳалқ манфаатини, Ватан истиқболини кўзлаб дард чекди, руҳан қийналди ва ўзининг ана шу юрак туйғуларини хилма-хил шаклларда теран ифодалади. Бунда у инсон ва табиат мавзуидан ҳам моҳирона фойдаланди.

Дарҳақиқат, Чўлпон табиатни жуда нозик ва теран ҳис қиласи. Лекин у табиат манзараларини қуруқ, асар безаги сифатида тасвирилаб қўя қолмади, табиат тасвиридан, ундаги ўзгаришлардан оддий инсонни улуғлаш, ҳаётни севиш, меҳнатсеварлик, ватанпарварлик гояларини олга суриш йўлида усталик билан фойдаланди. «Кўклам келадир» шеърида шоир табиатнинг энг гўзал фасли бўлган баҳор мафтуни сифатидагина кўриниб қолмаган. У юртимиз ҳаётини ҳам баҳорга ўхшашиб соғ, бегубор ва навқирон бўлишини, мамлакат ва халқ ҳаётининг кўклам сингари гуллаб-яшинашини истайди ҳамда бу эзгу туйғуни асарнинг умумий руҳига сингдиради:

Кўкламойим йўлга чиқсан. Кўкламойим қўзгалган.  
Кўк кўйлакнинг битишига, унча ҳам қолмаган!..  
Кўкламойнинг ипак кўйлак этаклари судралиб,  
Қора ернинг бошларини силаб-сийпаб келадир.  
У силашдан, у сийпашдан қувват олиб, куч олиб,  
Қора ер ҳам кўксидаги олтинларни берадир.  
Кўклам билан юртимга ҳам бир кўкариш келсайди,  
Кўнгиллар ҳам ҳаволардек кўклам ҳиди берсайди,  
Дилларга ҳам ҳаволардек кўклам руҳи кирсайди!..

Чўлпоннинг «Баҳорда», «Бинафша», «Бойчечак», «Исташ», «Баҳорни соғиндим», «Баҳор келди», «Яна кўклам», «Гўзал» каби шеърларида ҳам табиат тасвири халқ ҳаёти, халқ дарди тасвири билан бирга жозибали қилиб ифодаланган. Шоир табиатни тасвирилаганда ҳам асарни миллий руҳ билан сугорган.

Чўлпон ўз шеърларида замонавий, халқчил гояларни олга сурар экан, том маънодаги халқчил шоир сифатида доимо ҳақ сўзни айтади, ҳақиқатни ёзади. Чўлпон, ҳатто ижод эркинлиги оёқ ости қилинган ва рост гапни айтиш ман этилган 30-йилларда ҳам ҳақиқатни очик-оидин айтишдан тап тортмаган. Шоир меҳнаткашларга қаратса: «Киshan кийма, бўйин эгма, ки сен ҳам ҳур туғилгансан»,— деб хитоб қилган. Бугина эмас, Чўлпон янги ҳаёт ҳодиса ва воқеаларига ҳам танқидий муносабатда бўлди. Жумладан, партия сиёсатига кўр-кўрона сифиниш, сажда қилиш йўлидан бормади. Аксинча, партия кўрсатмаларига оқилона муносабатда бўлиб, оқни оқ, қорани қора деб дангал ёзди. Шоир ўзининг бир шеърида қаҳрамонни гапирти-

риш усулидан фойдаланиб, партия ва шўро фаолияти-  
даги бъззи нуқсонларни очиб ташлади:

Колхоз, унинг фикрича,  
Гуллайдиган бир нарса!  
Фақат Шўро бир озроқ  
Кенглик билан қараса.  
Ки яъни:  
Олиқ-солиқнинг,  
Коммунист — фирмалиқнинг  
Ипини тортиб турса...

Кўринадики, Чўлпон шеъриятининг мавзу доираси кенг ва турмушга монанд. Шу билан бирга, шоирнинг аксарият шеърлари ғоявий мазмун ва мундарижа жиҳатидан меҳнаткашлар оммасига яқин, халқ манфаатига мос. Чунки Чўлпон қайси мавзуни ёритмасин, доимо ўз халқининг туб миллий манфаатларини кўзлаб иш юритади; миллий мазмунни шеъриятнинг мағзимагзига сингдиради.

Маълумки, машҳур немис шоири И. Р. Бехер тўғри қайд этганидек, «Адабиётнинг миллий мазмуни деганда, шубҳасиз, адабиётнинг миллат олдида турган тарихий вазифалари билан, халқнинг миллий манфаатлари билан боғлиқлиги тушунилади». Масалага шу нуқтаи назардан ёндашилса, Чўлпон шеъриятининг аҳамияти янада яққолроқ кўринади. Чўлпон шеърийти халқ ва Ватан манфаати билан, «миллат олдида турган вазифалар билан» узвий боғлиқ бўлиб, шоир халқни чин баҳтга эриштиришга доир гражданлик мавзуларини мисралар мазмунига сингдиради.

Дарҳақиқат, Чўлпон шеъриятининг асосий мавзуи Ўзбекистон, бош қаҳрамони эса она халқдир. Шоир юксак инсоний фазилатларни улуғлаганда ҳам, табиат тасвирини берганда ва лирик қаҳрамон образини яратганда ҳам бевосита Ўзбекистон ва ўзбек халқи ҳаётига мурожаат қиласи. Она юрт ва она халқ манфаатларини ҳамма нарсадан устун қўйиб, қуёшли диёримиз ва заҳматкаш халқимизнинг яхлит образини зўр муҳаббат билан яратади. Чўлпон шеъриятида миллий мазмун ва миллий руҳнинг уфуриб туриши ҳам бежиз эмас, албатта. Масалан «Баҳорда» шеърида оддий меҳнаткаш деҳқонлар ҳаёти самимият билан чизилган ва асар миллий руҳ билан сугорилган. Шунга

кўра, бу шеърда табиат қўйнида тер тўкиб меҳнат қилаётган ва ўзбекона яшаётган оддий дехқоннинг жонли ва табиий образи яққол гавдаланади.

Тўгри, Чўлпоннинг ҳамма шеърларида ҳам миллий, мазмун, долзарб мавзу ҳаққоний ва сифатли қилиб акс эттирилган дейиш қийин. Чунки ўша даврда яшаб ижод этган бошқа шоирлар бисотида бўлгани каби Чўлпон ижодида ҳам замонасозлик руҳида ёзилган «қизил» шеърлар ҳам бор. «Озод турк байрами», «10 йил», «Қизил байроқ», «10 йил Ленинсиз», «Диёrim» каби шеърлар шулар жумласидан бўлиб, уларда инқилоб ва янги ҳаёт бир томонлама, асоссиз равишда ортиқча мақтаб мадҳ этилган.

Шоирнинг «Ўзбегим», «Хотира дафтаридан», «Менинг товушим» каби шеърларида ҳам турли қусурлар учрайди.

Бироқ, Чўлпон шеърияти фақат бундай юзаки шеърлар, хато байтлар ва ҳамду санолардангина иборат эмас. Аксинча, Чўлпон шеърияти гоявий теран, бой ва гўзал. Бинобарин, Чўлпон шеъриятининг асосий хусусиятини ҳаққонийлик ва халқчиллик, гоявий аниқлик ва миллий ўзига хослик, ватанпарварлик ва инсонпарварлик, миллий ғурур ва юксак ахлоқ-одобни улуғлаш сингари фазилатлар ташкил этади.

Шуниси муҳимки, Чўлпон асарнинг мавзу ва мундарижасига эътибор бериш билангина кифояланмайди. У энг аввало ҳаёт ҳақиқатини юксак маҳорат билан ифодалашга, асар сифатига аҳамият беради. Шу мақсадда асарнинг шакл ва мазмунига доир барча қисмларини қунт билан ишлаб, уларга жило ва сайқал беради. Бунда шоир халқ тили имкониятларидан зўр маҳорат билан фойдаланади. Ана шунинг учун ҳам шоирнинг аксарият шеърлари тилининг аниқ ва равонлиги, образли ва жозибадорлиги билан китобхонни ўзига мафтун этади.

Чўлпон шеърларининг тили образли ва ширали бўлиш билан бирга, гоят содда ва том маънода халқчилдир. Ана шу хусусиятни назарга олиб, адабиётшунос Олим Шарофиддинов 20- йиллардаёқ «Чўлпоннинг тили содда, ҳар турли фикрларни ифода қилишга ярарли ва нуқсонсиздир. Бу кунги ўзбек адабий тили, шубҳасиз, Чўлпон тилидир»,— деб ёзган эди. Ойбек эса: «Бу кунги ёш насл Чўлпоннинг содда тилини, totли услугуни, техникасини кўп севади. Ундан кўп гўзаликлар олади»,— деб қайд этган эди.

Чўлпон ўз шеърларида халқ жонли тили бойликла-  
ридан фойдаланаар экан, сўз ва иборалардан тежаб-  
тергаб ўз ўрнида усталик билан фойдаланади. Шу  
орқали халқ ҳикматларида акс садо берувчи сермаз-  
мун, жарангдор ва сулув байтлар, қуйма мисралар  
яратади. Шоирнинг халқ мақол ва ҳикматли сўзларидаи  
эл орасига сингиб, машҳур бўлиб кетган қуйидаги  
байти бунга мисол бўлади:

Муҳаббат осмонида гўзал Чўлпон эдим, дўстлар,  
Қуёшнинг нурига тоқат қилолмай ерга ботдим-ку.

(«Қаландар ишқи»)

Чўлпон ўз асарларида ҳаётий воқеаларни мушоҳада  
қилиб, халқ жонли тили бойликларида маҳорат билан  
фойдаланиб, чиройли ўхшатишлар, янги-янги сифат-  
лашлар, ғоят нафис ва нозик метафоралар, теран  
мазмунли муболага ва жонлантиришлар кашф қиласди.  
Ёрқин ва жонли манзаралар чизиб, ўқувчига эстетик  
завқ-шавқ бахши этади:

Ариқда сувларнинг ўйноқи қўшиғи  
Шохларда ухлаган баргларни уйготди,  
Айниқса, шамолнинг у юмшоқ шўхлиги,  
Шохларда баргларни титратди, ўйнатди.

(«Барг»)

Чўлпон шеърияти вазни ва қофия жиҳатидан ҳам  
тугал, кам-кўстсиз. Шоир ўз ижоди билан ўзбек  
шеъриятининг асосий вазни бўлган бармоқ вазнининг  
имкониятлари чексиз-чегарасиз эканини яна бир бор  
исботлади. Чўлпон аксарият шеърларида асар тилининг  
гўзал, образли ва жозибадорлигини таъминлаш билан  
вазнининг мусиқийлиги ва ўлчов (ритм)нинг аниқ  
ва жарангдорлигига ҳам эришади:

Сочилган соchlарингдай сочилса сиринг  
Анор юзларингни кимга тутасан?  
Ўзинг-ку «уларда вафо йўқ» дединг,  
Нимага уларни тагин кутасан.

Дилрабо қўшиқдек равон, мусиқий оҳанг жиҳатидан  
мукаммал ва ёқимли бўлган бундай мисолларни Чўлпон  
шеъриятидан кўплаб келтириш мумкин.

Умуман олганда, Чўлпон ўз шеъриятида тил бойлигига, гўзаллиги ва ранг-баранглигига тўлиқ эришган. Чўлпон шеъриятидаги тил бойлиги ва нафислиги шу адабнинг насрый асарларига ҳам тегищли хусусиятдир. Дарҳақиқат, Чўлпон «Қор қўйнида лола», «Клеопатра», «Ойдин кечаларда», «Новвой қиз», «Нонушта» (ҳикоялар), «Ёв» (қисса), «Кеча ва кундуз» (роман) сингари асарлар ёзиб, наср соҳасида ҳам қимматли мерос қолдирган.

Чўлпоннинг тарихий роман жанрида ёзган ва икки китобдан иборат бўлган «Кеча ва кундуз» (1935) асарида Туркистоннинг биринчи жаҳон уруши давридаги фожиали ҳаёти ҳақида ҳикоя қилинади. Адаб халқимизнинг ўша даврдаги ҳаётини қоронғи кечага қиёс қиласиди (романнинг номи ҳам шу қиёсни англатади). Романда мамлакатда ҳукм сурган ижтимоий адолатсизлик, чоризмнинг ич-ичидан чириб, нураб бораётганлиги, подшо ҳокимиятининг инқирозга юз тутганлиги, чор ва маҳаллий амалдорларнинг кирдикорлари, разил хатти-ҳаракатлари рўйирост очиб ташланган. Шу билан бирга, мамлакат буюк ижтимоий ўзгаришлар — инқи-лоб арафасига келиб қолгани ишонарли тарзда кўрсатиб берилган.

Романда тасвиirlанишича, Мирёқуб эпақа бир суҳбатда Нойиб Тўрадан «империя» дегани ўзи нима, деб сўрайди. Тўранинг жавобини эшитгач, Мирёқуб «империя» дегани шу бўлса, роса чириб кетган экан-ку, деган хулосага келади. Романнинг бошқа бир ўрнида Мирёқуб ҳаётдаги адолатсизлик, қашшоқлик ва бунга қарши ҳалқ ғазаби кун сайин ўсаётганини кўргач, Нойиб Тўрадан бунинг «чораси борми?» деб сўрайди. «Чорасини топишдан биз амалдорлар ожизмиз... Нима қилишимизни билмаймиз... Бу ёмон, бу жуда ёмон ҳол», деб жавоб беради Нойиб Тўра.

— Чорасиз дард йўқ,— дейди бизнинг ҳакимлар...

— Сафсата ҳаммаси, сафсата... Чорани бизнинг ички душманларимиз, яъни инқилобиён деган тоифа кўрсатади...

— Қани, нима дейди у тоифа?

— Подшони ҳам ҳайда, амалдорларни ҳам ҳайда, миршабларни йўқот, жандармларни ўлдир, урушни тўхтат. Бойлардан ер-сувни, фабрикачилардан фабрикаларни, заводчилардан заводларни тортиб олиб ҳалқقا

бер, дейди. Уларнинг халқ, дегани — қора халқ, яланг сёклиар...»

«Кечака кундуз» романида меҳнаткашт халқнинг, хусусан, хотин-қизларнинг оғир, кулфату мاشаққатларга тўлиқ ҳаёти аниқ воқеалар, ёрқин образлар воситасида таъсирили ва жонли қилиб ифодаланган. Асадаги асосий ижобий қаҳрамонлардан бири бўлган гўзал, хушвоноз, содда ва ҳуқуқсиз қиз Зеби образини олайлик. Зеби беғубор ҳаёт кечиришни, ёшлик гаштини суришни умид қилади. Лекин унинг эзгу орзулари ўша мудҳиш тузумнинг айби билан чилпарчин бўлади. Зебини зўрлаб, унинг хоҳишини ҳисобга олмай, Ақбарали мингбошига хотин устига хотин қилиб берадилар. Зеби мингбошининг тўртинчи хотини сифатида кундошлар ўртасидаги ҳар хил фисқу фужр ва бузуқликларнинг, рашику можаролар ва зимдан мерос талашишларнинг гувоҳи бўлади.

Кундоши Пошшахон Зебига заҳар бериб, уни ўлдирмоқчи бўлади, бироқ тасодиф натижасида заҳарни Зеби эмас, маст-аласт эри Ақбарали ичib ўлади. Шундай бўлса-да, ҳамма айбни мингбошининг кичик, суюкли хотини Зебига тўнкайдилар. Воқеа давомида айбсиз айбдор Зеби суд қилинади ва етти йил муддатга Сибирга сургун қилинади.

Романда Зеби феълу атвори, унинг онг тушунчаси ва руҳий ҳолати жонли ва табиий қилиб кўрсатиб берилган. Зеби шу даражада содда ва оққўнгилки, у қингирликни билмайди. Қамоқ, суд ва сургун ҳақида тасаввурга ҳам эга эмас. Ана шунга кўра бу содда мусулмон қизи судда қора курсида ўтирганида ҳам ҳукм, жазо қандай бўлишини эмас, балки бошқа нарсани — мусулмончилик қоидаларига шак келтирмасликни ўйлади. «Вой, ўла қолай! Шунча номаҳрамнинг олдида юзимни очаманми? Ундан кўра ўлганим яхши эмасми?», дейди. Суд йиғилиши тугартугамас «Энди уйимни қандай қилиб топиб бораман», дея ғам чекади. Ҳукм эълон қилингач эса «оп-очик турган нарсани булар тушунмайди-ю, улар тушунармиди?» деб юқорига норозилик аризасини беришдан воз кечади.

Қуйидаги парчада ҳам Зебининг онг-тушунчаси, руҳий ҳолати, беғубор феъли ёрқин акс этган: «Зеби бўлса ўша заҳарланиш ҳодисасидан бери доим караҳт бир ҳолда бўларди; унинг мияси бирдан фалажга

йўлиққан каби эди. У бутун бир сўроқ, тергов, конвой, суд ва қонунчиларга ажид бир лоқайдлик билан — худди жонсиз одамдай қарап; нималар дейишни, ўзини нечук ҳимоя қилишни, нима деб гап қайтаришни ўйламасди. Унинг миясида, миясининг ҳам аллақайси олис бир бурчагида хира ва туманли бир фикр бор; у фикр шунча олисда ва хираки, унинг нималигини англай олмайди, бечора... Миясини тугумлаб жуда зўр берган вақтда у туманли фикр мана бу кепатага киргандай бўлади: «Мен ўлдирганим йўқ... Бу аниқ... Мени қўйиб юборадилар... Яна ўша ерга қайтаманми? Нима кераги бор... Ойимчи? Ойимнинг ёнига қайтаман... Эрим ўлиб қолди, дейман.... Йиғлайман...»

Романда Зебининг отаси Раззоқ сўфи, онаси Қурбон биби образлари ҳам маҳорат билан яратилган. Раззоқ сўфи эски, реакцион ақидалар билан заҳарланиб, руҳан майиб бўлган қашшоқ шахсларнинг умумлашма образи бўлса, Қурбон биби инсоний ҳуқуқлари ўша жамият томонидан оёқ ости қилинган ва ҳар жиҳатдан эзилган муштипар, меҳрибон оналарнинг ҳаётий образидир. Бу икки қаҳрамон воситасида ёзувчи ҳаётдаги моддий қийинчиликлар кишининг маънавий оламига ҳам таъсир этишини, унинг дунёқарашини, фикрлаш доирасини, ақл-заковатини чеклаб қўйишини ҳаққоний акс эттирган.

«Кеча ва кундуз» романидаги меҳнаткаш ҳалқ қонини зулук бўлиб сўрган нодон, маишатпаст ва маънавий тубан мингбоши Ақбарали, мамлакат ва ҳалқ бошига бало бўлган мустамлакачи амалдор Нойиб Тўра, қинғир ишларни бажаришда устаси фаранг Мирёқуб эпақа образлари ҳам салмоқли ўрин эгаллайди. Бу қаҳрамонлар воситасида ўша давр амалдорлари ва «ишбилармон»ларининг кирдикорлари, ички ва ташқи дунёси, бузуқлиги, уларнинг ҳалқ манфаатига зид хатти-ҳаракатлари фош этилган. Масалан, маҳаллий ҳокимларнинг вакили Мирёқуб эпақада на имон, на диёнат, на ахлоқ-одоб, на бола-чақасига ва эл-юргита мөхр-оқибат бор. Адид Мирёқуб образида маҳаллий «ишбилармон»ларнинг асосий хусусиятларини умумлаштириб берган. Мирёқубнинг худоси ҳам, имони ҳам пул. Бинобарин, унинг бутун мақсади пул топишга, бойлик йиғишига қаратилган. Бу йўлда у ўз отахони ва валинеъмати Ақбаралининг хотини Пошшахон билан ва Нойиб Тўранинг бекаси Валя билан бузуқчилик қилиб, бойлик

йифишдан тап тортмайди. Ёзувчи Мирёқубнинг ҳаёт ҳақидаги фалсафасини, маънавий ёвузлигини унинг ўз сўзлари орқали қуидагича очиб ташлайди:

«Империя — оқ подшоҳдан, Нойиб Тўрадан ва унинг погонидан иборат экан! Шунча минг фуқаронинг ва ҳам биз сингари бебузот бечораларнинг ихтиёри, ўзингиз биласиз-ки, Нойиб Тўрада, яъни погон эгаларида; уларнинг бутун инон-ихтиёри эса — хотинлари қўлида бўлар экан. Пошшахон — катта меросга эга бўлиш учун бир қурол эди; мерос — давлат демак, давлат — пул демак, империя — «погон» демак; «погон» шундай нарсаки, у доим «пул, пул, пул» деб туради. Кўплар унинг сўраганини, яъни пулни берадилар. Қайтиб ҳеч нарса олмайдилар. Ҳолбуки, иш билган киши погон «пул» деганда бўларга ўзимни эпчил деб биламан... Кеча кечаси Нойиб Тўра хотини нинг маст лабларига қўндирилган маст ўпишнинг ёлғиз биргина маъниси бор эди: пул! Тақсиirlар, мен Нойиб Тўранинг хотини билан айшу ишрат қилмадим! У бизнинг иш устидаги биринчи учрашувимиз, ўз тилимизда айтсак, биринчи «бай очишими» эди!..»

Чўлпон Мирёқуб образини яратишда қаҳрамоннинг ўз-ўзини фош этиши усулидан ўринли фойдаланган. Мирёқуб — терговчи билан Мирёқуб — жавобгар ўтасидаги ички диалог, яъни қаҳрамоннинг ўзи-ўзи билан савол-жавоб тарзида сўзлашиши бу жиҳатдан муваффақиятли бўлиб чиққан.

Шундай қилиб, «Кеча ва кундуз» романида Зеби, Раззоқ сўфи, Қурбон биби, Мирёқуб, Ақбарали, Нойиб Тўра сингари асосий образлар ҳар бирининг ўзига хос феъли, хатти-ҳаракати, тили аниқ қилиб берилган. Шу билан бирга асардаги Пошшахон, Султонхон, Зуннун, Энахон, Мария, Валя, Салтанат сингари йўл-йўлакай учрайдиган образлар ҳам жонли ва ишонарли қилиб чизилган.

Роман мазмуни қизиқарли бўлганидек, у бадиий тузилиш жиҳатидан ҳам юксак санъат намунасиdir. Асар тили бой, жозибадор. Қаҳрамонлар тили ҳам, автор нутқи ҳам ихчам ва образли. Бироқ романда натуралистик тафсилотлар, юзаки тасвирлар ва чала образлар ҳам йўқ эмас. Асадаги Зеби, Мирёқуб образлари тугалланмаган. Уларнинг тақдиру қисмати якунланмаган. Шунингдек, романда халқ ва мамлакат

манфаатлари йўлида жон фидо этишга тайёр турган фаол ижобий кучларнинг ёрқин образлари кўрсатилмаган. Тўгри, романнинг иккинчи китобида, булар, эҳтимол, тасвирлангандир. Аммо, афсуски, иккинчи китоб ҳанузгача топилмаган.

Чўлпон драматургия жанрида ҳам ўз истеъодини намоён этган. У «Чўрининг исёни», «Ҳалил фаранг», «Чўлон севгиси», «Муштумзўр», «Ўртоқ Қаршибоев», «Хужум», «Ёрқиной» сингари катта-кичик саҳна асарлари яратган. Бу пьесалар орасида энг бақуввати, шубҳасиз, «Ёрқиной» драмасидир. Бу йирик саҳна асари фольклор материаллари асосида яратилган. Буни муаллифнинг ўзи ҳам тасдиқлади. У асарни «тотли ва бой тили билан эртак (чўпчак) айтиб бериб, шу драманинг ёзилишига сабаб бўлган кампир онага ҳурмат билан бағишлайман», деб ёзган эди.

Драманинг қисқача мазмуни қуидагича. Боғон йигит Пўлот билан Ўлмас Ботир номли саркарданинг қизи Ёрқиной бир-бирини севади. Лекин саркарда бу тенгсиз севгига тиш-тирноғи билан қаршилик кўрсатади. У Хонзодани ўзига қуёв қилмоқчи бўлади. Пўлот эса ҳаётдаги адолатсизликка, зулм ва ноҳақликка кескин эътиroz билдириб, саркарда даргоҳини тарқ этади: меҳнаткаш халқнинг хонга қарши ҳаракатига қўшилади. Золим хоннинг Ўлмас Ботир бошлиқ қўшинига қарши мардона жанг қилади.

Ёрқиной эса Калнинг ҳийласига учиб, Нишобсойбенинг чангалига тушади. Бек Ёрқиной «никоҳга рози бўлмаса, беникоҳ қўл узатаман», деб зўравонлик қилмоқчи бўлади. Воқеа давомида қиз ҳийла ишлатиб, Кални ўз томонига оғдириб олади ва унинг кўмагида бек тузогидан қутулади. Пўлот ҳузурига бориб, унга ҳақ йўлида ёрдам беради. Пьеса Пўлотнинг Ёрқинойга қаратади: «Мени юрт учун яна бир мартаба ўлимдан қутқардингиз, келинг ўша юртнинг ишини биргалашиб қилайлик! Юртнинг ишини биргалашиб қилгандан кейин...» деган сўзлари билан тугайди.

Драманинг Ёрқиной, Пўлот, Ўлмас Ботир, Кал, Нишобсойбени, Мома хотин каби асосий образлари ўзига хос характер, ўзига мос гоявий юк билан таъминланган. Шунга кўра уларнинг маънавий қиёфаси, ички-ташқи олами, нияти, мақсади ва шу йўлдаги хатти-ҳаракати аниқ.

Драмада Ёрқиной образи марказий ўринда туради ва

у пьесанинг бошидан-охиригача иштирок этади. Муаллиф бу образ орқали хотин-қизларнинг ўтмишдаги оғир, ҳуқуқсиз ҳаётини, уларнинг ақл-идроқда, мардлик ва шижаатда эркаклардан қолишмасликларини очиб берган.

Пўлот образида эса халқ фарзандларига хос мардлик, инсонпарварлик, қийинчиликлардан қўрқмаслик, камтарлик сингари ззгу хусусиятлар гавдалантирилган. Ўлмас Ботир ва Бек образларида эса адолатсизлик ва инсофисизликни, жабр-зулм ва нопокликни ўзларига одат қилиб олган ёвуз амалдорлар фош этилган.

Пьесада Кал образининг ҳам ўзига хос ўрни ва вазифаси бор. Кал асарни хушчақчақ қулги ва юмор билан сугорган. Калнинг ўзига хос феъли, хусусан, индивидуал тили ёрқин ва пишиқ бўлиб чиқсан. Драматург Калнинг ўзига хос тилини яратишда халқ оғзаки ижодида кенг тарқалган саж санъатидан усталик билан фойдаланган. «Сувдай шовлаб, ўтдай ловиллаб, чумчукдай чириллаб, шамолдай пириллаб...», «Ўзи ёш, сўзи тош, кўзи бебош, қора қош, эси чош, вош-вош...», «Ойим пошша, сиз менинг худо берган қизимсиз, кўксимда қулган юлдузимсиз, кўлимга қўнган қундузимсиз, яйраб юрган қўзимсиз, учиб ўйнаган қўнғизимсиз, қараб турган қўзимсиз, қизариб турган юзимсиз, тўкилиб турган сўзимсиз...» ва ҳоказо.

«Ёрқиной» драмасининг асосий мазмуни қўзиқарли, воқеанинг ўсиб бориши ўз меъёрида. Асардаги воқеалар бир-бири билан узвий боғлиқ.

Чўлпон шеърий, насрый ва драматик асарлар яратиш билан бирга, адабий-танқидий ва публицистик мақолалар ҳам ёзган. Унинг «Адабиёт надир?», «Шўро ҳукумати ва саное нафиса», «Улуг ҳинду», «Шарқ уйғонмоқда», «Буюк мактаб эгаси», «Тагор ва тагоршунослиқ», «Увайсий», «Мирзо Улуғбек», «500 йил» каби мақолалари ўз вақтида қўпчиликнинг диққатини жалб қилган эди.

Хулоса: Чўлпон серқирра талант соҳиби. У ўзбек адабиётининг Чўлпон юлдузи. Чўлпон улуг шоир, моҳир носир, истеъоддли драматург, халқчил ижодкор сифатида сўз санъати хазинасига бебаҳо ҳисса қўшган. Чўлпон шеъриятда ўзига хос ижодий мактаб яратган устоз шоир. 20- ва 30- йилларда Ойбек,Faфур Гулом, Уйғун, Миртемир, Усмон Носир сингари истеъоддли ёшлар бу мактабдан баҳраманд бўлиб, Чўлпон ижоди-

дан кўп нарса, хусусан, бадиий маҳорат сирларини ўргандилар.

Ёзувчиларнинг Чўлпон асарларидан ижодий ўрганишлари ҳозирги вақтда ҳам изчили давом этмоқда. Абдулла Орипов, Эркин Воҳидов, Ҳалима Худойбердиева, Ўткир Ҳошимов, Рауф Парфи, Омон Матжон, Шукур Холмираев, Усмон Азим сингари ёзувчилар Чўлпоннинг энг яхши анъаналарини янги замон талаблари асосида ривожлантироқдалар. Китобхонлар оммаси эса Чўлпон адабий меросининг озод этилганидан суюниб, шоир асарларини завқ-шавқ билан ўқимоқдалар, улардан эстетик завқ олмоқдалар. Чўлпоннинг буюклиги ҳам, мангу тириклиги ҳам ана шунда.

Чўлпон 1991 йилда Навоий номидаги Ўзбекистон Давлат мукофоти билан тақдирланди.

#### АДАБИЁТЛАР

1. Чўлпон ва Фитрат адабий меросини ўрганиш бўйича тузилган комиссия хулосалари.— «Ўзбек тили ва адабиёти» журнали, 1988 йил, 2-сон.
2. *Найм Каримов*. Мураккаб ва машаққатли давр фарзанди. «Саодат» журнали, 1987 йил, 10-сон.
3. *Эрик Каримов*. Олисдаги ёрқин юлдуз. «Фан ва турмуш» журнали, 1988 йил, 3-сон.
4. Озод *Шарафиддинов*. Кўнгилда қолгуси унинг бир изи. «Шарқ юлдузи» журнали, 1990 йил, 3-сон.
5. Озод *Шарафиддинов*. Чўлпон (Шоир ҳақидаги ривоятлар ва ҳақиқатлар). Т., «Чўлпон» нашриёти, 1991.
6. *Иброҳим Ҳаққулов*. Ўлка қайғуси. «Ўзбекистон адабиёти ва санъати» рўзномаси, 1991 йил 9 август.
7. Ўзбек совет адабиёти тарихи. Т., «Ўқитувчи», 1990 йил.

#### М а т н

Чўлпон. Яна олдим созимни. Т., Faфур Ғулом номидаги Адабиёт ва санъат нашриёти, 1991 йил.

#### ОЙБЕК

(1905—1968)

Улкан истеъодод соҳиби Ойбек ҳозирги замон ўзбек адабиётининг мумтоз адиби бўлиб, у том маънодаги халқчил ижодкордир.

Ойбек лирик шоир ва улкан адиб сифатида донг таратган. Унинг камалакдек товланувчи сержило ва қудратли шеъриятини, пурвиқор ва ҳикматли насрини китобхонлар севиб ўқимоқда. Ойбекнинг «Қутлуг қон», «Навоий» каби шоҳ асарлари мамлакатимиздаги

қарийб ҳамма тилларга, шунингдек, олтмишдан ортиқ хорижий тилларга таржима этилган.

Ойбек ижодининг ўзига хос фазилатлари, ибратли томонлари кўп. Ана шу сабаблиFafur Fулом «Ойбекнинг серҳосил, ўткир ижодкорлигини бизнинг адабиёт тарихида кимга ўхшатиш мумкин?» — деган сўроқقا жавоб бериб, «Ойбекнинг ўзига, Ойбекка ўхшатиш мумкин»<sup>1</sup>, — деб ўз ҳамкасб дўстига тан берган эди.

Ойбек ижоди ҳақида илмий мақолалар, адабий-танқидий очерклар ва монографиялар ёзилди. Булар орасида, айниқса, Ҳомил Ёқубовнинг «Ойбек» (1960), «Гоявийлик ва маҳорат» (1963), «Адибнинг маҳорати» (1966), Матёқуб Қўшжоновнинг «Ойбек маҳорати» (1962) монографиялари, шунингдек «Ойбекнинг ижодий методи ва бадиий маҳорати» (1985) мақолалар тўплами ажралиб туради. Бу китобларда адаб ижодининг гоявий-бадиий хусусиятлари очиб берилган.

М. Қўшжоновнинг «Ойбек маҳорати» китобида адаб маҳоратини таҳлил этишга алоҳида эътибор берилган. Муаллиф бадиий маҳорат муаммоларини ёзувчи ижодининг ривожи, ўзига хос услуби масалалари билан боғлаб таҳлил қиласган. У Ойбек асарларидағи асосий характерларнинг шаклланишига алоҳида эътибор берган. Характер муаммосининг сюжет ва композиция, гоя ва конфликт, ижодий метод ва маҳорат масалалари билан узвий боғлиқ эканлигини очиб берган.

Ҳомил Ёқубовнинг Ойбек ҳақидаги ҳар учала китоби ҳам факт ва материалга бойлиги, гоявий ва бадиий таҳлилнинг пухталиги, илмий хулосаларга сероблиги билан ажралиб туради. Муаллиф Ойбекнинг ижодий камолотини синчиклаб ўргангандан уни ҳозирги замон ўзбек адабиётининг тараққиёти масалалари билан чамбарчас боғлиқ ҳолда тадқиқ этган. Ойбек ижоди билан алоқадор ҳолда замонавийлик ва тарихийлик, анъанавийлик ва новаторлик, шакл ва мазмун, зиддият ва характер, реализм ва бадиий тўқима, лирик конфликт ва лирик характер, эпик ва лиро-эпик жанрларнинг ўзига хос хусусиятлари, бу жанрлар ўртасидаги умумийлик ва фарқлар тўғрисида атрофлича фикр юритган. Ёзувчининг ижоди ҳақида ҳозирги вақтда ҳам самарали илмий тадқиқот ишлари олиб борилмоқда...

<sup>1</sup> F. Fулом. Менинг ярим асрлик дўстим. «Шарқ юлдузи», 1965, 9-сон.

Ойбек 1905 йил 10 январда Тошкентда ҳунарманд — бўзчи оиласида туғилган. Ойбек — ёзувчининг адабий таҳаллуси бўлиб, унинг асл исми Мусо, отасининг номи Тошмуҳаммаддир. «Отам ёшлигига бўзчи, кейин Хумсон ва Янгибозор қишлоқларида баққоллик қилган. Ўқимаган, жаҳали тез, тажанг бир одам эди. Онам жисмоний кучсиз, лекин ақлли, зийрак, раҳмдил ва ҳар ишга эпчил хотин эди. Дўппи, жияк ва қўл ишлари билан кўп машғул бўларди. Ишдан бўшагач, кўп вақт китоб ўқирди»<sup>1</sup> — деб ёзган эди Ойбек.

Ойбек аввал эски мактабда, сўнгра ҳозирги замон мактабларида ўқиб, илм олган.

Ойбек 1930 йилда Ўрта Осиё Давлат дорилфунунинг ижтимоий фанлар куллиётини битирган ва 1935 йилгача шу дорилфунунда сиёсий иқтисод фанидан дарс берган. Шу билан бирга, Ўзбекистон фанлар комитети қошидаги Тил ва адабиёт илмий тадқиқот институти (1933—1937)да илмий ходим бўлиб ишлаган. Ўзбекистон ўқув-педагогика нашриётида адабий таржи-мон ва муҳаррирлик қилган (1938—1941). Шундан сўнг бир неча йиллар давомида академиянинг ижтимоий фанлар бўлимига, Ўзбекистон Ёзувчилар уюшмасига раҳбарлик қилган. «Шарқ юлдзузи», «Ўзбек тили ва адабиёти» ойномаларида бош муҳаррир бўлиб ишлаган.

Кўринадики, Ойбек адабий-ижодий ишни доимо жамоат иши билан қўшиб олиб борган ва ҳар иккала соҳада ҳам юксак кўрсаткичларга эришган.

Ойбекнинг адабиёт ва фан соҳасидаги хизматлари муносиб тақдирланди. Ойбек 1943 йилда Ўзбекистон Фанлар академияси ташкил этилиши биланоқ унга ҳақиқий аъзо этиб сайланди. 1965 йилда унга «Ўзбекистон халқ ёзувчиси» деган юксак фахрий унвон берилди. Ойбек уч марта Ленин ордени, икки марта Меҳнат Қизил Байроқ ордени, икки марта «Ҳурмат белгиси» ордени билан мукофотланди. Ёзувчи «Навоий» романи учун Давлат мукофоти (1946) ва «Болалик» қиссаси учун Ҳамза номидаги Ўзбекистон Давлат мукофоти (1963) га сазовор бўлди.

Ойбек хотирасини абадийлаштириш соҳасида ҳам катта тадбирлар амалга оширилди. Кўпгина мактаблар, ўқув юртлари, хиёбон ва кўчалар, жамоа ва шўро

<sup>1</sup> О. Шарафиддинов, Ж. Шарипов. Адабиёт дарслиги. Ўздавнашр, Тошкент, 1936, 46- бет.

хўжаликлари Ойбек номи билан аталмоқда. Тошкентда Ойбекнинг уй-музейи ташкил қилинган. Ўзбекистон Ёзувчилар уюшмаси Ойбек номида мукофот таъсис этган. Тошкент метрополитени бекатларидан бирига Ойбек номи берилган.

\* \* \*

Хозирги замон ўзбек ёзувчиларининг биринчи бўғинига мансуб бўлган Ойбек адабиёт майдонига 20- йилларнинг бошларида дастлаб лирик шоир сифатида кириб келган. Ойбекнинг илк шеърий асарлари ҳали у техникумда ўқиб юрган кезларидаёқ ёзилган. Ёш шоирнинг биринчи шеъри «Чолғу товуши» деб аталади («Армугон» журнали, 1922). Кейинчалик шоирнинг «Туйғулар» (1926), «Қўнгил найлари» (1929), «Машъала» (1929) сингари шеърлар тўпламлари, шунингдек, «Дилбар — давр қизи», «Ўч» каби достонлари биринкетин юзага кела бошлади. Бу асарлар ўзбек шеъриятига нодир истеъдод соҳиби кириб келганлигидан далолат беради.

Ойбекнинг 20- йиллардаги ижодида ҳозирги замон воқелигини тараннум этувчи анча-мунча шеърлар бор. Бироқ ёш шоирнинг адабиётда ўз ўрнини топиши осонликча бўлмади. Шоир ёшлигига мураккаб ижодий ўсиш-изланиш даврини бошидан кечирди. Ойбек ана шу ўнқир-чўнқирликларни назарда тутиб, «Менинг биринчи шеърларимда қарама-қаршиликлар, изланишлар ҳали кўп эди. Замонанинг энг муҳим воқеаларига жавобан яратилган шеърлар билан бир қаторда ... мунгли нидо билан сугорилган, абстракт, тушкунлик руҳида ёзилган шеърлар ҳам бор эди», — деб ёзган эди.

Шуниси муҳимки, Ойбек тинмай ижодий изланди. У 1928 йилда «Товущим» шеърида ўз тақдирини халқ тақдири билан маҳкам боғлаганлигини баралла куйлаган:

Оғайнилар! Давримизни  
Қалбга согланман.  
Чўллардаги сароб изни  
Англаб олганман.  
Курашади икки тўлқин, қараб турайми?

<sup>1</sup> Адабиётимиз автобиографияси. Тошкент, 1973, 149-бет.

Ёш тарихнинг темир қўлин  
Четга бурайми?  
Йўқ!. Болғалар пўлат сафи ила  
бораман.  
Ёнгин, кураш, жанглар сари  
Кўкрак очаман...

20- йилларда асосан ўрганиш ва изланиш даврини ўтган ёш Ойбек 30- йилларда шоир сифатида ўсиб, қўпгина пишиқ шеърлар яратди. Унинг бу даврда юзага келган «Днепрострой», «Фанга юриш», «Ўзбекистон», «Қишлоқ қизи — студент», «Паттачи хотин», «Колхоз темирчиси» сингари шеърларида замонавий мавзу, ҳозирги замон кишиларининг ҳис-туйғулари ва орзу-истаклари аниқ тасвирланган.

Ойбекнинг «Ўзбекистон» шеърида серқуёш диёғимизнинг яхлит образи чизилган. Шоир Ўзбекистондаги янги ҳаётни улуглайди ва шеърнинг гоявий холосасини қуидагича ифодалайди:

Яратилди бир шоҳ асар, гўзал бир достон,  
Фадир-будур. меҳнат қўли битгандир буни.  
Келажакнинг баҳоридан олинган куйи,  
Хаёлларга сигмайди ҳеч бунинг мазмуни.  
Қоғиядир фабрикалар-ла қизлар қўшиғи,  
Ўқи ва сев! Бунинг исми ҳур Ўзбекистон.

Ойбекнинг 30- йиллардаги ижодида поэма жанри салмоқли ўрин эгаллайди. Бу даврда шоир ўтмиш адабиётидаги достончиликнинг илгор анъаналаридан, ҳусусан, ҳозирги замон қардош халқлар адабиёти ютуқларидан ижодий фойдаланиб, «Дилбар — давр қизи», «Ўч» (1932), «Ўрознинг бахти», «Чўпон қўшиғи», «Бахтигул ва Соғиндиқ», «Темирчи Жўра» (1933), «Қаҳрамон қиз» (1936), «Гулноз», «Камончи», «Навоий» (1937) каби кўплаб поэмалар яратди. Бу поэмаларда ранг-бараңг мавзулар кўтарилиган. Масалан, «Ўч», «Бахтигул ва Соғиндиқ» поэмаларида ўтмишда инсон эрки ва севгисининг золим бойлар оёғи остида топталганлиги кўрсатилиб, ўша ижтимоий тузум, мулкдорлар дунёси қораланади. «Ўч» поэмасида тасвирланишича, икки камбағал йигит-қиз — Холхўжа билан Лаълихон бир-бирини севади. Лекин бу икки ёшнинг соғ севгисига Ҳошимбойвачча ғов бўлади. У ҳеч бир асоссиз Ҳолхўжани қаматади. Лаълихонни хотин қилиб олмоқчи бўлади. Лаълихон эса бойваччанинг хоҳишини қатъий рад қиласди, ўз севгилисига хиёнат қилмасдан, заҳар

ишиб ўлади. Воқеа охирида Холхўжа қамоқдан қочиб, ўз қишилогига келади ва Ҳошим бойваччани ўлдириб, ундан Лаълихоннинг ўчини олади.

Асар сюжети содда, табиий. Достондаги ҳар учала образ (Холхўжа, Лаълихон, Ҳошимбойвачча) ҳам ўз характерига, ўз қиёфасига эга. Шоир Холхўжа ва Лаълихон образлари орқали меҳнаткаш халқнинг оғир ўтмиш ҳаётини акс эттирган бўлса, Ҳошимбойвачча образи воситасида мулкдорлар дунёсини фош этади. Шоир образлар характерини очишида типик деталлар ва ранг-баранг бўёқлардан фойдаланган. Ойбек Лаълихон образини, унинг ҳусни-жамолини, шўхлигини, меҳнатсеварлигини, эпчил-чаққонлигини муҳаббат билан акс эттиради:

Дуторни энг яхши чалар эди у,  
Каштага баҳорни ёяр эди у.  
Нонларни дўндириб ёпар эди у,  
Руҳларга ёнғинни солар эди у.

Ҳошимбойвачча ҳақида ёзганида эса шоир мисраларида газаб ва нафрат намоён бўлади: «Бошида «алиф» йўқ, дилда қилча нур», «Бу шалоқ йигитнинг билгани зулм» ва ҳоказолар.

Ойбек «Бахтигул ва Соғиндиқ» достонини ёзишида фольклор мотивларидан ижодий озиқланган. Бу поэма халқ оғзаки ижодида мавжуд бўлган сюжет асосида ёзилган, унда тасвирланишича, тошкентлик чорвадор Отабой Қарқара бозорига боргач, саҳро гўзали Бахтигулга кўзи тушиб, «ошику бекарор» бўлади. Бой бу етим қизни ўзига чўри-хотин қилиб сотиб олади. Бахтигулнинг севгилиси Соғиндиқ эса қизни бой чангалидан қутқариб олиш ниятида чўлда Отабой карвонига ҳужум уюштиради. Лекин ҳужум муваффақиятсиз чиқади ва бой қизни шаҳарга олиб кетади. Бироқ мард йигит Соғиндиқ тинчимайди. У бир оз вақт ўтгач, қизни излаб Тошкентга боради. Отабойга қаролликка ёлланади ва қулай пайт топиб, бошқа қароллар ёрдамида бойдан қасос олади. Бойнинг уйига ўт қўйиб, Бахтигулни қутқаради. Достон меҳнаткаш йигит-қизларнинг бойлар устидан галабаси тасвири билан тугайди:

Чўл сари учар йигитлар хурсанд,  
Бошда Соғиндиқ билан Бахтигул —  
Озод шунқорлар учишар жасур,  
Бу эл ҳеч маҳал бўлмаяжак қул,  
Шиори «Қайда золим бўлса ур!»

«Бахтигул ва Согиндиқ» поэмасининг биринчи нашри (1934) билан кейинги (1949, 1955, 1976) нашрлари ўртасида гоявий жиҳатдан ҳам, бадиий жиҳатдан ҳам жиддий фарқлар бор. Чунки шоир достонни қайта-қайта ишлаган, ҳар сафар унга сайқал ва жило берган<sup>1</sup>.

Ойбекнинг 30- йилларда яратилган поэмалари орасида, айниқса «Темирчи Жўра» асари кўп жиҳатдан ажralиб туради. Унда ўзбек меҳнаткашларининг 20- йилларда халқ ҳокимиятини ҳимоя қилиб, инқилоб душманларига қарши олиб борган ҳаёт-мамот кураши акс эттирилган, ишчи-дехқон ҳокимияти улуғланган. Достоннинг мавзуси янги, гоявий мазмуни аниқ бўлиши билан бирга унда шоирнинг сюжет тўқиши ва характер яратиш маҳорати кучлилиги ҳам ёрқин намоён бўлган.

Асарда, хусусан, бош қаҳрамон Жўра образи жонли ва тўлақонли бўлиб чиққан. Жўра характеридаги индивидуал хусусиятлар — унинг ғурури баландлиги, бойларни назар-писанд қилмаслиги, ўз кучи билан тирикчилик ўtkазишга интилиши, кеча-кундуз тинмай ишлаши, темирчининг диний урф-одатларга беپарволиги, содда ва самимишлиги реалистик бўёқларда кўрсатилган.

Ойбек темирчи Жўра тимсолида маҳаллий халқ орасидан етишиб чиққан янги кўринишдаги инсон — курашchan ижобий қаҳрамон образини яратган. Поэмада қаҳрамон характерининг шаклланиши, хусусан, Жўра онгининг камоли таъсири тарзда очиб берилган. Темирчи Жўра асар бошида дўсти ишчи Турсуннинг меҳнаткашларни озод ва бахтли ҳаётга чақириш йўлида олиб борилаётган ҳаракатлар ҳақидаги сўзларига ишонмайди. Бу ҳаракатларни бефойда деб билади. «Бундан фойда борми, тентак? Хўжайинлар оёғини тирав, ишдан қувар итдек!» дейди. Воқеалар давомида Жўранинг кўзи очила боради ва асар охирига келиб у халқ кучига, бахтли келажакка ишонадиган бўлади.

Асарда бош қаҳрамон темирчи Жўра ҳалок бўлсада, унда келажакка ишонч руҳи балқиб туради.

Поэманинг сюжети табиий ва таъсирили. Асар тили равон ва ширали. У халқ ибора ва ифодаларига бой. Асарда персонажлар нутқи (темирчи Жўра ва ишчи

<sup>1</sup> X. Ёқубов. Ойбек (адабий-танқидий очерк), Тошкент, Ўззадабий-нашр, 1959, 60- бет.

Турсун тили) индивидуаллаштирилган. Достонда ажо-йиб ўхшатиш, сифатлаш ва бошқа тасвир воситалари кўзга ташланади.

Ойбек поэмалари меҳнаткаш халққа меҳр-муҳаббат руҳи билан суғорилган. Уларда темирчи Жўра, Соғиндиқ, Холхўжа, Лаълихон, Дилбар, Эмилия сингари меҳнаткаш халқ вакиллари образи яратилган.

Ойбек Ватан уруши ва урушдан сўнгги даврларда ҳам шеърий асарлар яратишда яхши натижаларга эришди.

Маълумки, Ватан уруши йилларида Ойбек ўзининг бутун куч ва истеъодини душман устидан ғалаба қозониш, Ватаннинг озодлиги ва мустақиллигини сақлаб қолиш ишига бағишилади. Шу мақсадда у 1942 йилда Ўзбекистон делегацияси таркибида фронтга борди ва тўрт ой давомида жанг майдонида (Ғарбий фронтда) жангчилар орасида бўлди.

Ойбек фронтга бориб, фронт ҳақиқатини, жангчиларимиз характеристини яқиндан ўрганиб, ёзажак асарлари учун зарур ҳужжатлар йигиб келган. Унинг кейинча нашр этилган «Қуёш қораймас» романи, «Оловли йиллар» шеърий тўплами ва «Фронт бўйлаб» (1965) кундалик дафтари жанг майдонига қилинган сафар таассуротлари асосида яратилган.

Ойбек уруш даврида ҳарбий-мудофаа мавзуида «Ёвга ўлим», «Ватанини сев», «Кунлар келарки», «Зафар бизники», «Она сўзи», «Хайрлашув», «Раиса», «Ватан ҳақида», «Йигитларга», «Ленинград», «Ойша хола», «Жангчи хатидан», «Жангчи элатим олдидা» сингари юзга яқин шеърлар ёзди. Бу асарларда жангчиларимизнинг қаҳрамонлиги, халқимизнинг ватанпарварлиги катта ғурур ва самимият билан куйланди. Она-Ватан образи бутун салобати билан чизиб берилди:

Ватанини сев, тупрогини ўп,  
Ҳар қаричи муқаддас бизга.  
Чўлидаги ҳатто қуруқ чўп  
Жондан яқин юрагимизга.  
Ватан — бизнинг кўзимиз нури,  
Бахтимиз шу, қувончимиз шу.  
Севги, меҳнат, дилимиз дури,  
Кимматларнинг қимматидир у.

Уруш даврида Ойбек шеъриятида бадиий маҳорат сезиларли даражада ўсди. Шоир шинелли йилларнинг муҳим мавзуларини ўзига хос маҳорат билан ёритди.

Шоир урушнинг дастлабки кунларида ёзган «Ёвга ўлим» шеърида жангчиларимизни душманга қарши аёвсиз жанг қилишга чақириди ва буюк ғалабамизга қатъий ишонч билдириди.

Ойбекнинг ҳарбий лирикасида миллий рух балқиб туради. Шоир «Йигитларга» шеърида аждодларимизнинг ватанпарварлиги ва мардлигини эслатиб, йигитларни ана шу аждодларимизга муносиб авлод бўлишга, ота-боболарнинг қаҳрамонлик анъаналарини давом эттиришга чақиради:

Боболаринг қарич ёшда от мингандан,  
Тигларга жило берган чақиндан.  
Оқ соқолин ҳилпиратиб жангларда,  
Ватанидан ёвни қувган, сўнг тинган.

Ойбек уруш даврида фронт воқеаларини тасвирлаш билан бирга, мамлакат ичкарисидаги кишиларнинг фидокорона меҳнати, эзгу ниятлари ҳақида «Кунлар келар...», «Ойша хола» сингари шеърий асарлар ёзди. «Ойша хола» балладасидаги Ойша уруш давридаги ватанпарвар оналаримизнинг умумлашма образи бўлиб, унда уч ўғлини ҳам фронтга оқ йўл ва зафар тилаб жўнатган оддий аёлнинг маънавий қиёфаси гавдалтирилган.

Шундай қилиб, Ойбекнинг ҳарбий лирикаси шеъриятимизнинг жиддий ютуғидир. Ойбек урушдан сўнгги йилларда ҳам хилма-хил ва долзарб мавзуларда шеърлар ёзди. Айниқса, эпик шеърият имкониятларидан унумли фойдаланди. «Ҳамза» (1947), «Қизлар» (1948), «Зафар ва Заҳро» (1950), «Ҳақгўйлар» (1954), «Бобом» (1957), «Даврим жароҳати» (1965), «Гули ва Навоий», «Бобур» (1968) номли лиро-эпик асарлар ёзиб, ўзбек достончилиги тараққиётига катта ҳисса қўшди.

Ойбек поэмаларини тематик жиҳатдан қуйидагича гурухлаш мумкин:

- а) ҳозирги замон воқелигини тасвирловчи поэмалар («Қизлар», «Ҳамза»);
- б) чет эл ҳаётини ифодаловчи достонлар («Даврим жароҳати», «Зафар ва Заҳро», «Ҳақгўйлар»);
- в) ўтмиш ҳаётни акс эттирувчи достонлар («Бобом», «Гули ва Навоий», «Бобур»).

Ойбекнинг «Қизлар» достонида ўзбек хотин-қизларининг уруш давридаги ҳаёти, буюк ғалабани таъминлашга қаратилган фидокорона меҳнати тасвирланган. Достонда ҳаёт ҳақиқати бўялмай, пардозланмай

рўйирост кўрсатилган. Шоир кишиларимизнинг фронт орқасидаги қаҳрамонона меҳнатини, хусусан, хотин-қизларимизнинг ватанпарварлигини кўрсатиш учун керак бўлган воқеа ва бўёқларни бевосита турмушдан топган ҳамда уларни жамоа хўжалигидаги бешта қиз образи орқали бадиий тарзда бера олган. Поэмада тасвиirlанишича, Назми, Дилбар, Олтиной, Ойжамол ва Гулшан уруш даврида ватанпарварлик намуналарини намойиш қиласидилар. Улар ғалабага ҳисса қўшиш учун ўз кучларини аямайдилар. Уруш даврининг ўзига хос қийинчиликларини мардона енгиб, пахтадан юқори ҳосил оладилар.

«Қизлар» поэмасида сюжет ҳаётий ва табиий бўлганидек, образлар тасвири ҳам пухта. Шоир поэмада ҳар бешала қизнинг ҳам ички-ташқи дунёсини, ўзига хос характерини, индивидуал портретини равшан кўрсатган.

Ойбек «Ҳамза» достонида жанговар шоир ва фаол жамоатчи X. X. Ниёзийнинг реалистик образини яратиб, кишиларимизнинг янги жамият қуриш соҳасидаги жонбозликларини бадиий тарзда кўрсатган. Асарда Ҳамза янги даврнинг ва янги типдаги одамларнинг асосий хусусиятларини ўзида акс эттирувчи типик образ сифатида намоён бўлади. Ойбек достонда Ҳамзани янги ғояларнинг содиқ жарчиси сифатида тасвиirlар экан, унинг эски урф-одатларга, диний хурофотга қарши курашини реал ифодалайди.

Достонда Ҳамза таржимаи ҳоли тўлиқ ёритилмайди. Балки, шоир ҳаётининг сўнгги йиллари, аниқроқ қилиб айтганда, образ характерини очиш учун зарур бўлган айрим лавҳалар акс эттирилган. Поэма Ҳамзанинг тошбўрон қилиниши — фожиали ўлими тасвири билан тугалланади. Бироқ унда оптимистик рух, балқиб туради.

«Ҳамза» достони лиро-эпик характердаги асар. Достон лирик кечинмаларга, лирик тасвиirlарга бой. Асарда Ҳамза образидан ташқари Бошоқ, Хотам образлари ҳам берилган.

Ойбекнинг ижодида чет эл мавзуудаги «Зафар ва Захро», «Ҳақгўйлар», «Даврим жароҳати» поэмалари ҳам муҳим ўрин тутади. Маълумки, Ойбек 1949 йилда ёзувчилар делегацияси таркибида (Н. Тихонов, А. Сафронов, М. Турсынзода билан бирга) Покистонга борди ва Покистон тараққийпарвар ёзувчилари уюшмасининг

конгрессида қатнашди. У Покистон сафари таассуротла-ри асосида «Покистон пойтахти», «Орзу», «Покистон аёлига», «Мұхожирлар лагери» каби шеърларни, «За-фар ва Заҳро», «Ҳақғўйлар» номли поэмаларни, шунингдек, «Покистон таассуротлари» очеркини, «Нур қидириб» повестини яратди. Бу асарларда ёзувчи Покистон халқининг ҳаёти, турмуш шароити, урф-одатлари, озодлик ва тинчлик йўлидаги курашини кўрсатиш билан Покистоннинг яхлит реалистик образини берган.

Ойбекнинг Покистон ҳақидаги асарлари инсонпар-варлик ва халқлар дўстлиги гоялари билан, Покистон меҳнаткашларининг истиқболига ишонч туйгуси билан сугорилган. Бошқача қилиб айтганда, шоир Покистонда ҳам зулм дараҳти қурийди ва халқлар баҳт-саодатга эришади, деган оптимистик гояни олга суради:

Тингуси бу қайнаган кўзларда ёш,  
Эрк учун мазлум олар қўлларга тош.  
Қоп-коронғу, қип-ялангоч кулбалар  
Нурга тўлғай халқ учун кулса күёш.  
Тингладим мен эртанинг овозини,  
Бу диёр узра баҳорнинг созини.

Покистон истиқболига ишонч туйгуси Ойбекнинг «Зафар ва Заҳро», «Ҳақғўйлар» поэмаларида янада кенгроқ ва аниқроқ акс этган.

«Зафар ва Заҳро» поэмаси марказида судхўр бойнинг гўдак хизматкори — дехқон боласи Зафар ва бошпанасиз қолиб, муҳтоҷликда қийналган ишчи қизи Заҳро образлари туради. Шоир бу икки баҳтсиз ёшнинг оғир ҳаётини, орзу-истакларини, болаларга хос ха-рактерини, руҳиятини таъсирили ва табиий қилиб тасвирлаб берган. Поэма Покистон меҳнаткашларининг озодликка чиқишиларига, баҳтли ҳаётга муяссар бўлиши-ларига ишонч руҳи билан сугорилган. У қуйидаги оптимистик мисралар билан тугайди:

Покистоннинг болалари — етгай муддат!  
Сизни эркин, баҳтли ҳаёт қучгай албат!

Ойбек поэмаларида умумбашарий муаммоларни, меҳнат аҳлининг интилишларини, замонамиз кишисининг ҳис-туйгуларини, эзгу ниятларини, курашларини

ифодалашга алоҳида эътибор беради. Бу жиҳатдан, айниқса, даҳшатли атом урушининг олдини олиш муаммосига багишлаб ёзилган «Даврим жароҳати» поэмаси алоҳида дикқатга сазовордир. Поэмада инсонга муҳаббат, тинч ҳаётни улуглаш, урушни қоралаш туйғуллари ёрқин ифодаланган. Асарда Америка империалистлари томонидан 1945 йилда Япониядаги Хиросима ва Нагасаки шаҳарларига атом бомбасининг ташланиши ва унинг фожиали оқибатлари зўр ҳаяжон билан тасвиrlenган. Шоир бу шаҳарларга атом бомбасининг ташланганлиги ва умуман атом бомбаси билан қуролланишнинг кучайганини давримиз учун катта айб, давримизнинг соғлом танасидаги жароҳат деб атайди.

Ойбек достонда инсониятнинг баҳти — менинг шахсий баҳтим, инсониятнинг жароҳати — менинг юрагимдаги жароҳатдир, деган буюк ғояни таъсирили қилиб ифодалайди. Поэма атом урушини қораловчи, тинчликни улуғловчи жарангдор, пурҳикмат мисралар билан бошланади:

Қалбимда давримнинг жароҳати бор,  
Шунинг-чундир шеърим ғазабдор вулқон.  
Жаҳонга бир куни тинчлик бўлур ёр,  
Бомбани, зулмни унутар инсон!  
Лекин, Хиросима, унутмаймиз биз!  
Бир кунинг — қалбларга ташлади олов.  
У кундир — тарихда мотам кунимиз,  
Авлодлар қилғуси жаҳонгирга дов!  
Қалбингда, қонингда, жисмингда яра,  
Хасталик бандисан, тарк этди роҳат.  
Йигирма йилдирки, битмайди сира  
Меним ҳам қалбимда қолган жароҳат.

«Даврим жароҳати» поэмасида шоир ўз тақдирини инсоният тақдирни билан узвий боғлиқ эканини чукур ҳис этган ҳолда қалам тебратиб, бутун дунёда тинчликни сақлаш учун кураш ҳар бир соғ виждонли кишининг муқаддас инсоний бурчидир, деган ғояни олға суради. Поэмада сокинлик ва мантиқан теранлик хусусияти билан публицистик кўтаринкилиқ ўзаро бирлашиб, боғланиб кетган. Бу ҳол асарнинг таъсир кучини ошириб, унга ҳаётбахш оптимистик рух багишлаган. Инсониятнинг порлоқ истиқболига, тинчликсевар инсонларнинг куч-қудратига ишонч руҳини кучайтирган. «Даврим жароҳати» поэмаси бадиий жиҳатдан пухта ишланган.

Шундай қилиб, Ойбек бир умр шеърият билан шуғулланди ва ранг-баранг шеърий асарлар ёзиб, поэзиямиз хазинасига салмоқли ҳисса қўшди. Бироқ, Ойбек фақат моҳир шоир сифатидагина эмас, балки йирик носир сифатида ҳам машҳурдир.

\* \* \*

Ойбек ўз ижодини шоир сифатида бошлаб, бу борада яхши самараларга эришган бўлса-да, 30- йилларнинг иккинчи ярмига келиб катта насрий асарлар яратишни ўз олдига мақсад қилиб қўяди. Аввало бир нечта ҳикоя ва очерклар ёзиб, насрда маълум бир тажриба ва малака ҳосил қиласди. Сўнгра «Қутлуғ қон» романини яратишга киришади. Ойбек романнинг яратилиш тарихи ҳақида: «1937 йилда «Қутлуғ қон» романини ёза бошладим. Бу романни ёзиш учун материал йиғиб ўтирумдадим, болалигимдан ҳаётни кузатишни севганлигимданми, кўнглигимдан, хотирамдан «Қутлуғ қон» романни қуялиб келаверди. Романни қисқа фурсатда ёзиб тугатдим»,<sup>1</sup> — деб ёзган эди.

«Қутлуғ қон» (1939) — гоявий-бадиий етук асар. Унда ўтмиш ҳаёт ҳақиқати моҳирона кўрсатилган. Ўзбек халқининг 1917 йилгача бўлган оғир ҳаёти, ҳукмдорларга қарши озодлик йўлида олиб борган кураши эпик режада тасвирланган.

Романнинг бош қаҳрамони Йўлчи янги ҳаёт қурашчиси сифатида шаклана бошлаган ўзбек дехқонларининг умумлашма образидир. У динамик тарзда акс эттирилган. Йўлчи асар воқеасининг бошида қишлоқдан иш қидириб шаҳарга келади. Бу ерда у тоғаси Мирзакаримбойга учрашиб, ундан маслаҳат ва ёрдам кутади. Катта мулк эгаси Мирзакаримбой эса ўз жияни Йўлчига қариндошлиқ ҳис-туйғуси билан эмас, балки ҳукмдорлик ҳис-туйғуси билан қарайди. Бой зоҳирان Йўлчига ёрдам қилгандай бўлиб туюлса-да, аслида унинг мақсади бошқача эди. Мирзакаримбой Йўлчининг куч-куватга тўлган бақувват йигит эканлигини кўриб, уни ўз хўжалигига ишлатмоқчи, кучидан фойдаланиб янада бойимоқчи бўлади. Йўлчи бунга аввал тушунмайди. Лекин ҳаёт унинг кўзини очади. Йўлчи Мирзакаримбойнинг эшигига қароллик қилиб

<sup>1</sup> Адабиётимиз автобиографияси. 1973, 144- бет.

юрган кезларида эзувчиларнинг кирдикорларини кўриб, ҳаётдаги ижтимоий адолатсизликни аста-секин тушуна боради.

Йўлчи дастлаб: «Ажаб дунё экан! Ҳар ерда дехқоннинг иши чатоқ. Ери бўлса улови йўқ, улови бўлса ери йўқ. Кўпида иккиси ҳам йўқ. Мана, мен!.. Ҳозир қаёққа қарасанг менга ўхшашлар...» деб ўша ҳаётга «тил тегизади». Йўлчидағи бу норозилик кайфияти роман воқеалари давомида аллангаланиб боради. Мирзакаримбойнинг ўз қарамоғидаги батракларга ўтказган зулми, бойнинг уятсизларча ҳаракат қилиб, жияни Йўлчининг севгилиси Гулнорга уйланиши, Гулнорнинг бойваччалар томонидан ўғирланиши ва охир-оқибатда заҳарланиб ўлиши, маишатпараст Тантибойваччанинг қилмишлари, унинг ўз хизматкори Қамбарга ваҳшиёна муносабати, мардикорликка олиш пайтидаги адолатсизликлар, қисқаси, ижтимоий ҳаётдаги синфий тенгсизлик, ижтимоий адолатсизлик Йўлчининг сиёсий онг тушунчасида жиддий ўзгариш вужудга келтиради. Йўлчининг курашchan характеристини шакллантиради.

Йўлчининг ўсиб, курашчи — 1916 йилги миллий озодлик ҳаракатининг раҳбарларидан бири бўлиб етишувида унинг қамоқхонадаги сиёсий маҳбуслар билан учрашуви ҳам мухим роль ўйнайди.

Демак, романда Йўлчи характеристи ўсиш-ўзгариш шаклланиш жараёнида тасвирланган. Адиб дехқон йигит Йўлчининг синфий кураш гирдобида тоблана бориб, ҳалқ миллий озодлик ҳаракатининг фаол иштирокчиси ва йўлбошчиси даражасига кўтарилишини усталик билан акс эттирган.

Асар хотимасида Йўлчи меҳнаткашларни озодликка чиқариш йўлидаги исёнда қаҳрамонларча ҳалок бўлади. Романда Йўлчининг зулм ва адолатсизликка қарши кураши ва бу курашда мардларча ҳалок бўлиши гоят жонли, таъсирили акс эттирилган. Қамбағал косиб Шокир отанинг Йўлчининг синглиси Унсинга қаратадайтган қуийдаги сўзларида катта маъно бор: «Йўлчининг ўлими унча-мунча ўлим эмас. Бу жуда катта ўлим. Аканг, Йўлчи ўғлим, нима учун, ким учун қон тўқди? Ўзи учун эмас, ҳалқ учун, юрт учун, жамики аламзадалар, аламдийдалар учун қон тўқди. Бу қон энг қутлуғ, энг муборак, энг соғ қон... Қизим, аканг мард йигит эди, номусли йигит эди. Номус билан, мардлик билан ўлди.

У зулм илдизига болта урди. Инишоолло, зулм дарахти қурийди. Йўлчининг қони беҳуда кетмайди, сира беҳуда кетмайди. Бу ҳикматли қон, қутлуғ қон».

Ойбек романда Йўлчининг ижтимоий қиёфасини кўрсатиш билан бирга, унинг шахсий ҳаёти ва инсоний фазилатларини ҳам очиб берган. Асарда Йўлчининг ҳалол ва поклиги, соф вижданли ва самимийлиги, соддалиги, ростгўйлиги, мардлиги, инсонпарварлиги, севгига ва дўстга содиқлиги, онасига, синглиси Унсинга меҳрибонлиги ва бошқа хислатлари ёрқин очиб берилади. Йўлчи ҳалол ишлаб, ҳалол яшашни истайди. Меҳнатсиз кун кўришни, текинхўрлик қилишни асло ёқтирумайди. Шунга кўра, у Тантибовачча берган ҳаром пулларни олишдан ҳазар қиласиди. Йўлчи Тантибоваччанинг «пулнинг қадрини бил, лўлининг эшагини сугор, пулини ол», «пулдорларга эгил» деган «насиҳат»ларига жавобан «Йигитнинг юраги, номуси, одамгарчилиги пулдан азиз, пулдан юқори эмасми? Пулдорларга эгилиш пасткашлик эмасми? Эгилувчан билан тиламчи орасида нима фарқ бор? Оз бўлса ҳам пешона терим билан топаман, суқатойлик, мўлтониликка сира юрмайман»,— дейди.

Йўлчи ўзига ўхшаш камбағал Гулнорни бутун вужуди билан севади. Бой қизи — енгилтак Нурининг «муҳаббати»ни ва бойлигини рад этади. «Нури кетиши олдида тугунчакни Йўлчига берди... Йўлчи оғир бир хўрсиниб, тугунчакни қизнинг оёғи остига ташлади:

— Олиб кетинг, менга ҳеч нима керак эмас. На кийим, на пул! Ўз кучим билан топаман. Олинг ҳозир, опа!».

Шуниси характерлики, Йўлчи ўзи пулга, моддий ёрдамга муҳтоҷ бўлса-да, Шоқосим, Шокир ота сингари қашшоқлардан ҳеч нарсасини аямайди. Йўлчи ҳар доим ўзи каби камбағал-қашшоқларнинг мушкулини осон қилишга интилади. Зарур бўлиб қолганда уларга ўзининг охирги сўмини ҳам beminnat beradi.

Хуллас, романда меҳнаткаш ҳалқимизнини содда, мард, ҳалол, пок қалбли асл фарзанди сифатида катта муҳаббат билан тасвирланган. Йўлчи миллий қаҳрамон даражасига кўтарилган типик ва ёрқин образ. Йўлчининг ҳар бир ҳаракатини, ҳар бир руҳий ҳолатини ёзувчи психологик жиҳатдан асослаб берган.

«Кутлуғ қон» романида хотин-қизларнинг ранг-баранг образлари берилиган. Улар орасида, айниқса,

Гулнор образи ўқувчида катта таассурот қолдиради. Адид Гулнор образи орқали ўтмиш хотин-қизларининг аччиқ тақдирини, фожиали қисматини умумлаштириб беради. Гулнор содда ва самимий. Унинг ўзи ҳам, ахлоқ-одоби ва юриш-туриши ҳам ғоят гўзал. Унда гайритабиийлик ва сохталик йўқ. Аммо Гулнор ҳуқуқсиз. Унинг инсоний ҳуқуқлари ўша жамият томонидан оёқ ости қилинган. Шу сабабли у Йўлчини жондан ортиқ севгани ҳолда, қари чол Мирзакаримбой билан турмуш қуришга мажбур. Гулнор Салимбойвачча томонидан заҳарлаб ўлдирилганда ҳам ҳоким табақа бу фожиали воқеага бефарқ қарайди, пинагини ҳам бузмайди.

Романда Гулнорнинг ички кечинмалари, руҳий ҳолатлари ёрқин ифодаланган.

Гулнорнинг онаси Гулсумбибининг ўзи бир олам. У мушфиқ, меҳрибон она. Гулсумбиби ҳар нарсадан одамгарчиликни устун қўяди. Шу сабабли у бойларнинг мулкига учмайди, қизини Мирзакаримбой хотинликка олмоқчи эканини эшитгач, ғоят қийналади, руҳан эзилади. Гулсумбиби образида ўша давр оналарига хос итоаткорлик ҳам, заҳматкашлик ва меҳрибонлик ҳам ёрқин, таъсирли акс этган.

«Кутлуг қон» романнда Шоқосим, Қоратой, Ўроз, Шокир ота, Қамбар, Ёрмат, Унсин каби меҳнаткаш ҳалқ вакиллари образлари ҳам жонли, тўлақонли бўлиб чиққан. Бу образлар романда ўз ўрнига эга. Улар асарнинг ғоявий мазмунини, шу билан бирга, бош қаҳрамон Йўлчи характеридаги етакчи хусусиятларни очиб беришга бевосита хизмат қиласди. Чунончи, Шоқосим образида «жонини жабборга бериб», бой ерида тер тўкиб ҳалол ишлаган қаролларнинг аччиқ қисмати кўрсатилган. Шокир ота образида эса камбағал косибларнинг оғир ҳаёти акс эттирилган. Қирғиз йигити Ўроз, темирчи Қоратой, хизматкор Қамбар образлари орқали ҳам ҳалқ турмушининг турли қатламлари ҳаёти очиб берилган.

Романда ҳар бир образнинг ўзига хос ҳаёт йўли ва индивидуал хусусиятлари ёрқин тасвиrlанган. Бу жиҳатдан, хусусан, Ёрмат образи характерли. Ёрмат камбағал, у Мирзакаримбойнинг хизматкори. Лекин у узоқ йиллар давомида ўзининг кимлигини билмай юради, ўзини бошқа қароллардан юқори қўяди, уларга бўлар-бўлмасга иш буюриб, катталик қиласди. Ёрмат Мирзакаримбой мулкини ўз мулким деб ҳисоблади.

Чунки у Мирзакаримбой билан ўзи ўртасида ер билан осмонча фарқ (синфий тенгсизлик) борлигини сезмайди. Аммо Ёрмат кейинчалик ўзининг алданиб юрганлигини англаб етади, золим, виждонсиз бойлардан қасос олишга аҳд қиласди. Ёрмат қизи Гулнор қабри устида онт ичиб, шундай дейди: «Ҳаммасини қираман, даданг энди қўрқмайди. Улар энди хўжайин эмас менга, қизим. Елкамга хўп минишди. Энди бас! Кўзим очилди, Гулнор. Лекин, бу кўз қурғур жуда кеч очилди. Юрагимга заҳар юрганда очилди. Юрагим сен эдинг, Гулнор... Э воҳ, эсиз умр, эсиз қизим».

Ойбек романда меҳнаткаш халқ вакиллари ҳаётини, орзу-истакларини, кураш йўлларини тасвирлаш жараёнида ўша давр ижтимоий ҳаётининг кенг ва ёрқин манзарасини чизган. Ҳаётдаги ижтимоий тенгсизлик ва ижтимоий адолатсизликни ҳаққоний акс эттирган. Бунда Ойбек ижобий образлар билан бир қаторда, салбий образлардан ҳам ўринли фойдаланган. Дарҳақиқат, романда ижобий образларга қарама-қарши ҳолда Мирзакаримбой, Ҳакимбайвачча, Салимбайвачча, Тантибайвачча, Фазлииддин, Нури сингари салбий образлар яратилган. Ҳар бир образнинг ўзига хос характеристери аниқ, такрорланмас даражада оригинал ва реал қилиб чизиб берилган. Мирзакаримбайнинг катта ўғли Ҳакимбайвачча образида маҳаллий буржуазиянинг завод-фабрика ҳамда савдо-сотиқни ривожлантириш орқали сармоя устига сармоя қўшишга интилиши, унинг йиртқич қиёфаси фош этилган. Мирзакаримбайнинг кичик ўғли Салимбайвачча ва куёви Тантибайвачча образлари орқали эса маҳаллий буржуазия вакилларининг инқизорзи, уларнинг маънавий тубан ҳаёти очиб ташланган. Ҳар учала бойвачча ҳам одамгарчиликдан маҳрум. Улар бир-бирини алдаш, бир-бирига фириб бериш, зимдан қора ишларни бажариш, ахлоқсиз ҳаёт кечиришни ўзларига одат қилиб олганлар.

Романдаги салбий типлар ичida айниқса Мирзакаримбой образи пухта ишланган. Ёзувчи Мирзакаримбой образи орқали маҳаллий бойларнинг типик хусусиятларини очиб берган. Мирзакаримбой золим, виждонсиз. У, айниқса, пулга ва ерга ўч. У жияни Йўлчига насиҳат қилган бўлиб, ўзининг ҳаёт ва одамлар ҳақидаги фалсафасини қуйидагicha баён қиласди: «Ер сотган — эр бўлмайди. Эр — ер сотмайди». Мирзакаримбайнинг фалсафасига кўра «Пул — ҳамма нарсанинг отаси. Пул

белга қувват, бошга тож. Пулдор одам — қанотли одам. Бу қанот билан Мағрибдан Машриққача учасан, ҳар ерда ошна-оғайни, дўст-ёр топасан».

«Қутлуғ қон» романида жадид Абдушукур образи ҳам тасвиirlанган. Маълумки, «Қутлуғ қон» яратилган йилларда жадидизмга ўз даврининг прогрессив ҳаракати деб эмас, аксинча, реакцион ҳаракати деб қараларди. Ана шу қараш таъсирида романдаги Абдушукур образи салбий тип сифатида талқин этилган.

«Қутлуғ қон» романи тил ва бадиий маҳорат жиҳатидан ҳам гоятда диққатга сазовор. Асарда адаб образ яратишда психологияк таҳлил санъатидан, шунингдек, ҳалқ тили бойликларидан усталик билан фойдаланган. Образ характерини, персонаж тилини индивидуаллаштиришга алоҳида эътибор берган. Шунга кўра, романдаги ҳар бир образнинг ўз ички-ташқи дунёси бор, ўз характери ва индивидуал тили бор. Масалан, жадид Абдушукур тилидан ишлатилган «ғолибо мақсад», «каминанинг гоявий ҳаёти», «эвоҳ заволи Туркистон», «миллий сармоя», «ўз бойларимиз — мусулмон бойларимиз» сингари сўз ва иборалар бу образ тилига индивидуал тус берган.

Романда персонажлар тили сингари муаллиф нутқи ҳам катта маҳорат билан ишланган. Асарда Ойбек жонли ҳалқ тили бойликларидан — ҳалқ мақоллари, ҳикматли сўзлар, образли иборалардан, шунингдек, ўхшатиш, сифатлаш, жонлантириш, муболага, мажоз каби тасвирий воситалардан унумли фойдаланган. Бундан ташқари, ёзувчи ҳалқ мақол ва афоризмлари даражасида турувчи «ер сотган — эр бўлмайди», «ҳалқ ўз ишини билиб қиласди», «ўтинсиз қозон қайнамайди» сингари сермазмун, чиройли жумлалар ва образли иборалар яратган.

«Қутлуғ қон» романи сюжет ва композиция жиҳатидан ҳам таҳсинга лойиқdir. Унда асар гоясини ва образлар характерини очишга хизмат қилмайдиган тасвиirlар, ошиқча воқеа ва эпизодлар йўқ. Ёзувчи воқеалар тасвирини ортиқча чўзмайди. Воқеадан воқеа чиқариш ва уларни табиий тарзда бир-бири билан боғлаш орқали асосий сюжет чизигини вужудга келтиради. Шу билан бирга, сюжетни характер яратиш ишига моҳирона хизмат қилдирали.

Ойбекнинг «Навоий» (1944) романи ўзбек адабиёти тарихида фахрли ўринни эгаллайди. «Навоий» тарихий-

биографик роман жанрининг нодир намунасиdir. Роман марказида улуг ўзбек шоири ва мутафаккири Алишер Навоий образини яратиш масаласи туради. Навоий образини чизиш жараёнида ўзбек халқининг XV асрдаги маشاқатли, мураккаб ва оғир ҳаёти, орзуистаклари, эзгу интилишлари акс эттирилади. Роман мазмуни ўша давр руҳи билан сугорилган, асарнинг бош қаҳрамони — Навоий образи тарихий-ҳаётий воқеалар заминида ёрқин кўрсатилган. У ўз даврининг фарзанди, ўша давр илғор гояларининг ифодачиси ва тарғиботчиси сифатида тасвирланган.

Роман воқеаси Алишер Навоийнинг Самарқанддан Ҳиротга қайтиши эпизоди билан бошланади ва Навоийнинг ўлимини акс эттириш билан тугайди. Демак, асарда Навоий ҳаётининг сермазмун йиллари тасвирланган. Асарда Навоийнинг олижаноб фазилатлари, ажойиб хислатлари, ватан, халқ ва адабиёт олдидағи буюқ хизматлари бирин-кетин очила боради. Навоий образи романда аввало эл ва халқ учун қайғурувчи, она юртнинг баҳт-саодати ҳақида жон куйдирувчи,adolat ва ҳаққоният учун астойдил интилувчи улуг сиймо сифатида намоён бўлади. Навоий ўз дўстларига насиҳат қилиб, «ҳар нечук фалокатни даф этмоққа ғайрат қилмоқ керак... Муборак ватанинг, эл-улуснинг саломатлиги учун фидокорлик кўрсатмоқ вазифамиздир. Сиздан тилагим шулки, бир-биримизга, давлатга, юртга вафо, садоқат, муҳаббат билан боғланайлик. Вафо ва муҳаббат — улуг қудратдир», — дейди.

Навоий ўз ҳаёти ва фаолияти давомида мамлакатни хонавайронлиқдан, эл-юртни ўзаро бемаъни урушлардан ва тарафкашлик жангларидан асрашга тиришади. Юртни тинчлантириш, шаҳарларни обод қилиш йўлида тинмай кураш олиб боради. Алишер Навоий илм ва санъат аҳлларига маънавий ва моддий ёрдам беради. Ақлнинг қудратига, унинг зулм ва нодонлик, жаҳолат ваadolatsizlik устидан ғалаба қилишига қаттиқ ишонади. Ана шунинг учун ҳам буюқ шоир «давлат арбоблари ақл ваadolatни шиор қилсалар, халқни парвариш этсалар ҳаётнинг зангини олтинга айлантироқ мумкин... Зероки, инсонлар ҳақ йўлни ақл нури билан топмишлар. Ҳар турли мушқулотларни ҳам ақл билан ҳал этмишлар», деб ҳисоблайди. Ойбек романда Навоий тимсолида XV асрнинг халқ оммасининг оғир турмушини енгиллаштириш учун ҳаракат қилган, халқ

ва эл учун қайғурган илғор кишиси образини яратар экан, улуг донишмандимизнинг халққа муносабати, халқ кучига, халқ қудратига ишончини ҳаққоний тасвиrlайди. «Зеро халқ шундай дарёи азимки, у тошса, унинг мавжидан на шоҳнинг қасри, на дарвешнинг қулбаси қолур. У шундай бир ўтки, унинг бир учқуни тушса, на хашакни қўяр, на фалакни...» дейди Навоий.

Ойбек романда буюк шоир образини яратишида Навоийнинг ўзбек тили ва адабиётiga бўлган муносабати тасвиридан ҳам ўринли фойдаланган. Романда ҳаққоний тасвиrlанганидек, Навоий ўз она тилиси — ўзбек тилини дил-дилдан севади. Унинг гўзал ва бой тил эканини инкор қилувчиларга қарши дадил қурашади. Ўзбек тилининг бойлигини амалда<sup>намойиш</sup> қилувчи ажойиб бадиий асарлар яратади. Ойбек романда Алишер Навоий бошқа тилларни ҳеч бир камситмаганлиги ни тўғри таъкидлайди. Романда Навоий шоир Биноийга эътиroz билдириб: «Биз форс тилининг қудрат ва аҳамиятини, у тилдаги асарларнинг ҳусн ва салобатини ҳеч вақт инкор этмадик. То гўдакликдан бошлаб форс тилида ҳам қалам сурмоқдамиз. Аммо тилимизнинг афзаллиги биз учун улуғ ҳақиқатдир. Биз гўдакликда бу ҳақиқатнинг ишқини кўнглимизга жо қилганмиз, ўлгунимизча бу ишқни сақтаймиз! Шаҳарларни, қишлоқларни, сахро ва тоғларни тўлдирган эл-улусимиз, ургуғ-аймогимиз бор, унинг ўз завқи, фаҳм-идроқи бор. Биз элимизнинг завқини, табиатини назарда тутиб, унинг ўз тилида қалам сурайликки, унинг кўнгли фикр гуллари билан тўлсин. Туркона соз билан тараннум этайликки, элнинг юраги мавжга келсин. Сўз гулшанидан ўзга эллар қаторида бизнинг элимиз ҳам баҳраманд бўлсин»,— дейди.

Романда Навоий образи билан бир қаторда Ҳусайн Бойқаро, Абдураҳмон Жомий, Ҳадича бегим, Мўмин Мирзо, Дарвешали, Биноий, Маджидиддин сингари тарихий шахслар образи ҳам берилган. Фоят усталик билан яратилган бу образлар асар ғоясини, шунингдек, бош қаҳрамон характеристини очища мухим ўрин тутади. Чунки, адид бу образлар воситасида ўша давр ҳаётини, жумладан, амир ва бекларнинг адолатсизлигини, золимлигини, шаҳзодаларнинг бебошлиги, подшоҳ саройининг фитна ва адоват уяси эканини очиб ташлаган. Асарда подшоҳ Ҳусайн Бойқаронинг ўз ўғли Бадиуззамонга қарши жанг қилиши, набираси Мўмин Мирзо

(Бадиуззамоннинг ўғли)ни қатл этиш ҳақида ноҳақ фармон бериши, шаҳзодаларнинг бир-бираига қарши қилич қайраши, хиёнат қилиши сингари фожиали воқеалар, зиддиятлар ғоят таъсирили қилиб ифода-ланган.

Романда тарихий шахс образлари билан бирга, Султонмурод, Дилдор, Арслонқул, Зайниддин, Тўғонбек сингари бадиий тўқима образларнинг ҳам аҳамияти катта. Ойбек бу образлар орқали ўша даврдаги маълум ижтимоий гурухлар ҳаётини умумлаштириб кўрсатиб берган. Шунингдек, бу образлар воситасида бош қаҳрамон Навоий характерини, унинг фазилатларини янада ёрқинроқ очган.

Султонмурод сиймосида илмга берилган илғор кишилар ҳаёти тасвиrlанган ҳамда Навоийнинг илм аҳлига ғамхўрлиги очиб берилган. Султонмурод образи ўзгариш — камолат жараёнида кўрсатилган. У авваллари «халқ тирикчилигидан узоқ яшар, унинг дардларига бегона эди». Воқеа давомида Султонмурод турли-туман адолатсизликларга дуч келади. Ҳар хил ниятдаги одамлар билан тўқнашади. Натижада унинг ҳаётга, одамларга қарашлари ўзгара боради. Охирида Султонмурод: «Бек, мен сизнинг ҳузурингизга уйланиш қайгусида келмадим... Мен ҳозир ўзгаларнинг баҳти ва севгиси учун ғамхўрлик қилурмен. Кишиларни баҳтли кўрмакнинг ўзи ҳам баҳтдир», деб ўзгаларни беминнат ҳимоя қиласди. Султонмурод ўз устози Алишер Навоийнинг: «Илм дарахтини яхши парвариш этиб, юрт тупроғига чуқур томир ёйдирмоғимиз ва ундан мўл ҳосил олмоғимиз керак», деган маслаҳатига сидқидилдан амал қиласди.

Султонмурод сингари Арслонқул ҳам Навоийдан кўп яхшиликлар кўрган. Дарвоқе, Арслонқул тимсолида XV асрнинг содда ва иродали, қийинчиликлардан қўрқмайдиган, содиқ ва мард, меҳнатсевар деҳқон йигити образи тасвиrlанган. Шу билан бирга, бу образ воситасида Навоийнинг камбағалпарварлиги, адолат-парварлиги, ватанпарварлиги янада ёрқинроқ очиб берилган. Навоий Арслонқулнинг инсоний фазилатларини ғоят қадрлайди. Навоий Арслонқулга «Сен халқ ўғлисен. Иншоолло халққа фойдали ишлар қиулурсен, навкарларни яхши парвариш этиб, юртнинг осойишталигига тайрат ва ҳимматингни асло аямассен», — деда маслаҳат беради.

Романда халқ фарзанди Арслонқул образига қара-ма-қарши ҳолда Тўғонбек образи яратилган. Тўғонбек образи воситасида тож-тахт ва амал талашиб юрган бебош беклар ва уларнинг бебурд, сотқин, золим, майшатпарамаст шерикларининг кирдикорлари фош этилган. Тўғонбек салбий тип. Унда разиллик, хиё-наткорлик, худбинлик ва виждансизлик каби салбий хусусиятлар мужассамланган. Тўғонбек шаҳзода ва бекларга хизмат қилиш йўлида ҳар қандай пасткашлик-лардан қайтмайди. Хиёнат устига хиёнат қилишдан тоймайди. У Мажидиддин ва Музаффар Мирзога тил-ёғламалик қилиб, солиқ йиғиш баҳонасида кам-бағалларга зулм қиласди. Арслонқулнинг севгилиси Дилдорни ўғирлаб қочади. Дўстларига ҳам, давлатга ҳам содиқлик қилмайди. Тўғонбекнинг қилмишлари унинг Арслонқул томонидан чўлда ўлдирилиши билан якунланади.

«Навоий» романида деҳқон қизи, сулув Дилдор характери ҳам ёрқин гавдалантирилган. Дилдор образи орқали ўша даврдаги хотин-қизларнинг аччиқ тақдири ва Навоийнинг инсонпарварлиги, унинг ошиқ-маъшуқ-ларга бахт, аёлларга тенглик раво кўриши тасвиранган. Қишлоқ қизи Дилдор золим Тўғонбек томонидан жабрланади. Тўғонбек уни ўғирлаб, зўрлик билан Ҳиротга олиб боради ва ўз хўжайнини Мажидиддинга тортиқ қиласди. Ҳийлакор вазир Мажидиддин эса уни подшоҳ Ҳусайн Бойқарога ҳадя қилиб, ўз қора ниятига етади — мансаб зинасидан юқорироқ поғонага кўтари-лами. Дилдор подшо ҳарамида яшашга асло рози бўлмайди, посбонни ўлдириб, ҳарамдан қочади. Лекин тезда ушланиб, зинданга ташланади. Воқеа давомида қиз тақдирига Алишер Навоий аралашади. Натижада ҳақ қарор топади. Дилдор зиндандан озод қилинади, ўз севгилиси Арслонқул билан қовушади.

Шундай қилиб, «Навоий» романида XV аср ҳаёти учун типик бўлган воқеалар тасвиранган, ранг-баранг образлар яратилган. Ёзувчи образ яратищда психологик таҳлилдан, тил имкониятларидан усталик билан фойда-ланган.

Ойбек урушдан кейинги даврда «Олтин водийдан шабадалар», «Покистон таассуротлари» (1950), «Нур қидириб» (1957), «Кўёш қораймас» (1959), «Болалик» (1963), «Улуғ йўл», «Алишернинг ёшлиги» (1967) синга-ри йирик прозаик асарлар яратган. Бу асарлар мав-

зуининг хилма-хиллиги, гоявий мазмунининг тиниклиги, қаҳрамонлар характерининг аниқлиги билан китобхонларни ўзига жалб этади.

«Олтин водийдан шабадалар» Ойбекнинг қишлоқ мавзуига багишлаб ёзилган биринчи романидир. Роман воқеаси урушдан кейинги дастлабки йилларда бўлиб ўтади. Асар сюжети марказида жангчи Ўқтамнинг фронтдан ўз қишлоғига қайтиб келиши, жамоа хўжалигининг иқтисодини, хусусан, пахтачиликни кўтариш учун, дехқонларнинг моддий ва маънавий ҳаётини яхшилаш учун олиб борган жонбозликлари, ГЭС қурилиши, янги ерларни ўзлаштириш соҳасидаги ташаббускорлиги каби муҳим ва долзарб масалалар турди. Романда жамоа хўжалигидаги қайноқ ҳаёт, унумли меҳнат, дехқонлар психологиясидаги ўсиш ва ўзгаришлар, шаҳар билан қишлоқ ўртасидаги алоқа, халқлар дўстлиги, эскилиқ сарқитларига қарши кураш сингари масалалар ёритилган. Ойбек Ўзбекистон қишлоқларини ҳақли равишда олтин водий деб атайди ҳамда ана шу олтин водийда яшаб «оқ олтин» ярататган одамларимиз образини тасвирлайди. Романда Ўқтам, Комила, Собир, Тансик, Анор, Мирҳайдар ота, Ўсар, Акаскин, Саксон ота сингари ижобий образлар яратилган. Муаллиф бу образларни яратишда, хусусан, романнинг бош қаҳрамони Ўқтам Носиров характерини очишда катта ютуқларга эришган.

Ўқтам — урушдан кейинги дастлабки йиллардаги жамоа хўжалиги раҳбарларининг типик образидир. Асарда Ўқтам характерининг ўзига хос томонлари — унинг қаттиққўллиги, оқкўнгиллиги, содда ва ишчанлиги, баъзи ҳолларда бир оз қўполлиги аниқ кўриниб турди. Ойбек Ўқтамнинг шахсий ҳаётини, унинг қўшни жамоа хўжалиги раисаси Комилани севишини, улар ўртасидаги самимий муносабатларни ҳам аниқ ифодалаган.

«Олтин водийдан шабадалар» романида Комиланинг ижтимоий фаолияти, шахсий ҳаёти, ички кечинмалари самимият ила тасвирланган. Комила пок қалбли, юксак ахлоқли, меҳнатсевар ўзбек қизининг ёқимли, бегубор ва ҳаққоний образи сифатида китобхонда яхши таассурот қолдиради.

Агроном Акаскин, инженер Астахов образлари ҳам роман гоясини ифодалашда муҳим роль ўйнаган. Бу образлар воситасида халқлар дўстлиги улуғланган.

Ойбек романда ижобий образлар билан бирга, Аширмат, Боқижон, Насимжон, Мастура, Каримқул сингари салбий образлар ҳам яратади. Бу билан Ойбек ўша вактларда адабиётда илдиз отган конфликтсизлик «назария»сига амалда қарши чиқади.

Романдаги салбий образлар, айниқса, даллол Аширмат образи усталик билан чизилган. Ёзувчи Аширматнинг шаҳардан қишлоққа қариндоши Мираҳмаднинг кига мәҳмон бўлиб боришини, унинг очкӯзлигини, тамағирлигини, катта бойликка шерик бўлиш мақсадида бетайин ўғли Боқижонга жамоа хўжалигидағи қиз Тансиқни олиб бериш йўлидаги кирдикорларини сатира тифига олиб кўрсатиб беради.

«Олтин водийдан шабадалар» романни тил, сюжет ва композиция жиҳатидан ҳам бир қатор фазилатларга эга. Бироқ роман мавзуини ёритишда, замондошларимиз образини яратишда баъзан юзакичиликка йўл қўйилган.

Ойбекнинг «Қуёш қораймас» романидаги Ватан уруши мавзуи акс эттирилган. Фашист босқинчиларининг ёвузлиги, жангчиларимизнинг қаҳрамонлиги, халқлар ўртасидаги дўстлик, партизанлар ҳаракати ҳаққоний тасвиrlанган.

«Қуёш қораймас» романининг ғоявий мазмунини ёзувчи капитан Ҳамроқулов тилидан қўйидагича ифодалаган: «Бу уруш — ҳаёт-мамот уруши. Гитлерга қул бўлганимиздан кўра мардларча майдонда ўлганимиз дуруст... Ўзбек халқи энди қанотини роса ёза бошлаган эди. Ўзбек халқи эндиғина қуёшли йўлга чиққан эди. Гитлер ана шу қуёшли қора булутдай ўрамоқчи. Йўқ, чучварани хом санайди, хом калла! Фашистларнинг бўйинтуруғини судрамаймиз. Халқимизнинг шарафи учун, баҳти учун жонни, қонни фидо қиласиз».

Романнинг ғоявий мазмунини унинг сарлавҳасида ҳам ўз ифодасини топган. Ойбек романни «Қуёш қораймас» деб аташ билан қуёш абадий қораймагани сингари адолат ва ҳақиқат учун мардона жанг қилаётган халқимизни енгиш асло мумкин эмас, тарих ғилдирагини орқага қайтариб бўлмайди, деган муҳим фалсафий ғояни илгари сурган.

«Қуёш қораймас» романидаги бевосита фронт воқеалири, қўшинларимиз томонидан фашист босқинчиларига қарши олиб борилган жанг манзаралари чизилади. Воқеа, асосан, бир батальоннинг жанговар ҳаёти

тимсолида намоён бўлади. Ойбек асарда жанговар фронт ҳаётини, жангчилар руҳиятини, ҳис-туйгуларини, жанг манзараларини аниқ тасвирилаган. Ҳар бир воқеа, ҳар бир образ чуқур мулоҳаза ва ҳаётий воқеалар билан асослаб берилган. Шунинг учун ҳам романда ҳамма нарса табиий, ишонарли ва жонли чиққан.

«Қүёш қораймас» романида халқ асосий қаҳрамон сифатида гавдаланади. Ёзувчи халқ оммасини (хусусан, қаҳрамон жангчиларимизни) уруш тақдирини ҳал қилувчи, ғалабани таъминловчи асосий куч тарзида кўрсатган ва самимият билан улуғлаган. Ойбек жангчиларимизнинг темир интизомини, қўтаринки кайфиятини, улар ўртасидаги мустаҳкам дўстликни тасвирилаб, «булар бир оила болаларидай, бир-бирига яқин, меҳрибон, жуда totuv эдилар», деб ёзади.

Романда Бектемир, Али тажанг, Асқарполвон, Дубов, Николин, Рашид, Салима сингари жангчи образлари жонли ва ишонарли чиққан. Ёзувчи бу образлар воситасида жангчиларимизнинг, хусусан, ўзбек йигитларининг уруш давридаги жанговар ҳаётларини умумлаштириб кўрсатган.

Асарнинг бош қаҳрамони Бектемир — ўзбек жангчиларининг типик вакили. У бутун борлиги билан она-Ватанини севади ва ёвга қарши фидокорона жанг қилади. Бироқ Бектемир дастлабки пайтларда фронт шароитига кўнига олмай, қийналади. Авваллари у ҳарбий таълимнинг аҳамиятини тушунмайди. Кейинчалик Бектемир воқеалар давомида ўсиб, чиниқади, «солдатча яшашга ўрганади», жанг қилиш санъатини эгаллаб олади. Асарда Бектемир характерининг шаклланиши, унинг жанг оловида тобланиб, ўсиб-ўзгариши ҳаққоний тасвириланган.

Бектемир мард жангчигина эмас, ҳақиқий инсон, чин дўст ҳам. Бу жиҳатдан Бектемирнинг фашистлар томонидан онаси ўлдирилган тўрт яшар қизча Зина ҳаётини сақлаб қолиш йўлидаги жонбозликлари таъсирли чиққан. Бектемир жанг пайтида ўз ҳарбий қисмидан адашиб қолиб, сарсон-саргардорон бўлиб юрган чоғида ўрмонда тасодифан шу қизчани кўриб қолади. «Бектемир унинг совуқ қотган жажжи қўлларини пуфлаб-пуфлаб иситади», қизчани ўлимдан қутқариб қолиш учун уни ҳафталар давомида авайлаб кўтариб юради, парвариш қилади. Охир-оқибатда Зинани хавфхатарсиз жойга олиб бориб тинчиди.

«Қуёш қораймас» романида ўзбек жангчи йигитларининг хилма-хил образлари яратилган. Ёзувчи бунда образ характерини, онг-тушунчалини, дунёқарашини, ҳатто персонаж тилини индивидуаллаштириб берган. Шу билан бирга, ўзбек жангчилари образини яратишда миллий хусусиятлар тасвиридан ўринли фойдаланган.

«Қуёш қораймас» романи халқлар дўстлиги ғояси билан сугорилган.

Ойбек романда халқ мақоллари, сўз ўйинларидан ўринли фойдаланиш билан бирга, ўзи ҳам халқ афоризмлари даражасида турувчи ҳикматли жумлалар яратган. «Қўшиқ — қишида солдатнинг руҳи учун гулхан», «Ботирдан ўлим ҳам қочади», «Тилакли йигит — қанотли йигит», «Хат ярим дийдордир», «Ўқсиз солдат — қиличсиз қин», «Йигит ҳусни — қаҳрамонлик», «Дўст сўзини ташлама, ташлаб бошинг қашлама», «Қўрқмас қирқ йил қирғинда юрса ҳам қилич ўтмас» каби мазмунли ва образли жумлалар фикризининг исботидир.

«Қуёш қораймас» романида асар ғоясини образли қилиб очищаши, сифатлаш, жонлантириш, муболага, истиора сингари бадиий-тасвир воситаларидан унумли фойдаланилган. Масалан: «Бу вилоятнинг самоси ғалвирдай сув тутмас бўлганидан ёмғир ёз бўйи роса қўйди», «Яна ер фифон кўтариб титради, ҳавода тупроқлар минораси юксалди», «Тутун ва оловга чулғанган самода яримта ой гўё изтиробдан юзи қийшайгандай мунгли йилтиради», «Мен ёссан ҳарфлар худди найзадан қочган фашистдай сафдан чиқиб кета беради»...

Ойбекнинг сўнгги романи — «Улуг йўл»дир. Бу роман ғоявий мазмун ва мундарижа жиҳатидан ёзувчининг «Қутлуг қон» романига яқин туради. Бу икки роман мазмунан бир-бирини тўлдириб, ўзига хос бир дилологияни ташкил этади. Зотан, «Улуг йўл»да «Қутлуг қон» романида тасвирланган воқеа айнан бўлмаса-да, ҳарҳолда мантиқан давом эттирилади. «Улуг йўл» романида воқеа 1916 йил охирларидан («Қутлуг қон» воқеаси тугаган пайтдан) бошланади.

«Улуг йўл» билан «Қутлуг қон» романлари ғоявий мазмун жиҳатдан бир-бирини тўлдириб, бир бутунликни ҳосил этса-да, бу икки роман ўзаро бир-биридан фарқ қилувчи қатор индивидуал хусусиятларга ҳам эга. «Қутлуг қон»да характерлар мантиқи биринчи ўринда

турса, «Улуг йўл»да публицистик рух устун: романнинг ғоявий мазмуни, кўпинча, оммавий саҳналарда намоён бўлади (тўғри, «Улуг йўл» романида ҳам пухта ишланган реалистик образлар мавжуд).

Асарнинг бош қаҳрамони Умарали — ўша даврдаги ўзбек зиёлиларининг умумлашма образи. Дастрлаб Умарали онг-тушунчаси чекланган диндор йигит сифатида кўринади. Ҳаёт унинг кўзини очади. Умарали онгида жиддий ўзгариш рўй бера бошлайди. У астасекин ўзининг аввалги эътиқодидан қайтади ва халқ манфаати учун изчил курашадиган инсон даражасига кўтарилади.

Бироқ романда Умарали характерининг шаклланиши (унинг онгидаги эволюция) тасвирида изчиллик етарли эмасдай. Натижада бу масала бадиий ҳақиқат даражасига кўтарилемаган. Шунингдек, романда образлар миқдори ҳам кўпайиб кетган.

Ойбекнинг «Нур қидириб» қиссасида Покистон меҳнаткашларининг оғир турмуши, илгор зиёлиларининг нурли ҳаёт қидириб, озодлик, тинчлик ва ижтимоий тенглик йўлида олиб борган изланишлари, халқ ва ватан манфаати учун фидокорлик кўрсатишлари аниқ акс этирилади. Асар марказида илгор фикрли ёш ўқитувчи Аҳмад Ҳусайн образи туради. Аҳмад Ҳусайннинг ҳаёт йўлини тасвирлаш орқали ёзувчи Покистон тараққийпарвар зиёлиларининг истиқбол йўлидаги курашини умумлаштириб кўрсатган.

Аҳмад Ҳусайн «Худди игна билан қудук қазандай, минг азоб билан ўзи касб этган билимларини халққа беришни умр ғояси деб билар эди». Бироқ у ўзининг ана шу эзгу ниятини амалга оширишда турли қийинчиликларга, хилма-хил тўсиқларга дуч келади. Ишдан ҳайдалади, тухмат остида қолади. Ўз шаҳрини ташлаб, узоқ жойларда сарсон-саргардон бўлиб юради.

Авваллари ҳақ ва адолат йўлини тополмай, турли жабхаларда адашиб юрган Аҳмад Ҳусайн охир-оқибатда жабр-зулм ва ижтимоий адолатсизликдан қутулиш йўлини қидириб топади. Ҳақиқат она-Ватан манфаати ва меҳнаткаш халқ баҳт-саодати йўлидаги ҳаёт-мамот курашида рўёбга чиқишини англаб етади. Ана шунинг учун ҳам севгилиси Искандарога қараб дейди: «Ҳаётнинг бутун машаққатларига чида бурушишмоғимиз, ва ҳукуматдан ҳақимизни талаб қилмоғимиз керак. Мушкулликлар, фожиали воқеалар кўп, чора, даво,

тадбир излаймиз. Бизга адилар, шоирлар, ҳақиқий жасур курашчилар лозим!»

«Нур қидириб» қиссасида баъзи нуқсонлар ҳам бор. Қиссанинг айрим саҳифаларида ҳаёт ҳақиқатини ёрқин тасвирлаш, воқеа-ҳодисаларни образли кўрсатиш ўрнига асарнинг гоявий мазмунини баён этиш, мақсадни уқтириш билан чекланиб қолиш ҳоллари учрайди. Образ яратишда, характер камолатини беришда ҳам баъзан баёнчиликка майллик билдирилади. Бу ҳол айрим образлар (жумладан бош қаҳрамон Аҳмад Ҳусайн образи)нинг ҳар жиҳатдан мукаммал ва тўлақонли бўлишига ва умуман, асарнинг жозибадорлигига оз бўлса-да, салбий таъсир этган.

Ойбекнинг «Болалик» қиссаси эсдаликлар жанрида ёзилган. Асарда бош қаҳрамоннинг биографияси халқ ҳаёти, давр ҳодисалари, ижтимоий ўзгаришлар билан узвий боғлиқ ҳолда тасвирланган. Қиссада бош қаҳрамон Мусабойнинг биографияси (болалик чоғлари)ни ҳикоя қилиш фонида ўша йиллардаги халқ ҳаётининг кенг, ҳақиқий манзараси чизилган. Ана шунинг учун ҳам «Болалик»ни ўқиши орқали ўша давр ҳақида, халқимизнинг ижтимоий ҳаёти, кураши, орзу-истаклари, урф-одатлари ҳақида кўп нарсани билиб олиш мумкин. Бу қиссанинг маърифий ва эстетик аҳамияти ҳам асосан шунда.

«Болалик» қиссасида акс эттирилган воқеалар маълум бир сюжет чизигига бирлашиб, бир-бири билан боғланиб кетган. Қисса ўз услубининг майинлиги, лиризмга бойлиги, воқеалар мантиқининг кучлилиги ва изчиллиги, образларнинг аниқлиги, повесть тилининг равон ва жозибадорлиги билан китобхонларга манзур бўлди.

Ойбек бу қиссани ёзиш билан ўзининг болалар дунёсини, кичкинтолар психологиясини қанчалик чуқур билишини намойиш этди. Чунки бу асарда болалар характери ва психологиясининг турли хил, ҳатто, баъзан кўз илгамас даражада нозик бўлган мураккаб томонлари ҳам моҳирлик билан очиб берилган. Худди шу фазилат, аникроғи, болалар характери, ички дунёси, тушунчалари доирасини ҳис этиш ва уларни чуқур оча билиш хусусияти Ойбекнинг «Алишернинг болалиги» номли сўнгги қиссасида ҳам яққол намоён бўлган.

Ойбекнинг адабиётшунослик ва бадиий таржима соҳасидаги хизматлари ҳам буюкдир. Ойбек А. С. Пушкиннинг «Евгений Онегин» шеърий романини, М. Лермонтовнинг «Маскарад» драмасини, «Демон» поэмасини, Генрих Гейненинг «Қулдор кемаси» достонини ва «Лирик шеърлар»ини, В. Г. Белинскийнинг «Поэзиянинг хил ва турларга бўлиниши» номли илмий асарларини... ўзбек тилига катта маҳорат билан таржима қилган. Академик Ойбек адабиётшунос олим сифатида «Лирика ҳақида», «Сўнгги йиллардаги ўзбек поэзияси», «Абдулла Қодирийнинг ижодий йўли», «Ўзбек классиклари», «Навоийнинг дунёқараси масаласига доир», «Навоий гулшани» сингари илмий асарлар ёзган. Ойбекнинг бу асарларида адабиёт масалалари илмий асосда чуқур таҳлил қилинган, адабиётнинг анъана ва новаторлик, тил ва услуб, ҳалқчиллик ва бадиий маҳорат каби муаммолари бўйича қимматли фикрлар баён этилган.

Хулоса қилиб айтганда, Ойбек адабиётимиз хазинасига улкан, бебаҳо ҳисса қўшган. Унинг асарлари ҳозирги замон ўзбек адабиётининг жаҳон миқёсидаги шухратини таъминлашда жуда муҳим роль ўйнаган.

#### АДАБИЁТЛАР

1. X. Ёқубов. Ойбек (адабий-танқидий очерк), Тошкент, Ўзадабий-нашр, 1950.
2. X. Ёқубов. Ойбек лирикасида гоявийлик ва маҳорат. Тошкент, «Фан», 1963.
3. X. Ёқубов. Адибнинг маҳорати. Тошкент, «Фан», 1966.
4. Матёқуб Қўшижонов. Ойбек маҳорати. Тошкент Бадиий адабиёт нашриёти, 1965.
5. О. Собиров. Ойбек ижодида фольклор. Тошкент, F. Фулом номидаги Адабиёт ва санъат нашриёти, 1975.
6. Н. Каримов. Ойбек, Тошкент, «Ёш гвардия», 1985.
7. Ойбекнинг ижодий методи ва бадиий маҳорати (мақолалар тўплами), Тошкент, «Фан», 1985.
8. Ўзбек совет адабиёти тарихи. Тошкент, «Ўқитувчи» нашриёти, 1990.
9. С. Шермуҳамедов, С. Мирзаев. Ойбек ва ўзбек совет адабиёти. Тошкент, «Фан», 1987.

#### Матн

Ойбек. Муқаммал асарлар тўплами (19 жилдлик), Тошкент, «Фан», 1975—1982.

## ФАФУР ФУЛОМ

(1903—1966)

Нодир истеъдод соҳибиFaфур Фулом файласуф шоир, моҳир носир сифатида ўзбек адабиёти хазинасига улкан ҳисса қўшди. Faфур Фулом ўзбек адабиётининг фахри, халқимизнинг ифтихоридир. Faфур Фулом фақат бир халқнинггина эмас, балки қардош халқларнинг ҳам шоиридир. Чунки у ер юзидағи ҳамма соғдил меҳнаткашларни ҳаяжонга солувчи муҳим мавзулар, ижтимоий муаммолар ҳақида ёзди. Янги жамият қураётган халқларни, чин инсонийликни улуглади. Уруш ва урушқоқ империалистларни қоралаб, тинчлик, озодлик, баҳт-саодат, дўстлик туйғуларини тараннум этди. У ҳаёт ҳақиқатини фалсафий теранлик, публицистик кўтаринкилик ва жўшқинлик билан куйлади.

Faфур Фулом шеърияти лирик туйғуларга, чуқур ҳиссиёт тасвирига, янги ва кўламдор фикрларга, фалсафий-поэтик умумлашмаларга бойлиги билан характеристерлидир. Faфур Фулом ўз услубига, ўз овози ва ўз созига эга бўлган, шеъриятда ажойиб мактаб яратган улкан санъаткордир. Faфурона шеър ёзиш янги даврни мағрур куйлаш, она-Ватанини фахрланиб улуглаш, дўстлик ва тинчлик ишига садоқатни фалсафий мисраларда тараннум этиш демакдир. Faфур Фулом ижодининг бундай индивидуал ҳусусиятлари шоир яратган образлар оламида, ўзига хос тематика ва поэтик мазмунда, ранг-баранг шаклларда, тил ва услубда намоён бўлади. Зотан, Faфур Фуломнинг индивидуал поэтик услубини белгиловчи асосий ҳусусиятлар — фалсафийлик ва новаторлик, тезкорлик ва ҳозиржавоблик, ғоявийлик ва тарихий аниқлик, миллийлик билан байналмилалликнинг уйғунлиги, халқчиллик ва бадиий мукаммалликдан иборатдир. Faфур Фулом шеъриятида давр руҳи, замон ғояси бўртиб туради.

\* \* \*

Faфур Фулом 1903 йил 10 майда Тошкент шаҳрида камбагал деҳқон оиласида туғилди. Ёшлигидаги барча камбагаллар сингари моддий жиҳатдан ниҳоятда қийналиб тирикчилик ўтказди. Бўлажак шоир тўққиз ёшга кирар-кирмас оғир кулфатга дучор бўлди: 1912 йилда отаси Фулом Орипов вафот этади. Натижада

оиланинг моддий муҳтоҷлиги янада кучаяди. Faфур Fулом қейинчалик ана шу етимлик ва муҳтоҷлик кунларини эслаб ёзган эди:

Етимлик нимадир —  
Бизлардан сўра,  
Ўнинчи йилларнинг  
Саргардонлиги,  
Иситма аралаш  
Қўрқинч туш каби  
Хаёл кўзгусидан  
Ўчмайди сира.

Мен етим ўстганман,  
Оҳ, у етимлик...  
Вой бечора жоним,  
Десам аразиди.  
Бошимни силашга  
Бир меҳрибон қўл,  
Бир оғиз ширин сўз  
Нондек арзанда.

Fафур Fуломнинг болаликдаги бу аччик тақдири уни не қуйларга солмаган, не-не машаққатларга дучор қилмаган дейсиз! Faфур Fулом ёшлик чоғларини эслаб, ўз таржимаи ҳолида: «Кирмаган эшигим, қилмаган хизматим, тутинмаган ишим қолмади. Этикдўз косибга шогирд тушдим, бўлмади. Бироннинг аравасини миниб қишлоққа қатнадим, бўлмади. Сарибой деганинг олма боғида қўриқчилик қилдим, бўлмади. Кейин тунука қирқиб, майда чега михлар ясай бошладим: тузук эди, кейин мазаси қочди, тирикчилик ўтмайдиган бўлди»<sup>1</sup>, деб бежиз ёзмаган, албатта.

Ҳаётнинг оғирликларига қарамай, Faфур Fулом ёшлигиданоқ илм олишга интилди, бадиий адабиётга, хусусан, шеъриятга жуда қизиқди. Бу қизиқишининг пайдо бўлиши ва кучайишида оилавий муҳитнинг таъсири катта бўлган, албатта. «Отам адабиёт билан жуда қизиқар экан, уйимизга ўзбек шоирлари ва хаттотларидан Ҳислат, Шомурод котиб ва бошқалар келиб юрганини эс-эс биламан. Фарғона водийсидан келадиган шоирлар ҳам: Муқимий, Тошхўжа Асирий, Фурқат, Муҳмий ва бошқаларнинг бизникига кўп келганини айтадилар. Отам «Мирза» ва «Fулом» тахаллуслари билан талай шеърлар ёзган... Амаким ҳам шеърлар ёзар эди. Унинг «Баёзи Мирзо» деган китоби 1913 йилда Тошкентда «Fуломия» босмахонасида босилган»<sup>2</sup>,— деб қайд этган эди Faфур Fулом. Янги

<sup>1</sup> Қаранг: Ҳомил Ёқубов. Faфур Fулом (ҳаёти ва ижоди ҳақида очерк). Тошкент, 1959, 66-бет.

<sup>2</sup> Адабиётимиз автобиографияси. Тошкент, 1973, 173—174-бетлар.

даврда Faфур Fулом ҳам рўшнолик кўрди. Янги замон мактабида ўқиди, таълим олди. Аввал ўқитувчи, 1923 йилдан бошлаб эса интернат мудири бўлиб ишлади. Шоирнинг биринчи шеъри 1923 йилда ана шу интернатда туғилди. «Шу кечада ўз етимлигим, бошимдан кечирганларим ва шу етим болалар аҳволи, хукуматимизнинг шу гўдакларга ғамхўрлиги тўғрисида шеър ёздим. Шу шеъримни биринчи шеърим десам бўлади», — деб ёзган эди Faфур Fулом.

Шундай қилиб, Faфур Fулом мамлакат ҳалқ хўжалигини тиклаш даврида адабиёт майдонига кириб келди ва ўз шеърлари, ҳикоя, очерк, фельетонлари билан рўзнома ва ойномаларда кўрина бошлади. Faфур Fулом ўз ижодининг дастлабки даврида ёқ янги ҳаёт оқимида турди, адабиётнинг жамиятда тутган ўрни, мавқеи, ролини тўғри тушунди ва тўғри талқин этди.

Faфур Fулом 1923 йилдан то 1930 йилгача беш юзга яқин шеър, ҳикоя, очерк, достон, фельетон ёзган. Демак у дастлабки даврда ёқ сермаҳсул ва кўпқирорали ижод соҳиби бўлган. Тўғри, ёш ижодкорнинг изланиш даврида яратган кўп асарларида ҳаёт ҳақиқатининг гўзал тасвири кўринмас, чуқур бадиий умумлашмалар етишмас эди. Уларнинг аксарияти бадиий жиҳатдан бўш эди. Зотан, шоир бу даврда ўқиши, ўрганиши, изланиши, тажриба орттириш даврини бошидан кечирди. Бундай ижодий камолат ўз-ўзидан ва осонликча бўлмаган, албатта. Бунда шоирнинг ҳалқ ҳаётини, воқеликни, ўзбек мумтоз адабиётини, ҳалқ оғзаки ижодини пухта ўрганиши, ўз бадиий маҳоратини ошириш устида тинмай ишлаши ҳал қилувчи аҳамиятга эга бўлди.

Бизнинг замонда Faфур Fулом ҳақиқий шоир бўлиб етиши, у академик шоир даражасигача кўтарилди ва шуҳрат қозонди. Faфур Fуломнинг ижодий ўсишида матбуотнинг роли катта. Шоир турли йилларда «Шарқ ҳақиқати», «Камбағал дехқон», «Қизил Ўзбекистон» рўзномаларида, «Ер юзи», «Муштум» ойномаларида ишлаган, ўз асарлари билан уларда фаол қатнашган. Faфур Fулом ўз ижодининг ривожланишида матбуотнинг роли ҳақида фикр юритиб: «Газетанинг менинг гарданимда бўлган ҳақи устознинг шогирдда бўлган

<sup>1</sup> Адабиётимиз автобиографияси. Тошкент, 1973. 178- бет.

ҳақидан ортиқдир. Газета мен ўқиган олий мактаблардан... биринчиси бўлди. Ўзимда бор фазилатлардан кўп қисми учун газетадан ва унинг атрофида уюшган, мендан кўра пешқадамроқ соғлом коллективдан жуда ҳам миннатдорман», — деган эди.

Faafur Fуломнинг ёзувчи сифатида халққа танилишида биринчи навбатда унинг халқ оғзаки ижодидан ва ўзбек мумтоз адабиётидан олган самарали сабоқлари нинг аҳамияти ниҳоятда каттадир<sup>1</sup>. Faafur Fуломнинг, айниқса Алишер Навоийга ихлоси ва эътиқоди баланд бўлган. У Навоий ҳақида мақолалар, шеърлар ёзиш билан бирга, буюқ устознинг «Фарҳод ва Ширин» достонини насрой ифодага ўгириб нашрга тайёрлаган (1939 йил). Faafur Fулом Навоий ҳақидаги бир шеърида:

Ўзбек деб аталган озод улуснинг  
Отахон шоири, қадрли устод...  
Бирор шоҳ байтингни ёддош тутмаган  
Каттадир-кичикдир, бизда киши йўқ.  
Олтин балдоқдаги нифрит кўз каби  
Асаринг биз учун бўлди қораҷўғ,—

деб ёзган эди.

Faafur Fулом севиб ўқиган «олий мактаб»лардан яна бири жаҳон прогрессив адабиёти, хусусан, рус реалистик адабиётидир. Faafur Fулом рус ёзувчиларидан, хусусан, М. Горький ва В. Маяковскийдан кўп нарсанни — давр талабларига ҳозиржавоб бўлишни, гоявийбадиий юксак асарлар яратишни ўрганганди.

Шундай қилиб, Faafur Fулом халқ ҳаёти, замон воқёлиги билан мустаҳкам алоқада бўлган ҳолда самарали равишда ижод қилди. Адабиётимизни ажойиб асарлар билан бойитди.

Faafur Fуломнинг ҳозирги замон ўзбек адабиётини тараққий эттириш соҳасидаги хизматлари халқ ва ҳукуматимиз томонидан муносаб тақдирланди. Шоир 1943 йилда Ўзбекистон Фанлар академиясига ҳақиқий аъзо қилиб сайланди. 1963 йилда унга «Ўзбекистон халқ шоири» деган юксак фаҳрий унвон берилди. Faafur Fулом «Шарқдан бораётирман» китоби учун Давлат мукофотига (1946), «Сарҳисоб» шеърлар тўплами учун Ленин мукофотига (1970) сазовор бўлди.

<sup>1</sup> Faafur Fулом. Асарлар, 8- том, Тошкент, 1976, 25- бет.

Хозирги даврда бир қанча жамоа ва шўро хўжаликлари, олийгоҳ, боғ ва қўчалар, кутубхона ва мактаблар Faфур Fулом номи билан аталмоқда. Ўзбекистон Ёзувчилар уюшмаси энг яхши бадиий асарларни тақдирлаш мақсадида 1981 йилда Faфур Fулом номида маҳсус мукофот таъсис этган. Faфур Fуломнинг асарлари мамлакатимиздаги, шунингдек, чет эллардаги қўпгин на тилларга таржима қилиниб, қайта-қайта нашр этилмоқда.

Faфур Fулом ижодини илмий асосда ўрганиш, тадқиқ этиш соҳасида ҳам талай ишлар қилинган. X. Ёқубовнинг «Faфур Fулом» (1959), С. Мамажоновнинг «Шоир ва замонавийлик» (1963), «Faфур Fулом прозаси» (1966), «Услуб жилолари» (1972), Н. Шукуровнинг «Faфур Fуломнинг лирик поэзиядаги маҳорати» (1966), А. Акбаровнинг «Шоирнинг ҳёти» (1973) номли китоблари, И. Султон, В. Зоҳидов, Л. Қаюмов, О. Шарафиддинов, У. Норматов, Б. Имомов, О. Сайдов ва бошқаларнинг мақолалари ана шундан гувоҳлик беради.

\* \* \*

Faфур Fулом моҳир носир сифатида қатор публицистик мақолалар, ҳикоя ва очерклар, ранг-баранг қиссалар ёзган. Унинг насрый асарлари, умуман олганда, гоявий-бадиий пишиқлиги, сюжетининг қизиқарлилиги, характер (образ)нинг жонлилиги, ҳалқ оғзаки ижодидан, сатира ва юмор имкониятларидан унумли фойдаланилганлиги билан ажralиб туради. Тўғри, адабнинг ҳамма насрый асарларини ҳам бирдек бақувват деб бўлмайди. Унинг «Гувоҳликка ўтган ҳўқиз», «Иноқлик», «Қизалоқ», «Соялар» каби дастлабки ҳикояларида гайритабиийлик, бадиий заифлик сингари қусурлар учрайди. Аммо кўп ўтмай ёзувчи ижодидаги бундай нуқсонлардан бутунлай қутулди.

Faфур Fулом 20-йилларнинг охири ва 30-йилларнинг бошларида «Кўнгилсизнинг қилиги», «Эшон обод», «Йигит», «Чорбозорчи», «Соат», «Жўрабўза», «Элатияда бир ов», «Хийлаи шаръий», «Луқмон», «Фарзанди солиҳ», «Сабаб», «Ҳажи қабул бўлди», «Бадал новча — афсона қаҳрамони» каби 40 га яқин ҳикоя ёзди. Буларнинг бир қисмида ўтмиш ҳётига хос бўлган

типик воқеалар тасвирланиб, эски ҳаётнинг қора доғлари очиб ташланган. Аксариятида эса ҳозирги замон воқелиги тасвирланиб, янги ҳаёт тараққиётига тўсқинлик қилувчи дангасалар, текинхўр, юлғичлар, савдогар, фирибгарлар фош этилади, янги онг, янги турмуш ва янги урф-одатлар ташвиқ ва тарғиб қилинади.

Гафур Гулом ўтмиш мавзуудаги ҳикояларида турмуш иллатларини сатира остига олиб, улар устидан аччик кулади. «Ҳийлаи шаръий» ҳикоясида тасвирланишича, икки хотинли мулла Дилкаш учинчи хотин олишда «халқдан бўладиган таъна-маломатлардан қўрқиб», бу ҳақда мулла Абдулбоқи Марғилонийдан маслаҳат сўрайди. Мулла Абдулбоқи эса мулла Дилкашга бир «ҳийлаи шаръий»ни ўргатиб, унинг «мушкули»ни осон қиласди.

Мулла Дилкаш бу риёкорнинг маслаҳатига амал қиласди: катта хотинини кечаси бир илож қилиб, билиб-билимасликка олиб эмади ва эртасига «бу иш шариатда қандай бўлар экан?» деган соxта мулоҳаза билан хотинини Абдулбоқи хузурига бошлаб келади. Ҳийла-кор Абдулбоқи эса бу кўнгилсиз воқеадан «огоҳ бўлгач», ясама ташвишли чеҳра билан: «Тавба, кўп чакки бўлибди. Энди сиз эр-хотин эмас, она-бала бўлибсиз», деб шариат ҳукмини эълон қиласди. Шундай қилиб, мулла Дилкашга учинчи хотин олиш учун йўл очилади:

«Мулла Абдулбоқи Марғилонийнинг бу қилган «хизмати» учун ақча тўладилар ва янги «она-болалар» ҳужрадан чиқдилар. Мадрасанинг эшигидан чиқарда мулла Дилкаш хотинига қараб:

— Она,— деди,— ўзингиз бош бўлиб, яна биронта хотин олиб берасиз-да, икки хотинга ўрганган киши...

— Ўлинг илоё, онангиз нимаси, ҳеч бўлмаса «опа» денг,— деди бечора содда хотин».

«Ҳийлаи шаръий» ҳикоясидаги образлар характери усталик билан очиб берилган. Шунга кўра ҳикоядаги «бечора содда хотин» образи ҳам, хотинбоз мулла Дилкаш қиёфаси ва шариатчуруш Абдулбоқи сиймоси ҳам китобхон ёдида сақланиб қолади. Асар гояси образларнинг фаолиятидан, ҳикоянинг умумий руҳидан келиб чиқади. Ҳикоя сюжет ва композиция жиҳатидан ҳам пишиқ. Ёзувчи асар гоясини очишда, образ яратишида сатирик бўёқлардан ўринли фойдаланган.

Faafur Fulom ҳикояларида миллий рух бўртиб туради. Ёзувчининг меҳнаткаш халқнинг ўтмишдаги оғир аҳволи, қашшоқлиги ҳақида ёзилган «Менинг ўғригина болам» (1962) ҳикоясида бу хусусият очик кўринади. Ҳикоядаги кампир образи ўтмишда қийналиб тирикчилик ўтказган оналаримизнинг типик вакили бўлиб, унинг соддалиги, самимилиги, инсонпарвар ва меҳрибонлиги миллий шира асосида жозибали қилиб ифодаланган. Ҳикояда муаллиф диалог услубидан моҳирона фойдаланган. Кампир билан ўғри ўртасидаги диалог ҳикоя гоясини, образлар характерини очишига бевосита хизмат қиласди. Шунингдек, ўқувчига кучли эстетик таъсир кўрсатади.

Faafur Fulom ҳикоячилигида замонавий мавзу асосий ўрин тутади, ёзувчи «Чўтир хотиннинг толеи» (1933), «Кимсаной тўғрисида беш қўшиқ» (1936), «Эри билан баҳс бойлашган хотин» (1945) каби ҳикояларида янги ҳаёт қурилишида фаол қатнашаётган кишиларнинг образини яратган. Faafur Fulom ўз баҳтини халқ баҳтида кўрган чўтир хотин Шарифа, озод ватанинг эркин қизи Кимсаной ва Иноятхон сингари янги типдаги аёллар образини муҳаббат билан тасвирлаб берган.

Faafur Fulom ҳикояларида янги давр руҳи уфуриб туради. Ёзувчининг мамлакатимизда техникани эгаллаш учун кураш қизгин давом этаётган бир пайтда майдонга келган «Ким айбдор?» (1932) ҳикоясини кўздан кечирайлик. Ҳикояда турмуш тараққиётидан орқада қолган кишилар устидан чеховчасига маҳорат билан кулинади ва техникани ўрганиш гояси олға сурилади. Асар сюжети Мадмисанинг Тошкентдан Москвага поездда саёҳатга бориб келиши асосига қурилган. Ҳикояда Мадмисанинг бошидан кечирган саргузаштлари, техникадан хабарсизлиги туфайли кулгили аҳволга тушиб қолиши қизиқарли тарзда ифодаланади. Мадмиса техникага тушунмаслиги оқибатида билмасдан вагондаги тормоз муруватини бураб, поездни тўхтатиб қўяди. Натижада жарима тўлашга мажбур бўлади. Мадмиса ҳаммомга тушганида ҳам, таксига, лифтга чиққанида ҳам техникадан мутлақо хабарсиз эканини ошкора қилиб қўяди ва кулги бўлади.

Ҳикоя воқеаси асар қаҳрамони Мадмисанинг: «Техникани эгалламасанг афсона бўлувинг аниқ экан, мен энди техникани эгаллашга ўз-ўзимга сўз бердим...

Менинг Москвада кулги бўлиб қолувимга техникани билмаслигим айбдор», — деган сўзлари билан тугайди.

Faфур Fулом очерк ва бадиий публицистик жанрларда юздан зиёд асар яратган ва уларда даврнинг муҳим ғояларини акс эттирган. Унинг 30-йилларда ёзилган «Оқ Жўранинг болалари», «Зарбдорнинг туғилиши», «Тўқ ва маданий», «Семурғ қанотида» каби очеркларида янги замонда маданий ҳаётга эришган меҳнат аҳлининг ёрқин образи тасвирланган. Адибнинг Ватан уруши даврида яратилган «Оналар», «Момойи гису набурида», «Шамсул ҳаёт» сингари очерк ва публицистик мақолаларида халқимизнинг ватанпарварлиги, қаҳрамонлиги, босқинчи ёвларга қарши олиб борган матонатли кураши кўрсатилган.

Faфур Fулом урушдан сўнгги йилларда «Дарға», «Пири бадавлатлар», «Қирқ ёшдаги қирчиллама йигитдай», «Ватандошлиаримга тасалли», «Самарқанд сайқали», «Тошкент оқшоми» сингари очерк ва публицистик мақолалар ёзди.

Унинг насрдаги маҳорати, хусусан, «Нетай» (1930), «Тирилган мурда» (1934); «Шум бола», «Ёдгор» (1936) қиссаларида очиқ кўринади. «Нетай» қиссаси асосида ўтмишининг аччиқ ҳақиқати ётади. Асарда хотин-қизларнинг ҳақ-хуқуқлари амир ва амалдорлар, руҳоний ва бойлар томонидан оёқ ости қилинганлиги кўрсатилган.

Асарда ҳикоя қилинишича, амир Олимхон поездда Бухородан Петербургга ўтиб кетаётib, Тошкентга тушади. Тошкент бойлари амирни дабдаба билан кутиб оладилар. Эшон Сайдраҳим эса амирнинг бир кечалик майшати учун унга Нетай исмли гўзал қизни тортиқ қиласди ва унинг эвазига амирдан катта мукофот олади. «Амир ўз муҳлиси Сайдраҳимнинг бу «қуюқ» меҳмондорчилиги бадалига Бухоро қоракўлчилигининг бутун инону ихтиёрини Сайдраҳимга топширибди ва бунга ишорат ўлароқ, ўзининг олтин медали билан Сайдраҳимнинг кўкрагини безабди...»

Қиссада ёзувчи амир ва амалдорларнинг майший бузуқлигини,adolatsizliginini, хусусан, баҳтсиз қиз Нетайнинг аянчли ҳаёт йўлини тасвирлайди. Пахта заводининг ишчиси Семён етим қизча Нетайни кўчадан топиб олади ва ўз фарзандидай тарбиялайди. Нетай балогатга етгач, Самад исмли бир шахс «Мен Нетайнинг тогаси бўламан», деб ёлғон даъво билан чиқади. Қози ва

ҳокимлар ёрдами билан қизни Семённинг уйидан олиб кетади (Самад аслида қизнинг тогаси эмас, балки Сайдраҳим эшоннинг хизматчиси эди). Воқеа давомида Нетай аввал амир мулкига, сўнг фоҳишахонага тушади.

«Нетай» қиссасида ижобий образлар бўш ва юзаки акс эттирилган. Асар композицияси пишиқ эмас, унда ортиқча эпизодлар ва деталлар учрайди.

Faфур Ғуломнинг «Шум бола» қиссасида ўзбек халқининг ўтмишдаги оғир ҳаёти, хусусан, ўсмирларнинг қаровсизлиги, уларнинг бир парча нон деб дарбадар қезишлари қаттиқ кулги остига олинади. Ёзувчи ўтмишда болаларнинг дарбадарлик ва сарсон-саргардонлик билан кун кечиришларини тасвиirlар экан, ҳаётий воқеалар ва типик образ (храктер)лар яратади.

Қиссанинг бош қаҳрамони тиниб-тинчимас, сергайрат, довюрак ва чаққон Шум бола. У меҳнаткаш халқ вакили сифатида кўрсатилади ва Сарибой, Азимхўжа, Бўрибойвачча, Қорахўжа каби салбий образларга қарама-қарши қўйилади. Шу тарзда бой ва реакцион руҳонийларнинг кирдикорлари очиб берилади. Faфур Ғулом «Шум бола» қиссасида сюжет яратишда ҳаёт ҳақиқатига таянади ва сюжет ипига қаҳрамоннинг қизиқ саргузаштларини, кечмиш-кечирмишларини усталик билан тизади. Дарҳақиқат, қисса сюжети қизиқарли саргузашт асосига қурилган. Воқеа Шум бола тилидан ёқимли, завқли тарзда хикоя қилинади. Ёзувчи асадарда тасвиirlangan кўп воқеаларга комик тус берган. Бунда у халқ оғзаки ижодидан ҳам моҳирона фойдаланган. Шум бола билан Сарибой диалоги «Бир ёлғонда қирқ ёлғон» эртаги шакли асосида тузилган бўлиб, унда ёзувчи Сарибойнинг аянчли ҳолатидан ўқувчиларни қаҳ-қаҳа отиб кулдира олган.

Шум боланинг хатти-ҳаракатлари, шўхликлари болаларнинг ахлоқ-одобига тўғри келмаганлиги учун ҳам ўқувчидаги кулги уйғотади. Шум бола аясидан яшириб липпасида мой, телпаги остида тухум олиб чиқади, поччасининг ноёб қушларини қатиқ билан боқиб ўлдириб қўяди, шариат қонун-қоидаларини билмаган ҳолда мурдашўйлик қиласи, ўзининг ёлғон-яшиқ хабарлари билан хўжайини — Сарибойнинг ўтакасини ёради... Буларнинг ҳаммаси «Шум бола» қиссасининг қизиқарли, ўқимишли, завқли бўлиб чиқишини

таъминлаган. Аммо бу деталлар асарда фақат қизиқчилик, юморни кучайтириш учунгина ишлатилмайди. Улар ўтмиш ҳаётни, бева-бечораларнинг оғир, машақкатли турмушини, тирикчиликнинг қийин бўлганлигини, болаларнинг сарсон-саргардонлигини кўрсатишга хизмат қиласди.

«Шум бола» қиссасиFaфур Fулом таржимаи ҳолидаги айрим ҳолларни эслатади. Дарҳақиқат, ёзувчи қиссани яратар экан, шубҳасиз, ўзининг таржимаи ҳолидаги баъзи ҳодисалардан ижодий фойдаланган. Чунончи, Faфур Fулом «Шум бола» қиссасидаги Ҳожи бобо образи ҳақида гапириб, «Ҳожи бобога мархум дадамнинг кўп қизиқ хислатларини, сўзларини шундоққина ёзib қўя қолдим. Дадам ҳам кўчада юрганларида ҳассаларининг учи билан йўлдаги қоғозларни титиб кўрардилар, нон тушиб қолган бўлса, олиб ўпардилар, кўзларига суртиб, кейин девор кавагигами, баландроқ жойгами қўярдилар. Ҳожи бобо ҳам шунаقا қиласди»<sup>1</sup>, деган эди. Ёзувчининг бу сўзлари ҳам «Шум бола»нинг маълум даражада автобиографик характердаги асар эканини тасдиқлади.

«Шум бола» қиссаси устида автор кўп ишлаган. Кейинчалик асарни янги боблар, янги воқеалар билан бойитган. Ёзувчи Сайд Аҳмад: «Минг тўққиз юз олтмиш иккинчи йили Faфур aka яна «Шум бола»ни қўлга олди... Қисса бошдан оёқ таҳрир қилинди. Янги боблар киритилди. Ҳожи бобо образига жуда кўп деталлар қўшилди. Айниқса, қиссанинг бош қисми, охири, ўрталарида ўзгаришлар бўлди. Faфур Fулом «Шум бола» қиссасини салкам йигирма беш йил ишлади, десам янглиш бўлмайди»<sup>2</sup>, — деб ёзган эди.

«Шум бола» қиссасининг тарбиявий-эстетик аҳамияти катта. Кейинчалик бу қисса асосида маҳсус фильм ҳамда «Замонали ва Омонали» (Х. Fулом) номли музикали комедия яратилгани ҳам бежиз эмас.

«Шум бола»да ўтмиш мавзуи ёритилган бўлса, «Тирилган мурда» ва «Ёдгор» қиссаларида ҳозирги замон воқелиги тасвиrlланган.

«Тирилган мурда» қиссасида мулла Мамажон исмли йигитнинг 1925—1933 йилларда бошидан кечирган

<sup>1</sup> «Ўзбекистон маданияти» рўзномаси, 1978 йил 9-май.

<sup>2</sup> Сайд Аҳмад. «Шум бола»нинг давоми. «Ўзбекистон маданияти» рўзномаси, 1978 йил 9-май.

воқеалари кулгили вазиятда ҳикоя қилинади. Шу орқали жамоа аҳлининг қишини тарбиялашдаги ҳаёт-бахш роли образли қилиб кўрсатилган.

Асарнинг бош қаҳрамони мулла Мамажон. Ғафур Гулом мулла Мамажонни дастлабки саҳифаларда «Минг бир кеч» асаридағи ялқовликда машхур Абутанбални бир чўқишида қочирадиган ялқов сифатида тасвирлайди. У меҳнат қилишдан қўрқади, тирикчилик қилишдан эринади. «Қаддини кўтаришдан кўра чолларнинг койишларини эшитишни осонроқ қўради». Отаси ўлгач, Мамажон ялқовлиги туфайли оч қолади. Чунки у меҳнат қилишни истамайди. Охири очдан ўлиб қолмасин деб маҳалланинг икки ўспирини уни замбилга солиб, қишлоқ чойхонасига келтириб ташлайди. У бир қиши чойхўрлардан қолган-кутган сарқитларни еб кун ўtkазади. Баҳор фасли келиши билан ялқовни чойхонадан ҳайдайдилар. Шундан сўнг у мозорнинг даҳмасида хору зор бўлиб тиланчилик қилиб дайдиб юради. Охир оқибатда, қишлоқларда жамоа хўжалиги тузилгач, мулла Мамажон унга аъзо бўлиб киради. Жамоатчилик унинг онг-тушунчасини, руҳиятини аста-секин ўзгарта боради. Натижада у жамоа турмуш таъсирида, меҳнат қучогида қайта тарбияланиб, жамиятнинг ҳақиқий аъзоси бўлиб етишади.

Асада мулла Мамажоннинг бошидан кечган воқеалар, унинг қайта тарбияланиши, илгор бригадир бўлиб етишиши ишонарли ва қизиқарли қилиб кўрсатилган.

Қиссада воқеа мулла Мамажон тилидан, унинг кундалик дафтарининг айрим саҳифалари сифатида берилган. Асан оригинал услугуда, ўқимишли қилиб ёзилган. Асан давомида Мамажон ялқовтирила боради. Охирида у: «Ўртоқлар... гапим гап, ялқовлигимни ташладим. Мен энди зарбор бўламан, ҳаммангизни мусобақага чақираман», дейди. Мулла Мамажон ўз ваъдасида қатъий туради.

Кўринадики, «Тирилган мурда» қиссасида янги одам образи, инсоннинг қайта тарбияланиши муаммоси биринчи ўринга қўйиб тасвирланган ва у жамоа хўжалик ҳаёти, ижтимоий меҳнат тасвири асосида муваффақиятли тарзда ҳал қилинган. Худди шу масала «Ёдгор» қиссасида бошқачароқ йўсинда янада кенгроқ ва ёрқинроқ қилиб тасвирланган.

Дарҳақиқат, «Ёдгор» қиссасида янги одам характерининг шаклланиш жараёни тасвирланган. Асада

кишиларимиз онги ва психологиясида юз берган ўзгаришлар, янги инсонни тарбиялаш Жўра, Саодат ва Мехри ҳаёти билан боғлиқ саргузашт тасвири орқали очиб берилган.

Жўра — динамик тарзда тасвирланган ва мукаммал ишланган типик образ. Асар бошида дунёқараши, билим доираси тор ва содда йигит сифатида намоён бўйлан Жўра образи воқеалар жараёнида ўсади, ўзгаради. Жўра ўз йигитлик бурчини шараф билан адо этгач, ҳарбий академияни битириб, ҳарбий шифокор бўлиб етишади.

«Ёдгор» қисссасида севги ва ахлоқ муаммолари маҳорат билан акс эттирилади. Ёзуви Жўра билан Саодат ўртасидаги самимий ишқ-муҳаббатни тасвирлаш орқали янгича севгини, эркин муҳаббатни улуғланган бўлса, Мехри ва унинг турмуш ўртоғи ўртасидаги ишқ-муҳаббат тимсолида айрим ота-оналарнинг оила ва муҳаббат масалаларига эскича қараашлари қанчалик зарарли эканлигини ва у ёмон оқибатларга олиб келиши мумкинлигини кўрсатиб берган. Асарда тасвирланишича, Мехрининг ота-онаси унинг ўз севган йигитига турмушга чиқишига розилик беришмайди. Ёшлар эса юрак амри билан, ношаръий бўлса-да, бирлашадилар ва «жиноят»ларини яшириш учун ўз фарзандлари Ёдгорни нотаниш йигит Жўрага ҳийла билан ташлаб кетишга мажбур бўладилар. Бу «жиноят»ни ҳазм қила олмаган соғ виждонли ёш она Мехри охир-оқибатда оғир асаб касалига мубтало бўлиб қолади... Жўра эса «гўдакда нима айб? Айб ота-онасида», деб чақалоқни ўз фарзандидай ардоқлаб тарбиялашга аҳд қиласди. Бироқ дастлабки кунларда бу чақалоқ туфайли у анчагина таъна-дашномлар эшитади. Кўп вақт ўтмай Жўруни ҳарбий хизматга чақирадилар. Натижада «онасининг тайини йўқ бола» билан боғлиқ бўлган совуқ гап-сўзлар аста-секин тиниб-тинчийди. Ёдгор эса Жўраларникида яйраб ўсади...

Хуллас,Faфур Гулом ўзбек прозаси ривожига муҳим ҳисса қўшган забардаст адиллардандир.

\* \* \*

Faфур Гулом шеърлари замон талабларига ҳозиржавоблиги, фалсафий умумлашмаларга бойлиги, гоявийбадиий пишиқлиги билан ажralиб туради. Янги ҳаётимизнинг ҳеч бир муҳим воқеа-ҳодисаси йўқки, у шоир ижодида ўз аксини топмаган бўлсин.

Faafur Fулом дастлабки шеърларидаёқ бадиий ижодни давр талабларига бўйсундириш, Ватан ва халқ манфаатига хизмат қилдиришга уринди. Чунончи, «Гўзаллик нимада?» шеърида гўзалликни фақат ташки кўринишлардан қидирувчи шахсларга қарши чиқди. Жамиятимизда инсон гўзаллиги унинг меҳнати билан ўлчаниши, киши қадр-қиммати ҳам шу билан белгиланишини шеърий тилда ифодалади:

Гўзаллик — ишлайиш,  
Манглайнин терлатиш,  
Гўзалдир унган иш,  
Мақтанса ярашар!

Faafur Fулом 20-йилларда «Сурнай», «Бўлсин», «Уйланиш», «Қиш ва шоирлар», «Паранжи» сингари шеърларида ҳаётдаги иллатларни, эскилил сарқитлари ни қоралаб, янгича одоб-ахлоқни улуглади.

Faafur Fуломнинг дастлабки асарларидаёқ кўзга ташланган замонавийлик, жўшқинлик, гоявийлик сингари хусусиятлар шоирнинг 30-йилларда яратган асарларида ўсиб, сайқал топди. Дарҳақиқат, 20-йилларда ҳали ёш, тажрибасиз шоир бўлган Faafur Fулом 30-йилларда ўз устида жиiddий ишлаб ижодий камолатга етди. Натижада «Турксиб йўлларида», «Яловбардорликка», «Нон», «Нефть», «Тошкент», «Кўк бўсағасида», «Меҳнат ва ҳурмат» каби шеърлар яратди. Бу шеърларда шоир ҳаётимизда юз бераётган тарихий ўсиш-ўзгаришларни, янгиликларни, замондошларимизнинг фидокорона кураш ва меҳнатларини фаҳр ва ғуур билан тасвирлаб берди. Масалан, Туркистон — Сибирь темир йўли қурилишига бағишилаб ёзилган «Турксиб йўлларида» шеърида диёrimизни индустрлаштириш мавзуи баланд руҳ билан тасвирланган.

Шоир Туркистон — Сибирь темир йўли қурилишининг ижтимоий моҳиятини очишда ўтмишдаги тузум билан янги тузумни таққослаш усулидан фойдаланади. Асар бошида темир йўл қурилаётган жойларнинг тарихига «саёҳат» қилинади: қиличидан қон томган хон-бекларнинг золимликлари, меҳнаткашларнинг «Очликдан, зорликдан гезариб лаби», «нон» дея, «нон» дея «суруниб» юришлари, азоб-уқубатли ҳаётлари манзараси чизилади. Сўнгра янги даврда ўша ҳароб жойлар ва вайронга йўллар тикланганлиги ва обод қилинганлиги қувонч билан куйланади. Шу тариқа

замондошларимизнинг кучи, яратувчилик қудрати улуғланади.

Гафур Фуломнинг «Яловбардорликка» шеърида ҳам қарама-қарши қўйиш усулидан усталик билан фойдаланилган. Асарда амирлик тузуми қораланади. Шеърни ё лирик қаҳрамони замонамиз ёшларининг умумлашма образидир. Шоир ана шу лирик қаҳрамоннинг ҳис-туйгуларини, орзу-истакларини ифодалар экан, ота-боболаримизнинг озодлик йўлида олиб борган жанговар курашларини эслаб, уларга таҳсин ўқиёдиги. Шу билан бирга, зафарли курашга, қаҳрамонликка интилган лирик қаҳрамоннинг кечинмаларини, юксак орзу ва эзгу мақсадларини таъсирили қилиб акс эттиради.

Шоир лирик қаҳрамоннинг дикқатини ҳаётнинг муҳим ижтимоий масалаларига жалб қиласди. Шоир шеърда меҳнат ва қурилиш зафарларидан завқланиш гоясини олға суради. Шунинг учун ҳам лирик қаҳрамон асар охирида:

Майли,

ўтмиш ўн йил менга

шуур берди, онг берди.

Гўдакликдан йигитликка кўтарди,

Куч — қон берди.

Мен улгайдим —

Курашларнинг нашъаларин эмарак,

Келгусига мендайлардан

миллион-миллионлар керак,—

деган хуносага келади.

Шундай қилиб, шоир лирик қаҳрамон тимсолида ёшларни янги ҳаёт қуришга чорлайди. Уларни меҳнатда қаҳрамонлик кўрсатишга ундаиди. Бинобарин, бу шеър романтик қаҳрамонликка интилувчи ёшларнинг ҳаётда ўз ўринларини топиб олишларига ёрдам беради. «Яловбардорликка» шеърининг тарбиявий-эстетик қиммати ҳам ана шунда.

Гафур Фуломнинг «Сарҳисоб», «Кўклам марши», «Боғ», «Стадион оқшоми» каби шеърларида ҳам қурилиш ва яратиш, Ватандан фахрланиш садолари янграйди.

Гафур Фулом 30-йилларда турли мавзуларда баллада ва поэмалар яратди. Шоирнинг «Икки васиқа» ва «Тўй» балладаларида воқелик лиро-эпик йўсиңда акс этган.

Faafur Fуломнинг «Кўкан» достони ўзбек шеъриятида жамоа хўжалиги қурилиши мавзуида ёзилган биринчи иирик поэмадир. Унда талайгина ҳаётий тасвирлар бор. Достон бадиий пишиқ, унинг услуби равон, тили содда ва образли. Шоир турли тасвирий воситалардан унумли фойдаланган, чиройли ўхшатишлар, янги сифатлашлар яратган:

Тиник кўкка яғрин берган шу кенг дала,  
Улут шахмат таҳтасидай ола-була.  
Чевар қизлар қирқ қокили каби текис,  
Сонсиз жўяқ ҳансираиди тўла-тўкис.  
Бахт келинин бўйнидаги маржон каби  
Ҳар туп гўза шоҳларида кўсак сафи.

Бироқ, шуни ҳам қайд этиш керакки, шоирнинг 30-йилларда ёзилган айрим асарларида, жумладан «Икки васиқа»да ва айниқса «Кўкан» поэмасида ўша даврдаги ҳукмрон мафкура таъсирида юзага келган замонасозлик, янги ҳаётни бўяб-безаб кўрсатиш ҳоллари кўзга ташланади. Ўтмиш ва ҳозирги замон воқелиги ни таққослашда баъзан сохталикка йўл қўяди. Достоннинг «Кўкан — батрак» қисми билан «Кўкан — колхозчи» қисми таққосланса, бу нуқсон очик кўринади.

Умуман олганда, Faafur Fулом 30-йилларда баракали ижод этди ҳамда истеъододли ва халқчил шоир сифатида танилди.

Faafur Fулом Ватан уруши йилларида ўз ижодини Ватан мудофаасига қаратди. «Улут Ватан уруши бошланган биринчи кунларданоқ ўзимни сафарбар деб эълон қилдим. Гитлерчи фашист босқинчиларига қарши шеърлар солдатини шайлантирдим», деб ёзган эди шоир. Faafur Fулом 1942 йилнинг баҳорида академик Ҳабиб Абдуллаев раҳбарлигидаги Ўзбекистон делегацияси таркибида фронтга бориб, жанг манзараларини, жангчиларимизнинг қаҳрамонлигини ўз кўзи билан кўриб келди ва бундан ўз ижоди учун хулосалар чиқарип олди.

Faafur Fулом уруш даврида ҳарбий мудофаа мавзулирида «Кузатиши», «Халқ отланди», «Мен яҳудий», «Сен етим эмассан», «Согиниш», «Биз енгамиз», «Бизнинг кўчада ҳам байрам бўлажак», «Ғолиблар»

<sup>1</sup> Faafur Fулом. Танланган асарлар Т., Ўздавнашр, 1951,5-бет.

«Салом ва табрик» каби шеърлар яратди. Бу шеърларда давр руҳи, чуқур фалсафий мазмун маҳорат билан ифодаланган. «Кузатиш» (1941) шеърида шоир ўз ўғли Жўрани фронтга кузатиши ҳақида ёзган. АсардаFaфур Fулом ўз шахсий ҳаётини жамият ва халқ ҳаёти билан боғлаб тасвирлайди. Шу сабабли ота (лирик қаҳрамон)нинг ўз фарзандига қарата айтган юрак сўзлари Ватан мудофаасига отланган жангчиларга халқ номидан изҳор этилган мурожаат тарзида янграйди:

Сафлар олдида бўл, мард бўл, ботир бўл,  
Дўстларга ҳамоҳанг жўра бўл, жўр бўл...

Faфур Fулом шеърда ўз ўғлини фахр ва гуур билан босқинчи ёвга қарши курашга отлантирган ватанпарвар отанинг типик образини поэтик бўёкларда яратган. Шоирнинг «Софиниш», «Сен етим эмассан» шеърларида ҳам ватанпарвар отанинг барқамол образи берилган. Бу асарлардаги ота образи (лирик қаҳрамон) замондошли римизнинг хислатларини ўзида гавдалантиради. Шоирнинг «Софиниш» шеъри билан «Кузатиш» шеъри бир-бирини тўлдиради. Чунки «Кузатиш» шеърида отанинг ўз ўғлини фронтга жўнатиши билан боғлиқ бўлган руҳий ҳолати акс этган бўлса, «Софиниш»да ана шу отанинг фронтда жанг қилаётган мард ўғлини жондилидан соғиниши, унинг кайфияти, ички кечинмалари тасвирланади. «Софиниш» шеърида шоир ота образи тимсолида миллий характер яратиб, халқимизга хос болажонлик ва инсонпарварлик хислатларини ифодалаган.

«Сен етим эмассан» шеърида инсонпарварлик ёрқин акс этган. Бу шеърдаги лирик қаҳрамон (ота образи) машъум уруш туфайли ота-онасидан етим қолган ёш болага чин кўнгилдан ачиниб, унга меҳрибонлик қиласи. Етим гўдакни ўз юрагининг меҳр ўти билан юпатади:

Сен етим эмассан,  
Тинчлан, жигарим,  
Қуёшдай меҳрибон  
Ватанинг — онанг,  
Заминдай вазмину  
Меҳнаткаш, мушфиқ,  
Истаган нарсангни тайёрлагувчи  
Халқ бор — отанг бор.  
Чўчима, жигарим.

Ўз уйингдасан.  
Бу ерда  
на ғурбат,  
на офат,  
на ғам.

Бунда бор:  
харорат,  
муҳаббат,  
шафқат

Ва меҳнат нонини кўрамиз баҳам.

«Сен етим эмассан» шеъри минглаб гўдакларни етим қолдирган урушни ва уни бошлаган фашист галаларини лаънатлаш руҳи билан сугорилган. Унинг таъсир қуввати ва тарбиявий аҳамияти кучли.

Faфур Гуломнинг «Мен яҳудий» шеърида ҳам инсонпарварлик, халқлар дўстлиги куйланади. Гитлерчи фашистларнинг ирқий «назария»си аёвсиз фош этилади. Шеър икки қисмдан иборат. Биринчи қисмда шоир узоқ ўтмишдаги тарихий воқеаларни эслайди. Жаҳон маданияти тарихини яратишда яҳудийларнинг ҳам хиссаси борлигини кўрсатиб беради. Шеърнинг иккинчи қисмida эса шоир фашистларнинг ирқий «назария»сини қоралаб, халқлар ўртасидаги дўстликни улуғлайди.

Faфур Гуломнинг уруш давридаги шеъриятида «Хотинлар», «Сув ва нур» асарлари ҳам салмоқли ўрин тутади. Маълумки, уруш даврида хотин-қизларимиз қийинчиликларни мардона енгib, ватанпарварлик на-муналарини кўрсатдилар. Faфур Гулом «Хотинлар» шеърида ана шу ҳақда фикр юритиб, ўзбек аёллари образини яратган.

«Сув ва нур» балладасида эса уруш давридаги умумхалқ қурилиши — Фарҳод ГЭС воқеалари тасвirlаниб, фронт билан фронт орқасининг мустаҳкам бирлиги ва халқ қаҳрамонлиги тараннум этилади. Буюк галабага ишонч туйғулари асарнинг умумий руҳига сингдириб юборилган. Шоир жангчиларимизга мурожаат этиб:

Сиз ёвуз душманнинг бошини янчиб,  
Музаффар юришдан қайтган чоғда,  
Биз ғолиб байроқни юксакка санчиб,  
Зиёфат берамиз бу Фарҳод — боғда,

деб ёзади.

Faafur Fуломнинг уруш даврида ёзилган шеърларида ватанпарварлик ва инсонпарварлик ғоялари ғалабага ишонч ғоялари билан узвий бирлиқда намоён бўлади. Шоир шеърларининг сарлавҳаларидан («Бизнинг кўчада ҳам байрам бўлажак», «Биз енгамиз» каби) тортиб барча унсуригача қисқаси, асарнинг бутун тўқимасига кўтаринки руҳ сингдириб юборилган. Faafur Fулом урушнинг биринчи йилидаёқ «Тонг яқин, тонг яқин, оппоқ тонг яқин» деб ёзганида мисра мазмунига рамзий маъно бериб, ғалабамизни оппоқ тонгга ўхшатган ва унинг яқинлигига ишонч ҳосил қилган.

Хуллас, Faafur Fулом уруш даврида «пўлат найза каби ўткир, букилмас» асарлар ёзиб, ўзининг ватанпарвар шоир эканини амалда намойиш этди.

Faafur Fулом урушдан кейинги йилларда замонавий мавзуларда, айниқса, тинчлик ва дўстлик, она-Ватан ва меҳнаткаш инсон ҳақида кўпгина бадиий бақувват шеърлар яратди.

F. Fуломнинг урушдан кейинги йилларда яратган шеърларида жаҳонда тинчлик учун кураш мавзуи катта ўрин тутади. Шоирнинг «Яшасин тинчлик», «Тинчлик кўклами», «Тинчлик нашидаси», «Бу — сенинг имзонг», «Биз тинчлик истаймиз», «Тинчлик минбаридан», «Тинчлик аҳди учун» каби шеърларида тинчлик учун кураш мавзуси кенг кўламда фафурона услубда ёритилади. Масалан, «Биз тинчлик истаймиз» шеърида тинчликсевар халқларнинг иродаси атом ва водород бомбаларидан ҳам кучли эканлиги қўйма мисраларда ифодаланган.

Faafur Fулом шеъриятида тинчлик учун қураш масаласи халқлар дўстлиги мавзуи билан ҳамоҳанг равишда ифодаланади. Шоирнинг «Улуг рус халқига», «Қозоқ элининг улуғ тўйи», «Қардош тожик халқига», «Бири бирига шогирд, бири бирига устоз», «Бизнинг уйга қўниб ўтинг, дўстларим», «Озарбайжонлик пахтакор юртдошларга» каби шеърларида дўстлик мавзуи аниқ кечинмалар, ҳаётий образлар, ҳаётий тасвиirlар воситасида ёритилган.

Шоир ўз шеърларида халқлар дўстлигини тасвиirlар экан, ҳар бир халқнинг ҳаётига, миллий хусусиятларига оид муҳим белгиларни топади ва уларни жой-жойида ишлатади.

Faafur Fулом халқлар дўстлиги мавзуини тарихий манбаларни, аниқ ҳаётий ҳодисаларни умумлаштириш

орқали ёритади. «Қардош тожик халқига» шеърида ўзбек ва тожик халқлари дўстлиги ва қон-қариндошлигининг теран томирларини кўрсатиб беради:

Яқин қуда-кудагай қадим-қадимдан буён,  
Бирининг ўғли тожик, келини ўзбек қизи,  
Отаси фарғоналик, онаси аз Бадахшон,  
Она тилиси тожик, аммо ўзбекдир ўзи.

Худди шунингдек, ўзбек халқи билан қозоқ халқи ўртасидаги самимий дўстлик «Қозоқ элининг улуғ тўйи» шеърида ёрқин ифодаланган. Унда шоир азamat қозоқ халқининг ва Қозогистоннинг яхлит поэтик образини яратиб, ўзбек ва қозоқ халқлари дўстлигининг ижтимоий мөхиятини бадиий йўл билан очиб беради. Faafur Fулом қозоқни «жекам, жонга туташ иним» деб эъзозлайди, «женгай десам йироқ бўлмас, синглим десам яхшироқ» деб ардоқлайди. Шу тариқа қозоқ халқининг фазилатларини, унга бўлган меҳр-муҳаббатини мисрама-мисра оча боради:

Қуёш ўғли, қуёшдан ҳам  
Баракали улуғ халқ.  
Миллиард тонна арпа-бўғдой  
Омборлари тўлиқ халқ.  
Ёвқур, дадил, жанг кунлари  
Оти чайнар сулуғ халқ.  
Аҳди маҳкам, бошлар бўлса  
Ҳар ишни қилгулик халқ.

Faafur Fулом Озарбайжон ўлкаси ҳақида, ўзбек ва Озарбайжон халқлари дўстлиги тўғрисида ёзганида ҳам мавзууни ана шундай маҳорат билан ёритади. Бу икки қардош-қондош халқ дўстлигини улуғлаб, уларни «бири бирига шогирд, бири бирига устоз» деб атайди.

Faafur Fулом халқлар ўртасидаги дўстликни тасвирлаш билан бирга, замондошларимизнинг чет эл меҳнаткашларига бўлган дўстона муносабатлари ҳақида ҳам шеърлар ёзди («Она қизим, Жамила», «Ливан озод бўлади», «Поль Робсонга», «Алишер Навоий қабри устида» ва ҳоказо).

Faafur Fулом қайси мавзуда шеър ёзмасин, масалага меҳнаткаш халқ манфаати нуқтаи назаридан ёндашди. Бинобарин, шоир шеъриятида меҳнаткаш халқга муҳаббат туйғулари акс садо беради. Faafur Fулом оддий меҳнат кишисининг ижтимоий меҳнатини

улуглашни, меҳнаткаш инсон образини яратишни ҳамиша ўзининг диққат марказида тутади. Шу сабабли шоирнинг:

Бутун китобларимни вараг-вараг ахтаринг,  
Ҳамиша улуг инсонFaфурнинг темасида.  
Инсоннинг қатра қони менга оламча мазмун,  
Фақат ўзинг буюксан, қуёш системасида.—

деб ёзиши ҳам бежиз эмас, албатта.

Faфур Гулом ўзининг «Куз келди», «Ўзбек халқининг гурури», «Қайроққум қурилиши», «Шофёр», «Май саломи», «Кулол ва заргар», «Теримчи қизлар», «Вақт» каби шеърларида меҳнатни баҳт манбаи, инсон маънавий қиёфасини белгиловчи бош омил сифатида тасвирлаб, оддий кишиларнинг яратувчилик меҳнатини улуғлайди, меҳнаткаш инсоннинг қадр-қимматини баланд кўтаради.

Шоир «Кулол ва заргар» шеърида меҳнатнинг яхшиёмони, катта-кичиги бўлмайди, халқ, Ватан манфаатига қаратилган меҳнатнинг ҳаммаси ҳам шон-шараф ишидир, деган ғояни лирик пафос билан ифодалайди. «Вақт» шеърида эса унумли меҳнат ва қимматли вақт ҳақида поэтик фикр юритиб, теран мазмунли фалсафий умумлашмалар яратади. Вақтни эъзозлаб, унинг ҳар бир дақиқасидан унумли фойдаланиш, тинмай меҳнат қилиб, мамлакат фаровонлигини ошириш ҳақида бонг уради:

Азиз асримизнинг азиз онлари,  
Азиз одамлардан сўрайди қадрин,  
Фурсат ганиматдир, шоҳ сатрлар-ла  
Безамоқ чогидир умр дафтарин.

Бу пурҳикмат мисралар, ўз навбатида, Faфур Гуломнинг ўз халқига, хусусан, ёш авлодга васияти сифатида ҳам акс садо беради. Зотан, «Вақт» шеърида шоир миллион-миллион кишиларимизни халқ ва она-Ватан манфаати учун фидокорона меҳнат қилишга чақиради.

Faфур Гулом шеъриятининг фазилатлари юқорида қайд этилганлардангина иборат эмас. Шоир асарлари шакли, қофијаси, вазни жиҳатидан ҳам мукаммал. У ўз шеърларида миллий характер белгиларини самимий ихлос билан акс эттиради.

Faфур Гуломнинг «Бизнинг уйга қўниб ўтинг, дўстларим» шеърида лирик қаҳрамон тимсолида мил-

лий характер яратилиб, ўзбек халқига хос бўлган кенг феъллилик ва меҳмондўстлик, санъатга ва гулга ўчлик сингари фазилатлар табиий ва жонли қилиб чизиб берилган. Натижада бу тўлигича миллий шеър бўлиб чиққан:

Ўзбекистон юртига борган чоғи,  
Гур очилур қардошларнинг қучоги,  
Дилда қайнар неъматларнинг ўчоги,  
Асфалт йўлда ЗИЛларнинг тупичоги—  
Аввал бизга қўниб ўтинг, дўстларим!

Қисқаси,Faфур Ғулом шеъриятининг қамрови кенг, поэтик фикрлари теран, услуби равон. Бироқ шоир ижодида шахсга сифиниш ва турғунлик даври тақозоси билан содир бўлган жиддий нуқсонлар — мадхия-бозлиқ, ҳаётни бўяб-безаб, ортиқча мақтаб акс эттириш, қўшиб ёзиш — йўқ нарсани бор деб талқин этиш ҳоллари ҳам мавжуд.

Умуман олганда, Faфур Ғулом буюк шоир сифатида ҳаётни тўлиб-тошиб, кўтаринки руҳ билан қуйлади, инсониятни қизиқтирадиган эзгу ғояларни маҳорат билан ифодалади. Faфур Ғуломнинг улуғлиги ҳам аввало ана шунда.

\* \* \*

Faфур Ғулом болалар адабиёти, таржима санъати ва адабиётшунослик ривожига ҳам муносиб ҳисса қўшган. Шоирнинг «Бари сеники», «Фарзандларимизга» каби тўпламлари ва «Шум бола» қисаси болаларга бағищланган.

Faфур Ғуломнинг «Икки ёшлиқ», «Яша, дейман, ўғлим», «Билиб қўйки, сени Ватан кутади», «Билиб турибман» каби шеърларида болаларни қизиқтирадиган турли мавзулар акс эттирилган. Ватанимизнинг куч-қудрати, гўзал табиати, бойликлари, кишиларимизнинг ҳаёти, ажойиб фазилатлари, дўстлик, ватанпарварлик, инсонпарварлик, меҳнатсеварлик ғоялари болалар дидига ва дилига мос қувноқ мисраларда тасвирлаб берилган.

«Бари сеники» шеърида шоир Ватан тушунчасининг маъно ва мазмунини ғоятда аниқ образларда очиб беради. Faфур Ғулом Ватан — гўзал водийлар, серҳосил далалар, обод шаҳарлар, дахлсиз чегаралар, илму фан ўргатувчи мактаблар, баҳтиёр ёшлиқ ва порлоқ кела-

жак эканини уқтириб, ёш авлодга ана шуларнинг «бари сеники» деб хитоб қиласди:

Лоладан поёндоз ҳар бир қадамда,  
Узлуксиз кулгилар доим даҳанда,  
Олтин тупрингни ўпганим дамда  
Нафасинг сезилар эди баданда  
Гул, булбул чаманда — бари сеники.

Faafur Fуломнинг болаларга аталган кўпгина шеърларида хушчақчақ кулги (юмор) бўртиб туради. Шоирнинг «Аҳмад ёмон бола эмас-ку, аммо...», «Турсуналининг варраги», «Нортожининг курак тиши» сингари шеърлари ўзбек болалар адабиётидаги юмористик поэзиянинг намуналаридандир. Уларда тозалик ва озодалик масалалари хушчақчақлик билан қизиқарли қилиб ифодаланган.

Faafur Fуломнинг болалар дунёсига оид бошқа мавзуларда яратилган шеърларида ҳам хушчақчақлик барқ уриб туради. «Яша, дейман, ўғлим» шеърида шоир ватанпарварлик ва ботирлик ғояларини олға сурар экан, боланинг катта орзу-умидларини, қаҳрамонлик ҳақидағи ўйларини завқ билан қўллаб-қувватлайди ва унинг барча ниятларига «Яша, дейман, ўғлим» деб далда беради:

— Дада, мен осмонга учар бўлсам,  
Чеки йўқ кўкни ҳам қучар бўлсам,  
Юлдуздан юлдузга қўчар бўлсам.  
Сен тубанда қолиб не дейсан?  
— Яша, дейман, ўғлим!

Faafur Fулом адабиётшунос сифатида ўзбек адабиётининг Навоий, Машраб, Муқимиy, Fурқат, Аваз Ўтар, Ойбек, Ҳамид Олимжон, С. Айний, Собир Абдулла, Амин Умарий, Fайратий каби йирик вакиллари ҳақида, шунингдек, ўзбек фольклори ҳақида бир қанча мақолалар ёзди. Унинг «Фольклордан ўрганайлик», «Fурқат рус аскарларининг қудрати тўғрисида», «Шоир айблайди», «Ойбек — ёзувчи ва олим», «Талантли шоир ва драматург» сингари мақолалари аниқ хуросаларга, янги фикрларга сероблиги билан характерлидир.

Faafur Fулом ўзбек адабиёти масалаларини ёритиш билан бир қаторда, рус, украин, белорус, озарбайжон, қозоқ, тоҷик, туркман, татар ёзувчилари ижоди ҳақида, адабий алоқа ва адабий таъсир ҳақида яхши мақолалар

эълон қилди.Faфур Ғуломнинг икки томлик «Адабий-танқидий мақолалар» (1971 ва 1973) тўпламидан жой олган М. В. Ломоносов, В. В. Маяковский, А. С. Серафимович, Тарас Шевченко, А. Жомий, С. Айний, А. Лохутый, М. Турсунзода, Жамбул Жабаев, Абай Қўонбоев, Фузулий, Сулаймон Рустам, Абдулла Тўқай каби турли миллат ёзувчилари ижоди ҳақидаги мақолалари ана шундан далолат беради.

Шоир Faфур Ғулом моҳир таржимон сифатида А. Пушкин, М. Лермонтов, А. Некрасов, В. Маяковский, М. Горький, Мирзо Турсунзода каби санъаткорларнинг бир қанча асарларини ўзбек тилига ўғирди. Шунингдек, буюк инглиз драматурги В. Шекспирнинг «Отелло», «Қирол Лири трагедиялари Faфур Ғулом томонидан таржима қилинди. Faфур Ғулом таржималарида асил нусханинг руҳи, миллий ва гоявий-бадиий хусусиятлари сақланган.

Faфур Ғулом — йирик шоир ва носир эди. Унинг асарларининг тарбиявий-эстетик аҳамияти ниҳоятда катта. Бинобарин, у адабиётимизда ўзига хос салмоқли ўрин эгаллади.

#### АДАБИЁТЛАР

- Х. Ёқубов. Faфур Ғулом (ҳаёти ва ижоди), Тошкент, 1959.
- С. Мамажонов. Шоир ва замонавийлик. Тошкент, «Фан», 1963.
- С. Мамажонов. Faфур Ғулом прозаси. Тошкент, «Фан», 1966.
- Н. Шукуров. Faфур Ғуломнинг лирик поэзиясидаги маҳорати. Тошкент, «Фан», 1966.
- С. Мамажонов. Услуб жилолари. Тошкент, Ф. Ғулом номидаги Адабиёт ва санъат нашриёти, 1972.
- А. Акбаров. Шоирнинг ҳаёти. Тошкент, 1973.
- Сайд Аҳмад. Назм чорраҳасида, Тошкент, «Ёш гвардия», 1982.
- Faфур Ғуломнинг бадиий олами. Тошкент, «Фан», 1984.
- Ўзбек совет адабиёти тарихи. Тошкент, «Ўқитувчи», 1990.

#### Матн

Faфур Ғулом. Асарлар (ўн икки жилдлик). Тошкент, 1970—1978.

### ҲАМИД ОЛИМЖОН

(1909—1944)

Ҳамид Олимжон ҳозирги замон ўзбек адабиётининг йирик намояндаларидан биридир. У адабиётимиз майдонига Ойбек, Faфур Ғулом, Уйғун, А. Қахҳор, К. Яшинлар билан бир қаторда кириб келди. Шоир ўзининг ажойиб асарлари билан адабиётимиз хазинасини бойитди.

Ҳамид Олимжон ижоди 20-йиллардаёқ адабий танқидчиллик ва адабиётшуносликнинг диққатини ўзига жалб этди. Шоир ижоди ҳақида қатор мақолалар ва тақризлар юзага келди. Кейинчалик Ҳамид Олимжоншунослик ўзбек адабиётшунослигининг ўзига хос бир тармоғи сифатида шаклланди. У йилдан-йилга ўсиб, жиддий ютуқларга эришди. Шу билан бирга, фаннинг бу тармоғида айрим хато ва камчиликларга ҳам йўл қўйилди.

Маълумки, Ҳамид Олимжоннинг шеърияти 20-йиллардаёқ адабий танқидчиликда ижобий баҳоланди. Шоирнинг биринчи тўплами — «Қўклам»га ёзилган сўз бошида «Инқилобий нафис адабиётимиз яна бир «Қўклам» билан безалди... «Қўклам» асосан мазмун, қисман шакл билан ҳозирнинг қўшиғи бўлишга ҳақидидир. Шоир мана шу ҳаётнинг вакили бўлиб майдонга чиқадир<sup>1</sup>, деб қайд этилди. Москвалик танқидчи В. Ермилов 1934 йилда «Ўзбек насли ва назмининг ўсишиFaфур Гулом, Fайратий, Ҳамид Олимжон, Уйғун, Ойбек, Ойдин, Ҳасан Пўлат ва бошқалар билан бўлди»<sup>2</sup>, деб ёзган эди.

Бироқ, 20-йилларда, хусусан, 30-йилларда шоир асарларини нотўғри талқин қилиш, Ҳамид Олимжонни майда буржуа таъсиридаги ижодкор деб ноҳақ айблаш ҳолларига ҳам йўл қўйилди. Анқабой X. Олимжон ижодида «мағкуравий чатоқликлар» мавжуд деб ёзди. («Қурилиш» журнали, 1931, 1-сон). К. Бобоев X. Олимжонни «ёт ижодкорлар» қаторига кўшишга уринди («Қизил Ўзбекистон» газетаси, 1930 йил, 15 октябрь). Р. Мажидий ва А. Саъдий уни майда буржуа таъсиридаги шоир сифатида характерлади.<sup>3</sup> Охироқибатда 1937 йил 2 ноябрда шоир миллатчиларнинг «думи» сифатида Ўзбекистон ёзувчилар уюшмаси аъзолигидан чиқарилди. Лекин ҳақиқат қарор топди Ҳамид Олимжон яна уюшма аъзолигига тикланди<sup>4</sup>.

<sup>1</sup> Ҳамид Олимжон. Қўклам. Самарқанд — Тошкент, Ўздавнашр, 1929, 4-бет.

<sup>2</sup> В. Ермилов. Шўро ёзувчиларининг курултойи — бутун мамлакат иши. «Ўзбекистон Шўро адабиёти» журнали, 1934, 1-сон, 7-бет.

<sup>3</sup> Бу ҳақда Сарвар Азимовнинг «Абадият» (1988, 68—69- бетлар), Наим Каримовнинг «Ҳамид Олимжон» (1979, 124—125- бетлар) монографияларида фикр юритилган.

<sup>4</sup> Қаранг: «Қизил Ўзбекистон» рўзномаси, 1938 йил 18 апрель.

Шуниси мұхимки, Ҳамид Олимжон ижодини баҳолашда йўл қўйилган хато ва камчиликлар йиллар ўтиши билан янги-янги илмий тадқиқотларда тузатиб борилди. Шу тариқа Ҳамид Олимжоннинг ўзбек адабиётида тутган ўрни ва адабиётимиз хазинасига қўшган қимматли хиссаси тўғри кўрсатиладиган бўлди.

Ҳамид Олимжон ижодини илмий асосда ўрганиш, тадқиқ этиш соҳасида, айниқса, Сарвар Азимовнинг «Ҳамид Олимжон абадияти» (1967), Салоҳиддин Мамажоновнинг «Шоир дунёси» (1974), Наим Каримовнинг «Ҳамид Олимжон» (1979) сингари тадқиқотлари катта аҳамият касб этди. Демак, Ҳамид Олимжон меросини тўплаш, нашр этиш, илмий асосда ўрганиш ва таҳлил қилиш соҳасида салмоқли ютуқлар мавжуд.

\* \* \*

Ҳамид Олимжон қисқа, лекин мазмунли ва ибратли ҳаёт кечирди. У 1909 йилда Жиззах шаҳрида туғилди. Ўтмиш ҳаётнинг аччиқ қисматини бошидан ўтказди.

Ҳамид Олимжоннинг униб-ўсишида педакадемия (ҳозирги Алишер Навоий номидаги Самарқанд давлат дорилфунуни) катта роль ўйнади. Ҳамид Олимжон 1928—1930 йилларда педакадемияда Уйғун, Ойдин, Миртемир, Жалол Икромий каби ёш шоирлар билан бирга ўқиди. Дорилфунундаги адабий мухит Ҳамид Олимжоннинг ижодий такомилида катта аҳамиятга эга бўлди.

Ҳамид Олимжоннинг биринчи шеърлар тўплами — «Кўклам» (1929) талабалик чоғларининг маҳсули бўлиб, унда замон руҳи уфуриб туради.

Ҳамид Олимжон «Кураш нашидаси», «Янги турмушга», «Зафар достони», «Пролетар», «Биринчи май алангалари» каби илк шеърларида ёқ воқеликни комил ишонч, ёшларга хос жўшқинлик билан куйладай бошлади. Шу билан бирга, меҳнаткаш халқни янги жамият қуришга даъват этди.

Ҳамид Олимжон катта ижодий ишни фаол жамоатчилик иши билан узвий қўшиб олиб борди. Педакадемияни битиргандан сўнг, 30-йилларда аввал рўзнома ва ойномаларда, сўнгра Маданий қурилиш институтида ишлади. Поэтик асарлар ёзиш билан бирга, илмий тадқиқот ишларини олиб борди. Ҳамид Олимжоннинг «Ўқиш ва ўрганиш қийинчиликлари», «Ёзувчининг

савиясини кўтариайлик», «Адабиётимизнинг тикка кўтарилиш даврида», «Адабиёт ва халқ», «Ўзбек халқининг адабиёти» каби мақолалари 30-йилларнинг маҳсули бўлиб, уларда адабиётимизнинг назарий масалалари кўтариб чиқилган. Ҳозирги замон ўзбек адабиётининг тараққиёт йўллари ва гоявий йўналишлари ҳақида баҳс юритилган.

Ҳамид Олимжон 30-йилларда ўзбек мумтоз адабиётини ва халқ оғзаки ижодини тадқиқ этишга алоҳида эътибор берган. «Ўзбек халқининг улуғ шоири Навоий», «Навоий ва замонамиз», «Мардлик, муҳаббат ва дўстлик достони», «Фарҳод ва Ширин» ҳақида», «Ўзбек халқининг ўлмас шоири», «Муҳаммад Амин Муқими» каби мақолалар Ҳамид Олимжоннинг етук тадқиқотчи эканлигини кўрсатади. Шунингдек, Ҳамид Олимжон қардош халқлар адабиётларини, хусусан рус адабиётини илмий ўрганиш ва ташвиқ этиш соҳасида ҳам ибратли ишлар қилган. «В. В. Маяковский ҳақида», «Толстой ва ўзбек халқи», «Салом, Пушкин», «Буюк санъаткор», «Жамбул ва халқ», «Тарас Шевченко» каби мақолалар ана шундай далолат беради.

Илмий тадқиқот соҳасидаги бундай фоаллик шоир поэтик ижодининг тез ўсиб, ривожланишига катта таъсир этди. Дарҳақиқат, Ҳамид Олимжоннинг илк ижодида ғунча тарзида намоён бўлган замонавийлик, гоявийлик ва жўшқинлик унинг ўттизинчи ва қирқинчи йилларда яратилган поэтик асарларида янада сайқал топди. 30-йилларда Ҳамид Олимжон поэтик асарларининг тематик доираси кенгайди; гоявий-бадиий савияси сезиларли даражада ортди. Бу ўсиш «Олов сочлар» (1931), «Ўлим ёвга», «Пойга» (1932) тўпламларида аниқ кўринди. Бу китобларга кирган «Шарқ», «Ўзбекистон», «Сиёб», «Комсомол келади», «Қизил денгиз», «Биз енгдик» сингари шеърларда Ҳамид Олимжон янги қурилиш ва меҳнат мавзузини публицистик кўтаринкилик ва жўшқинлик билан куйлади.

30-йилларнинг иккинчи ярмида Ҳамид Олимжоннинг «Дарё кечаси» (1936), «Чирчиқ бўйларида» (1937), «Ўлка» (1939), «Бахт» (1940) тўпламлари майдонга келди. Бу тўпламларга кирган поэтик асарларнинг аксарияти гоясининг муҳимлиги, образларининг ёрқинлиги, тилининг равонлиги ва жозибадорлиги билан шеъриятимизда янгилик бўлди. Бу асарлар шоир ижодида янги воқелик тасвири тобора

чуқурлашиб, образлилик, оригиналлик ва таъсирчанлик кучая борганлигидан далолат беради.

Янги ҳаёт ва янги ахлоқни куйлаш Ҳамид Олимжоннинг 30-йиллардаги ижодининг асосий гоявий мазмунини ташкил этади. Шоирнинг «Ўлка», «Ўрик гуллаганд», «Кўйчининг хаёли», «Ўзбекистон» сингари шеърларида ҳам янги ҳаёт завқи, она диёрга муҳаббат ҳис-туйғулари моҳирона ифодаланган. Шоир «Кўйчининг хаёли» шеърида зўр ифтихор билан шундай дейди:

Энди қўшиқ ҳурдир, юраклар бедоғ,  
Қаддини кўтарди ўлка ва одам.  
Кўшиклар мўл бўлсин, тетик ва қувноқ,  
Ота, замонамиз ғазалхон бир дам.

Ҳамид Олимжон «Ўзбекистон» шеърида аниқ ва типик деталлар, ранг-баранг тасвир воситалари ёрдамида қуёшли диёrimизнинг яхлит образини яратиб, асар гоясини шеърнинг магзи-мағзига сингдириб юборади. Мавзууни ёритишда табиат манзаралари тасвиридан моҳирона фойдаланади. Дарҳақиқат, «Ўзбекистон» шеъри пейзаж лирикасининг нодир намунаси бўлиб, унда манзара асар гоясини бадиий йўл билан очишга тўлалигича хизмат қиласди:

Ўхшалий ўқ бу гўзал бўстон,  
Достонларда битган гулистон.  
Ўзбекистон дея аталур,  
Уни севиб эл тилга олур.  
Чиройлидур гўё ёш келин,  
Икки дарё ювар кокилин.  
Қорли тоглар турар бошида,  
Гул водийлар яшнар қошида.  
Чор атрофда ёйтганда тилам,  
Асло йўқдир бундайин кўклам...  
Бу шундайин ажаб дидердир

Шоир Ўзбекистон образини яратар экан, мавзуга халқлар дўстлиги нуқтаи назаридан ёндашиб, ўзбек диёрининг тинчлиги ва ободлиги халқлар дўстлиги ва ҳамкорлигининг самарасидир, деган гояни асарнинг умумий руҳига сингдириб юборади. Шуниси муҳимки, Ҳамид Олимжон Ўзбекистон мавзуини тасвирлашда асосий аътиборни, ҳақли равишда, ўз меҳнати билан Ўзбекистоннинг шуҳратига шуҳрат қўшган, уни баҳтлар водийсига айлантирган оддий инсонларнинг

таърифига, уларнинг ажойиб фазилатларини тасвирлашга қаратади. Шоир Ўзбакистон меҳнаткашлари ҳақида дил сўзларини изхор этар экан, унинг тилидан бол-шакар томади:

Ботирлари канал қазади,  
Шоирлари ғазал ёзади.  
Куйчилари ўқийди ялла,  
Жувонлари айтади алла.  
Пазандаси ёпади ширмон,  
Қарилари кутади меҳмон.

Ҳамид Олимжоннинг «Бахтлар водийси», «Чирчиқ бўйларида», «Дарё тиник, осмон бегубор», «Чимён эсдаликлари», «Ўрик гуллаганд» каби шеърларида ҳам она-Ватан образи ўз халқига муҳаббат туйғулари билан узвий бирликда намоён бўлади. Шоир лирикасининг бундай фазилатлари «Қозогистон» шеърида ҳам очиқ кўринади.

Ҳамид Олимжон қайси бир асарида Ватанимиз ҳақида қалам тебратмасин, доимо Ватан гўзаллигидан завқланиб, ҳаяжонланиб, яйраб ва эркаланиб ёзади. Шоир шеърларининг мисралари ғоят равон, сўлим қўшиқ сингари ўзи оқиб кела беради. Шоир шеърнинг ҳар бир мисрасига, мисранинг ҳар бир сўзига шундай ёқимли оҳанг берадики, ўқилганда гўё хушхон ҳофиз ижросида дилрабо, сўлим қўшиқ тинглагандай бўласан. Шоир лирикасида бўртиб кўринувчи бу фазилат унинг лиро-эпик асарларига ҳам хос хусусиятдир. Масалан, шоирнинг «Икки қизнинг ҳикояси» «Зайнаб ва Омон» сингари асарларида лирика хусусиятлари билан эпос хусусиятлари узвий қўшилиб кетган ва зўр маҳорат билан ифодаланган.

Ҳамид Олимжон шеъриятининг чўққиси, шубҳасиз, «Зайнаб ва Омон» достонидир. Унда Ҳамид Олимжон истеъдодининг янги-янги қирралари, ўзбек шеърияти имкониятларининг чексизлиги яна бир бор намоён бўлган. Достон замирида аниқ ҳаётий воқеа ётади. Асадаги Зайнаб образининг прототипи (ҳаётдаги тимсоли) Бухоро вилояти Фиждуон ноҳиясидаги илғор жамоа хўжалик аъзоларидан бири Зайнаб Омоновадир. Унинг фидокорона меҳнати 1935 йилдаёқ юксак қадрланган эди. Бу нишондор пахтакор ҳақида шоир аввало «Зайнаб» номли бадиий очерк (1936), сўнгра ушбу достонни яратади.

«Зайнаб ва Омон» достонида (1938) озод меҳнат ва эркин севги, янги инсон ва янги урф-одат муаммоси кўтарилиди ва у зўр маҳорат билан ҳал қилинади.

Достонда жамоа ҳаёти қучогида, эркин меҳнат жараёнида ўз бахтини топган икки етим — Зайнаб ва Омоннинг ҳур севгиси тасвирланиб, бу борада эскилий билан янгилик ўртасидаги кураш, эскилий устидан янгиликнинг галабаси кўрсатилади. Янгича урф-одатлар ва янгича маънавий хислатлар улуғланади. Шу билан бирга, асарда никоҳ, оила қуриш соҳасида мавжуд бўлган эски урф-одатлар — бешик кетди қилишлар, ёшлигидан атаб қўйишилар, йигит ва қиз хоҳишини ҳисобга олмай зўрлаб эрга беришлар қораланади. Достонда тасвирланишича, Анор хола асранди қизи Зайнабни эски урф-одатларга кўра зўрлаб бўлса-да, Собирга бермоқчи бўлади. Аммо янги замон қизи Зайнаб бунга асло рози бўлмайди. Зайнаб эски урф-одатларга норозилик билдиради, эскилийка қарши ўз эрки, ўз бахти учун изчил курашади ва охир-оқибатда муроду мақсадига етади.

Достон сюжетига асос бўлган бу конфликт ўзбек турмушида кўп учрайдиган типик ҳодисадир. Конфликт ҳаётий бўлгани сингари поэмадаги образлар ҳам жонли ва тўлақонли бўлиб чиққан.

Достондаги Зайнаб, Омон, Собир образларида янги авлод вакилларининг маънавий қиёфаси, уларнинг янгича дунёқараши бадиий ифодаланган. Учала қаҳрамон ҳам янги замон руҳида тарбияланган ёшларнинг типик вакилидир. Уларда эски жамиятдан мерос қолган мутелик йўқ. Аксинча, эркинлик — инсон ҳам, севги ҳам эркин бўлсин деган туйғу кучли. Бу жиҳатдан Собирнинг қуийдаги сўзларини ана шу ёшларнинг маънавий қиёфасини кўрсатиб берувчи мунаvvар кўзгу деса бўлади. Чунки унда ёш авлоднинг дунёқарashi, янги онг, урф-одатнинг афзалликлари ўз ифодасини топган:

Қариндошлар йигсинлар эсин,  
Шу чоққача инсон севгисин  
Ўйин, мазах бўлгани басдир,  
Энди дунё бозор эмасдир.  
Энди одам қулдек сотилмас,  
  
Энди одам ўтга отилмас.  
Энди унга қафас бўлмас жон,

Энди дунё бўлмагай зиндан.

Энди одам истар бўлса ёр,

Ўз севганин қилсин ихтиёр.

Достон сюжети ҳаётӣ, тугал ва қизиқарли. Сюжет тобора ўса боради. Бу ҳол поэма гоявий мундарижасими, Зайнаб, Омон, Собир ва Азор хола характерларини чуқур очишга имкон берган.

Достон композицияси ҳам оригинал. Асар композициясида ўқувчи дикқатини ўзига жалб этиш, уни мафтун этиш санъати кучли. Достон уч бўлимдан иборат. Биринчи бўлимда жамоа хўжалиги даласидаги эркин меҳнат жараёни ва жамоа хўжалик аъзоси Зайнабнинг Омон исмли йигитни севиб қолиши, улар ўртасидаги самимий муносабатлар завқ-шавқ билан тасвирланади. Иккинчи бўлимда Зайнабнинг оғир ўтмиши (болалиги) ва кейинчалик жамоа хўжалигида фаол қатнашиб, чин инсон бўлиб етишгани — ўз эрки ва қадрини таниганлиги ҳикоя қилинади. Учинчи бўлимда эса Омоннинг ҳаёти ҳамда севишган бу икки ёш қалбининг янгича тўйи тасвирланади.

Кўринадики, шоир Омон ҳаётини узоқ вақтгача ўқувидан, ҳатто Зайнабнинг ўзидан ҳам атайлаб сир тутади. Иккинчи бўлимнинг охирида Азор: «У пасткашнинг зоти ким экан?!» деб сўраганида Зайнаб:

— Опа, урма қалбимга тикан,  
Уни мен ҳам билолганим йўқ,  
Бу юмушни қилолганим йўқ,—

дея хижолат чекади.

Шоир бу ўринда бўлажак куёв ҳаётини сир тутиш воситасида янгича ишқ-муҳаббатга хос бир хусусиятни очиб беради: янгича севгида ота-онанинг кимлиги, амали, насл-насаби, мол-мулки эмас, балки икки ёш қалбининг бир-бирига бўлган эҳтиросли севгиси ҳал қилувчи роль ўйнайди, деган гояни илгари суради. Шундай қилиб, достонда янгича севги, эркин муҳаббат тасвирланиб, янги воқелик, янгича турмуш тарзи улуғланган.

«Зайнаб ва Омон» достони характер яратиш санъати, тил ва бадиий маҳорат жиҳатидан ҳам юқори савияда ишланган. Шоир характер яратишда психологик таҳлил санъатидан моҳирона фойдаланган. Севги «дарди»га мубтало бўлган Зайнабнинг Омонга илк севги мактубини ёзишга интилиши тасвирланган эпизодни психолог-

гик таҳлилнинг яхши намунаси деса бўлади. Шоир Зайнабнинг севги мактубини ёзиш пайтидаги руҳий ҳолатини тасвиirlар экан, аввало типик шароит ҳозирлайди, одатда севги мактублари ёзиладиган пайт — тун манзарасини чизади.

Ана шу поэтик тасвиридан сўнг шоир ишқ-муҳаббат оловида ёнаётган Зайнабнинг севги мактубини ёзиш жараёнини кўрсатади. Шоир тасвирича, Зайнабда ёшларга хос булоқ сувидек пок севги-муҳаббат туйғуси ҳам, ўзбек қизлари характеристига хос шарм-ҳаё, иффат туйғуси ҳам кучли. Шу сабабли қиз, бир томондан, юрак розини изҳор этмасдан — севги мактубини ёзмасдан туролмайди. Шу билан бирга, иккинчи томондан, йигитга биринчи бўлиб юрак сирини очишдан ор қилади. Шоир Зайнаб характеристидаги ана шу икки туйғу ўртасидаги курашни тасвиirlаб беради:

«Сени, Омон, кўргандан бери,  
Кўзларимга уйқу келмайди.  
Сенга майл қўйгандан бери  
Ҳеч нарсага кўнгил тўлмайди...»  
Ўйлаб-ўйлаб тўхтаб қолади,  
Оғир-оғир нафас олади.  
Ёзганларин ўқиди такрор,  
Юрагида уйғонади ор—  
Ва қоғозни йиртиб ташлайди,  
Яна олиб ёза бошлайди:  
«Севганимни қилмай ошкора,

Омон ўзи сўз очса зора,  
Хаёлида юрар эдим жим,  
Фақат кутмоқ бўлмишди бурчим,  
Ва ниҳоят сабр ила қарор  
Тугади-ю бошладим иқрор...»  
Боз ўқиди, кўнгли тўлмади,  
Яна айтганидай бўлмади.  
«Ёзолмадим» деди-да ўзи,  
Рўпарада турган қоғозни—  
Парчалади. У энди бу бор  
Ёзмасликка айлади қарор.

Нақадар гўзал, нақадар жонли ва ҳаққоний руҳий ҳолат тасвири! Бу парчада шоир Зайнабнинг ўша пайтдаги руҳий ҳолатига хос ва мос шундай ҳаракат, ўзгариш ва деталлар топиб тасвиirlаганки, уларнинг ҳаммаси ўша вазият ва ўша ҳолатдаги образ руҳиятига жуда монанд бўлиб тушади. Шунинг учун ўқувчи Зайнабнинг бу пайтдаги ҳаракатларини табиий деб билади ва Зайнаб билан бирга ҳаяжонланади, воқеанинг давомини орзиқиб кутади. Дарҳақиқат, Салтиков-Шчедрин қайд қилганидек, «Ёзувчи учун энг қийин масала ўз қаҳрамонларининг ҳаракат ва қилиқларини тасвир қилишdir, ёзувчи бу ҳаракат ва қилиқларни шундай тасвир қилсинки, китобхон асарни ўқиганда қаҳрамоннинг шу пайтда ҳақиқатан шундан бўлакча

харакат қилиши мумкин эмаслигига ишонсин»<sup>1</sup>. Зайнаб образининг тасвири бу юксак талабларга тўла жавоб беради.

«Зайнаб ва Омон» достонида миллийлик аниқ-тиник акс этган. Зайнаб, Анор хола образлари талқинида, пейзаж тасвирида ва асар тилида миллий хусусиятлар ёрқин ифодаланган.

Достоннинг услуби ғоят равон ва жозибадор, тили содда ва бўёқдор. Бу асар «тавсифлар билан эмас, балки картиналар ва образлар билан сўзлайдиган» (В. Г. Белинский) ҳақиқий шеъриятнинг ҳозирги замон ўзбек адабиётидаги мумтоз намунасиdir.

Ҳамид Олимжоннинг 30-йиллардаги ижодида «Ойгул билан Бахтиёр» (1937), «Семурғ ёки Паризод ва Бунёд» эртак-достонлари ҳам салмоқли ўрин эгаллайди. Шоир бу икки достонни яратиш билан халқ оғзаки ижодидан ўринли фойдаланишининг ибратли намунаси ни кўрсатди. Ҳамид Олимжон бу эртак-достонларни яратишда тарихий ҳақиқатни асар сюжетига сингдириб юбориш, реалистик романтикандан унумли фойдаланиш орқали фольклор асарларидаги золим хонларга қарши кураш руҳини, халқ кучига ишонч туйғусини янада ёрқинроқ ва гўзалроқ қилиб ифодалайди; золимлик ва хоинликни, иккюзламачилик ва пасткашликини қоралаб, адолат ва гўзаллик дунёсини улуғлади. Масалан, «Ойгул билан Бахтиёр» достонида меҳнаткаш халқнинг озодлик ва баҳтли ҳаётга интилиб, золим хонларга қарши олиб борган ҳаёт-мамот кураши ва ғалабасини тасвирлашда шоир ана шу йўлдан борган. Бинобарин, халқнинг ўз кучига ва келажакдаги порлоқ ҳаётга ишончи — юксак оптимистик рух достон сюжетининг мағзи-мағзига сингиб кетган.

Достоннинг бош қаҳрамони — Ойгул. У «Маликаи Ҳуснобод» эртагидаги подшо қизи образидан фарқли ўлароқ халқ қаҳрамонларига хос сифатлар эгаси: халқ кучи ва иродасини ўзида мужассамлаштирган образ. Жамбил юртида кўтарилиган исён енгилса-да, золим хон Ойгулни ўлдира олмайди. Ойгул беҳад қийинчиликларга дуч келади: у зинданда ётади, дарёда оқади. Жаржон подшоҳи чангалига тушади. Уни Жайхун балиқ ютади. У оч-яланғоч қолади. Аммо Ойгул бу азобу үқубатларга мардонавор бардош беради, руҳи сўнмайди

<sup>1</sup> Салтиков-Шедрин. Тўла асарлар тўплами. М., 1957. «Советский писатель», 8-том, 465-бет.

ва мағлуб бўлмайди. Аксинча, охир-оқибатда золим хонни ўлдириб, муроду мақсадига етади, элга баҳт беради. Демак, Ойгул образи ҳалқ идеали ва орзулари тимсолидир.

Шоир Ойгул образини яратиш билан ҳалқ кучи ва иродасини ҳеч қачон енгиш мумкин эмаслигини ишонарли қилиб кўрсатган. «Семурғ ёки Паризод ва Бунёд» достонидаги чўпон Бунёд образи орқали ҳам ана шундай муҳим ҳалқчил ғоя өлға суриласди. Ойгул сингари Бунёд ҳам ҳалқ қаҳрамони ва ҳалқ орзулари тимсолидир.

Достонда тасвирланишича, камбағал чўпон йигит Бунёд хон қизи Паризоднинг не-не шаҳзодалар, не-не хонзодалар уddyалай олмаган оғир шартларини бажарип, зўр қаҳрамонлик кўрсатади: чинорни йиқитади, девни ўлдиради. Ҳалқ фарзанди Бунёднинг мардлигига ҳамма қойил қолади. Лекин хон ва хон қизи Паризод бу жасур йигитнинг қадрига етмайди. Паризод ўз ваъдасини бузиб, пасткашлик ва сурбетлик қиласди. Паризод маккорлик, аҳдбузарлик, беҳаёлик ва ёлғончилик тимсолидир. У достон хотимасида Бунёдга дейди:

Чўпонни севолмадим,	Тўшагинг хас деб билдим,
Ҳеч кўнгил қўёлмадим...	Аслингни паст деб билдим.
Қанча ботир бўлсанг ҳам,	Севолмадим сени мен
Зўр баҳодир бўлсанг ҳам,	Чунки мен хон қизимен.

Кўринадики, афсонавий қаҳрамонликларни ва кишини ҳайратга соловчи романтик саргузаштларни ҳикоя қилувчи «Семурғ ёки Паризод ва Бунёд» достонида хонлик тузумидаги синфий тенгсизлик ва ижтимоий адолатсизлик очиб ташланган. Меҳнаткаш ҳалқ вакилларининг мардлиги, қийинчиликлардан қўрқмаслиги, аҳдига вафо қилиши тасвирланган.

Поэма анъанавий ҳалқ достонларига хос бўлган афсонавий образ ва афсонавий тасвирларга бой, улар асарнинг ғоявий мазмунини гавдалантиришга бевосита хизмат қиласди. Бунёднинг тулпорга миниб чинорни қўпориши, баҳт қуши Семурғ билан учрашиши ва Семурғ ёрдамида даҳшатли девни енгиши — қисқаси, достонда акс этган воқеаларнинг деярли ҳаммаси эртакларга хос гўзал бўёқлар билан чизилган. Ҳаёт ҳақиқати қаҳрамонликлар ва афсонавий ҳодисалар тасвири орқали очиб берилган.

Поэмада ҳодиса-воқеаларнинг мохиятини ва халқ фарзанди Бунёднинг қаҳрамонлигини бўрттириб кўрсатиш учун ранг-баранг тасвирий воситалар — халқ оғзаки ижодига хос ажойиб муболагалар, мазмундор ўҳшатишлар, ажойиб сифатлаш ва жонлантиришлардан фойдаланилган. Шоир ўрмондаги даҳшатли девни ва унга қарши курашни тасвирлар экан, шундай гаройиб муболагалар яратадики, улар достон тилини безабгина қолмасдан, дев билан яккама-якка курашиб, уни енгган халқ қаҳрамони Бунёд образининг ёрқин чиқиши учун ҳам бевосита хизмат қилган.

Бунёд қилич чиқарди,  
Ўрмон ялтираб қолди.  
Бунёднинг қаҳри келди,  
Девнинг ҳам заҳри келди.  
Кўзларидан ўт сочди,  
Ўрмонликдан тун қочди.  
У ҳар оғиз очганда,  
У ҳар бир ўт сочганда,

Зўр бир ёнғин кетарди,  
Қанча ўрмон битарди.  
Нафасидан зўр бўрон  
Кўзгалар эди ҳар ён.  
Томирлар кўчар эди,  
Дараҳтлар учар эди...  
Дев қулаб йиқилгандা...  
Ерлар қимирлаб кетди,  
Зилзила гурлаб кетди.

Ҳамид Олимжоннинг эртак-достонлари китобхонларга эстетик завқ бериш билан бирга, ёш авлодни қаҳрамонлик ва инсонпарварлик руҳида тарбиялади.

Шундай қилиб, 20-йилларнинг иккинчи ярмида изланиш ва ўрганиш даврини ўтаган Ҳамид Олимжон 30-йилларнинг иккинчи ярмига келиб поэтик маҳорат чўққисини забт этди. Лекин, бу ижодий ўсиш осон ва силлиқ бўлмай, мураккаб тарзда кечди. Шоир бу йўлда турли ғовларга дуч келди. Дарҳақиқат, Ҳамид Олимжон яшаб ижод этган давр — шахсга сигиниш ҳолати ҳукмронлик қилган вақт эди. Бу «Давр адабиёт ва санъатда мадҳиябозлиқ, тантанаворлик, ҳаётнинг кўпроқ ёруғ томонларини куйлаш, ҳатто уни бўяб кўрсатиш ҳукмрон тенденция бўлган пайт эди»<sup>1</sup>. Ана шу дардли, нотинч давр, шубҳасиз, Ҳамид Олимжон ижодига ҳам салбий таъсир этди. У ҳам ҳаётни баъзан бир томонлама, бўяб-безаб, ортиқча мақтаб тасвирлашга мажбур бўлди.

<sup>1</sup> Эркин Воҳидов. Шоиру шеъру шуур (адабий ўйлар), Тошкент, «Ёш гвардия» нашриёти. 1987, 59—60-бетлар.

Умуман олганда, Ҳамид Олимжон 30-йилларда ҳам ҳаёт ҳақиқатини реал акс эттириш йўлидан борди, гоявий-бадиий гўзал асарлар ёзди. Натижада 30-йилларнинг охирларида йирик шоир ва жамоат арбоби сифатида танилди. 1939 йилда Ўзбекистон Ёзувчилари уюшмасининг раиси қилиб сайланди ва бу масъулиятли лавозимда умрининг охиригача ҳормайтломай ва ниҳоятда фаол ишлади.

\* \* \*

Ватан уруши даврида Ҳамид Олимжон ижоди ўз тараққиётининг янги — юқори босқичига кўтарилди. Ватанпарвар шоир жанговар давр талабларига ҳозиржавоблик кўрсатиб, босқинчи ёвларга қарши курашга отланди. Ўз ижодини она-Ватан мудофааси манфаатларига бўйсундириб, давр руҳи билан суғорилган етук асарлар яратди. «Она ва ўғил» (1942), «Қўлингга қурол ол» (1942), «Ишонч» (1943) шеърлар тўпламларини нашр эттирди.

Бу тўпламларга киритилган шеърларнинг аксарияти ҳарбий-ватанпарварлик лирикасининг ажойиб намунасиdir.

Шоир урушнинг биринчи кунида ёзилган «Ғалаба қўшиғи» шеърида фашистлар Германиясининг мамлакатимизга қарши бошлаган босқинчилик урушини қаттиқ қоралайди. Шу билан бирга, халқимизнинг душман устидан ғалаба қозониши муқаррар эканлигини ифодалайди. Бунда шоир халқ мақол ва ибораларидан усталик билан фойдаланган:

Фашизм — одамзод учун қора доғ келди,  
Қуёш нурига қарши чанг билан тўзон келди,  
Ўлакса устидаги қузғун билан зог келди,  
Ёлғиз менинг Ватаним баҳт ўстирап боғ келди.  
Кундузни тун деб ўйлаб сарҳадга келди ўғри,  
Кўршапалак охири оташга келди тўғри.  
Тушар доим эсимга — ўзбек мақолидир бу:  
Ким аввал мушт кўтарса, албатта, қўрқоқ келди.

Ҳамид Олимжон лирикасида ғалабага ишонч туйғулари курашга чақириқ гоялари билан узвий бирликда намоён бўлади. Зотан, шоир гитлерчи босқинчиларга қарши олиб борилаётган ҳаёт-мамот урушининг туб моҳиятини очиш билан бирга,

халқларни бир тан, бир жон бўлиб ёвга қарши мардонавор жанг қилишга чақиради:

Бўлсин десанг дунё сенга кенг,  
Қолсин десанг қўлингда эркинг,  
Бўлай десанг сен одамга teng,  
Бўлмай десанг ёвларга ҳаммол,  
Кўлингга қурол ол!..

Ҳамид Олимжоннинг уруш давридаги ижодида Ватан образи ўзининг бутун борлиғи ва тўлалиги билан ёрқин ифодаланган.

Ҳамид Олимжоннинг ҳарбий лирикаси бадиий маҳорат жиҳатидан ҳам юксак даражада ёзилган. Санъаткор шеърларининг аксарияти лиризмнинг кучлилиги ва бўёқдорлиги билан ажralиб турди. «Қамал қилинган шаҳар тепасидаги ой» шеърида шоир лирик қаҳрамонни табиат (тўлин ой)га бевосита мурожаат қилдириб, у билан сўзлаштиради. Шу орқали халқимизнинг уруш давридаги жанговар ҳаётини, орзуистакларини, ғалабага ишончини образли тасвирлайди. Шоир шеърни:

Гўзал ой, сенга бир гап  
Демакка кўп ҳайронман.  
Бемаҳал тўлганингдан  
Тоза ҳам пушаймонман,

деб бошлайди. Воқеа давомида ана шу пушаймонликнинг сабаблари очиб берилади. Бунда шоир уруш давридаги қийинчиликларни рўйирост кўрсатиш йўлидан боради:

Ўйин-кулги бизда йўқ,  
Юракка дард ютганмиз,  
Бошимизга ғам тушиб,  
Шодликни унугланмиз.

Шоирнинг уруш давридаги воқеликни бўяб-безаб ўтирасдан бор ҳақиқатни, элимиз безовталиги сабабларини очиқ ёзиши асар реализмини таъминлаб, шеърнинг эстетик таъсир кучини оширган. Ана шундай бор ҳақиқатни рўйирост акс этириш кайфияти «Шарқдан Фарбга кетаётган дўстимга», «Қўлингга қурол ол!», «Шинель» каби шеърларда ҳам очиқ кўринади. «Шинель» шеърида дабдабали гаплар ва риторик шиорлар йўқ. Шоир лирик қаҳрамон (жангчи

йигит) нинг ички кечинмаларини, унинг шинель ҳақида-ти дил сўзларини содда ва таъсирли қилиб ифодалайди. Шинель образи мисолида урушни қораловчи катта поэтик мазмун яратади. Асарнинг гоявий холосаси замон руҳига мос. У ўқувчи қалбида урушга қарши нафрат уйғотади:

Агарда урушда ўлмай,  
Үйимга қайтсан омон,—  
Барибир, сени ташлаб  
Хўрламайман ҳеч қачон...

Уруш давридаги ҳаёт ҳақиқати ва ўша жанговар давр руҳи шоирнинг «Роксананинг кўз ёшлари», «Жангчи Турсун» балладаларида ҳам ёрқин акс этган. Биринчи балладада тасвир этилишича, уруш даврида Украинадан Ўзбекистонга эвакуация қилинган украин келинчаги Роксананинг ёш боласи касал бўлиб, вафот этади. Роксана эса «Бу ерда қайда бўлса христиан мозори» деб зорланади. «Мусулмонлар қўярми боламни ўз ерига» деб изтироб чекади. Бундан огоҳ бўлган нуроний ўзбек чол Роксанага меҳрибонлик қилиб, «Бу тупроқ энди сенга, она қизим ёт эмас, Украинани ҳам менга ҳеч ким бегона демас»,— дейди. Баллада воқеаси давомида ўзбеклар украин боласи Вовани иззат-икром билан дафн этадилар. Ёш она Роксанани эса ёлғизлатиб қўймайдилар.

Балладада ҳаётий воқеа аниқ ва таъсирли ифодаланган. Бу фикр «Жангчи Турсун» балладасига ҳам тўлиқ тегишли. Чунки балладада жангчиларимизнинг образи шоирнинг ўзига хос маҳорати билан тасвирланган. Балладанинг бош қаҳрамони — жангчи Турсун она-Ватанга ва ўз халқига чин кўнгилдан хизмат қилиш руҳида тарбияланган. Лекин чиниқиб улгурмаган ёш аскар Турсунни жангда юз берган мағлубиятлар чўчитиб қўяди, унинг юраги увишиб, ҳатто жанг майдонидан қочмоқчи бўлади. Турсун ҳужум олдидан қочиш йўлларини ўйлар экан, онасидан хат олади. Хатда она ўз фарзандини мардлик кўрсатишга, ботирларча жанг қилишга даъват қиласди:

Халқинг учун тўккали  
Йўқми бир қошиқ қонинг?  
Ватаннинг тупроғидан  
Ширин эканми жонинг?..

Талабчан онанинг хати ўғлига қаттиқ таъсир қилади. Натижада у қаҳрамонона жанг қилиб, она ишончини — Ватан даъватини оқлайди.

Балладада жангчи Турсун образи билан бирга, ўз баҳтини халқ баҳтида, Ватан озодлигида кўрган, бинобарин, ўз ўғлини мардона жанг қилишга унданган ватанпарвар она образи ҳам яратилган.

Шоир ватанпарвар она образини яратишда жангда ўлган ўғлининг қонли кўйлагини кўзга суртгувчи фольклор қаҳрамонларига хос бўлган хусусиятлардан самарали фойдаланади. Халқ оғзаки ижодида шоҳларнинг одамхўрлигини акс эттирувчи қонга ботирилган кўйлак детали адолатсизлик ва ҳақсиз ҳукмнинг рамзи сифатида машҳур бўлган бўлса, «Жангчи Турсун» балладасида у янгича мазмун касб этиб, адолат ва ҳақоният рамзига, онанинг халқ иши учун жон берган ўғлидан фахрланиши белгисига айланган.

«Жангчи Турсун» балладасининг мазмунидагина эмас, шаклида ҳам халқ оғзаки ижоди сезилади. Унда халқ достонларидаги тасвир санъатини, шеърий ритм ва вазнни эслатувчи ўринлар бор. Гўрӯғли туркумидаги достонлар (хусусан, «Равшанхон»)да берилган жанг манзаралари тасвирини ёдга солувчи:

Фашистнинг ўлигини  
Босиб ўтиб боради.  
Найзага қалпогини  
Осиб ўтиб боради.

Сингари шеърий парчалар бунга мисол бўла олади. Ҳамид Олимжоннинг уруш давридаги ижодида публицистика жанри салмоқли ўрин эгаллайди. Унинг «Умид ва ишонч», «Сирдарё бўйларида», «Дўстлигимиз ҳақида», «Ўзбек ҳалқи номидан сўзлайман», «Бирлик», «Қайтиш» сингари публицистик мақолаларида ўтмиш ва ҳозирги замон воқелигининг ибратли томонлари, ҳалқимизнинг ажойиб фазилатлари кўрсатилди. Ватанпарварлик, қаҳрамонлик, ғалабага ишонч ва душманга нафрат гоялари таъсирли қилиб акс эттирилди. Муаллиф «Мен ўзбек ҳалқи номидан сўзлайман» (1943) номли жанговар публицистик асарида фашизмни кескин фош этиб, ўзининг Ватан ҳақидаги юрак сўзларини зўр ҳаяжон билан ифодалайди.

Ҳамид Олимжон уруш даври талабларига жавоб беришда драматургия жанри имкониятларидан ҳам

самарали фойдаланди. Унинг «Муқанна» (1943) тарихий драмаси уруш давридаги ўзбек драматургиясининг ютуғи ҳисобланади. Драмада Ўрта Осиё халқларининг узок ўтмишда (VIII асарда) Муқанна бошчилигида араб истилочилариға қарши олиб борған қаҳрамонона курашы кўрсатилади. Драматург ўтмиш воқеалари асосида она-Ватанга муҳаббат, босқинчи душманларга нафрат гояларини олға сурар экан, араб истилочиларини кескин қоралаган ҳолда араб халқига дўстона меҳр билан муносабатда бўлади. Зарафшонлик дехқон Фирдак тилидан айтилган қуйидаги сўзларда драматургнинг нуқтаи назари яққол кўринади:

Арабда ҳам мусичадай бегуноҳ,  
Сенга ўхшаш бечоралар жуда кўп.  
Жалойирга ёғдир барча қаҳрингни,  
Баттолга соч, қанча бўлса заҳрингни.  
Кимки босиб кирган бўлса юртингга  
Шуни курит!

Драманинг бош қаҳрамони тарихий шахс Ҳошим Ҳаким ўғли Муқанна. У ҳаётий бўёқларда тасвиrlана-ди. Муқанна душманга қарши курашда мислсиз сабот, матонат, мардлик ва қаҳрамонлик кўрсатади. Муқанна доимо, ниқобланиб, кўзга кўринмасдан юради ва керак бўлган жойда тўсатдан пайдо бўлади: халқ ҳаракатига донолик билан раҳбарлик қиласи. Халқ Муқаннага ишонади ва эргашади. Муқанна бошлиқ исёнкор халқ араб босқинчилариға кўп талафот етказади. Асар охирида Муқанна ва унинг шериклари босқинчилар қўлига асир тушмаслик учун ўзларини ёниб турган гулханг отиб, ҳалок бўладилар. Драматург бу билан халқ ва Ватан озодлиги йўлида курашган кишилар асло ўлмайдилар, ёв қўлига асир ҳам тушмайдилар, деган гояни олға суради. Шу орқали муаллиф жангчи-ларимизни Ватан озодлиги ва мустақиллигини сақлаб қолиш учун Муқаннадек мардона кураш олиб боришига чакиради. Муқаннанинг асар хотимасида берилган монологи ҳам бу ҳақиқатни тасдиқлайди ва Муқаннанинг ўз ватандошларига васияти сифатида чуқур маъно ташыйди:

Халққа айтинг, мен асло ўлганим йўқ,  
Ёв қўлига таслим ҳам бўлганим йўқ,  
Мен элизмининг юрагида яшайман,  
Эрк деганинг тилагида яшайман.

Қуллик билан туролмайман бир ерда,  
Душман билан ётолмайман бир гўрда...  
Яна кимки, ватан учун жанг қилса,  
Яна кимки, ёв ҳолини танг қилса,  
Яна кимки, ёвни қувса ватандан,  
Менинг чехрам кўринади ўшандан.

Асар конфликти Муқанна, Оташ, Гулобод, Гулойин, Фирдак каби ижобий образлар билан Саидбаттол (араб қўшини қўмондони), Жалойир (араб руҳонийси), Феруз (қўл хўжаси) сингари салбий образлар ўртасидаги ҳёт-мамот кураши асосига қурилган. Драма ғояси ижобий ва салбий образларнинг ҳаракати, кураши диалоглари ва монологларида очила боради.

Шеърий йўл билан ёзилган «Муқанна» пьесаси ғоявий мазмунининг теранлиги ва бадиий шаклининг мукаммаллигига кўра «Отелло», «Гамлет», «Алишер Навоий» каби машҳур саҳна асарларига яқин туради.

\* \* \*

Шундай қилиб, Ҳамид Олимжон адабиётимиз хазинасига салмоқли ҳисса қўшди.

Ҳамид Олимжоннинг адабиёт соҳасидаги хизматлари муносиб тақдирланган. Шоир 1939 йилдаёқ «Хурмат белгиси» ордени билан мукофотланди. 1943 йилда Ўзбекистон Фанлар академияси ташкил этилиши биланоқ унга мухбир аъзо қилиб сайланди.

Жумҳуриятимизда Ҳамид Олимжон номини абадий-лаштириш соҳасида қатор тадбирлар амалга оширилди. Кўпгина мактаблар, ўқув юртлари, кўча ва хиёбонлар, жамоа ва шўро хўжаликлари Ҳамид Олимжон номи билан аталмоқда. Қарши Давлат университетига, Тошкент метроси бекатларидан бирига, Ўзбекистон Ёзувчилари уюшмасидаги адабиётчилар уйига Ҳамид Олимжон номи берилди. Бу уюшма Ҳамид Олимжон номида мукофот таъсис этди. Ҳамид Олимжон ижоди ўрта ва олий мактабларнинг ўқув дастурларидан мустаҳкам ўрин эгаллади. Шоир асарлари қардош ҳалқлар тилларига, шунингдек, бир неча хорижий тилларга таржима этилди. Демак, Ҳамид Олимжоннинг

сермањно ва сержило асарлари турли миллатга мансуб бўйлан миллион-миллион китобхонлар томонидан ўқилмоқда. Шу билан бирга, унинг ҳаёт ҳақиқатини тўлиб-тошиб, самимий муҳаббат билан тараннум этиш соҳасидаги илҳомбахш анъаналари Зулфия, Эркин Воҳидов, Абдулла Орипов, Омон Матжон, Ҳалима Худойбердиева, Ойдин Ҳожиева, Усмон Азимов ва бошқа истеъдодли шоирлар томонидан муваффақият билан давом эттирилмоқда, ижодий ривожлантирилмоқда. Ҳамид Олимжоннинг баҳти ҳам, мангу тириклиги ҳам ана шунда.

#### АДАБИЁТЛАР

1. С. Азимов. Абадият (сайланма, 2-том), Тошкент, 1988.
2. Н. Каримов. Ҳамид Олимжоннинг поэтик маҳорати, Тошкент, «Фан», 1964.
3. Н. Каримов. Ҳамид Олимжон. Тошкент, «Ёш гвардия», 1980.
4. С. Мамажонов. Шоир дунёси. Тошкент, 1977.
5. С. Мирзаев, С. Шермуҳамедов. Ҳамид Олимжон ва ўзбек совет адабиёти, Тошкент, «Фан», 1989.
6. Нафосат чашмаси (мақолалар), Тошкент, «Фан», 1970.
7. Сен элимнинг юрагида яшайсан (Ҳамид Олимжон ҳақида эсдаликлар), Тошкент, 1973.
8. Ўзбек совет адабиёти тарихи, Тошкент, «Ўқитувчи», 1990.

#### Матн

Ҳамид Олимжон. Мукаммал асарлар тўплами (ўн жилдлик), Тошкент, «Фан», 1979—1984.

### АБДУЛЛА ҚАҲХОР (1907—1968)

Абдулла Қаҳхор ижоди ҳозирги замон ўзбек адабиётининг ёрқин ва мазмундор саҳифаларидан бирини ташкил этади. Кўпқиррали истеъдод соҳиби Абдулла Қаҳхор турли жанрларда ранг-баранг бадиий асарлар яратиб, ўзбек адабиёти хазинасини бойитган. «Абдулла Қаҳхор фақат ўзбек ёзувчисигина бўлиб қолмай, у умумиттифоқ ёзувчисидир. Шу билан бирга, Абдулла Қаҳхор замонамизнинг севикли ёзувчилари-

дан биридир»<sup>1</sup>, — деган эди Берди Керабобоев. К. Симонов эса, «Менга Қаҳҳорнинг барча хислатлари — унинг шахси, феъл-автори, ўзига ва ўзгаларга нисбатан талабчанлиги, иқтидорининг ўзига хос хусусиятлари — лирик ва айни замонда истеҳзога мойиллиги ёқади»<sup>2</sup>, — деб ёзган эди.

Абдулла Қаҳҳор ижодининг кўпгина фазилатлари адабиётшунослигимизда очиб берилган. Бу ўринда И. В. Боролинанинг «Абдулла Қаҳҳар» (1957), Ҳ. Абдусатомовнинг «Абдулла Қаҳҳор» (1960), М. Султонованинг «Абдулла Қаҳҳор услуби» (1967), М. Қўшжонов ва У. Норматовнинг «Маҳорат сирлари» (1968), О. Шарафиддиновнинг «Абдулла Қаҳҳор» (1988), М. Қўшжоновнинг «Абдулла Қаҳҳор маҳорати» (1988) монографияларини, шунингдек. Ҳ. Ёкубов, П. Қодиров, Ш. Юсупов, Л. Қаюмов, Ҳ. Дониёров ва бошқаларнинг қаҳҳоршуносликка оид мақолаларини эслатиб ўтиш жоиздир. Бироқ, қаҳҳоршунослик силлиқ ривожланган эмас. Чунки шахсга сифиниш, турғунлик йилларида айрим муаллифлар томонидан адаб ижоди, хусусан, унинг «Қўшчинор» «Тобутдан товуш» каби асарлари нотўри талқин қилиниб, асоссиз ҳолда қораланган. Вақт ўтиши билан бу хатолар тузатилди. Адаб таваллудининг 80 йиллигига бағишлиб ёзилган «Абдулла Қаҳҳор» (О. Шарафиддинов), «Абдулла Қаҳҳор маҳорати» (М. Қўшжонов) номли монографиялар бу жиҳатдан алоҳида аҳамиятга эга. Уларни қаҳҳоршунослик тараққиётининг ўзига хос босқичи деса бўлади. Чунки, ҳар иккала китоб ҳам олимларнинг узоқ йиллар давомида олиб борган илмий тадқиқотларининг якуни бўлиб, уларда А. Қаҳҳор ижоди ҳам, А. Қаҳҳор ҳақидаги илмий асарлар ҳам холисона таҳлил этилган, А. Қаҳҳор асарларининг гоявий-бадиий хусусиятлари, уларнинг яратилиш тарихи, нусхалари ҳақида муҳим фикрлар билдирилган. О. Шарафиддинов ўз китобида адабий танқидчиликда «Қўшчинор», «Синчалак», «Тобутдан товуш» асарларини баҳолашда йўл қўйилган жиддий хатоликларни дадиллик билан очиб ташлаган. М. Қўшжоновнинг китобида эса асосий эътибор

<sup>1</sup> Берди Кербобоев. Номдор адаби, «Шарқ юлдузи» журнали, 1967, 8-сон, 37-бет.

<sup>2</sup> «Ўзбекистон адабиёти ва санъати» рўзномаси, 1987 йил 18 сентябрь.

адибнинг юксак маҳоратини таҳлил этишга қаратилган. Қисқаси, Абдулла Қаҳҳор асарлари давр синовларидан ўтиб, халқимизнинг нодир маънавий бойлиги сифатида ўз қадр-қимматини топди.

\* \* \*

Абдулла Қаҳҳор 1907 йилда Кўқон шаҳрида темирчи (тақачи) оиласида дунёга келди. Бўлажак адаб туғилиб ўсган бу оила даҳшатли ҳаёт мاشаққатларини ўз бошидан кечирган. А. Қаҳҳор 1919—1924 йилларда бошлангич мактабда, сўнг Кўқон педагогика техникумida таълим олади. У 1925 йилда Тошкентта келиб, «Қизил Ўзбекистон» рўзномаси ва «Муштум» ойномаси мухарририятларида адабий ходим бўлиб ишлайди. Бу даврда А. Қаҳҳор кўпроқ ўқиш ва ўрганишга интилади. У 1926—1929 йилларда Ўрта Осиё давлат дорилфунунинг ишчилар қуллиёти (рабфак) да ўқийди. 1930 йилда эса САГУ (ҳозирги ТошДД) нинг педагогика қуллиётида ўқийди. Шундан сўнг, Ўзбекистон Фанлар академияси А. С. Пушкин номидаги Тил ва адабиёт институтининг аспирантурасида икки йил таълим олади.

Абдулла Қаҳҳор 1934—1937 йилларда «Совет адабиёти» ойномасида масъул котиб, 1938 йилдан то 50-йилларгача Ўзбекистон давлат нащриётида мұҳаррир ва таржимон бўлиб ишлади. 1954—1956 йилларда Ўзбекистон Ёзувчилар уюшмасининг раиси бўлиб ишлади. Абдулла Қаҳҳор давлат ва жамоат ишларини бадиий ижод билан қўшиб олиб борди ва ҳар иккала соҳада ҳам жиҳдий ютуқларга эришиб, мамлакат бўйлаб танилди.

Абдулла Қаҳҳор ёшлиқ чоғиданоқ адабиётга қизиқкан. У 1927 йилдан бошлаб ўз асарлари билан матбуотда кўрина бошлайди. 20-йилларда «Қизил Ўзбекистон», «Янги Фарғона» рўзномаларида, «Муштум» ойномасида «Ниш», «Норин шилпиқ», «Мавлон Куфур», «Яланг оёқ» тахаллуслари билан ҳажвий шеърлар («Салла-тўн», «Омин», «Эшонимиз», «Эшагим», «Эшонимнинг бошидан ўтганлари» каби), фельетонлар («Ўзинг шифо бер», «Дуога шак йўқ», «Домла Маҳмуджон Маҳдумнинг қувланиши», «Билдириш» сингари) эълон қилдиради.

Абдулла Қаҳҳор ўз ижодига ўта талабчанлик билан ёндашади. Шунинг учун ҳам дастлабки асарларида йўл қўйиган камчиликларини ўз устида қунт билан ишлаш,

бадиий маҳорат «сир»ларини ўрганиш орқали астасекин йўқота боради.

Абдулла Қаҳҳор аввало ҳикоя жанрида катта муваффақиятга эришди. У 30-йилларда реалистик ўзбек ҳикоячилигининг асосчиларидан бири сифатида танилди. Адиг ҳикоя жанрида қарийб 40 йил ижод қилди. Ана шу давр ичидаги кўплаб ҳикоялар яратди. Ҳикоя А. Қаҳҳорнинг севимли жанри эди. У ўзининг бир мақоласида «Мен ҳикоячиликни жуда яхши кўраман ва шу билан бирга, ҳамма вакъ қаламимнинг қайроги деб қараганман», деб ёзган эди<sup>1</sup>.

Тўғри, Абдулла Қаҳҳорнинг дастлабки ҳикояларида турли қусурлар, хусусан, бадиий етишмовчиликлар мавжуд. Уларда риторика ва баёнчиликка мойиллик («Икки қонун», «Яна ой қачон куяди»), ибтидоий соддалик ва қўпол тарафкашликка йўл қўйиш («Рақиб»), гояни ҳикоянинг умумий руҳидан келтириб чиқара билмаслик («Олам яшаради»), тилнинг образлилигини, сюжетнинг ихчамлилигини таъминлай олмаслик («Тангрининг кулгиси») сингари нуқсонларга йўл қўйилган,

А. Қаҳҳор ҳаётни, одамлар руҳиятини чуқур ўрганиш, Н. Гоголь, А. Чехов, Абдулла Қодирий сингари устозлар маҳоратини ижодий ўзлаштириш орқали етуқ ҳикоя яратиш «сир»ини эгаллаб олди.

Абдулла Қаҳҳор 30-йиллардаёқ кичик ҳикоячиликнинг катта устаси сифатида машҳур бўлди. Унинг бу даврда ёзган ҳикояларини мавзу эътибори билан аввало икки гуруҳга бўлиш мумкин. Биринчи гуруҳга ўтмиш ҳақидаги «Бемор», «Анор», «Миллатчилар», «Томошабог», «Ўғри» каби ҳикоялар кирса, иккинчи гуруҳни янги воқелик тўғрисидаги «Мастон», «Қанотсиз читтак», «Санъаткор», «Жонфиғон», «Йиллар», «Адабиёт муаллими» сингари ҳикоялар ташкил этади.

Абдулла Қаҳҳор ҳикоялари қайси мавзуда, нима ҳақида ёзилганлигидан қатъи назар, бир мақсадга — кишиларни эзгулик руҳида тарбиялашга ва уларга эстетик завқ беришга қаратилган. Энг муҳими шундаки, Абдулла Қаҳҳор ҳикояларида гоя образларнинг фаолиятидан, асарнинг умумий руҳидан келтириб чиқарилади. Абдулла Қаҳҳор кундалик оддий воқеаларни акс эттиради, бироқ улар воситасида катта умумлашмалар

<sup>1</sup> Каранг: «Ўзбекистон маданияти» рўзномаси, 1957 йил 2 январь.

яратади. Масалан, «Бемор» ҳикоясида Сотиболди исмли батрак хотинининг касал бўлиши, охир-оқибатда вафот этиши тасвирланади. Адид ана шу фожиани тасвирлаш орқали меҳнаткаш халқнинг ўтмишда оғир ҳаёт кечирганини, соғлиқни сақлашнинг oddий воситаларидан ҳам маҳрум этилганини усталик билан кўрсатиб беради. Ўтмишдаги заҳматкаш ва ҳокисор одамларнинг муштарак образи бўлган Сотиболди докторхона ҳақида аниқ тасаввурга ҳам эга эмас, «Докторхона деганда Сотиболдининг кўз олдига извош ва оқ подшонинг сурати солинган 25 сўмлик пул келарди»<sup>1</sup>. Кўриниб турибдики, қашшоқлик уни докторхона тўғрисида ўйлашга ҳам қўймайди.

Ёзувчи меҳнаткаш омманинг тиббий ёрдам ололмаганининг асл моҳиятини очар экан, ҳикоя ечимини жуда таъсирли қилиб ифодалайди.

«Ўғри» ҳикоясида камбағал дехқон Қобил бобонинг фожиаси — ўғирланган ҳўқизини топаман деб не-не балоларга гирифтор бўлиши — амалдорлар томонидан таланиши, хонавайрон қилиниши тасвирланади. Ҳикояда «Отнинг ўлими — итнинг байрами» деган халқ мақоли эпиграф қилиб келтирилади. Шунинг ўзиёқ асарнинг гоявий йўналишини белгилаб беради. Зеро, ҳикояда ҳўқизнинг ўғирланишидан элликбоши, амин, пристав сингари амалдорларнинг манфаат кўрганлиги, амалдорларнинг бири пора, иккинчиси «суюнчи», учинчиси «ҳадя», тўртингчиси чолнинг сўнгги бисотини шилиб олганлиги очиб ташланади. Ҳикояда ўғри образи символик характерга эга бўлиб, у халқ мулкини куппа-кундузи таловчи амалдорларнинг ҳамтоворидир.

Ҳикоянинг умумий руҳидан Қобил бобонинг хонавайрон бўлишига, пахтафуруш бойга қарам бўлиб қолишига ўша ижтимоий тузум сабабчи деган гоя келиб чиқади. Ҳикоянинг ечими қуйидагича: «Пахтафуруш чолнинг ҳолига кўп ачинди ва ерини ҳайдаб олгани битта эмас, иккита ҳўқиз берди, лекин «кичкинагина» шарти бор. Бу шарт кузда маълум бўлади...»

«Анор» ҳикоясида меҳнаткаш халқнинг ўтмишда қашшоқлик ва муҳтоҷликда қийналиб кун кечирганлиги Туробжон оиласи ҳаёти мисолида кўрсатиб берилган. Ҳикояда тасвирланишича, Муллажон қозининг боғида

<sup>1</sup> Қўштироқ ичидаги берилган жумлалар А. Қаҳҳор асарларидан олинган.

«анор дарахтларида анор шигил, чойнакдай-чойнакдай бўлиб осилиб ётгани» ҳолда, унинг қўшиниси Туробжоннинг бошқоронги хотини анорга зор ва ташна. Туробжон бир қадоқ анор сотиб олишга қодир эмас. Бу Туробжонни руҳан эзиш билан бирга, эру хотин орасига низо ҳам солади, оила тотувлигини бузади; ҳатто соғ вижданли Туробжонни анор ўғирлашга мажбур этади. Ҳикояда руҳий таҳлил ниҳоятда кучли.

Кўринадики, А. Қаҳҳор «Ўтмишдан эртаклар» туркумидаги ҳикояларида оиласиб муносабатлар, кундалик турмуш «икир-чикирлари» тасвиридан катта ижтимоий хулосалар чиқарди. Шунинг учун ҳам бу ҳикоялар ўтмиш ижтимоий тузумни кескин қораловчи ўткир айбнома сифатида акс-садо беради.

А. Қаҳҳорнинг ўтмиш ҳақидаги ҳикоялари бадиий маҳорат жиҳатидан ибратлидир. Уларда ёзувчи асар гоясини гавдалантиришда образларнинг ҳатти-ҳаракатларини асос қилиб олади ва персонажлар характеристикини уларнинг ўз ҳаракати, ўз тили воситасида очади. Натижада ҳикоялардаги образларнинг ҳар бири ўзига хос ҳатти-ҳаракати, хулқ-атвори ва ташки қўриниши жиҳатидан бир-биридан ажralиб туради. Адид ҳикояларида қарама-қарши қўйиш усулидан, ҳаётий конфликт ва психологияк таҳлилдан, тил бойликларидан маҳорат билан фойдаланади. Асарнинг гоявий мазмунини тугал ва ихчам сюжет воситасида жозибали ифодалайди. «Анор», «Бемор», «Ўгри», «Томошабог» каби ҳикояларида ёзувчи воқеани тўғридан-тўғри тугундан бошлайди; бунда у воқеанинг узундан-узоқ тарихини баён этиб ўтирасдан, масаланинг моҳиятини очиб берадиган характеристири образ ва типик деталларни ишга солади. Шундай қилиб, А. Қаҳҳорнинг бу туркумидаги ҳикоялари сюжетнинг сиқиқлиги, композициянинг пухталиги, характерларнинг ёрқинлиги, психологик таҳлилнинг кучлилиги, мақсаднинг аниқлиги билан ажralиб туради. Бу фазилатлар адабининг замонавий мавзудаги ҳикояларида ҳам кўзга ташланиб туради.

Дарҳақиқат, А. Қаҳҳорнинг 30-йиллардаги ҳикоячилигига (аниқроғи, умуман ижодида) ўтмиш мавзуи эмас, балки ҳозирги замон муаммолари асосий ўрин эгаллайди. А. Қаҳҳор замонавий мавзуларда «Йиллар», «Тўй», «Невара», «Қанотсиз читтак», «Жонғифон», «Кўр кўзнинг очилиши», «Адабиёт муаллими»,

«Мирзо», «Майиз емаган хотин» сингари етук ҳикоялар яратди. Бу ҳикояларида ёзувчи ўз бахтини халқ бахтида кўрган, умумхалқ манфаатини шахсий манфаатдан устун қўйган оддий кишиларимизнинг образини яратишда жиддий ютуққа эришди. Қийинчилклардан тап тормасдан ўз ўртоғини ҳалокатдан сақлаб қолган Мастон («Мастон»), меҳнатга янгича муносабатда бўлган бригадир Обиджон («Рўдапо»), ижтимоий меҳнат туфайли маданий ҳаётга эришган Орзиқул («Йиллар»), ўз бахтини ўз қўли билан яратган шофер хотин («Жонфиғон») сингари ижобий образлар ана шундан далолат беради.

А.Қаҳҳор замонавий ҳикояларида ҳаётий конфликтларни дадил кўтариб чиқади, турмушимиздаги иллатларни фош қиласди, тўмтоқ ва думбул одамлар устидан аччик қулади. Зотан, А. Қаҳҳорнинг 30-йиллардаги ижодининг асосий хусусиятларидан бири шундаки, унда айрим кишилар онгида сақланниб қолган эскилиқ сарқитларини қоралаш фонида ажойиб инсоний фазилатлар тарғиб қилинади. Адиг ютуқларимизни кўра олмайдиган, эски ҳаётни қўмсайдиган Ҳожибоболар («Йиллар»), хотин-қизларни менсимайдиган, уларга арzon буюм деб қарайдиган эшонбаччалар («Қизлар»), шилқим ва саёқ ошиқлар («Қайгулар»), турмушдан орқада қолган одамлар («Мирзо»), ишёқмас, тақасалтанглар («Жонфиғон»), ўз касбини пухта эгаллаб олмаган зиёлилар («Адабиёт муаллими», «Санъаткор»), икки юзламачи, лаганбардорлар («Мунофиқ»), ўзи бирон фойдали иш қилмаган, иш қилаётган одамларга халал берадиган иғвогарлар («Бек») образларини яратиш орқали эскилиқни, ҳаётдаги иллатларни беаёв фош этади. Шу жараёнда янги хулқ-ахлоқни, эзгуликни самимият билан улуғлайди.

Ёзувчининг кўпгина ҳикояларида янгилик билан эскилиқ ўртасидаги ҳаёт мамот кураши тасвирланади ва ёрқин характерлар яратилади. «Майиз емаган хотин» ҳикоясида янгиликнинг душмани бўлган мулла Норқўзининг сатирик образи чизилган. «Мулла Норқўзи ҳар куни бозордан қайтиб самоварга чиқади ва кўнгли тортган одамларни атрофига тўплаб, яrim кечагача шариатдан юз ўғирган хотинлар тўғрисида вайсаб ўтиради; баъзан панжасини ёзиб ўзи билган оиласаларни санаб чиқади... Очиқ хотин-қизларнинг ҳар бир ҳаракатидан мулла Норқўзи бузуқликка далолат

қиласидиган талай белгилар топади. «Етти қават парда ичиди» ўтирадиган ўз хотини эса булар қаршисида қўзига фаришта бўлиб кўринади; намоз ўқийди, тўпигидан юқорисини оврат ҳисоблаб, жиякли иштон кияди...»

Ёзувчи мулла Норқўзи характерини<sup>1</sup> очишда ўткир киноядан усталик билан фойдаланади. Ҳикоя воқеаси кутилмаган жойда, яъни мулла Норқўзи хотинининг ўйнаш билан қўлга тушиши манзараси тасвири билан тугайди. Бу ечим ёзувчининг оз гапириб, кўп маъно англатишга ва «сўзсиз манзара» яратишга моҳирлиги-дан гувоҳлик беради. Ҳикоя охирида эпизодик бир персонаж «Ҳа, бу кишининг хотини майиз емаган» дея асар воқеасини якунлайди. Бу ҳикояда ҳеч қандай ғайри табиийлик ва ортиқчалик йўқ. Унда ҳар бир образ ва ҳар бир жумланинг ўз ўрни ва ўз вазифаси бор.

Шундай қилиб, А. Қаҳҳор 30-йилларда кўплаб сара ҳикоялар яратди. Адаб 30-йилларда бадиий ижод (жумладан, ҳикоячилик) соҳасида эришган ютуқларини Ватан уруши ва урушдан сўнгги даврларда янада мустаҳкамлади.

А. Қаҳҳор уруш йилларида, айниқса, ҳикоя жанрида баракали ижод этди. «Асрор бобо», «Хотинлар», «Ботирали», «Кўк конверт», «Сеп», «Қизил конверт» сингари ҳикоялар ёзиб, фронт билан фронт орқасининг мустаҳкам бирлигини, кишиларимизнинг ватан-парварлигини маҳорат билан тасвирлаб берди. Бу ҳикояларнинг мавзуи ва гоёсигина эмас, балки композицияси ҳам давр руҳига мувофиқдир. Чунки бу ҳикояларда хат шаклига бир неча бор мурожаат қилинган. Ҳикоя композицияси жангчининг ўз ёрига ёки қизнинг фронтдаги йигитига йўллаган хати асосига қурилади. Бу асарларда ёзувчи воқеадан воқеа, қиссадан ҳисса чиқариш йўли билан ихчам мазмун яратади: ҳаёт ҳақиқатини таъсирли қилиб очиб беради.

А. Қаҳҳор уруш йилларида ўзининг асосий диққатини ижобий образ яратишга қаратади. Шунинг учун ҳам унинг 30-йиллардаги ижодидан фарқли ўлароқ уруш даврида ёзилган асарларида ижобий образлар бўртиб туради. Адаб «Ботирали», «Кўк конверт», «Қизил конверт» ҳикояларида босқинчи ёвга қарши мардона жанг қилган оддий аскарларимизнинг ижобий образларини яратиб берди. «Асрор бобо», «Хотинлар», «Сеп» ҳикояларида эса фронт орқасидаги фидокор киши-

ларнинг умумлашма образларини биринчи ўринга кўйиб акс эттириди. Ҳар икки ҳолатда ҳам А. Қаҳҳор ватанпарвар аёллар образини яратишда жиддий ютуқларга эришди. Ўз ҳалол меҳнати туфайли катта обрўга, иззат-икромга сазовор бўлган Собирахон («Хотинлар»), ўқ ёмғирига чап бериб, даҳшатли жанг майдонидан ярадор жангчиларни эсон-омон хавфсиз жойга олиб чиқсан Латофатхон («Кўк конверт»), «ноҳия қойил қоладиган ишни бажаришга» — пахтадан юқори ҳосил олишга бутун куч-кудратини сафарбар этган пахтакор қиз Шаҳринисо («Сеп») образлари ана шундан далолат беради.

А. Қаҳҳор ижобий образ яратишда, айниқса, «Асрор бобо» ҳикоясида жиддий ютуққа эришди. Бу ҳикоядаги бош қаҳрамон Асрорбобо уруш йилларида фронт орқасида ватанпарварлик ва инсонпарварликнинг юксак намунасини қўрсатган оддий кишиларимизнинг типик образидир.

Асрорбобо масалага давлат ва халқ нуқтаи назаридан қаровчи саботли ва мустаҳкам иродали киши. У яхши бир жойда чойхона очиб, уни тарғиботташвиқот ўчогига айлантиради. Бу ҳаракати билан ўз ҳамқишлоқларини буюк ғалабани таъминлаш учун астойдил меҳнат қилишга, фронт орқасини мустаҳкамлашга ундейди.

Ёзувчи Асрорбонинг маънавий қиёфасини очишда унинг азиз фарзанди жангчи Ёдгордан қора хат келиши воқеасидан моҳирлик билан фойдаланади. Ота ўғлининг ўлими ҳақида қора хат олгач, ич-ичидан эзилади. Бироқ тушқунликка тушмайди. У эл-юрт учун, фронт учун астойдил хизмат қилиш билан ўз дардига даво топади. Ота бошига тушган оғир мусибатни бошқалардан (ҳатто хотинидан ҳам) сир тутади. Бу ҳам Асрорбонинг ватанпарварлиги ва инсонпарварлиги билан боғлиқ бўлган бир фазилат сифатида ҳикояда таъсирили қилиб акс эттирилади.

Ҳикоядаги Ҳайдар ота ва кампир образлари ҳам асар гоясини очишда бевосита иштирок этади. Ҳайдар ота аввало дўсти Асрорбонинг «қарилликда чиқарган йўрғасига» — чойхона очиб, самоварчилик қилишига тушунмасдан, уни койибди. Кейинчалик Асрорбонинг чойхонаси эзгулик макони эканини англағач, дўстига қойил қолиб ўз-ўзидан койинади.

А. Қаҳҳор «Асрорбобо» ҳикоясини ёзишида

Н. Гоголдан ижодий таъсирланган. Негаки, Асрорбобо образи Н. Гоголнинг «Тарас Бульба» қиссасидаги бош қаҳрамон (Тарас Бульба) образини эслатади. Лекин, шу билан бирга, уларнинг ҳар бири ўз миллий характерига эга бўлиб, ўз даври ва ўз шароитига хос оригинал образлардир. Тарас Бульба ҳам, Асрорбобо ҳам фидокор, ватанпарвар кишилар. Бироқ, Тарас Бульба ўз ватанпарварлигини жанг майдонида, босқинчи ёвга қарши курашда кўрсатса, Асрорбобо ватанпарварлигини меҳнат майдонида намойиш қиласди. Агар Тарас Бульба ўз иродасини, Ватан учун фидокорлигини ҳаётмамот жангига хоинлик йўлига ўтган ўғлини қатл қилиш йўли билан кўрсатган бўлса, Асрорбобо ўз фидокорлиги ва юксак иродасини бошқача йўл билан — жангда қаҳрамонларча ҳалок бўлган ёлғиз ўғлининг ўлими ҳақидаги машъум хабарни кампирига билдирамасдан, мусибатнинг бутун оғирлигини ўз бўйнига олиши ва кампирига меҳрибонлик қилиши билан кўрсатади.

А. Қаҳҳорнинг ўзи бу ҳақда фикр юритиб, «Ватан уруши йилларида чиққан «Асрорбобо» ҳикоясини ёзишда Тарас Бульба образи менга илҳом берди. Асрорбобо кампирига қалбини ўртаб юрган оғир мусибат — ўғлининг жангда ҳалок бўлганлигини айтмай, яшириб юради, бу мусибатнинг ҳамма дард-аламига ўз қалбини тутиб беради. Бунда Асрорбобога Тарас Бульба чизиқларидан бирини беришга уринганлигимни кўриш мумкин», — деб ёзган эди.

Асрорбобо характерига хос бўлган хислатларни Холботир ота («Ботиради») образида ҳам кўриш мумкин. Холботир ота вазмин табиатли, чуқур мулоҳазали, меҳнаткаш кексаларимизнинг типик вакили бўлиб, унинг сўзларидан нуроний қарияларимизга хос бўлган донишмандлик ва насиҳатгўйлик бўртиб туради. У кампирига қараб: «Энди мен сенга айтсан, дуо қиласвер, кўп қаторида омон бўлсин дегин. Шайтоннинг гапига кириб енгиллик қилиш керак эмас. Ёш боланинг қуввати икки оёғида бўлади — юриб, югуриб чарчамайди; йигитнинг қуввати белида бўлади — меҳнат қилиб чарчамайди; қариларнинг қуввати қаерда бўлади? — дилида бўлади. Ҳеч ким бардош бера олмайдиган ғамга

<sup>1</sup> Абдулла Қаҳҳор. Устоз санъаткор. «Шарқ ўлдузи» ойномаси, 1952, 3 сон, 44-бет.

қари одам бардош беради. Туяни шамол учирса, эчкини осмонда кўр дейишади. Сен шунақа қилиб ўтиранг, ёшиланглар нима қиласди? Худо кўрсатмасин, бирон хунук хабар келганда ҳам сен ёш ялангни босишинг керак», — дейди.

Хуллас, А. Қаҳҳор уруш даврида ёзган ҳикояларида кишиларимизнинг ранг-баранг ижобий образларини яратди. Бу анъанани А. Қаҳҳор урушдан кейинги даврда ҳам давом эттириди. Тўғри, А. Қаҳҳор урушдан кейинги йилларда ҳикоячилик билан қамроқ шуғулланди. Буни ёзувчининг ўзи ҳам «мен кейинги бир неча йил давомида қаламимни драматургияда синашга уриниб, ҳикоячиликтан узоқлашиб қолган эдим», дейиш билан эътироф этади. Бунинг устига, унинг сўнгги даврларда яратган баъзи ҳикояларини етук реалистик асарлар деб бўлмайди. Ёзувчининг «Ҳамқишлоқлар», «Картина» ҳикояларида ҳаёт ҳақиқати юзаки ифодаланганди. Бино-барин, уларда конфликтсизлик «назарияси»нинг таъсири сезилади.

Дарвоқе, урушдан сўнгги даврда А. Қаҳҳор замондошларимизнинг мазмундор ҳаёти ва баракали меҳнати ҳақида «Кампирлар сим қоқди», «Ҳамқишлоқлар», «Каравотъ», «Картина», яхшилик билан ёмонлик ўртасидаги кураш ҳақида «Минг бир жон», «Тўйда аза», «Нурли чўққилар» сингари ҳикоялар яратди. Бу ҳикояларнинг сифати ҳар хил. Улардан «Кампирлар сим қоқди», «Тўйда аза», «Минг бир жон», «Даҳшат» асарлари ҳикоячилигимизнинг жиддий ютуғидир. «Тўйда аза» ҳикоясида ахлоқ-одоб муаммоси кўтарилиган. Бу масала доцент Мухторхон Мансуровнинг ўз ёшига ва касбига ярашмайдиган бачкана ҳаракатларини фош этиш асосида усталик билан ёритилган.

Ҳикоя Мухторхон домланинг эл орасида обрўси, унинг одамохунлиги, камтарлиги ва дилкашлигини таърифлаш билан бошланади. Бу ўринда ёзувчи ўқувчида Мухторхон домланинг ажойиб фазилатлар эгаси бўлган ҳурматли бир киши эканлигига ишонч ҳосил қилдиради. Лекин кўп ўтмай маҳаллада Мухторхон домла уйланармиш, деган гап тарқалади. Бу фикр ҳаммага маъқул тушади. Чунки «Домла бундан уч йил бурун бева қолиб, унга гоҳ синглиси, гоҳ узатган қизи қараб юрар эди». «Ҳеч ким қариган чогида жуфтидан қолмасин, осонми, киши нима бўлишини

билмайди, бош ёстиққа тегиши бор... Қари одамга маҳрам керак...» Ана шундай мулоҳазаларга кўра, маҳалла аҳли «домла отахонимиз эдилар, келинимиз бизга онахон бўладилар», деб тўйни ҳам ўзлари кўплашиб ўтказмоқчи бўладилар. Лекин ана шу вақтда кутилмаган ҳодиса рўй беради. Илгари ўз ёшига яраша чиройли соқол қўйиб юрган ва маҳалладошлари билан саломлашмай ўтмайдиган домла бирдан ўзгариб, соқолини таг-туғи билан қирдириб ташлайди. Энди у «чаманда гул» дўппи кийиб юрадиган ва одамларни четлаб ўтадиган бўлиб қолди. Бу ҳол маҳалла аҳлини ранжитади. Баъзи бировларни эса ташвишга солиб қўяди. Ҳадемай домла бундан ҳам зўрроқ «хунарлар» чиқара бошлайди: ёш қўринай деб сочини бўятади, зўр бўлай деб пивохонага бориб пиво билан арақни аралаштириб ичади.

Кейинчалик маълум бўлишича, домла ўз талабаси — йигирма ёшли бир жувонга уйланишга аҳд қилган экан. Ҳикояда ёзуви қариган чоғида айний бошлаган Мухторхон домланинг ярамас қилиқларини биринкетин фош қила борар экан, айни вақтда қари чолга турмушга чиқишга розилик бериб, номуносиб йўлга қадам қўйган келинни ҳам салбий тип сифатида усталик билан тасвирлайди: «Тўйга яқин қолганда келин кўчанинг бошидаги ателььега қўйлак буюргани келган экан, нима бўлиб бундан хабар топган аёллар кўргани боришиди. Келин, дарҳақиқат, ёш, лекин худди қизиқчиликка семиргандай юм-юмалоқ; эгнида қизил қўйлак, бошида попушакнинг тожига ўхшаган, лекин қизил шляпа, қўлидаги сўмкаси, оёғидаги пошнаси бир қарич туфлиси ҳам қизил. Уни адоват ва нафрат билан бошдан оёқ кузатган аёлларнинг бири бурилиб, ательедан чиқиб кетар экан:

— Хўрозқандга ўхшамай ўл! — деди.

— Қариган чоғида хўрозқанд яламай домла ҳам ўлсин! — деди яна бири».

Шундай қилиб, ҳикоянинг бошида маҳалладаги катта-кичикнинг ҳурматли отахони сифатида тасвирланган Мухторхон домла воқеа давомида халқ нафрatiга дучор бўла боради. Тўй келинникида бўлиб ўтди. Лекин маҳалла аҳли тўйга бормайди. Мухторхон домла эса тўйдан кейин ҳам тубанлашишда давом этади: бехуда уриниб, ўзини ёш ва бақувват кўрсатмоқчи бўлади. Оммадан бутунлай ажралиб қолади. Келин

эса курортга боришини қўмсаб қолади. Домла югуриб-елиб ёш келинга путёвка топади. Унинг зебу зийнат ва латта-путтага тўла чамадонларини қўтариб чопади ва, ниҳоят, зўриқиб ўлади.

«Эртасига домлани кўмиш маросими бўлди. Маросимда маҳалладан одам кўп қатнашмади, афтидан, домла кўп одамнинг қалбида бундан бир ой олдин ўлган, кўплар ўша тўйни домланинг жанозаси ҳисоблашган эди». Бу жумлалар ҳикоянинг ечимини ташкил қиласиди. Айни чоғда, асарнинг асосий ғоясини ҳам ифодалайди, яъни бу ҳикоя орқали адаб халқ ҳурматини эъзозламаган, халқнинг фикри, эзгу урфодатлари ҳамда яхши анъаналари билан ҳисоблашмай, ўз иззатига номуносиб ҳаракат қилган ҳар қандай киши охир-оқибатда халқнинг лаънатига учрайди ва хор-зор бўлиб ўлади, деган ғояни олга суради.

«Тўйда аза» ҳикояси бадиий жиҳатдан ҳам гўзал. Асар тили ниҳоятда жозибали ва образли. Бу ҳикоя ҳақида москвалик адабиётчи Л. С. Ленч қуидагиларни айтган: «А. Қаҳҳор ўз қаҳрамонининг аянчли тақдиридан китобхонни кулишга мажбур қиласиди. Ўлим тўғрисида кулгили қилиб ёзиш жуда қийин гап. Бу фақат Чеховнинг, французларнинг қўлидан келган эди. Бизда ҳозир бунинг уддасидан чиқадиганлар кам. А. Қаҳҳор эса бунинг уддасидан чиқсан. Кичик ҳикояда сийқадай туюлган воқеа унинг қалами туфайли ҳаётнинг барча жонли ранглари билан товланиб кўринади»<sup>1</sup>.

Кисқаси, Абдулла Қаҳҳор реалистик ҳикоячиликнинг моҳир устаси сифатида шуҳрат қозонди.

Абдулла Қаҳҳор қисса ва роман жанрларида ҳам самарали ижод қилган. «Ўтбосар», «Қотилнинг туғилиши», «Зилзила», «Дардақдан чиқсан қаҳрамон», «Олтин юлдуз», «Синчалак», «Ўтмишдан эртаклар», «Муҳаббат» каби қиссалар А. Қаҳҳор қаламига мансуб.

Абдулла Қаҳҳорнинг «Дардақдан чиқсан қаҳрамон» (1942) ва «Олтин юлдуз» (1944) қиссаларида уруш давридаги жанговар ҳаёт тасвиrlланган. Бу иккала асар ҳам жангчиларимизнинг фронтдаги баҳодирликларини тасвиrlашга, хусусан, халқимиз орасидан етишиб чиқсан қаҳрамонларнинг образларини яратишга бағишиланган. Улардаги бош қаҳрамонлар Қўчкор

<sup>1</sup> Маҳорат мактаби, Тошкент, Ўздавнашр, 1962, 155- бет.

Турдиев («Дардақдан чиққан қаҳрамон») ҳам, Аҳмаджон Шукуров («Олтин юлдуз») ҳам аниқ прототиплар заминида яратилган. «Олтин юлдуз» қиссаси «Дардақдан чиққан қаҳрамон» асарига қараганда гоявий-бадиий томондан анча бақувват. «Олгин юлдуз» қиссасининг воқеаси оддий жамоа хўжалиги аъзоси Аҳмаджон Шукуровнинг армия сафига хизматга чақирилишидан бошланиб, унинг фашист босқинчилариға қарши мардона курашиб, Совет Иттилоғи Қаҳрамони унвонига сазовор бўлганини тасвиirlаши билан тугайди. Асар сюжети давомида Аҳмаджон Шукуровнинг феълатвори очила боради. Чунки ёзувчи воқеликни тадрижий тараққиётда, образларни (хусусан, бош қаҳрамон образини) динамик тарзда тасвиirlайди.

Қисса қаҳрамони Аҳмаджон Шукуров жангчиларимизнинг типик образи бўлиб, унда аскарларимизга хос хислатлар мужассамланган. Аҳмаджоннинг ўша пайтлардаги мақсади — она Ватанин душмандан тозалашидир. Бу мақсад жангчиларнинг ҳаракатлари ва сўзларидан яққол билинади. Аҳмаджон Ўзбекистонни қанчалик севса, Украинани ҳам шунчалик қадрлайди. Аҳмаджонда дўстга садоқат, инсонпарварлик туйғулари кучли. Аҳмаджон ўзи яраланган бўлишига қарамай, ярадор дўсти учун қайғуради, дўстини қутқаришга шошилади.

Қиссада Аҳмаджон Шукуровдан ташқари Петъка Ухов, Иван Самухин, Филатов каби жангчилар образлари яратилган. Ёзувчи жангчиларнинг типик характерларини яратишда тил имкониятларидан самарали фойдаланади. Лекин «Олтин юлдуз» қиссасида бальзи персонажларнинг ички кечинмалари, руҳий ҳолатлари, шунингдек, жанг майдони билан мамлакат ичкарисидағи ҳаётнинг узвий боғлиқлиги чуқур ёритилмаган.

Абдулла Қаҳҳор, айниқса, урушдан сўнгги даврда қисса жанрида катта ютуққа эришди. «Синчалак» (1958), «Ўтмишдан эртаклар» (1964), «Мұҳаббат» (1967) қиссалари бир-биридан сара асарлар бўлиб, уларда ҳаёт ҳақиқати моҳирона акс эттирилган. «Синчалак» қиссасида қишлоқ кишиларининг 50-йилларнинг иккинчи ярмидаги ҳаёти ва меҳнати тасвиirlangan, жамоа хўжалиги ҳаётидаги ўзгаришлар, хотин-қизларнинг ўсиб, катта кучга айланганлиги ишонарлик қилиб кўрсатилган. Жамоанинг роли, куч-қудрати улуғланган. Шу билан бирга, 50-йилларда жамоа

хўжалиги ҳаётида мавжуд бўлган шахсга сигиниш ҳолатлари қораланган. Ҳаётда учровчи бошқа салбий ҳодисалар ҳам очиб ташланган.

Қиссада янги жамиятдаги ўзгаришлар, халқимиз эришган ютуқлар ва кишиларимизнинг фазилатлари маҳорат билан кўрсатилган. Шунга кўра «Синчалак» қиссасида замондошларимизнинг ижобий образлари биринчи ўринда бўртиб туради. Асар бош қаҳрамони Саида пок қалб эгаси бўлган ажойиб инсон, ишchan ходим, қийинчиликлардан қўрқмайдиган, камчиликларни дадил очиб ташлаб, уларни йўқотишга сидқидилдан ёрдамлашадиган ташкилотчи. Сайданинг маънавий қиёфаси асардаги воқеалар давомида очила боради. Асарда тасвирланишича, Саида «Бўстон» колхозига ишга келади. Жамоа хўжалиги раиси Қаландаров эса биринчи учрашуваёқ Сайдани писанд қилмайди. Натижада илгор жамоа хўжалигининг «сояда ўғсан раиси» Қаландаров билан Саида Алиева ўртасида низо келиб чиқади. Муаллиф бу низо ривожини теран тасвирлаш орқали асардаги драматизмни кучайтириб, образларнинг маънавий қиёфаларини, янгилик билан эскилик ўртасидаги курашни моҳирлик билан очиб беради.

Асарда А. Қаҳҳор Сайданинг ижтимоий фаолиятини кўрсатиш билан бирга, унинг шахсий ҳаётини, ички кечинмаларини, иккиланиш ва изланишларини ҳам ёрқин тасвирлайди, образ характерини динамик тарзда очиб беради.

Қиссанинг асосий қаҳрамонларидан яна бири — Қаландаров образи бўлиб, у ҳам усталик билан яратилган. Адаб Қаландаровнинг ишбилармонлигини, жамоа хўжалиги мулкини кўз қорачигидай асрарини, соддалигини кўрсатиш билан бирга, ундаги шуҳратпастлик, ўжарлик, интизомга бўйсунмаслик, танқидни ёқтирмаслик, хотин-қизларни менсимаслик каби салбий белгиларни ҳам очиб ташлайди. Натижада Қаландаров образи ўқувчи кўз олдида ҳақиқий жонли одамдай гавдаланади.

«Синчалак» юморга, ҳажвий деталларга, сўз ўйинларига, чуқур мантиқли ихчам жумлалар ва образли ибораларга сероб. Асарда «Бирор гапни ёғлаб гапиради, бирор тиканак боғлаб гапиради», «Одамнинг чиқити бўлмайди», «Гапингиз гапга ўхшамайди, оғзингиз гапдан бўшамайди», «Эшоннинг юзи сўриб ташланган

хусайни узумга ўхшар» каби сермазмун, образли ва ҳикматли жумлалар кўп.

Асарда миллий колорит тасвири ёрқин, юмор кучли. Бунда ёзувчи фольклор материалларини ўринли кўллайди. Қаландаровнинг характерини очишида, илмезизлик ва манманлик уни мўрт қилиб қўйганини кўрсатишда А. Қаҳҳор халқ оғзаки ижодидан олинган қуийидаги латифани моҳирлик билан ишлатган: «Қадим замонда бир подшоҳ ўладиган бўлибди-ю, дунёдаги ҳамма билимларни билиб ўлгиси келибди. Олимлар дунёдаги ҳамма илмларнинг қаймоғини олишган экан, бир тую китоб бўлибди. Подшоҳ бу китобларнинг ҳам қаймоғини талаб қилибди. Олимлар қаймоқнинг қаймоғини олишган экан, бир эшак китоб бўлибди. Подшоҳ бир эшак китобдан битта китоб қилишни буюрибди. Лекин шуни ҳам ўқий олмай ўлиб кетган экан. Қаландаровга мана шунаقا китоб бўлса».

«Синчалак» қиссасига хос кўпгина фазилатлар, хусусан, бадиий маҳоратга доир сифатлар «Ўтмишдан эртаклар» асарида ҳам кўзга яққол ташланиб туради.

«Ўтмишдан эртаклар» автобиографик-мемуар жанрида ёзилган. Қиссанинг бош қаҳрамони Абдулла Қаҳҳорнинг ўзи. Асарда асосий эътибор ёзувчи (Абдулла)нинг болалик ва ёшлик чоғларини кўрсатишга, ёш Абдулланинг турмуш қийинчиликлари остида тобланиб, чинқиб борганлигини ҳикоя қилишга қаратилади. Шуниси характерлики, қиссада бош қаҳрамоннинг биографияси халқимизнинг ўша даврдаги ижтимоий ҳаёти, ўша давр ижтимоий шароити билан узвий боғлиқ ҳолда тасвирланади. Шунга кўра, асарда давр руҳи бўртиб туради, халқ ҳаёти аниқ ифодаланади. Бинобарин, «Ўтмишдан эртаклар» ўша давр ҳаётини бадиий тарзда ҳис этишда муҳим аҳамиятга эгадир. Асарда ўша давр ҳаётидаги фожиалар, даҳшатли воқеалар ҳам, ибратли ишлар, ота-боболаримизга хос фазилатлар ҳам тасвирланган. Бош қаҳрамон Абдулла образи ҳам, унинг отаси ва онаси образи ҳам, шунингдек, Валихон сўфи, Тўрақул Вофуруш, Бабар, Муҳаммаджон қори, Савринисолар ҳам қизиқарли ва жозибадор қилиб яратилган.

Асар мазмуни ҳикоялар тартибида берилган. Шунга кўра, «Ўтмишдан эртаклар»даги бу ҳикоялар ички мантиқ жиҳатидан композицион марказ билан боғланган бўлса-да, маълум даражада мустақилликка ҳам эга.

Масалага шу нүқтаи назардан қараганда ёзувчининг ўз қиссасини «Ўтмишдан эртаклар» деб аташи ҳам бежиз эмас, албатта.

«Ўтмишдан эртаклар» юморга, ҳажвий унсурларга бой. Унда ортиқча тасвирлар йўқ, ёзувчи фикрини доим сиқиқ ва образли қилиб ифодалайди. Қиссада «Очлик бўлганда деҳқон келисининг кири, тегирмончи дўппи-сининг чангиг билан бўлса ҳам, нарироққа бориб олади, лекин косибга қийин», «Ярим сўмга туюнинг кўзидаи зоғора нон олиб берарди» сингари образли жумлалар кўп. Уларда чуқур мазмун ёрқин ифодаланади, бино-барин, улар ўқувчига кучли эстетик таъсири кўрсатади.

Қиссада ёзувчи халқ қўшиқларидан, матал ва латифаларидан, жонли халқ тили хазинасидан унумли фойдаланган. Асарда Мадраим тилидан берилган қўйидаги халқ қўшиғи асар қаҳрамонининг ички руҳий ҳолатини очишга бевосита хизмат қилган:

Осмондаги паррандалар бориб айтинглар,  
Фарзандингиз Қўқондаги «оқ уйда» денглар.  
Сим-сим дедим, симлар дедим, симлар қўлимда.  
Зарра гуноҳ менда бўлса, қилич бўйнимда...

Қисқаси, «Ўтмишдан эртаклар» асарининг фазилатлари кўп. У эртак эмас, балки том маънодаги реалистик асардир. Унда ўтмиш ҳаёт ҳақиқати ниҳоятда аниқ ва равшан акс эттирилган.

Абдулла Қаҳҳорнинг сўнгги қиссаси «Муҳаббат» деб аталади. Асарда Анвар ва Муҳайё исмли икки ёш юракнинг эскилиқ сарқитларини мардона янчидан ўтувчи оташин муҳаббати, булоқ сувидек тоза, қуёш нуридек жозибали севгиси ҳаяжон билан ҳикоя қилинади. Тўгри, юзаки қараганда, бу асар баъзи кишиларга фақат аччиқ муҳаббат қиссасигина бўлиб туюлиши мумкин. Бироқ, аслида эса асарнинг мазмун доираси кенг ва теран. Унда икки қалбнинг севги саргузашти асосида инсон характерининг мураккаблиги, ёшларимизнинг тафаккур дунёсининг кенглиги ва бойлиги очиб берилади. Соф севги ва инсоний бурч тўғрисидаги, поклик ва ҳалоллик ҳақидаги чуқур мазмун гўзал шаклда ифодаланиб, ҳақиқий инсонийлик улуғланади; инсон, биродари учун беминнат хизмат қилувчи ва ҳар нарсадан инсонийликни устун қўювчи оддий одамлар мадҳ

этилиб, мол-мулкка ҳирс қўйган, иғвогар ва ёвуз шахслар руйи рост қораланади. Ана шу боисдан бу асарга оддий муҳаббат қиссаси дебгина эмас, балки муайян даврдаги ҳаёт қиссаси деб ҳам қарааш лозим.

Қиссада Анвар, Муҳайё, Муаттар, Наимжон, Рахимжон сингари персонажлар ёшларимизнинг умумлашма образлари сифатида, қалби ҳам, ташқи қиёфаси, юриш-туриши ва орзу-истаклари ҳам гўзал бўлган янги типдаги кишилар сифатида кучли эҳтирос билан тасвиrlenади. Асарда кўрсатилишича, шаҳарнинг машҳур шифокори ажойиб инсон Мурод Али вафот этгач, унинг синглиси Марғуба акасидан қолган катта бойлика эга бўлиш ниятида қабиҳ ишларга қўл уради; Мурод Алининг яккаю ягона фарзанди Анварга ўзининг ўгай қизи Муаттарни бериб, меросхўр (Анвар)нинг оёғига киshan солмоқчи бўлади. Бироқ Анвар аммаси Марғуба кўрсатган йўлдан бормайди; Муаттар билан турмуш қуришга рози бўлмайди. Марғуба эса ўз мақсадига етишиш йўлида ҳар қандай пасткашлиқдан ҳам қайтмайди: Анварни ўз ҳовлисидан ҳайдаб, уни кўча-кўйда сарсон-саргардон кезишга мажбур қилади. Гуноҳсиз жувон Муҳайёни ёмон отлиқда чиқариш учун тухмат ва иғвони ишга солади. Лекин Анвар билан Муҳайёнинг соғ муҳаббатига ҳеч нарса: катта бойлик ҳам, эски урф-одатлар ҳам тўсик бўла олмайди. Асар воқеаси икки севишган ёшнинг Муаттар, Ҳакимжон, Наимжон каби яхши ниятли кишилар ёрдамида муроду мақсадларига етганликларини хикоя қилиш билан тугайди.

«Муҳаббат» қиссасининг ишонтириш қуввати кучли. Чунки ёзувчи образларнинг ҳаракатини, юриш-туришини, ўй-хаёлларини мантиқан тўла асослашга ва табиий қилиб беришга эришган. Характер яратишда, асар тоғасини очишда руҳий таҳлил ва тил имкониятларидан моҳирона фойдаланган. «Муҳаббат» қиссасининг сюжети тугал ва қизиқарли. Асадаги воқеалар бир-бири билан чамбарчас боғланган. Воқеалар чиройли композиция доирасида ривожланиб боради. Адид ижобий ва салбий образлар ўртасидаги тўқнашувларни тасвиrlаш, ёрқин манзаралар яратиш, воқеалар ҳалқасидан сюжет занжирини ясаш орқали асарнинг асосий йўналишини вужудга келтиради. Шу тариқа мазмун ва шакл бирлигига ва уларнинг ҳар иккаласининг ҳам гўзаллигига эришади.

А. Қаҳҳорнинг «Сароб» ва «Қўшчинор чироқлари» романларида янги воқелик тасвирланган<sup>1</sup>.

Маълумки, 1947 йилда А. Қаҳҳор «Қўшчинор» романини нашр эттирган. Бироқ роман мамлакатимизда янги жамият қуриш тарихининг муҳим ҳодисаларини ва характерли босқичларини акс эттиришга бағищланган бўлса-да, унда ёзувчининг мавзуга доир ҳаёт ҳақиқатини чукур ўрганимаганлиги билан боғлиқ бўлган баъзи нуқсонлар мавжуд эди. Асада қишлоқ хўжалигини жамоалаштириш йилларидағи ҳаёт ҳақиқати чукур очиб берилмаган. Шунингдек асар сюжетида баъзи қусурлар учар, айрим воқеа ва эпизодлар ўзаро бирбири билан узвий боғланмай қолган эди. «Қўшчинор»даги нуқсонлар адабий танқидчилик томонидан очиб берилгач, ёзувчи асарни қайта ишлаб чиқди. Натижада прозамиз ўзбек колхозчисининг шаклланиш тарихини бадиий умумлаштириб берувчи «Қўшчинор чироқлари» романи билан бойиди. «Қўшчинор» билан «Қўшчинор чироқлари» ўзаро таққосланса, «чиндан ҳам романда Абдулла Қаҳҳор маҳоратининг анча ўстанлигини, асар гоясининг чуқурлашганини, қаҳрамонлар характери мукаммаллашганини» кўриш мумкин бўлади<sup>2</sup>.

«Қўшчинор чироқлари» Ўзбекистонда жамоа хўжалиги қурилиши ҳақида ёзилган йирик асардир. Батрак Сиддиқжоннинг муштумзур Зуннунхўжа тузоғидан қутилиб, жамоа хўжалигига аъзо бўлиши ва жамоа ҳаёт қучоғида ҳар жиҳатдан ўсиб, онгли, маданиятли киши даражасига кўтарилиши роман сюжетига асос қилиб олинган. Бинобарин, асарнинг бош қаҳрамони Сиддиқжондир.

Зуннунхўжа «замона зайлига кўра» қизи Шарофатни Сиддиқжонга эрга беришга мажбур бўлади: Сиддиқжонни ичкуёв қилиб олади. У бир ўқ билан икки куённи урмоқчи бўлади. У, биринчидан, Сиддиқжон воситасида мол-мулкини, ер-сувини ўз қўлида сақлаб қолмоқчи, текин ишчи кучига эга бўлмоқчи бўлса; иккинчидан, қизи Шарофатнинг айбини ёпишга интила-

<sup>1</sup> Қаранг: Озод Шарафиддинов, Абдулла Қаҳҳор. Т., «Ёш гвардия», 1988 й.

<sup>2</sup> Озод Шарафиддинов. Абдулла Қаҳҳор, Тошкент, «Ёш гвардия», 1988, 179- бет.

ди. Сиддиқжон дастлаб Зуннунхўжа оиласида сидқидилдан меҳнат қилади. Лекин кейинчалик у ўз тенгқураридан айрилганини англаб, пушаймон ейди.

Сиддиқжон кўп ўтмай Зуннунхўжа ва унинг оила аъзолари уни менсимаётганини очиқ сезади. Натижада оиласида совуқлик келиб чиқади ва бу совуқлик бора-бора катта жанжалга айланади. Охир-оқибатда Сиддиқжон Зуннунхўжа оиласини ташлаб кетади ва Ўрмонжоннинг ёрдами билан «Қўшчинор» жамоа хўжалиигига аъзо бўлади. Дастлабки пайтларда Сиддиқжон кўп қийинчиликларга дуч келади. Руҳий азоб чекади. Лекин жамоатчилик таъсирида у аста-секин ўзгара боради. Асарнинг охирида у илғор жамоа хўжалиги аъзолари қаторига қўшилади, ўз баҳтини жамоа хўжалигига топади. Янги онг, тушунча соҳиби бўлган дехқонга айланади.

Романда Сиддиқжон, ҳосилот Ўрмонжон, жамоа хўжалиги раиси Бўтабой, жамоа хўжалиги аъзоси Канизак, Зиёда сингари ижобий образлар, Зуннунхўжа, Абдусамадқори, Раҳматулла Обидий, Шарофат каби салбий образлар яратилган. Ёзувчи ижобий ва салбий образлар ўртасидаги ҳаёт-мамот курашини аниқ тасвирлайди. Хусусан, Абдусамадқори, Раҳматулла Обидий, Зуннунхўжа каби нопок шахсларнинг жамоа хўжалигини бузишга, тараққиётга гов бўлишга турли йўллар билан интилганликларини рўй-рост фош этади. Романда тасвирланишича, ёт унсурлар зимдан жамоа хўжалиги раҳбарларига қарши иғво тарқатадилар. Душманларнинг бундай хатти-ҳаракатлари ва кирдиқорлари асарда табиий ва жонли қилиб ифодаланган. Айёр муштумзўр Абдусамадқори «Айтсан тилим куяди, айтмасам дилим, жон ака» сингари қалбаки сўзларни ишлатиб, ўз кирдиқорларини ниқоблайди. Ёки у Ўрмонжоннинг хотини олдида «Қўшчинор»ни «Қўшчинор» қилаётган Ўрмонжон бўлса, Ўрмонжонни Ўрмонжон қилаётган унинг хотини» деб тилётгламалик қилади. Шу билан бирга, соғ виждонли кишилар орқасидан иғво-бўхтон тарқатади.

Хийлакор муштумзўр Мирҳамид эса колхозчилар олдида иккюзламачилик қилиб, «Шундоқми? .. Ҳайҳай, кўп яхши, кўп яхши. Бурунгилар «юргурганники эмас, буюрганники» дейишган. Биз елдик, югурдик, уйжой, рўзгор қилдик, бизга насиб қилмаган экан, буюрганга насиб қилсан. Кўп яхши. Сўзимиз шу... Нима

десаларинг, нима қилсаларинг қуллук қиламиз. Муштумзўр десаларинг ҳам қуллук! Ҳайдаймиз десаларинг ҳам қуллук. Биз шу вақтгача ҳукуматдан фақат адолат кўрдик», — дейди.

«Қўшчинор чироқлари» романининг тили пишиқ, образли ва сермазмун. Асардаги муаллиф нутқи ҳам, қаҳрамонлар тили ҳам гўзал ва жозибадор. Персонажлар тили индивидуаллашган. Хусусан, романда қўлланилган диалоглар қаҳрамонлар характерини очишида ва асар сюжети ривожини таъминлашда муҳим роль ўйнаган. Чунончи, Зуннунхўжа билан Сиддиқжоннинг асарнинг биринчи бобидаги диалогини эслайлик. Сиддиқжондаги руҳий ўзгаришларнинг ниҳоясига этиши ва ундаги кескин бурилиш, асосан, ана шу диалогдан бошланган:

- Яна нима керак?
- Яна нимам бор?
- Кирмайсиз колхозга!
- Кираман!
- Кирмайсан!
- Кираман!
- Аҳмоқ!
- Аҳмоқ бўлмаганимда шу аҳволга тушармидим!
- Фалчани иззат қилсанг, чориги билан тўрга чиқиб олади.

— Фалча бўлмасам тўпимдан айрилармидим. Айрилганни бўри ер дейдилар.

— Мен бўри бўлдимми? Йт!  
— Қуллук! ... Биз ит бўлсак, бўйнимиздаги тилла занжирингиз ўзингизга: янгичасига айтганда, мен қизингизни хоҳламайман, эскичаси керак бўлса — учталоқ қўйдим!

«Қўшчинор чироқлари» кенг кўламли ва мураккаб сюжетли асар. Бироқ, романда тасвирланган айрим воқеалар, хусусан, Раҳматулла Обидий образи асарнинг асосий сюжет чизиги билан чамбарчас боғланмаган. Романинг охирги бобларида баёнчиликка йўл қўйилган. Шу билан бирга, бу бобларда асар тилидаги жозибадорлик ва образлилик бирмунча сусайган. Асадаги Самандаров, Сафаров, Мавлонов образларининг ўзига хос характерлари етарли даражада очилмаган.

Бу нуқсонларга қарамасдан Абдулла Қаҳҳорнинг «Қўшчинор чироқлари» романи ҳозирги замон ўзбек

адабиётининг 50-йилларда яратилган асарлари ичida саралардан бири эди.

Абдулла Қаҳҳор ажойиб ҳикоя ва очерклар, қисса ва романлар яратиш билан бирга, М. Горький айтганидек, адабиётнинг энг қийин жанри бўлган драматургия соҳасида ҳам ўз истеъдодини намойиш этди.

А. Қаҳҳорнинг биринчи саҳна асари — «Янги ер» (1949) комедияси ўзбек драматургияси тараққиётида алоҳида ўрин тутади.

«Янги ер» комедиясида ёшларнинг қўриқ ва бўз ерларни ўзлаштириш соҳасидаги жасоратлари қаламга олинади. Комедияда кўрсатилишича, Дехқонбой билан Ҳафиза чўлни обод қилиш учун Мирзачўлга жўнашга аҳд қиласди. Лекин Ҳамробуви ва Холнисо ўз болаларининг Мирзачўлга кетишларига қаршилик кўрсатадилар. Кейинчалик бу икки ёш ўз оналарининг розилигини олиб Мирзачўлга боради, улар бу ерда кўп қийинчиликларга дуч келади. Тўқайзорларни тозалаб, қўриқни текислаб, янги ерлар очиш, унинг шўрини ювиш билан бир қаторда, Мавлон ака сингари ўжар кишиларни тўғри йўлга солиш учун ҳам кураш олиб борадилар. Шундай қилиб, турли шаклларда кўринувчи эскилил билан янгилик ўртасидаги курашни ва янгиликнинг галабасини тасвирлаш бу комедиянинг асосий гоявий мазмунини ташкил қиласди.

«Янги ер» асарида драматург замондошларимиз образини кўрсатишда — характер яратишда катта ютуқقا эришган. Комедияда иштирок этувчи образларни уч гуруҳга бўлиб кўрсатиш мумкин. Биринчисини Дехқонбой, Ҳафиза, Кўзиев образлари ташкил этади. Улар биринчилар қаторида янги ерлар очишга отланган, бу соҳада учраган қийинчиликларни бартараф қилишга қодир, софдил, виждонли ёшларимизнинг умумлашма образларидир. Иккинчиси, колхоз бригадири Мавлон ака образи. У меҳнатсевар, содда, бироқ, манманликка берилган, ўжар киши. У эски ютуқларини эслаб гердаювчи, ёшлардан ўрганишни ўзига ор деб билувчи шахслар тоифасига киради. Учинчиси, асардаги Ҳамробуви ва Холниса образлари. Улар содда, самимий ва меҳрибон бўлиш билан бирга, эскича тарбия уларнинг суюқ-суютига сингиб кетган. Драматург бу икки она образини яратишда комедиянинг бадиий қимматини оширувчи қизиқарли воқеаларни ва характерли деталларни топа билган ҳамда уларни жой-жойида

ишилатган. Шунинг учун ҳам асарда бу образларга кам ўрин ажратилган бўлишига қарамай, улар жонли, жозибали, тугал ва ҳаққоний бўлиб гавдаланади.

«Янги ер» пьесасида комик воқеа ва ҳолатлар кўп, юмор кучли. Асар тили ширали, мантиқли ва образли. Пьесада «шўр ювиш», «занглаған мих», «шоҳи сўзана», «чишта ямоқ» каби ибора ва ифодалар воситасида сўз ўйини қилинади ва шу орқали бир неча маънолар усталик билан ифодаланади. Комедиянинг иккинчи пардасида Мирзачўлга эндиғина кўчиди келган Ҳафизиздан «Қалай, Мирзачўл ёқдими?» деб сўраганларида, у: «Ёқмади. Биласизми, Ўзбекистон шоҳи сўзана, Мирзачўл мана шу шоҳи сўзанага тушган чишта ямоқ», деб жавоб беради. Асар қаҳрамони Одилов эса: «Мирзачўлни ҳам шоҳи сўзанага айлантирамиз», дейди.

Драматург шунга ўхшашиб сўз ўйинлари қилиб республиканизмнинг обод бўлаётганлигини образли равишда ифодалайди.

«Янги ер» комедияси Москва, Ленинград каби иирик шаҳарлардаги машҳур театрларда, шунингдек, Чехословакия, Венгрия, Руминия, Хитой сингари чет мамлакатларнинг етакчи театрларида (жами 75 театрда) саҳнага қўйилди ва ҳамма жойда олқишилар билан кутиб олинди.

Абдулла Қаҳҳорнинг «Оғриқ тишлар» (1954) комедиясида ҳам янги воқелик тасвирланади. Лекин асарда ҳаётдаги ижобий томонлар ва ибратли кишилар эмас, аксинча, ҳар хил иллатлар ва нопок шахслар биринчи ўринга чиқарилиб акс эттирилади. Бу ҳол асарнинг жанр хусусияти билан боғлиқ, албатта. Дарҳақиқат, «Янги ер» комедиясида хушчақчақ қулги — юмор кучли бўлса, «Оғриқ тишлар» пьесасида заҳарханда қулги — сатира устун туради. Ана шунинг учун ҳам «Оғриқ тишлар» сатирик комедия деб юритилади. Драматургнинг усталиги шундаки, у нопок амалпарастлар (Заргаров образи)ни, хотин-қизларга нисбатан менсимай муносабатда бўлувчилар (Хузуржонов образи)ни, соғ муҳаббатни оёқ ости қилувчи енгилтак аёллар (Хуморхон образи)ни аёвсиз фош этади. Бошқача қилиб айтганда, асар гояси, асосан жамиятимиз учун оғриқ тишлар: Заргаров, Хузуржонов, Хуморхон сингари сатирик образларнинг «фаолияти» га, хатти-ҳаракатига сингдириб юборилган.

Комедиядаги тиш доктори Марасул Ҳузуржонов ташқи қўринишдан маданиятли киши, аслида эса виждонсиз, ахлоқий бузук, мол-мулкка ҳирс қўйган нопок шахс. Марасул ўқувчи қиз Насибани «Мен сизга қўл чўзганимда эркак бўлиб эмас, бир тарбиячи бўлиб қўл чўздим, мен сизни университетда ўқитаман, аспирантурада ўқитаман. Мен сизни доктор қиласман, академик қиласман», деб ёлгон ваъдалар билан алдаб хотинликка олади. Тўй ўтгач, Марасул Насибани чўрига айлантиради. Шунингдек, Марасул ўз хизмат бурчини суиистеъмол қилиб, шахсий бойлик орттиришга берилиб кетади.

Пъесадаги ноҳия ижроия қўмитаси раисининг ўринbosари Аҳаджон Заргаров образи орқали ўз мансабини суиистеъмол қилувчи, сўзи бошқа, иши бошқа амалпараст шахслар сатира остига олинади. Аҳаджон Заргаров амалга мингач, босар-тусарини билмай қолади, ўзининг ўн етти йил бирга турмуш қурган ҳалол хотини Оқилахон устига Хуморхон исмли енгилтак бир жувонга уйланади. Болаларини тирик етим қиласди. Марасулдан «қарз» (пора) олиб, унинг ножӯя қилмишлига кўмаклашади.

Драматург Заргаровнинг, айниқса, оила мавзууда маъруза қилиш учун «тайёрланиши» ва минбарга чиқиб шармандаю шармисор бўлишини кўрсатишда сатира ўтидан усталик билан фойдаланган. Бу қўринишда персонаж ўзини ўзи фош этади. Умуман, Заргаров образи жонли ва ишонарли чиққан. Хусусан, воқеа давомида Заргаровнинг ўз қилмишидан пушаймон бўлиши, мураккаб руҳий ҳолатга тушиб қолиши таъсирили қилиб кўрсатилган. «Қани энди шуларнинг ҳаммаси тушим бўлса-ю, уйғониб кетсан!.. Қадамимни билиб босардим. Шу вақтгача калла деб жун чиққан қовоқни қўтариб юрган эканман!» — дейди Заргаров асар охирида.

Комедиядаги Хуморхон ҳаётий тип. Бу образ мисолида мол-дунёга, мартаба ва мансабга учиб, соф муҳаббатни оёқ ости қилувчи енгилтак аёллар фош қилинади. Хуморхон турмушнинг ҳам, муҳаббатнинг ҳам қадрига етмайди. Ў ҳаётнинг маъносини фақат қайф-сафода, бемаъни майшатда ва ўйин-кулгига деб билади. Шу сабабли Хуморхон Заргаровга иккинчи хотин бўлиб теккани ҳолда, Марасул Ҳузуржонов билан пинҳоний учрашиб туради. Заргаров ишдан

олингач, ўша куниёқ ундан юз ўгиради ва яна бошқа бирининг этагини тутиб кетади.

Комедиядаги Фотима ҳам жонли, ишонарли образ. Фотиманинг бутун дарди-ўйи бойлик — дунё йигишига қаратилган. Фотима бу йўлда ҳеч нарсадан, ҳатто хотин-қизларга берилган имтиёзларни суистеъмол қилишдан ҳам тоймайди. У ўз ўғли Марасулга «ақл» ўргатиб, «ўзингни тиллага ур, онанг айлансан Марасул, ўзингни тиллага ур!.. Насибанинг ўзи ўқишини хоҳламаса, ҳеч кимга гап тегмайди. Озодликка чиққандан кейин хоҳласа ўқиди, хоҳламаса қатиқ сотади. Олиб кетавер. Шунча ўқипти бас, бундан ортиқ ўқиса тепангга чиқиб кетади», дейди.

«Оғриқ тишлар» комедиясида Марасул, Хуморхон, Заргаров, Фотима сингари салбий образларга қарама-қарши ҳолда Зухра, Оқила, Насиба, Роҳила, Пўлат домла каби ижобий образлар ҳам яратилган. Булар орасида энг пухта ишлангани, шубҳасиз, Зухра образидир. Зухра янги типдаги жонкуяр аёлларимизнинг типик вакили. Зухра эл-юртга ҳалол хизмат қилишни ўзига катта баҳт деб билади ва масалага давлат, ҳалқ манфаати, замон талаби нуқтаи назаридан қарайди. Зухра ўз жияни Марасул Ҳузуржоновнинг кирдикорларини ҳеч иккиланмасдан очиб ташлайди. Унга қаратади: «Бир кўзинг одамларнинг оғзида, бир кўзинг чўнтағида-ку, яна қайси кўзинг билан ўқиб, савод чиқаргансан», — дейди.

Зухра тўғри сўз, принципиал хотин. У Марасул томонидан алданган Насибани ҳимоя қиласди ва тўғри йўлга бошлайди. Шунингдек, Зухра амалпаст Заргаровни кескин фош этади. У Заргаровни Қўқон хони Ҳудоёрхонга ўхшатиб, «ҳозирги Ҳудоёрхонлар шляпа ҳам кияр экан, папка кўтариб ҳам юрар экан; қонунларга чап бериш, жамоатни чалғитиши учун мана бунақа жойларда минбарга чиқиб, маст туюдек, оғзидан кўпиклар ҳам сочар экан!» дейди. Зухра оддий мактаб қоровулидан фаол жамоатчи, раҳбар ходим даражасигача ўсиб чиқади. Зухрадаги бу ўсиш табиий қилиб кўрсатилган.

«Оғриқ тишлар» комедиясининг тили ихчам, образли ва ҳикматли. Асарда чуқур маъноли ифода ва иборалар, сўз ўйинлари, қочириқлар, пичинг, киноя ва кесатиқлар кўп. Комедияда «Айрилганни айиқ ер, бўлинганни бўри ер», «Эшак минганинг оёғи тинмай-

ди, қўшхотинликнинг қулоги тинмайди», «Қоқилган одам йўлда ётган тошдан ўпкаламайди», «Кўчада ётган суюкни қайси ит ғажимайди» каби халқ мақол ва ибораларидан моҳирлик билан фойдаланилган. Шунингдек, пьесадаги айрим жумлалар ҳикматли сўз — афоризмлар дараҷасига кўтарилиган. Зуҳра меҳнатсиз «роҳатда» яшовчи, ишёқмас Хуморхонни фош қилас экан, «Ҳозирги замонда сичқон тутмайдиган мушук ҳам одамнинг кўзига хунук кўринади», — дейди.

Мазкур комедиянинг номи ҳам, ундаги қаҳрамонларнинг исмлари ҳам чуқур маъно ташийди. А. Қаҳҳор пьеса номини «Оғриқ тишлар» деб қўяр экан, Заргаров, Ҳузуржонов, Хуморхон сингари ярамас шахсларнинг жамиятимиз учун оғриқ тишлар эканлигига ишора қиласди. Шу орқали ҳаётда учровчи айрим иллатларни заҳарханда қулги остига олади.

А. Қаҳҳор яратган сатирик асарларнинг энг ўткири, шубҳасиз, «Тобутдан товуш» (1962) комедиясидир. Бу пьеса порахўрликка, текинхўрликка ва маънавий-ахлоқий бузуқликка қарши кураш мавзууда ёзилган. Асарда порахўрлик, ҳаромхўрлик ва бемаъни кайфу сафо билан умр кўришга одатланган нопок шахслар қаттиқ ҳажв этилади. Ҳалоллик ва тўғрилик улуғланади.

Бу сатирик комедияда тасвирланган воқеа идора бошлиғи Суқсиров хонадонида бўлиб ўтади. Порахўрлик ва айш-ишрат билан кун ўтказишга одатланиб қолган бу оиланинг жирканч ва тубан ҳаётини фош этиш асар сюжетининг асосини ташкил этади. Драматург Суқсиров хонадонидаги иллатларни очиб ташлаш билан порахўрликнинг жамиятимиз табиатига зид нарса эканлигини, ҳаётдаги бу сарқит ўлимга маҳкум этилганлигини ва ҳатто тобутга тушганлигини умумлаштириб акс эттиради.

Пьесада кўрсатилишича, Суқсиров, унинг хотини Нетайхон ва товламачи Қори сингари ярамас шахслар соғи виждонли кишилар олдида ўз кирдикорларининг фош бўлишидан қўрқиб, ваҳима ичиди кун кечирадилар. Суқсиров одамлардан пора олади-ю, лекин уни ўз қўли билан ушлашга қўрқади. Пора пулинни оташкурак ёки рўмолча билан ушлаб, уни катта қора печнинг ичига ташлайди. Ҳийлакор Қори эса бу пулларни печнинг орқа томонидан олиб, саранжомлайди. Жиноятчилар қанчалик усталик билан ҳаракат

қилмасинлар, улар охир-оқибатда қўлга тушадилар ва жазога тортиладилар.

Комедияда Суқсурев, Нетайхон ва Қори сатирик образ сифатида усталик билан чизилган. Драматург бу сатирик типларнинг қиёфасини кўрсатишида ўз-ўзини фош қилиш санъатидан моҳирона фойдаланган. Ана шунга кўра, Суқсурев пул деса муккасидан кетиб, пул олдида ор-номуси ва виждонидан ҳам кечувчи шахс сифатида рўйирост гавдаланса, Нетайхон маккор, айёр, молпараст, шарм-ҳаёсиз, икки юзламачи шарманда сифатида намоён бўлади.

Комедияда Обиджон, чол, милиция капитани Наврўзов сингари ижобий образлар ҳам яратилган. Улар орқали драматург юксак ахлоқ, соғ виждан ва ҳалол меҳнат билан яшовчи кишиларнинг қиёфаларини кўрсатиб беради. Нетайхоннинг укаси Обиджон оддий механизатор, ҳалол, покиза киши. У ўз атрофидаги воқеа ҳодисаларга ҳалоллик ва принципиаллик нуқтаи назаридан ёндашади. Обиджон поччаси Суқсурев ва опаси Нетайхоннинг қилмишларига нафрат билан қарайди. У Нетайхонга қараб, «Йўқ, Сиз эрингиз билан бирга аллақачонлар ўлганеизлар, элтиб кўмиш қолган, холос! Сизнинг бу гапларингиз тобутдан чиқдан товушга ўхшайди»,— дейди.

Қисқаси, «Тобутдан товуш» ҳаётий сатирик асар, ғоявий-бадиий бақувват комедия.

Шуни ҳам эслатиш керакки, муайян йилларда бу комедия воқеликни бузиб, қора бўёқларда кўрсатувчи асар сифатида асоссиз танқид қилинди<sup>1</sup> ва саҳнадан олиб ташланди. 80-йилларда «Тобутдан товуш» қайтадан саҳна юзини кўрди ва томошабинларга манзур бўлди. Кўринадики, А. Қаҳҳорнинг «Оғриқ тишлар», «Тобутдан товуш» асарлари шахсга сифиниш, хусусан, турғунлик даврида юзага келган. Бу комедияларда драматург ўша давр руҳига зид ҳолда ҳаёт ҳақиқатига тик қараган. Ҳаётни бўяб-безаб, асоссиз мақташ йўлидан эмас, бор ҳақиқатни рўй-рост кўрсатиш йўлидан борган.

<sup>1</sup> Каранг: «Тобутдан товуш» ҳақида, «Қизил Ўзбекистон» рўзномаси, 1962 йил 11 август.

Абдулла Қаҳҳор фикрга сахий, сўзга хасис санъаткор. Адиг асарлари тили нафис ва жозибадорлиги, сиқиқ ва образлилиги билан ажралиб туради. «Абдулланинг сиқиқлиги менга жуда ёқади. Абдулла бошқалар бир саҳифада айтадиган гапни бир гапда айтиб кўя қолади»,— деган эдиFaфур Ғулом.

Абдулла Қаҳҳор ўзига ҳам, ўзгаларга ҳам талабчан ёзувчи эди. У, одатда, асар китоб бўлиб нашр этилгандан ёки саҳнага қўйилгандан кейин ҳам қўлёзма устида ишлашни давом эттирас эди. «Қўшчинор чироқлари», «Янги ер», «Оғриқ тишлар», «Тобутдан товуш», «Сароб» асарларининг яратилиш тарихи ҳам шундан далолат беради.

Абдулла Қаҳҳор адабиётимизнинг ҳақиқий жонкуяри эди. У адабиётимизнинг гоявий соғломлиги ва бадиий юксаклиги учун бадиий тўрликка, «ўртамиёначиликка» қарши курацди.

Абдулла Қаҳҳор адабиётимизнинг келажаги учун жон куйдирар, ёш ёзувчиларни тарбиялаб вояга етказишини давлат аҳамиятига эга бўлган муҳим иш деб билар ва бу соҳада бошқа кўп ёзувчиларга намуна кўрсатар эди. Дарҳақиқат, А. Қаҳҳор адабиётда мактаб яратган ва кўплаб шогирдлар етиштирган йирик устоз санъаткордир.

Абдулла Қаҳҳорнинг адабиёт ва санъат соҳасидаги хизматлари муносиб равишда тақдирланган. Адиг икки марта Меҳнат Қизил Байроқ ордени, «Хурмат белгиси» ордени билан мукофотланган. Үнга «Ўзбекистон халқ ёзувчиси» (1967) деган фахрий унвон берилди. Абдулла Қаҳҳор «Янги ер» комедияси учун 1952 йилда Давлат мукофотига, «Ўтмишдан эртаклар» қиссаси учун 1966 йилда Ҳамза номидаги республика Давлат мукофотига сазовор бўлди.

Абдулла Қаҳҳор номини агадийлаштириш соҳасида ҳам бирмунча ишлар қилинган. Театр, жамоа хўжалиги, кўча ва мактаблар унинг номи билан аталмоққда. Тошкентда А. Қаҳҳорнинг уй-музейи очилди. Адиг асарлари кўп нусхада, турли тилларда қайта-қайта чоп этилди. Ёзувчининг мукаммал асарлар тўплами нашр қилинди.

Хуллас: Абдулла Қаҳҳор моҳир прозаик ва драматург сифатида ҳозирги замон ўзбек адабиёти хазинаси-

га қимматли дурданалари билан салмоқли ҳисса қўшган буюк адидир.

## АДАБИЁТЛАР

1. И. В. Боролина. Абдулла Қаҳхар, Тошкент, Ўзадабийнашр, 1957.
2. Ҳ. Абдусаматов. Абдулла Қаҳхор, Тошкент, Ўздавнашр, 1960.
3. М. Султонова. Абдулла Қаҳхорнинг услуби, Тошкент, «Фан», 1967.
4. М. Қўшжонов, У. Норматов. Маҳорат сирлари, Тошкент, 1968.
5. Адабиётимизнинг автобиографияси, Тошкент, 1973.
6. Н. Шодиев. Рӯҳият рассоми, Тошкент, «Фан», 1976.
7. К. Қаҳхорова. Чорак аср ҳамнафас, Тошкент, «Ёш гвардия», 1987.
8. Абдулла Қаҳхор замондошлари хотирасида, Тошкент, 1987.
9. С. Мирзаев. Серқирра талант соҳиби, Тошкент, «Ўзбекистон», 1987.
10. Озод Шарафиддинов. Абдулла Қаҳхор. Тошкент, «Ёш гвардия», 1988.
11. М. Қўшжонов. Абдулла Қаҳхорнинг маҳорати ҳақида. Тошкент, «Фан», 1988.
12. Ўзбек совет адабиёти тарихи. Тошкент, «Ўқитувчи», 1990.

## М а т н

Абдулла Қаҳхор. Асарлар (беш жилдлик), Тошкент, Ўзадабийнашр, 1987—1989 йиллар.

## КОМИЛ ЯШИН

(1909 йилда туғилган)

Комил Яшин шоир ва драматург, носир ва адабиётшунос, публицист ва жамоат арбобидир. Ноёб истеъдод соҳиби Комил Яшин узоқ йиллар давомида янги замон ўзбек адабиётига, хусусан ўзбек драматургиясининг шаклланиши ва юксалишига катта ҳисса қўшиб келмоқда.

Комил Нуъмонович — Яшин 1909 йилда Андижон шаҳрида туғилди. Дастрраб эски мактабда, сўнгра янги мактабда ўқиди. 1925 йилда уни Ленинградга ўқишга юборишиди.

Комил Яшин 1930—1936 йилларда ўзбек давлат музика театрида адабий эмакдош бўлиб ишлади. Шундан сўнг Ўзбекистон Ёзувчилар уюшмаси адабиёт фондининг раиси, Ўзбекистон Ёзувчилар уюшмаси бошқарувининг масъул котиби вазифасини бажарди. 1946—1949 йилларда Ўзбекистон Санъат ишлари

Бош бошқармасининг бошлиғи бўлиб хизмат қилди. У 1958 йилдан то 1980 йилгача Ўзбекистон ёзувчилари уюшмасининг биринчи котиби сифатида меҳнат қилди. «Ўзбек тили ва адабиёти» ойномасининг бош редактори бўлиб ишлади. Комил Яшин таниқли жамоат арбобидир. У Осиё ва Африка ёзувчилари билан алоқа қилувчи Совет Комитетининг аъзоси бўлган.

Комил Яшин ёшлик чоғларидаёқ адабиётга қизиқкан. 16 ёшлигидан шеър ёзишни машқ қилиб, 1925 йилдан бошлаб ўз шеърлари билан матбуотда кўринади. К. Яшин 1925—1932 йилларда шеърлар ёзиб, «Қуёш» (1930), «Кураш» (1931), «Комсомол» (1933) шеърий тўпламларини нашр эттиради. Ёш шоир шеърларида янги воқеликни куйлади. У янги ҳаётдаги ижтимоий ўзгаришларни шеърий тилда баён этди.

Унинг хотин-қизлар озодлиги, ер-сув ислоҳоти, колхоз қурилиши, эркин меҳнат, маданий инқилоб, ватанпарварлик, диний хурофтolar, эскилиқ сарқитлariга, ички ва ташқи душманларга қарши кураш ҳақидаги «Қўшни хотинга», «Тутқин қизга», «Хой, синглим», «Очил, қизча», «Шарқ ёшларига», «Олтин кўл», «Нафрат» каби шеърлари фикримизнинг яққол исботидир.

Шундай қилиб, давр талабига ҳозиржавоблик, янгиликка интилиш, ҳаётдаги илгор йўналишларни қўллаб-қувватлаш К. Яшин шеъриятининг асосий хусусиятларини ташкил этади.

Комил Яшин ўз ижодини шеъриятдан бошлаган бўлса-да, кўпроқ драматург сифатида машҳурдир. Комил Яшин 20-йилларнинг охирларидаёқ драматургияда ижод қилишга мойиллик билдири. Бу йилларда ижодий изланиш даврини бошидан кечирган ёш қаламкаш 30-йилларнинг ўрталарига келиб бутунлай драматургия билан шуғуллана бошлади. Лекин бундан К. Яшин 30-йилларда ўзининг лирик созини бутунлай ташлаган эди, деган хулоса келиб чиқмаслиги лозим. У драматургияда ижод қилганида ҳам шеъриятга тез-тез мурожаат қилиб туради. У «Ҳамза», «Бўрон», «Улуг' канал», «Дилором» саҳна асарларини шеърий йўлда ёзган. «Нурхон», «Гулсара», «Офтобхон», «Равшан ва Зулхумор» сингари пьесаларда эса гўзал ария ва қўшиқлардан фойдаланган.

«Кар қулоқ» (1926), «Тенг-тенги билан» (1927), «Лолаҳон» (1927), «Қуёш» (1929) каби кичик-кичик

пьесалар К. Яшиннинг драматургия соҳасидаги илк қадамлари ҳисобланади. Бу асарларда К. Яшин устози Ҳамзанинг хотин-қизлар озодлиги мавзуига доир анъаналарини давом эттиришга интилади. Эски урфодатларни қоралаб, янги ҳаётни, янгиликни тарғиб қиласди.

К. Яшин ижодининг эволюцияси унинг қишлоқ хўжалиги мавзууда ёзилган «Ўртоқлар» (1930), «Ёндирамиз» (1931), «Номус ва муҳаббат» (1935) асарлари мисолида очиқ кўринади. Бу пьесалар мавзу эътибори билан бир-бирига яқин турса-да, гоявий мазмуннинг бойлиги, образларнинг ёрқинлиги ва муаллиф маҳоратининг ошганлиги жиҳатидан «Номус ва муҳаббат», «Ўртоқлар» ва «Ёндирамиз»га қараганда устун туради. «Номус ва муҳаббат» драмасининг гоявий мазмуни — инсон қадр-қиммати учун кураш, янги онгнинг эскилик устидан ғалабасини кўрсатиш, жамоа ҳаёти ва меҳнатининг тарбиявий ролини очиб беришдан иборатdir. Драмада жамоа ҳаёти ва ижтимоий озод меҳнат жараёнида етишган янги типдаги одамлар (хусусан Онахон) образи усталик билан яратилган. Дехқонларимиз онгига янги даврда содир бўлган ўсиш-ўзгаришлар, уларнинг меҳнатга янгича муносабатлари, турли иллатларга қарши курашлари жонли ва қизиқарли қилиб кўрсатилган.

Драманинг бош қаҳрамони илғор бригадир Онахон — янги типдаги аёл. У жамоа хўжалигини мустаҳкамлаш ва пахтачиликни ривожлантиришда жонбозлик кўрсатади. Онахоннинг эри Ғуломжон эса эскилик ботқогига ботган, Яхшибойнинг хийласига учган киши. Драматург Онахон характерини очишда Ғуломжон образидан яхши фойдаланади. Дарҳақиқат, янгилик билан эскилик ўртасидаги кураш «Номус ва муҳаббат» драмаси сюжетининг асосини ташкил этади. Бу кураш илғор колхозчи Онахон билан унинг турмуш йўлдоши ўжар Ғуломжон ўртасидаги муносабатларни кўрсатиш орқали ҳам ёритилади. Онахон билан Ғуломжон ўртасида самимий муҳаббат бор. Лекин Ғуломжон онгидаги эскилик сарқитлари бу муҳаббатни хиралаштириб туради. Онахон ўз қалвидаги икки туйғу — эрига муҳаббат ва унинг ўжарлигидан номус қилиш туйғуси билан курашади. Пьесанинг «Номус ва муҳаббат» деб аталишининг боиси ҳам шунда.

Асарда муаллиф Фуломжоннинг хотин-қизларга паст назар билан қаравини, турмушдан орқада қолганини фош этиш билан бирга, унинг жамоатчилик таъсирида тўғри йўл топиб, янги одамга айланганлигини ҳам ишонарли тарзда акс эттиради.

Асарда образлар характери ва персонажлар нутқи яққол ифодаланган. Асар самимий юмор билан сугорилган. Бу жиҳатдан асардаги Ақл Мирза образи айниқса муваффақиятли чиққан. Ўзини ақлли, мадханиятли ва билимдон санаб юрувчи Ақл Мирза ҳар кадамда фаросатсизлик қилиб томошабинларнинг кулгисини қистатади.

Қисқаси, К. Яшиннинг «Номус ва муҳаббат» пьесасида 30-йилларда қишлоқларимизда юз берган ўсиш-ўзгаришлар усталик билан кўрсатилган. Реалистик образлар яратилган.

Комил Яшин жиддий меҳнат қилиш, ўз маҳоратини такомиллаштириш натижасида дастлабки пьесаларидағи нуқсонларни (хусусан бадиий етишмовчиликларни) бартараф этиб борди. Дарҳақиқат К. Яшин ўзига талабчан драматург. У асар устида қунт билан қайта-қайта ишлайди. Асар саҳнага қўйилгандан кейин ҳам пьеса устида ишлашни тўхтатмайди. Ўзбек драматургиясининг ажойиб намунаси бўлган «Гулсара» пьесасининг яратилиши тарихи фикримизнинг далилидир.

Маълумки, К. Яшиннинг хотин-қизлар озодлиги мавзууда ёзилган «Лолаҳон» пьесаси мавзуу ва гоя жиҳатидан Музаффар Муҳамедовнинг «8 Март» пьесасига яқин эди. Шуни назарга олиб, бу икки муаллиф ўз асарларини бирлаштириб, қайтадан ишлаб чиқдилар. Натижада «Ичкарида» музикали драмаси вужудга келди. Кейинчалик бу пьеса яна қайта ишланиб «Гулсара» номи билан майдонга чиқди. Бироқ К. Яшин бу билан чекланмади. У шу драма асосида композитор Г. Глиэр ва Толибжон Содиқов билан ҳамкорликда «Гулсара» операсини яратди.

«Гулсара» (1935) музикали драмасида ўзбек хотин-қизларининг 20-йилларда эски урф-одатлар занжиридан, паранжи, чордевор тутқунлигидан қутилиш учун олиб борган мардонавор курашлари ҳаётий ва ишонарли қилиб кўрсатилади. Асарда эскилик билан янгилик ўртасидаги кескин зиддият чуқур ёритилиб тўғри ҳал қилинган.

Пъесанинг бош қаҳрамонлари Гулсара ва Қодиржон эскиликка қарши фаол кураш олиб борадилар. Қодиржон янги замон кишиси. У ўз севгилиси Гулсарани озодликка чиқариш учун дадил ҳаракат қиласиди. Бироқ у қайнотаси Иброҳимнинг қаттиқ қаршилигига дуч келади. Иброҳим қизи Гулсаранинг паранжи ташлашига — озодликка чиқишига тиш-тирноғи билан қаршилик кўрсатади. У Гулсарани «оқ қиласман, дуоибад қиласман» деб қўрқитиб, Қодиржондан ажратмоқчи, ёт унсур Бадалматга хотинликка бермоқчи бўлади. Гулсара икки ўт ичидаги қовурилади. У, бир томондан, Қодиржонни жон-дилидан севганлиги сабабли отасининг қистовлагрига қарамай оилани бузишни истамайди. Иккинчи томондан, Гулсара отасининг қарғицидан, «оқ қилишидан» қўрқади. Шу сабабли руҳан қийналади, эзилади.

Гулсаранинг онги аста-секин ўсиб боради, унинг иродаси эскиликка қарши кураш жараёнида мустаҳкамланади. Воқеа охирида Гулсара эски ҳаётга қарши қатъий норозилик билдириб, уни лаънатлаш даражасигача ўсиб етади:

Бас, бас, қора булат тўсма, кет, дунёдан йўқол!  
Бўл парча-парча, майдалан, эй карқулоқ девол!  
Син, парчалан, син эй қафас,  
Бўлсин тамом,  
Озод нафас!  
Бўлсин кушод!  
Озод нафас!

Шундай қилиб, Гулсара эри Қодиржон, ноҳия раҳбарияти ходими Рузвон, дугонаси Файзихон ёрдамида янги ҳаёт йўлидаги тўсиқларни енгиб ўтиб, муроду мақсадига етади.

Драмадаги асосий характерлар тиник ва аниқ. Асарда ўша даврга хос бўлган уч типдаги хотин-қизлар образи яратилган:

1. Хотин-қизлар озодлиги учун фаол курашчи Рузвон образи. 2. Эскилик сарқитларини янчидаги ўтиб, охироқибатда озодликка эришган Гулсара образи. 3. Ўз ҳуқуқини таниб етмаган, лекин янги ҳаётнинг афзаллигини сеза бошлаган Ойсара (Гулсаранинг онаси) образи. Бу қаҳрамонлардан, айниқса, Гулсара характери муқаммал чиққан. Гулсаранинг руҳий кечинмалари,

иккиланишлари, қийналишлари, онг-тушунчасининг ўсиш жараёни ёрқин акс эттирилган.

«Гулсара» пьесасида ижобий қаҳрамонлар билан бирга Иброҳим, Бадалмат, Отинбуви каби салбий образлар ҳам жонли ва ҳаққоний қилиб кўрсатилган. Улар воситасида эски дунё кишиларининг руҳий ҳолатлари очиб берилган. Булардан, айниқса, ҳар қандай янгилик ва эркинликнинг душмани бўлган Иброҳим образи пишиқ ишланган. Иброҳим реакцион диний ақидаларга кўр-кўрона сажда қилувчи онгсиз, жоҳил шахс сифатида кўрсатилган. Иброҳим пьеса охирига келиб ўз хатоларини англайди ва риёкорлар томонидан қаттиқ алданиб юрганлигидан изтироб чекади.

К. Яшиннинг «Нурхон» (1940) драмаси ҳам, «Гулсара» пьесаси сингари, хотин-қизлар озодлиги мавзуига багишланган. Унда ҳам янгилик билан эскилик ўртасидаги кескин кураш ҳаққоний акс эттирилади. Асарда зиддият ҳаётий, драматизм кучли. Бироқ «Гулсара»дан фарқли ўлароқ, «Нурхон» тарихий-биографик воқеа асосида яратилган. Асарнинг бош қаҳрамони Нурхон образининг ҳаётдаги тимсоли ўзбек театрининг биринчи артистларидан Нурхон Йўлдошхўжаевадир. Маълумки, Нурхон Йўлдошхўжаева озодликка чиқиб, эркин санъаткор бўлишни истагани учун реакцион руҳонийларнинг иғвоси билан ўз акаси томонидан ёвузларча ўлдирилган эди. Ана шу ҳаётий воқеа «Нурхон» пьесасига асос қилиб олинган ва у ўша давр ижтимоий ҳаётининг хусусиятлари билан узвий боғлиқлиқда кўрсатилган. Нурхон ўз ҳаётини театр санъатига багишлаган ўзбек қизининг образи сифатида катта ижтимоий-сиёсий воқеалар фонида тасвирланган. Ана шунга кўра, асарда ўша давр руҳи бўртиб туради.

Драмада кўрсатилишича, марғилонлик истеъдодли қиз Нурхон золим ота қўлидан қочиб, Самарқандга боради ва театрга ишга кириб баҳтли ҳаёт кечира бошлийди. Нурхон Гулсарага нисбатан дадил ҳаракат қиласи, эскиликка қарши кескин курашади. Самарқанд давлат театрида ўз истеъдодини намойиш қилиб, халқ ҳурматига сазовор бўлган Нурхоннинг иродасини акаси Маматхоннинг илтимоси ҳам, дўй-пўписаси ҳам синдира олмайди. У акасига қараб: «Қафасдан бўшалган қуш яна қайта ўзини қафасга урадими?.. Жон беришга тайёрман, лекин йўлимдан қайтмайман!» деб

хитоб қиласи. Нурхон умрининг сўнгги дақиқасига қадар янги ҳаёт йўлида дадил курашади ва шу йўлда ҳалок бўлади.

Нурхон образида ўзбек хотин-қизлари онгининг ўсиши ва янги инсон характерининг шаклланиши яққол кўрсатилган. Дарҳақиқат, Нурхон фақат ўз эрки учун курашиб қолмай, бошқа хотин-қизларни ҳам янги ҳаётга чақиради. Нурхон ўлимни олдидан шундай дейди:

Сиз, эй ўртоқларим, бу нурли йўлдан қайтмангиз, асло,  
Ўларман, лекин ўлмас санъатим, баҳтим, шараф-шоним

Пьесада бош қаҳрамон Нурхон ҳалок бўлса-да, ҳаётбахш рух — янги урф-одатларнинг тантана қилишига комил ишонч руҳи бўртиб туради. Чунки асарда эскиликнинг ўлимга маҳкум этилганлиги ва янгиликнинг голиблиги, келажаги порлоқлиги мантиқан асосланади ҳамда образли тарзда аниқ кўрсатилади.

Пьесада Нурхоннинг онаси Кимё, отаси Ҳожи, севгилиси Ҳайдар образлари ҳам берилган. Кимё образида муштипар оналаримизга хос болажонлик, меҳрибонлик хислатлари ёрқин акс этган. Кимё золим эри Ҳожининг зулмидан қон ютади. Лекин, шунга қарамай, бутун оғирликни ўз зиммасига олиб, қизи Нурхонни баҳтли қилишга ҳаракат қиласи. Нурхоннинг Самарқандга қочишини уюштиради, Ҳожи эса «жон хотин», «жон қизим» деса-да, унинг ҳар бир сўзидан заҳар, қон томади. Ҳожи сизлаб гапириб, жон олади. Асарда боғбон йигит Ҳайдар янги замон руҳини ҳис этган, севгисига содик, вижданои пок киши сифатида гавдаланади.

«Нурхон» — бадиий жиҳатдан ҳам мукаммал пьеса. Унда ҳалқ оғзаки ижоди бойликларидан, ҳалқ мақол ва қўшиқларидан самарали фойдаланилган. Нурхон тилидан берилган қўйидаги мисраларни ҳалқ ашуулаларидан озиқланиб тўқилган замонавий қўшиқ деса бўлади:

Давр бизнинг давримиз,  
Даврон гўзал, давронимиз,  
Шу ватанга, шу гул ҳаётга  
Минг фидодир жонимиз.

Ёки, драмадаги комик образ Ҳузурхўжанинг Ҳайдарга қаратса айтган «Узумни қўй, ола қўйни сўй,

суюнчини узат, шоҳ супани тузат. ... гулдай очилиб, бодомдай сочилиб, ойдай тўлиб, чикка бел бўлиб, дуторни чалиб, кокилини солиб, аравага тушиб, капитардай учеб боғ сайрига хўжайнингизни қизлари Нурхон пошишо келяптилар», деган сўзларини олайлик. Бу мисол халқ оғзаки ижодида кенг тарқалган сажъ санъати асосида вужудга келган бўлиб, у драмага хушчақчақ кулгу бағишилаган.

Умуман, «Нурхон» гоявий-бадиий бақувват драмадир.

К. Яшиннинг шоир Амир Умарий билан ҳамкорликда ёзган «Ҳамза» пьесаси ҳам тарихий-биографик драмадир. Бу асарда Ҳамза Ҳакимзоданинг реалистик образи яратилган. Муаллифлар Ҳамза характерини очиш жараёнида ўша даврдаги ижтимоий-сиёсий воқеа-ходисаларнинг кенг ва жонли манзарасини чизиб берганлар.

Драматургларнинг маҳорати шундаки, асардаги ҳамма воқеалар ва персонажлар асар гоясини, Ҳамза образини тўлақонли гавдалантиришга хизмат қилдирилган.

Пьесанинг асосий зиддияти меҳнаткашлар билан эски ҳаёт тарафдорлари ўртасида 20-йилларда бўлиб ўтган аёвсиз кураш асосига қурилган. Бу зиддият Ҳамза Ҳакимзода, профессор Степанов, Пўлатов, халқ вакили Оллоқул каби ижобий қаҳрамонлар билан Назирий, Шавкат, Урфон, Гулом Мирза, Шайх Исмоил, Акбархўжа, Карим қори, Эшонойим сингари салбий образлар ўртасидаги кескин тўқнашувлар ва баҳслар жараёнида очиб берилади.

Драма Ҳамза ҳаётининг охирги ўн йилини, унинг ёш унсур ва реакцион руҳонийларга қарши олиб борган кураш даврини ўз ичига қамраб олади. Бинобарин, пьесада Ҳамза фаол жамоатчи, истеъододли санъаткор, халқ ишига бутун борлигини бахш этган инсон сифатида гавдаланади. Ҳамза доимо халқ билан бирга бўлади, сиёсий кураш жараёнида чиниқа боради. Драмада Ҳамза билан ёт унсур Назирий ўртасидаги кураш аниқ кўрсатилган. Назирийларни ўз гояларига бўйсундирмоқчи бўладилар. Бунинг иложини қилолмагач, Ҳамза ижодини турли йўллар билан камситишга, оташин шоирни халқ оммасидан узоқда тутишга уринадилар. Ҳамзанинг Шоҳимардонга келиши билан синфий кураш янада авж олади. Ҳамза Шоҳимардонда

сиёсий жамоатчилик ишларида фаол қатнашади: қишлоқ хўжалиги артелини тузишда ва хурофотга қарши курашда етакчилик қиласди. Шайх Исмоил, Акбархўжа сингари руҳонийларнинг кирдикорларини фош этиб, меҳнат аҳли онгининг ўсишига кўмаклашади. Натижада Назирий бошлиқ яширин ташкилот шоирни ўлдириш ҳақида ҳукм чиқаради.

Драмада Назирий образи маҳорат билан яратилган. Асарда Назирийнинг иккюзламачилиги, айёрлиги, ҳокимиятга душманлиги ва майший бузуқлиги рўйирост очиб ташланган.

Асар воқеаси Ҳамзанинг Шоҳимардонда ёвузларча ўлдирилиши билан тугайди. Ҳамза ўлдирилса-да, пъесада Ҳамза ишининг ғалаба қилишига ишонч йўқолмайди. Ҳамзанинг иши — адолат ва ҳақиқат иши сифатида халқ томонидан давом эттирилади. Пўлатов пъеса якунида Ҳамза ишининг ҳақ иш эканига имон келтиради:

Тобора яшнагай Ватан — боғимиз  
Бўйинни эгмагай асло тоғимиз.  
Биз буни сақлаймиз жонимиз билан,  
Ҳамзамиз сингари қонимиз билан.✓

«Ҳамза» драмаси шеърий йўл билан ёзилган. Унда монолог ва диалоглар таъсирли қилиб берилган. Монолог ва диалогларни ишлашда драматурглар халқ мақоллари ва ҳикматли сўзларидан ўринли фойдаланганлар. Ҳамза монологида:

Тўгри тил тош ёрап, ҳар эгри тил — бош.  
Осмондан ёғилмас чалпак билан ош!..

Одам борки, одамларнинг нақшидир!  
Одам борки, ҳайвон ундан яхшидир!

Одам борки, қолур ундан яхши от,  
Одам борки, қолур ундан оху дод.

Одам борки, кетмон чониб экар ер,  
Одам борки, чигирткадай текин ер!

О, машойик, ташланг байту газални!  
Инсон ўзгартадур тақдир-азални!..

Этилган дарахтга суюнсанг агар,  
У дарахт сени ҳам ўзидаи эгар,—

сингари ўткир мантиқли халқ иборалари, ҳикматли сўзлари қўлланилган. Драматурглар Ҳамза тилидан бундай афоризм ва халқ ҳикматларини ишлатиш билан унинг характеристидаги муҳим бир белгини — Ҳамзанинг халқ ижодининг ҳаётбахш булоқларидан ўзига доимо куч-қувват олуви чоно шоир эканлигини образли равишда кўрсатишга муваффақ бўлганлар. Шундай қилиб, К. Яшин 30-йилларда «Гулсара», «Нурхон», «Ҳамза» сингари бақувват саҳна асарлари яратди.

30-йилларнинг иккинчи ярмига келиб у опера либреттоларини ёзишига ҳам киришди. Натижада «Бўрон» (1937), «Улуг канал» (1940) опера либреттолари юзага келди. «Бўрон» биринчи ўзбек операси бўлиб, у халқимизнинг 1916 йилги миллий озодлик ҳаракати ҳақида ҳикоя қиласи. «Бўрон» операси 1939 йилда саҳнага қўйилди. Натижада К. Яшин ўзбек операси либреттосининг асосчиси сифатида ҳам танилди. Кейинчалик К. Яшин «Гулсара», «Дилором» (Музаффар Муҳамедов билан ҳамкорликда), «Фарҳод ва Ширин» (Хуршид билан бирга), «Ҳамза» опера либреттоларини ёзив, бу жанрнинг катта устаси даражасига кўтарилди.

Бугина эмас, 30-йилларда К. Яшин ўзбек ёзувчилари орасида биринчи бўлиб киносценарий ёзди. Унинг «Асал» (1939) киносценарийсида Тошкент тўқимачилик комбинатидаги жўшқин ҳаёт ва эркин меҳнат кўрсатилади. Хотин-қизларни саноатга — ижтимоий меҳнатга жалб этиш масаласи кўтарилади. Асадаги бош қаҳрамон — зарбдор ишчи, илғор тўқувчи Асал озод ўзбек хотин-қизларининг умумлашма образи бўлиб, китобхонда яхши таассурот қолдиради.

К. Яшин киносценарий яратиш соҳасидаги илк қадамини кейинчалик «Ҳамза» (С. Муҳамедов билан ҳакморликда), «Салом, баҳор», «Генерал Раҳимов», айниқса, «Оловли йўллар» (Б. Привалов, Ш. Аббосов билан бирга) киносценарийларини ёзиш билан мустаҳкамлади.

Комил Яшин Ватан уруши даврида ҳам самарали ижод этди. Ўз асарлари билан фашизмга қарши қураш ишига фаол ёрдамлашди. «Урушнинг биринчи кунлари-даноқ,— деб ёзган эди К. Яшин,— мудофаа мавзууда саҳна асарлари яратиш тўғрисида жиддий ўйлай

бошладик. Мақсад — улуг ва ҳаққоний курашимизга саҳна санъати орқали ёрдам беришдан иборат эди»<sup>1</sup>.

Уруш даврида К. Яшин замонавий мавзуларда «Даврон ота» (Собир Абдулла ва Чустий билан ҳамкорликда, 1941), «Ўлим босқинчиларга» (1942), «Офтобхон» (1944) пьесаларини яратди. Шунингдек, Навоий достони сюжети асосида «Фарҳод ва Ширин» (1944) музикали драмасини ёзи.

Бу асарлар орасида «Ўлим босқинчиларга» драмаси ажralиб туради. Бу пьесада бевосита фронт воқеалари тасвирланиб, гитлерчи босқинчиларнинг йиртқичлиги, кишиларимизнинг ватанпарварлиги ва душманга қарши олиб борган мардона кураши ҳаққоний кўрсатилади. Асар гояси профессор Москаленко, қаҳрамон украин қизи Оксана, мард ўзбек йигити Қамбар сингари кишилар билан генерал фон Келлер, Ганс, Адольф, Классин каби фашист офицерлари ўтасидаги ҳаётмамот курашини тасвирлаш орқали ифодаланади.

Драмада, айниқса, профессор Москаленко образи ёрқин чиққан. Ўз ҳаётини фанга бағишилаган бу пок инсон асарда олимларимизнинг типик вакили сифатида намоён бўлади. Уруш бошлангач, фашистлар Москаленко яшаётган шаҳарни босиб оладилар, уни ўз штабларига чақириб, хизмат ва мансаб таклиф қиладилар. Лекин Москаленко уларга кескин рад жавобини беради. Ватанга хоинлик қилишдан кўра ўлимни афзал билади. Москаленко фашистлар штабида генерал фон Келлер томонидан қилинган сўроқ вақтида ўзини дадил тутиб, ватанпарварлик намуналарини намойиш этади. Охир оқибатда фашистлар профессор Москаленконинг кўзини ўйиб олиб, уйига ўт қўядилар, хотинини азоблаб ўлдирадилар. Лекин шунда ҳам душманлар Москаленконинг иродасини бука олмайдилар. Бу жиҳатдан драмадаги генерал фон Келлер билан профессор Москаленконинг диалоги гоятда таъсирли чиққан:

**«Фон Келлер:** Виждон! Биз ўша виждон деб аталган мавҳум нарсадан одамни қутқазамиз. Бизнинг қонуниимиз қон, уруш, куч! Бас! Сиз билан музокара тамом! Сизга бизнинг таклифимиз бор: ўз тилингиздан мана бунга жавоб ёзиб, бизнинг ирқ ҳақидаги назариямизни ёқлайсиз! Жаҳон халқлари инқирозга кетаётир, уларга гитлерчилар раҳбарлик қилиши керак, дейсиз. Чириган миллатларнинг озод, мустақил яшашга, ҳукмронлик қилишга ҳақлари йўқ эканлигини қайта-қайта уқтира-

<sup>1</sup> «Қизил Ўзбекистон» рӯзномаси, 1944, 2 февраль.

сиз! Бу хизматингиз учун катта ҳадялар берилади. Ёзганларингиз бутун Европа газета-журналларида босилади. Бола-чақангиз билан сизни Берлинга жўната-миз. Сиздан фюреримиз жуда қўп миннатдор бўлади, албаттада!

**Москаленко:** Шошманг, генерал жаноблари, мен қандай қилиб буни ёзаман? Ахир, мени ишонтиrolганингиз йўқ-ку!

**Фон Келлер:** Сиз ҳақиқатни гап билан танима-дингиз!

**Москаленко:** Демак, куч билан танитмоқчи бўла-сизми? Янглишасиз! Мен сиз учун томир кўриб, қон текширадиган табиб ёки ота-боболарингизни мақтовчи маддоҳ эмасман! Мен ўз шони-шарафини ерга урувчи, ўз миллатини инкор этувчи ватанфурууш хоин эмасман! Боболарини камситувчи, хўрлаб ҳақорат қилувчи ота безори, ноқобил фарзанд эмасман! Ахир, мана шу ерда мен йигирма йилдан бери дарс бераман! Сиз менинг кафедрамга ўз штабингизни жойлабсиз! Бу макон менинг ҳаётимга teng. Нечун сиз мени севимли институтимни вайрон қилдингиз? Нечун сиз менинг ватанинга бостириб кирдингиз?! Нечун сиз менинг лабораториямга от боғладингиз? Қани айтинг, сизни ким чақирган?! Сиз хушнудлик макони бўлган хонадонимизга ғам-ғусса келтирдингиз! Жаннатимга вабо, кулфат, оҳ-воҳ келтирдингиз! Кетинг!»

«Ўлим босқинчиларга» драмасида профессор Москаленконинг қизи Оксана образи ҳам маҳорат билан яратилган. Драматург Оксана образини душманга қарши кураш жараёнида тадрижий равишда ўстира боради. Бу билан кишиларимизнинг душманга нафрати кун сайин орта бориб, охири енгилмас халқ қудратига айланганлигини кўрсатади. Драманинг бошларида Оксана ўқ товушидан ва тўппонча ушлашдан қўрқадиган нозик бир қиз сифатида берилади. Лекин воқеалар давомида ҳаёт уни ҳақиқий қаҳрамон қилиб етиштиради.

Генерал фон Келлер одамлари томонидан кўзлари ўйилган профессор Москаленко фашистларининг мудҳиши жиноятларидан газабланиб, «Эй менинг ота-бобомдан мерос бўлиб қолган муқаддас қиличим! Гарип қиличим! Кимсасиз қиличим, йиғланг! Сизни кўтаргани қўл йўқ! Менинг қасосимни ким олади, ким?», деб нола қиласди. Шу пайт йўлакдан хонага отилиб кирган қизи

Оксана: «Мен оламан, отажон мен!» деб хитоб қилади. Оксана отасига: «Менда тоқат қолмади, тоқат... Менга оқ йўл тила! Сенинг қаршингда заиф, шикаста Оксана тургани йўқ! Сенинг қаршингда кўзларига ғазаб дўзахини жойлаган, юрагини чуқур қайғу, муқаддас қасос қамраб олган Оксана турибди! Отажон, менга қиличингни топшир! Менга қасам бер. Сочларимни ёзаман, ўтли фарёдларим билан бутун фашист дунёсига гулгула соламан! Ҳаммани уйғотаман!» деб фашистлардан қасос олишга аҳд қилади. Оксана ўз аҳдини бажаради. Оксана воқеалар давомида ўсиб, тобланиб, «Ўлим босқинчиларга» номли партизанлар отрядининг қаҳрамон командири даражасига кўтарилади ва фашистларга қирон келтиради.

Драмада ватанпарварлик, қаҳрамонлик ва душманга нафрат гоялари халқлар дўстлиги мотивлари билан узвий боғлиқ ҳолда берилган. Бунда ўзбек йигити Қамбар образи муҳим ўрин тутади. Қамбар уруш бошланмасдан аввалоқ профессор Москаленко оиласи билан яқин, дўстона алоқада бўлади. Профессорнинг қизи Оксана билан севишиб қолади. У уруш даврида украин партизанлари билан бир сафда туриб душманга катта талафот етказади. Шундай қилиб, Қамбар образида ўзбек жангчиларининг Ватан урушидаги қаҳрамонликлари кўрсатилади.

Қамбар «Ўлим босқинчиларга» отрядидаги партизанлар билан бирга разведкага борганида ноилож асирилликка тушиб қолади. Фашистлар уни қийнайди, азоблайди, лекин у хоинлик қилмайди. Қамбар фашист генералининг: «Сен биз билан нима учун курашасан?» деган сўрогига «Ватан учун! Украина учун курашаман! Жонажон Украинада туриб серқуёш Ўзбекистоним учун курашаман!» деб дадил жавоб беради.

«Ўлим босқинчиларга» пьесаси гоявий пишиқ бўлганидек, бадиий томондан ҳам пухта. Комил Яшиннинг «Ўлим босқинчиларга» асарида бевосита жанг-фронт воқеалари ҳикоя қилинса, «Офтобхон» пьесасида фронт орқасидаги жанговор ҳаёт акс эттирилади. Бу драмада пахтакорларимизнинг уруш давридаги оғир ҳаёти ва меҳнати фронт воқеалари билан узвий боғлиқ ҳолда кўрсатилади. Хусусан, ўзбек хотин-қизларининг фронт орқасидаги фидокорона меҳнати тасвирланади.

Асарнинг бош қаҳрамони Офтобхон уруш даврида

колхоз раислигидек масъулиятли вазифани ўз зиммасига олади. Уруш даври қийинчиликларини мардонавор енгиб, юксак ватанпарварлик ва ташкилотчилик намунасини кўрсатади. Матъумки, ўлкамизда уруш давридаги оғир меҳнат асосан хотин-қизлар зиммасига тушган. Бу ҳаёт ҳақиқати пьесада Офтобхон образи мисолида ифодаланади. Офтобхон халқ ва фронт манфаати йўлида ғайрат билан ишлаб, жамоа хўжалигини мустаҳкамлашда жонбозлик кўрсатади. Жумабой, Тўлаганов каби ярамас шахсларнинг иғвоси ҳам Офтобхоннинг иродасини бука олмайди. Офтобхон эри Темирнинг жангда ҳалок бўлгани ҳақидаги машъум хабарни эшитганда ҳижрон ва айрилиқ ўтида ўртанади. Лекин, шунда ҳам ҳаётдан воз кечмайди, руҳий тушкунликка тушмайди. Асарда Офтобхоннинг ижтимоий фаолияти билан бирга, шахсий ҳаёти, ички кечинмалари ҳам ишонарли кўрсатилган. Шу сабабли у вафодор ёр, мустаҳкам иродали, ватанпарвар инсон сифатида гавдаланади.

Драмада пахта устаси Дехқонбой ота, райком котиби Қосимов, бригадир Норбўта, колхозчи Хушназар образлари ҳам самимият билан яратилган. Шу билан бирга, асарда Жума, Тўлаганов каби салбий образлар берилган. Колхоз раисининг муовини Жума нопок ва амалпаст шахс сифатида халқ мулкини талон-торож қилишга интилади. Офтобхон бунга йўл қўймагач, адоват кучайиб, Жума Офтобхонни беобру қилишга, унинг ўрнига раис бўлишга интилади. Бироқ мақсадига эриша олмай, шарманда бўлади. Чунки хўжалик аъзолари Жумани эмас, балки Офтобхонни қўллаб-қувватлайдилар.

Драма воқеаси Офтобхон бошлиқ соф вижданли хўжалик аъзоларининг Тўлаганов, Жума каби қинғир, нопок шахслар устидан ғалабаси, Темирнинг фронтдан қайтиб келиши (унинг ўлими ҳақидаги хабар янгиш бўлиб чиқади),adolatning тантана қилиши билан тугайди. Тўғри, «Офтобхон» пьесасида юзакичилик аломатлари мавжуд. Бу ҳол асарнинг ишонтириш қувватига, бадиий таъсир кучига муайян даражада зиён етказган.

Худоса қилиб айтганда, Комил Яшин уруш йилларида «Ўлим босқинчиларга», «Офтобхон» каби пьесалар ёзиб, умумий ишимиизга муносаб улуш кўшди. У урушдан кейинги йилларда «Генерал Раҳимов» (1949),

«Равшан ва Зулхумор», «Йўлчи юлдуз» (1957), «Инқилоб тонги» (1973) каби пьесаларини, шунингдек, «Ҳамза» (1980) романини яратди. Бу асарларнинг аксарияти ўз вақтида адабиётимизда воқеа бўлди.

«Генерал Раҳимов» пьесаси уруш мавзууда ёзилган бўлиб, унда жангчиларимизнинг, хусусан, ўзбек фарзанди генерал Раҳимовнинг жанговар фаолияти, қаҳрамонлиги ҳаққоний акс эттирилган. Асада Собир Раҳимов образи мард жангчи, моҳир саркарда, аскарларимизнинг ғамхўри ва мураббийси сифатида намоён бўлади. Пьесада қаҳрамон генералнинг характери воқеалар ва тўқнашувлар давомида очила боради.

Драматург Собир Раҳимов образини яратиш жараёнида уруш манзараларини рўйирост чизиб беради.

Драмада жангчиларимизнинг ранг-баранг образлари яратилган. Аром, Марченко, Вася, Соҳиб, Коровин, Дўлон образларида ватанпарварлик, қаҳрамонлик ва инсонпарварлик каби жангчиларимизга хос фазилатлар мужассамлашган. Асар гояси образларнинг фаолиятидан, драманинг умумий руҳидан келиб чиқади.

Драмада душманларимизнинг ҳам хилма-хил образлари чизиб берилган. Фашист генерали Фон-Буг, турк офицери Жовуд, собиқ босмачи, қочоқ Сайдбек образларини яратиш орқали драматург душманларимизнинг кирдикорларини фош этган. Драмадаги асосий зиддият фашист босқинчилари билан қаҳрамон жангчиларимиз ўртасидаги ҳаёт-мамот курашидан иборатdir. Генерал Собир Раҳимов билан қочоқ Сайдбек ўртасидаги кураш эса бош зиддиятни тўлдиришга ва уни бадиий тарзда кўрсатишга хизмат қилган.

Бироқ драмадаги воқеа ва ҳаракатларнинг ривожида сустлик сезилади, айрим ҳолларда зиддиятлар тасвирида кескинлик етишмайди.

«Йўлчи юлдуз» драмаси яқин ўтмиш мавзууда ёзилган. Бироқ у замонавий руҳ билан сугорилган. Бу драма бадиий жиҳатдан ҳам пухта. Унда ортиқча ўринлар, пухта ишланмаган картина, эпизод ва деталлар, шунингдек, хира ва чала образлар кўринмайди. Драматург ҳар бир персонажга ўз характери, мавқеи ва руҳига хос бўлган ҳаракатлар қилдиради, булар шу вазиятда, шу образга бутунлай мос бўлиб тушади. Натижада образларнинг характери, уларнинг ҳаракати табиий ва жонли бўлиб чиқади. Драмадаги ҳар бир

образ пьеса сюжети тараққиётида ўз ўрни ва ўз ғоявий юкига эга.

«Йўлчи юлдуз» пьесасига «Инқилоб тонги» драмаси ғоявий мазмун эътибори билан яқин туради. Чунки ҳар иккала асарда ҳам Шарқ ва инқилоб мавзуи тасвиirlа-нади.

«Инқилоб тонги» драмасида тарихий воқелик акс эттирилади. «Инқилоб тонги» асарида воқеа Бухоро амирлигидаги мураккаб ҳаёт, кескин қураш тасвири билан бошланади ва Бухорода инқилобнинг ғалаба қилганини кўрсатиш билан тугайди. Драмада меҳнаткаш омма синфий онгининг уйгониши ва ўсиши кўрсатилган.

«Инқилоб тонги» тарихий воқеа асосида ёзилган. Драманинг бош қаҳрамони — Фозилхўжа. Бу реалистик образнинг прототипи эса, халқ фарзанди, оташин озодлик қураччиси Файзулла Хўжаевдир.

Тўғри, драматург Файзулла Хўжаевни ҳаётда қандай бўлса шундайлигича айнан кўрсатиб қўя қолмаган. Аксинча, бунда ёзувчи адабиётнинг типиклаштириш, бадиий тўқима ишлатиш сингари имкониятларидан унумли фойдаланган. Натижада Фозилхўжа образи ўз прототипига қараганда кенг ва ёрқин бўлиб чиққан.

«Инқилоб тонги» драмасидаги Фозилхўжа ҳақиқий тип даражасига кўтарилиган реалистик образдир. Асарда Фозилхўжа характерининг шаклланиши, камолати — миллионер бойнинг ўғли, ёш бухороликлар ташкилотининг бошлиғи Фозилхўжанинг беҳисоб бойликлардан воз кечиб, ҳақиқий инқилобчи раҳбар бўлиб етишиши моҳирлик билан кўрсатилган.

Бошқача қилиб айтганда, Фозилхўжа ҳаётда тўғри йўл топиб олгунча мураккаб тараққиёт йўлини ўз босидан кечиради. У бирданига ва осонликча инқилобчи даражасига кўтарилимайди. Бу йўлда у дастлаб адашади, хатога йўл қўяди, изланади, қурашади, олга интилади ва охир-оқибатда тўғри йўлни топиб, ўз ниятига етади. Драмада Фозилхўжа босиб ўтган ана шу мураккаб ва машаққатли йўл ишонарли қилиб кўрсатилган.

Драмада тасвиirlанишича, Фозилхўжа дастлабки даврларда амир Олимхонга тўлиқ ишонади. Шу сабабли у Ботирга қараб: «Ўзингизни босинг, Ботир. Элга барча ёмонлик, батхоҳликни қилган Амир Олимхон эмас, унинг беклари, амалдорлари, нодон муллалар. Амир бу ишлардан бехабар. Мен сизга яна бир гапни айтай. Амир

биз жадидлар томонида, миллатнинг тараққиёти йўли-даги курашлари мизга Амир мададкор. Амир ҳуррият ҳақида бугун-эрта фармону олий чиқаришга ваъда берган», — дейди.

Лекин, тезда ҳаёт Фозилхўжанинг кўзини очади, у ўзининг амир томонидан алданганини сезиб, «Бутун умидларим ер билан яксон бўлди», деб қуйиб-пишади. Шуниси қизиқки, Фозилхўжа тўғри йўл топа олмай, оғир ахволга дучор бўлганида ҳам «Мен ахтараман, излайман... ажаб эмаски, ўша улуғ ҳақиқатни топсам», деб доимо изланади, олға ҳаракат қиласи ва охир-оқибатда ўша буюк ҳақиқатни — меҳнаткаш халқ оммасини озодликка чиқариш йўлини топади. Натижада жадидлик энди Фозилхўжанинг ўтмиши, кечаги куни бўлиб қолади.

Қисқаси, Фозилхўжа образи драматургнинг катта муваффақиятидир.

Умуман олганда, «Инқилоб тонги» драмасида Фозилхўжа, Ботир Тўраев, Ойхонбиби каби образлар маҳорат билан яратилган. Шунингдек, уларга қарама-қарши ҳолда Бухоро амири Сайд Олимхон, қушбеги Мирзо Урганжи, ёш бухороликлардан чиқсан хоин Маҳсум, инглиз жосуси Бейли, миллионер Акбарбой сингари салбий образлар кўрсатилган. Ҳам ижобий, ҳам салбий образларнинг характерлари индивидуаллаштирилган.

Драмада ҳар бир қаҳрамон ва ҳар бир кичик воқеа асар мазмунининг зарурый бир бўлагини ташкил этади. Ҳар бир образнинг асар мундарижаси тараққиётида ўз ўрни ва ўз вазифаси бор. Масалан, Фозилхўжанинг онаси Ойхонбиби саҳнада бир-икки кўринувчи эпизодик образ бўлса-да, асар гоясини, Фозилхўжа характерини очишда муҳим роль йўнайди. «Амирга бас келадиган мард ўғилнинг онаси» Ойхонбиби ўзининг чуқур мазмунли, ўткир сўзлари билан ўғли Фозилхўжани тўғри йўлга бошлайди. Шу билан бирга, Бухорони титратган золим ва қонхўр қушбеги Мирзо Урганжини ҳам мот қиласи. Асар бошида Амир томонидан алданиб, руҳан эзилган Фозилхўжа нажот йўлини тополмай, ўзини ўзи отмоқчи бўлади. Ана шундай қалтис бир пайтда она ўғлига қараб: «Бас қил, бас! Тур ўрнингдан... Қаддингни рост тут! Заранг ерда сув тўхтайди, бўшашма!.. Сен қачонки қаддингни баксанг, золимлар олдида бош эгсанг, орқага қайтсанг, қўрқсанг, амирдан

раҳму шафқат тиласанг, ана шунда мен сени дуоибад қиламан.

Энг баланд минора ҳам ердан бошланади. Уруг аввал тупроққа қўшилиб, кейин бўй чўзади. Элингдан ажралма. Ҳамиша элу ҳалқ билан бўл. Сен одам учун энг катта бойлик нима эканлигини биласанми? Мен сенга айтай. Элингни сенга бўлган муҳаббати. Бошқа ҳаммаси пуч. Тур, ўғлим, мен сендан розиман. Бошинг тошдан бўлсин», дейди.

Ойхонбиби мўътабар ва доно, меҳрибон ва азиз оналаримизнинг умумлашма образи сифатида китобхон ёдида узоқ сақланади. «Инқилоб тонги» драмасининг тили, сюжет ва композицияси пухта ишланган. Асар мазмуни яхлит ва қизиқарли. Томошабин уни бошдан оёқ ҳаяжонланиб томоша қиласди.

Комил Яшин сўнгги даврларда ўз кучини йирик прозада ҳам синаб кўради. «Ҳамза» романини ёзди. Бу роман икки китоб (биринчиси «Шоир қалби», иккинчиси «Икки тўлқин») дан иборат. Роман марказида Ҳамза Ҳакимзода образи туради. Адид Ҳамза образини яратиш баҳонасида ўша давр ҳаётини кенг қамраб акс эттиради. Шу тариқа романда эзувчилар билан эзилувчилар, жаҳолат билан маърифат, дин билан фан ўртасидаги курашнинг кенг манзараси тасвирланган.

Романдаги Ҳамза, Аксинья, Алижон, Умар полвон, Зубайдা, Тошпўлат, Степан каби ижобий образлар, шунингдек Олчинбек, Назирий, Миён Қудрат, Ҳазрат, Исмоилхўжа, Содикбойвачча, Шаҳзодаҳон сингари салбий образлар ҳаётий ва ишонарли бўлиб чиққан. Бироқ роман сюжети асоссиз ҳолда чўзилган, асарда ортиқча тасвирларга, такрорларга, баёнчилик ва юзакичиликка йўл қўйилган. Бундан қатъи назар, «Ҳамза» романининг юзага келиши К. Яшин ижодида қувончли воқеа бўлди.

\* \* \*

Комил Яшиннинг бадиий таржима ва адабиётшунослиқ соҳасидаги хизматлари ҳам самаралидири. У «б июль» (М. Шатров), «Макр ва муҳаббат» (Ф. Шиллер), «Олов» (М. Ҳусейн), «Хўжайин» (Л. Соболев), «Эртарғин» (Е. Брусиловский), «Маҳтумқули» (Б. Кербобов) каби пьесаларни ўзбек тилига кўчирган. Яшин қайси тилдан таржима қилмасин, ҳаммасида миллый хусуси-

ятларини сақлашга интилган ва кўп ҳолларда бунинг уддасидан чиқсан.

К. Яшин бир неча илмий-назарий ва адабий-танқидий мақолалар муаллифидир. Унинг «Ўзбек совет драматургияси ва унинг вазифалари», «Драматургиямизни янада юксалтирайлик», «Адабиёт ва замонавийлик», «Ғоявий қуролимизга гард юқтирмаймиз», «Ўзбек совет адабиёти юксалишда», «Якун ва истиқболлар», «Адабиётимизнинг уфқи кенгаймоқда» каби мақолалари адабий-танқидий фикр тараққиётида ижобий аҳамият касб этди.

Комил Яшиннинг адабиёт ва санъатни ривожлантириш соҳасидаги хизматлари муносиб тақдирланиб келинмоқда. 1939 йилда ёзувчига «Ўзбекистонда хизмат кўрсатган санъат арбоби» деган фахрий унвон берилди. «Гулсара» пьесаси учун Давлат мукофоти билан тақдирланди (1951). 1974 йилда К. Яшин Мехнат Қаҳрамони унвони соҳиби бўлди. К. Яшин 1960 йилда Ўзбекистон Фанлар академиясига мухбир аъзо; 1968 йилда эса унга ҳақиқий аъзо қилиб сайланди.

Хуллас, Комил Яшиннинг ҳаёти сермазмун, ижоди эса кўпқиррали ва баракалидир.

Қисқаси, Комил Яшин ҳозирги замон ўзбек адабиётини шаклланиши ва тараққиётида ҳормай-толмай хизмат қилиб келаётган ижодкордир.

#### АДАБИЁТЛАР

1. К. Яшин ижодий йўли (мақолалар тўплами), Тошкент, Фан, 1963.
2. Ҳ. Абдусаматов, М. Саматов. Яшин (ҳаёти ва ижоди), Тошкент, Ўзбекистон, 1964.
3. М. Раҳмонов. Яшиннинг театрчилик фаолияти, Тошкент, 1967.
4. Б. Ғуломов. Садоқат рамзи, Тошкент, «Ёш гвардия» нашриёти, 1970.
5. Ўзбек совет адабиёти тарихи, II том, Тошкент, «Фан», 1971.
6. О. Собиров. Яшин ва халқ ижоди. Тошкент, «Фан», 1972.
7. И. Султон. Асарлар, II том, Тошкент, 1972.
8. Ҳ. Абдусаматов. Традиция ва новаторлик проблемаси, Тошкент, «Фан», 1974.
9. Ҳ. Абдусаматов. Эстетика ва ҳаёт. Тошкент, F. Ғулом номидаги Адабиёт ва санъат нашриёти, 1976.
10. М. Азимова, А. Солиев. Ижод сабоқлари. Тошкент, 1979.
11. С. Шермуҳамедов, С. Мирзаев. К. Яшин ва ўзбек совет адабиёти, Тошкент, «Фан», 1979.
12. Ўзбек совет адабиёти тарихи, Тошкент, «Ўқитувчи», 1990.

#### М а т н

Комил Яшин. Асарлар (олти жилдлик), Тошкент. F. Ғулом номидаги Адабиёт ва санъат нашриёти, 1978—1980.

## УЙГУН

(1905—1990)

Хозирги замон ўзбек адабиётининг таниқли намояндаларидан бири Уйғун лирик шоир ва моҳир драматург сифатида адабиёт хазинасига муносиб ҳисса кўшган адибdir.

Ўзбек адабиётшунослиги ва адабий танқидчилиги Уйғун ижодини илмий асосда таҳлил этиш соҳасида бир мунча ишлар қилган. М. Юнусовнинг «Уйғун» (1955), С. Мамажоновнинг «Уйғун» (1974), К. Аҳмаджоновнинг «Уйғун — лирик шоир» (1980), Х. Абдусаматовнинг «Ҳаёт қўшиғи» (1984), Т. Қораевнинг «Уйғун маҳорати» (1984) каби рисолаларида ёзувчининг ҳаёти, ижоди ҳақида баҳс юритилади. Ҳусусан, Х. Абдусаматовнинг «Ҳаёт қўшиғи» китобида Уйғуннинг шеърияти, айниқса, унинг драматургияси пухта таҳлил этилган.

Бироқ Уйғун ижоди ҳақидаги бу илмий асарларнинг юзага келиши қанчалик қувончли бўлмасин, барибир бу соҳада амалга ошиши лозим бўлган ишлар ҳали кўп. Уйғун ижоди ҳақида йирик монографиялар яратилиши керак. Бунинг устига, Уйғуннинг илк ижоди, шеъриятдаги камолати, унинг бадиий маҳорати, ҳалқ тилидан фойдаланишдаги усталиги, бу соҳадаги анъана ва новаторлик масалалари маҳсус ва чуқур тадқиқ этилганича йўқ. Бундан ташқари, айрим асарларда шоир ижоди ҳақида бაъзи ноаниқликлар ва хатоликлар учрайди.

Умуман олганда, адабиётшунослик Уйғун ижодини ёритиш соҳасида ҳали кўп ишлар қилиши лозим.

\* \* \*

Уйғуннинг ҳаёт йўли сермазмун ва ибратлидир. Раҳматулла Отакўзиев — Уйғун 1905 йилда Жанубий Қозогистон обlastининг Марки қишлоғида хизматчи оиласида туғилган. «Мендаги китобга, адабиётга бўлган ҳавас жуда ёшлиқдан бошланган. Ёшлиқ чоғларимда, қишининг узоқ кечалари, болалар билан бирга сандал атрофида ўтириб, қора уйни сал-пал ёритиб турадиган шам ёруғида ҳамма нарсани унутиб, зўр ҳаяжон билан гоҳ севиниб, гоҳ қайғуриб, гоҳ кулиб, гоҳ йиғлаб,

тилсимлар, ажойиботларга тўлган чўпчакларни тинглашни яхши кўрардим»<sup>1</sup> деб эслайди Уйғун.

Билимга қизиқиши Раҳматуллани Тошкентта етаклайди. У 1923—1925 йилларда Карл Маркс номидаги Тошкент таълим-тарбия техникумидаги таҳсил кўради. Сўнг 1925—1927 йилларда Тошкент қишлоқ хўжалик техникумидаги ўқитувчилик қиласи. Уйғун 1927 йилда Самарқандга бориб, педакадемияга ўқишга киради. Педакадемия (ҳозирги СамДД) даги қизғин адабий мухит ва илм ўрганиш соҳасидаги тинимсиз машғулотлар ёш шоирнинг ижодий такомилида муҳим аҳамиятга эга бўлди. Бу ҳақда Уйғуннинг ўзи кейинча қуидагича ёзган эди:

«1927 йили Самарқандга бориб, ўша йили янги ташкил этилган педагогика институтига кирдим. Ўша йиллари пешқадам ёш ёзувчилардан ҳисобланган Ҳамид Олимжон, Ойдин, Тошпўлат Саъдий, Насрулло Охундийлар билан институтда танишдим... Ҳамид Олимжон билан бўлган қаттиқ дўстлигим ўша вақтда бошланган. У маҳалда Самарқанд Ўзбекистоннинг маркази эди... Самарқанд, студентлик даври, адабий ҳаракатчиликка актив кириб бориш даври ҳаётимизнинг энг завқли даврларидан бири эди»<sup>2</sup>.

Уйғун 1930 йилда дорилғунунни битиради. Шундан сўнг нациёт ва ойномаларда, Тил ва адабиёт илмий-текшириш институтида ишлайди (1930—1947), сўнгра Ўзбекистон Ёзувчилар уюшмасида раҳбарлик вазифаларини бажаради (1947—1954). Уйғун қаерда ишламасин, мунтазам равишда адабий ижодий иш билан шуғулланади.

Уйғун 1925 йилда шоир сифатида адабиёт майдонига кириб келди. У ёшлигидан бошлаб ўз истеъдодини халқ хизматига, янги жамият қуриш ишига бағишилади.

1929 йилда шоирнинг биринчи китоби — «Баҳор севинчлари» майдонга чиқди. Унга киритилган «Шодлигим», «Олтин соз», «Сезгилар», «Кураш боласи», «Шаҳар қўйнида», «Ўзбек қизи», «Юрак тўлқини» каби шеърларда янги жамият қураётган кишиларнинг ҳистойгулари, меҳнат кўтаринкилиги, замон руҳи акс этган.

Тўғри, Уйғуннинг «Баҳор севинчлари» тўпламига кирган айрим шеърларида юзаки тасвирлар, қуруқ

<sup>1</sup> Адабиётимиз автобиографияси. Тошкент, 1973, 219-бет.

<sup>2</sup> Ўша асар. 228—229-бетлар.

риторикага ёки ташқи безакка мойиллик, мавхум байтлар, қисқаси, баъзи фикрий-бадиий қусурлар учрайди. Бу нуқсонлар ёш шоир малакасининг ҳали камлиги, тажрибасизлиги билан изоҳланади.

Уйғун баъзи шеърларида учраган нуқсонларни ўз устида жиддий ишлаш, устозлар маҳоратини пухта ўзлаштириш орқали йўқота боради. Натижада 30-йилларнинг бошларида ёш лирик шоир сифатида поэзия муҳлисларининг диққатини ўзига жалб этади. 1933 йилда майдонга чиқсан «Иккинчи китоб» Уйғун ижодида бурилиш нуқтаси бўлди: бу тўпламдаги аксарият шеърлар шоир ижодида ёрқин из қолдирди. Бу ютуқни шоир «Қуёш ўлкасига» (1936), «Уйғун шеърлари» (1936), «Муҳаббат» (1939) тўпламларида янада мустаҳкамлади. Чунки бу тўпламлар Уйғуннинг ўзига хос овози, оригинал услуби борлигини намойиш этди.

Уйғуннинг 30-йиллардаги шеъриятида она-Ватан, янги қурилиш, ҳаёт ва эркин меҳнат мавзуи асосий ўринни эгаллади, озод инсон образи биринчи ўринга қўйилиб, эҳтирос билан тасвирланди.

Уйғун 30-йилларда манзара лирикасининг моҳир устаси сифатида донг таратди. Натижада даврнинг муҳим ғояларини она-Ватан ва гўзал табиат манзаралари асносида ёрқин ифодалаш Уйғун шеъриятининг етакчи хусусиятларидан бири бўлиб қолди. Шоир Ватанг ва умуман ҳаётга муҳаббат ғояларини ифодалашда, замондошларимизнинг маънавий қиёфасини, кайфиятини, меҳнат романтикасини акс эттиришда манзара воситасидан унумли фойдаланди. Шоир «Куз қўшиқлари» шеърида куз табиати манзаралари тасвирiga жўшқин ҳаётбахш руҳ багишлиайди. Шеърда санъаткорона чизилган манзара янгича турмуш тарзини образли ифодаловчи бадиий восита ролини ўтаган ҳамда асар ғоясининг жозибали бўлиб чиқишига бевосита хизмат қилган:

Шиша осмонлари, тиник сувлари,  
Зийнатлари билан қайтиб келди куз.  
Барчани теримга, йигимга чорлаб,  
Мардлик қўшигини айтиб келди куз.  
Куз келди, бизларга кумуш косада  
Шарбат ола келди, бол ола келди.  
Сават-сават қилиб ширин мевалар,  
Омборлар лиқ тўла дон ола келди.  
Кенг водийлар билан, дала билан бир —  
Пахта ола келди — шон ола келди.

Шоирнинг «Бригадир Карим» шеърида ўзбек дех-қонларининг меҳнат соҳасидаги фидокорликлари, ватанпарварлик ҳис-туйғулари табиат манзаралари асносида ёрқин ифодаланган. Шоир яратувчи меҳнат иштиёқи билан ёнган бригадир Каримнинг ҳис-туйғула-рини, ўй-кечинмаларини ва эзгу ҳаракатларини эрта тонг манзараси билан боғлаб тасвирлайди. Шу тарзда табиат лавҳалари орқали қаҳрамоннинг феъл-атворини, кечинмаларини шеърий усулда очишга муваффақ бўлади. Лекин шеърда шу даврда ҳукм сурган пахта яккаҳокимлиги сиёсатининг таъсири ҳам йўқ эмас.

Уйғун «Назир отанинг газаби» шеърида пахтакор дехқонларимизнинг табиий оғатларга қарши курашини кекса дехқон Назир ота образи воситасида акс эттирмоқчи бўлган. Афсуски, шеърда пахта яккаҳокимлиги гояси тарғиб қилинади — унда одамдан пахта қадрли дегандай фикр келиб чиқади, кекса дехқоннинг хатти-ҳаракатларида сунъийлик мавжуд...

Хуллас, «Бригадир Карим», «Назир отанинг газаби», «Гуласал», «Хаёлингда кезар икки нарса», «Саодатли он», «Қуёш ўлқасига» сингари шеърларда 30-йиллар руҳи, офаринбозлик иллатлари сезилиб туради. Ҳа, шоир ўз ижодида замонасозлик қилган.

Уйғун 30-йилларда «Жонтемир», «Украина еллари», «Март кунларида» каби поэмалар ҳам яратди. Бу поэмаларда шоир янги ҳаёт ва янги инсон, янги урфодат муаммосини қаламга олди. «Жонтемир» поэмасининг биринчи ва иккинчи бобларида бош қаҳрамон Жонтемирнинг ўтмишдаги ҳаёти, учинчи ва тўртинчи бобларида эса унинг янги даврдаги янгича турмуши кўрсатилади. Шоир Жонтемирнинг ўтмиш ҳаётини шундай тасвирлайди:

На хотин, на фарзанд кўрмаган,  
Кимсасиз, бечора бир йигит,  
Кулбасиз, тўшаксиз, ялангоч,  
Ҳаётнинг завқини сурмаган,  
Роҳат кўрмай ўтган бир умр,  
Кулфат билан ўсган подачи —  
Чўпон эди бизнинг Жонтемир...

Достонда Жонтемирнинг 1917 йилдан кейинги ҳаёти ўзига хос жонли ва табиий қилиб кўрсатилган.

Жонтемир образини аниқ ва таъсирчан қилиб яратишда манзара тасвири шоирга жуда қўйл келган. Асарнинг бошида шоир эрта тонгнинг жозибали лавҳалари билан Жонтемирнинг ўтмишдаги сўлгин кайфиятини бир-бирига боғлаб тасвиirlайди, яъни инсон руҳий оламини очишда манзара тасвиридан моҳирона фойдаланади:

На кўкнинг фонари ўчмасдан,  
На юлдуз сайр этиб, кўчмасдан,  
На уфқ ўрамай ёқут-зар,  
На булут силкитмай олтин пар,  
Тонг кулмасдан бурун турарди.  
Тўрвасига солиб нонини,  
Таёгини судраб, кўнгилсиз.  
Пода ҳайдаб кирга кетарди,  
Майса гиламларга етарди.

Жонтемирнинг завқли ҳаётини тасвиirlаётганда эса шоир бошқача усулдан фойдаланади. Энди гўзал табиат лавҳалари бош қаҳрамоннинг қувноқ руҳий кайфиятига зид ҳолда эмас, аксинча, унга мос — уйғун ҳолда берилади. Шу сабабли тонг пайтидаги табиат манзараси тасвири Жонтемирнинг турмуш тарзининг шарофати бўлган кўтаринки руҳий ҳолатини очиб беришга бевосита хизмат қиласди:

На кўкнинг фонари ўчмасдан,  
На юлдуз сайр этиб, кўчмасдан,  
На уфқ ўрамай ёқут-зар,  
На булут силкитмай олтин пар,  
Тонг кулмасдан бурун Жонтемир  
Куюқ бир завқ билан туради.  
Бригадасини уйготиб,  
Пўлат отларини ўйнатиб,  
Экиш майдонига юради...  
Буларни қаршилаб, буларни севиб,  
Чечаклар тўлғаниб, күшлар сайраб.  
Тонг еллари гир-гир уради...

Асарда янги ҳаётнинг инсон онгига, руҳига таъсири Жонтемирнинг ҳаёти мисолида ифодаланган. Бироқ бу

достонда ҳам Жонтемирлар ўтмишда хор-зор эди, 1917 йилдан кейингина бахтга мушарраф бўлди деган юзаки «фалсафа» сезиладики, бу ҳам 30-йиллар сиёсатининг ифодаси —унинг адабиётга кўрсатган таъсиридир.

Қисқаси, Уйғун поэмалари ўзбек шеъриятининг 30-йиллардаги тараққиётида ўзига хос из қолдирди.

Ватан уруши йилларида Уйғун ҳам жанговар давр талабларига ҳозиржавоблик кўрсатди. Унинг уруш йилларидағи ижодининг асосий йўналиши қўйидаги мисраларда ифодаланган:

Халқимизга муҳаббат, душманга ғазаб,  
Нафрат билан тўла шоир мияси.  
Ғазаб, севинч, нафрат, муҳаббат билан  
Жаранглар шеъримнинг симфонияси

Чиндан ҳам Уйғуннинг уруш даврида яратилган шеърлари «ғазаб, севинч, нафрат ва муҳаббат» билан тўла. Бу бежиз эмас, албатта. Чунки шоирнинг тинч қурилиш йилларида эркин меҳнат билан шугулланган, қалби севги-муҳаббатга тўла бўлган лирик қаҳрамони уруш даврига келиб она-Ватан мудофаасига отланган ҳақиқий жангчига айланди.

Уйғуннинг «Зафар тароналари» (1942), «Ғазаб ва муҳаббат» (1943), «Шеърлар» (1944) тўпламларида уруш даврининг долзарб мавзулари маҳорат билан ёритилади.

«Ватан ҳақида қўшиқ» (1941) шеърида шоир она-Ватан образини завқ-шавқ ва меҳр-муҳаббат билан чизиб беради. Шеърда аввало она-Ватан тарихи зафарларга тўлиқ эканлиги фаҳр ва ифтихор билан эслатилади. Сўнгра шоир лирик қаҳрамон тилидан «Қуёшдек оламга нур сочган она-Ватандан ўлса ҳам айрилмаслигини» тўлқинланиб тараннум этади. Шунга кўра минбарбоп услубда ёзилган ва буюқ галабамизга комил ишонч руҳи билан сугорилган бу шеърни тўлқинланмасдан ўқиб бўлмайди:

Кўйнингда инсоннинг очилур баҳри,  
Қуёшдек оламга нур сочган Ватан,  
Ҳаёт гулшанида гул очган Ватан.  
Ўлсан айрилмасман қучоқларингдан.

Босқинчи ёвга қарши курашга чақириқ Уйғуннинг «Хайрлашув» (1941) шеърининг асосий мазмунини

ташкىл этади. Бу шеър она билан ўғилнинг диалоги асосига қурилган бўлиб, унда она ўз ўғлини мардона жанг қилишга ундайди. Шеърда табиййлик ва самимийлик кучли. Шунга кўра онанинг ўз ўғлига айтган сўзлари она-Ватаннинг жангчиларимизга буйруғидек жаранглайди. Шоир халқ иборалари ва ҳикматли сўзларидан ўринли фойдаланиб, онанинг ўз ўғлига ва Ватанга бўлган меҳр-муҳаббатининг теран мазмунини очиб беради. Уйғуннинг «Қасос» (1942) шеърида оқ сочли бегуноҳ онанинг фашистлар томонидан ваҳшиёна қатл этилиши тасвирланади ва ана шу она ҳурмати учун ёвдан қасос олиш, мардона жанг қилиш гояси олға сурилади.

Уйғун ўз шеърларида ватандошларимизни фашист босқинчиларига қарши ботирларча жанг қилишга чақирап экан, бу ҳаёт-мамот курашининг туб моҳиятини ишонарли тарзда очиб беради. Халқларимиз томонидан фашизмга қарши олиб борилаётган бу уруш озодлик ва мустақиллик, ҳаққоният ва баҳт-саодат учун бўлган адолатли уруш эканини шеърий тилда уқтиради. Уйғун бу адолатли курашининг сўнгида халқларимизнинг буюк ғалабаси муқаррар эканини аниқ кўради ва ғалабага ишонч руҳини ўз шеърларида ёрқин ифодалайди. Шоир «Улуг айём яқин» шеърида:

Кул кетар, гул қолур, ишон, навжувон,  
Боқ, шуъла сочмоқда газабли чақин.  
Қурол ол қўлингга, йиглама, қувон,  
Улуг айём яқин, ғалаба яқин! —

деб бонг уради.

Уйғуннинг «Жангчи дўстимга», «Шум қадам», «Қаҳрамон», «Партизанлар», «Ғазаб», «Сени мен танийман», «Салют», «Зафар ҳилоли» каби шеърлари ҳам ўзбек ҳарбий лирикасининг яхши намуналари қаторида туради. Уйғуннинг «Фашистнинг ўлиги» (1943), «Қасос» (1944) балладаларида ҳам ҳарбий мудофаа мавзуи, кишиларимизнинг ватанпарварлиги, мардлиги ҳаққоний кўрсатилади.

Уйғун уруш даврида бевосита жанг воқеаларини тасвирлаш, қаҳрамон жангчилар образини яратиш билан бирга, мамлакат ичкарисида қолган кишиларимизнинг ватанпарварлиги, жанг билан жанг орқасининг узвий бирлиги ҳақида ҳам шеърлар ёзди. «Назир

отанинг ғазаби» (иккинчи шеър), «Сирдарёнинг сири», «Фарҳод қуёши», «Теримчи қиз» каби шеърларида фронт орқасидаги жанговар ҳаёт, фидокорона меҳнат ўз аксини топди.

Уйғун шеърларининг мавзуи ва гоясигина эмас, балки композицияси ҳам давр руҳига монанддир. Маълумки, Ватан уруши йилларида хат (мактуб) ҳаёт музждаси сифатида кишилар учун энг азиз нарса: кўзга нур, дилга дармон бўлди. Ҳамма одамлар энг азиз кишисидан — жангдан хат келишини орзишиб кутди. Ана шуни назарга олиб Уйғун ўз шеърларида хат усулига қайта-қайта мурожаат қилди ва асар гоясини очишда шеърий хат шаклидан унумли фойдаланди. Шоирнинг «Анор», «Севги», «Фронтдан хат», «Икки эллик хат», «Открытка», «Сурат» сингари шеърлари-нинг композицияси жангчининг ўз ёрига ёки ёрнинг фронтдаги севгилисига, ёхуд жангчининг ўз эл-юртига ва эл-юртнинг ўз жангчисига йўллаган мактуби асосига қурилган. Уларда хат усули воситасида ўша жанговар давр руҳи, унинг туб моҳияти ифодаланади. «Сурат» шеърида тасвиirlанишича, жангчи йигит фронтдан ўз севгилисига «суратингни юбор» деган маънода хат ёзив юборади. Қиз эса унга қуидагича маънили жавоб қайтаради:

Юзларимни кўрмак истасанг,  
Ёйга боқ ёки кунга боқ,  
Сочларимни кўрмак истасанг,  
Уйқудан кеч, ойсиз тунга боқ.  
Қошларимни кўрмак истасанг,  
Кўкка қара чиқканда ҳилол.  
Кўзларимни кўрмак истасанг,  
Назарингни юлдузларга сол.  
Ёногимни кўрмак истасанг,  
Саҳрого чиқ, лолазорда юр.  
Лабларимни кўрмак истасанг,  
Саҳар туриб гунчага юз бур.  
Тишларимни кўрмак истасанг,  
Ҳавасингни марваридга айт.  
Гар ўзимни кўрмак истасанг,  
Ёвни енгигб, зафар билан қайт.

Кўринадики, Уйғун ўз шеърида халқимизнинг Ватанга муҳаббатини, душманга нафратини акс этти-

ришда мумтоз адабиётдаги ой, тун, кун, ҳилол, юлдуз сингари анъанавий образлардан ижодий фойдаланган. Бунда шоир лирик қаҳрамон (ватанпарвар қиз) образини яратишда табиатдан одатдагидек асно (фон) сифатида эмас, балки қаҳрамон сиймосини чизишида материал сифатида фойдаланган. Шоир шеър охирида «Гар ўзимни кўрмак истасанг, ёвни енгиб зафар билан қайт» тарзидаги гоявий хулосани бериш билан асарга юксак замонавийлик, ватанпарварлик руҳини сингдириб юборган. Шоирнинг «Сурат» шеъридаги усталиги ҳам аввало худди ана шунда.

Ўйғун «Момогулдирак» шеърида ҳам асар гоясини ифодалашда табиат тасвиридан ва романтиканан фойдаланган. Шоир халқимизнинг буюк ғалабага бўлган ишончини манзара асносига, романтика ёрдамида моҳирлик билан кўрсатган. Чиройли байтлар ва ширали иборалар яратиб, момогулдиракни тўпга, жалани ўққа, чақмоқни эса қиличга ўхшатган. Шу билан бирга, уларни жонлантириб момогулдиракни голиб Армиямизнинг зафаридан дарак берувчи жарчига (эзгулик хабарчисига) айлантирган. Шу тариқа бу ерда шоир чуқур фалсафий фикрни — халқимизнинг душманга қарши олиб борган голибона жангининг овозаси бутун оламга тарқаб кетган, бутун коинот бу адолатли жангнинг овозасини тарқатиш учун хизмат қилмоқда, деган фалсафий фикрни илгари сурган. Шеърнинг қиммати ва шоирнинг маҳорати ҳам ана шунда.

Тўғри, Ўйғуннинг уруш давридаги шеъриятида нуқсонлар ҳам учрайди. Шоир баъзи бир шеърларида ёшларимизнинг ишқ-муҳаббатини юзаки тарзда, жанговар даврнинг асосий талабларига, замон руҳига боғламасдан акс эттирган.

Ўйғун урушдан кейин «Ҳадя» (1946), «Ўзбекистон» (1947), «Ҳаёт ишқи» (1948), «Шеърлар» (1963), «Танланган асарлар» (1974), «Тинчлик куйлари» (1960), «Ҳаёт чақиради» (1961), «Қалбимда баҳор» (1965), «Достонлар» (1972), «Олтин дала» (1973), «Асарлар» (1979) каби тўпламларини нашр эттиргди. Бу китобларга кирган янги шеърларда халқимизнинг урушдан кейинги ҳаёти, пахтадан юқори ҳосил олиш, қўриқ ва бўз ерларни ўзлаштириш соҳасидаги фидокорона меҳнати ва бошқа замонавий мавзулар ёритилган. Шоирнинг бу даврдаги шеъриятида дўстлик ва тинчлик, Ватан ва одоб-ахлоқ мавзуи муҳим ўрин тутади.

Шоир «Булоқ» шеърида фақат ҳалол меҳнат инсон умрини унинг ўзи учун ҳам, эл-юрти учун ҳам фойдали ва қадрли қиласагини табиат асносида, булоқ образи воситасида гўзал тарзда ифодалайди. «Ишлаб дам оламан» шеърининг лирик қаҳрамони эса:

Бир кун бирон нарса ижод этмасам,  
Ўзимни ортиқча сезаман — ёмон.  
Бекор ўтган ҳар кун гўёки мени  
Судрагандай бўлар ҳалокат томон,—

деган холосага келади. Шеърда инсоннинг меҳнатга бўлган янгича муносабати умумлаштирилиб, меҳнатсеварлик гоялари олга сурилган.

Уйғуннинг «Булбул», «Сарвга» шеърларида ҳам янги фикр, янги гоя ва янги образлар бор. Буларда шоир мумтоз шеърият анъаналаридан моҳирона фойдаланган. Матъумки, Шарқ шеъриятида сарв образи кўпинча ёрнинг чиройли, тик қоматини ифодалаш воситаси бўлиб келган. Уйғун сарв образига мурожаат қиласар экан, аввало ана шу анъанани эслайди. Шундан сўнг бу образнинг янги қирраларини очиб, унга янгича «юқ» ортади. Дарҳақиқат, атом ва ракета асри (XX аср) майдонга келтирган янгиликлар шоирга сарв образи воситасида янгича бадиий мушоҳада юритиш имконини беради, яъни Уйғун бу шеърда ойга учаман деб шайланиб турган ракетани сарвга ўхшатади. Демак, бунда эски образ — сарвдан янги замоннинг қудрати ва гўзаллигини очиш учун ижодий фойдаланилган.

Мумтоз шеъриятимиздаги анъанавий образларнинг ана шу хилда янгиланиши Уйғуннинг «Булбул» шеърига ҳам хосдир. Бу шеърда булбул ошиқларнинг куйиб, ўртаниб нола қилишини ифодаловчи образ сифатида эмас, балки инсонларга ҳузур-ҳаловат бағишлиловчи, уларда ҳаётга иштиёқ ҳиссини ортирувчи, тинч ҳаёт нашъасини куйловчи янги образ сифатида намоён бўлади. Шу билан бирга, бу шеърда булбул образи жаҳон тараққийпарвар шоирлари образига ёнма-ён қўйиб тасвирланади. Шеър охирида эса тинчлик рамзи сифатида олинган булбул садоси билан уруш рамзи сифатида берилган ўқлар овози бир-бирига қарама-қарши қўйилади. Бу ҳол шоирнинг тинчликни улуғлаш гоясини бежирим ва ҳаётий қилиб ифодалашига бевосита хизмат қиласади:

Булбул нағмасининг мафтунлари кўп,  
Мен ҳам у куйчининг битта гадоси.  
Ўқ овози битсиз дунёда буткул,  
Абадий яшасин булбул садоси.

Уйгуннинг «Мирзагулистан», «Душанбеда», «Тақир», «Жанг» ва бошқа шеърларида ҳам ижодий изланишнинг самараси бўлган оригинал поэтик фикрлар, янги образ ва янги тасвирий воситалар кўзга яққол ташланиб туради. Тўғри, Уйгуннинг бу даврдаги баъзи шеърларида ўз-ўзини такрорлаш, ортиқча риторика ва юзаки тасвирга берилиш каби нуқсонлар ҳам учрайди. Лекин булар шоир ижоди учун характерли эмас ва улар Уйгун шеъриятининг етакчи хусусиятини ташкил этмайди. Буни унинг жамиятни қайта қуриш йиллардаги (80- йиллардаги) шеърияти ҳам тасдиқлайди. Чунки Уйгун сўнгги даврда «Йўловчига», «Қатралар», «Орол денгизи» сингари бақувват шеърлар ёзиб, янги давр руҳини аниқ ифодалади. Ёмонликни қоралаб, яхшиликни улуғлади:

Қарама-қаршилик — ҳаёт қонуни,  
Унда яхшилик ҳам, ёмонлик ҳам бор.  
Кўпроқ яхшилик қил қўлингдан келса,  
Дунёмиз азалдан яхшиликка зор.

Уйгуннинг сўнгги даврдаги ижодида сатирик шеърлар ҳам салмоқли ўрин эгаллайди. Шоир кўзбўямачилик, пораҳўрлик, лаганбардорлик, нопоклик ва виждонсизлик каби иллатларга қарши курашда сатира имкониятларидан самарали фойдаланди.

Бугина эмас. Уйгун болалар шеъриятининг ҳам устаси. Шоирнинг болаларга аталган кўп шеърлари маҳорат билан ёзилган. Уйгун ўз шеърларидан бирида болаларга қаратса «ғоят қувонардим бўлолса шеърим, қадрдан дўстингиз ва улфатингиз», деб орзу қилган эди.

Уйгуннинг «Ҳадя» китоби, айниқса, «Икки она», «Менинг акам», «Чегарачи», «Соғ баданда соғ акл», «Гул ўтқаздим богимга», «Қушлар келди», «Лагерда» каби шеърлари мактаб болаларининг севимли асарларидан бўлиб қолган. Уйгун бу шеърларида ахлоқ-одоб, инсонпарварлик, ватанпарварлик, меҳнатсеварлик, дўстлик, аъло ўқиши учун кураш сингари мавзуларни

болаларга хос ва мос тилда содда ва гўзал қилиб тасвирлайди. Шоир «Икки она» шеърида меҳрибон онага ва муқаддас Ватанга муҳаббат-садоқат гоясини ана шу тарзда моҳирона ифодалайди:

Менинг икки онам бор,  
Иккиси ҳам меҳрибон.  
Бири менга сут берди,  
Бири эса ширин нон...

Бири туққан онамдир,  
Иккинчиси хур Ватан,  
Иккисига баробар  
Курбон бўлсин жону тан.

Хулоса қилиб айтганда, Уйғун шеърияти гоявий жиҳатдан ҳам, бадиий жиҳатдан ҳам бақувват ва баркамолдир.

\* \* \*

Уйғун 40- йиллардан то умрининг охиригача драматургия соҳасида ҳам узлуксиз ижод қилиб келди. «Гуландом» (1938), «Алишер Навоий» (Иzzat Султон билан ҳамкорликда, 1941), «Она» (1942), «Қалтис ҳазил» (1944), «Ҳаёт қўшиғи», «Асрлар» (1947), «Олтин қўл» (1948), «Навбаҳор» (1949), «Сўнгги пушаймон» (1955), «Хуррият» (1958), «Дўстлар» (1961), «Гирдоб» (1962), «Муқаддас бурч» (1965), «Парвоз», «Парвона» (1966), «Лақма» (1971), «Абу Райхон Беруний» (1973), «Қопқон» (1975), «Абу Али ибн Сино» (1980), «Зебуннисо» (1982) сингари йигирмадан зиёд саҳна асарлари Уйғун қаламига мансубdir. Бу саҳна асарларининг кўпчилигига ҳаёт ҳақиқати аниқ акс эттирилган.

Уйғун драматик асарлар ёзишда ҳам муайян ижодий камолот йўлини бошидан кечирди. Бироқ Уйғуннинг драматургиядаги ижодий ўсиши силлиқлик билан эмас, балки қийинчилик билан, мураккаб тарзда кечди. Биринчи пьеса — «Алишер Навоий» ҳозирги замон ўзбек драматургиясининг мумтоз асари даражасига кўтарилигани ҳолда ундан кейин ёзилган икки асар («Она» ва «Қалтис ҳазил») муваффакият қозонмади. Тўгри, «Қалтис ҳазил» комедиясини драматург 50- йилларда қайтадан ишлаб чиқди ва асар янгидан саҳна-

лаштирилди. Лекин барибир «Қалтис ҳазил» саҳнада узоқ умр кўролмади. Бунинг сабаби — асар сюжетини ташкил этган асосий воқеа ўзбек халқи турмуши учун типик бўлмаганлигидадир. Колхоз бригадири Ҳамдам (35 ёшда) ўз опаси Ойнисанинг (45 ёшда) эри Қамбарга (65 ёшда) «опам сизга вафосизлик қилиб, Турдибой (60 ёшда) билан дон олишиб юрибди», деб «ҳазил» қиласди. Пьеса сюжети ана шу уйдирма, сохта воқеа асосига қурилган. Уканинг опа ҳақида бундай «ҳазил» қилиши халқимиз ҳаёти учун ғайритабиийдир. Бу «ҳазил» миллий урф-одатларимизга зиддир. Асосий воқеанинг уйдирмалиги комедиянинг охир-оқибатда муваффақият қозона олмаслигига сабаб бўлди.

Ўйғун ўз ижодига талабчанлик билан қараган. Пьесаларини (лозим бўлганда) қайта-қайта ишлаб пишитишга интилган. У «Она» (1957), «Олтин кўўл» (1957), «Қалтис ҳазил» (1955), «Сўнгги пушаймон» (1961), «Парвоз» (1974) асарларини қайта ишлаб, уларнинг янги нусхаларини яратди.

Ўйғун драмаларини мавзу эътибори билан аввало икки гуруҳга бўлиш мумкин. Бу гуруҳнинг биринчисини ўтмиш ҳақидаги, иккинчисини замонавий воқелик ҳақидаги пьесалар ташкил этади. Ўйғуннинг ўтмиш ҳақидаги асарлари орасида тарихий биографик жанрда ёзилган «Алишер Навоий», «Абу Райхон Беруний», «Абу Али ибн Сино», «Зебуннисо» драмалари салмоқли ўрин эгаллайди. Бу пьесаларда халқ тарихи, хусусан, ўтмиш аждодларимиз орасидан чиқсан буюк шоирлар ва алломалар образи ҳаққоний акс эттирилган.

Ўйғуннинг «Алишер Навоий» (Иzzat Султон билан ҳамкорликда яратилган) драмаси ўзбек драматургиясининг мумтоз намунасидир. У ҳаётий зиддиятларга, жонли ҳаракатга асосланган ва чуқур мазмунга эга. Асарда воқеалар ривожлана боргани сари драматизм ҳам кучая боради. Қаҳрамонларнинг феъл-атвори қарама-қаршиликлар ва курашлар давомида тобланади, чиниқади ва пишиб етилади.

Асар марказида буюк ўзбек шоири ва мутафаккири Алишер Навоий образи туради. Драматурглар бош қаҳрамон — Навоий образини ўша даврининг қайноқ воқеа-ходисалари ичida, реалистик бўёқларда кўрсатадилар. Натижада бу образ ўз даврининг буюк фарзанди сифатида бутун борлиги ва мураккаблиги билан намоён бўлади. Муаллифлар Навоий образини улуг шоир ва

буюк мутафаккир, халқ ғамхўри ва адолатли давлат арбоби, меҳрибон устоз ва камтар инсон тарзида тасвиirlар эканлар, Навоий дунёқарашидаги илгор томонларни, унинг мамлакат ва халқ олдидағи буюк хизматларини биринчи ўринга чиқариб кўрсатадилар.

Пъесада тасвиirlанишича, Навоий мамлакат ва халқ тақдирини ҳамма нарсадан устун қўяди. Бинобарин, зулм ва ҳақсизлик оқибатида хонавайрон бўлган халқ ҳаётини яхшилашга, шоҳ ва беклар дастидан зада бўлган элни тинчтиб, шаҳар ва қишлоқларни обод қилишга, илм-фанни, адабиёт ва санъатни ўстиришга интилади. Навоий халқнинг куч-қувватига, адолат ва ҳаққоният тантанасига, она юртнинг порлоқ келажагига ишонч билан қарайди. У «муқаррар, оқибат бизнингча бўлгай, адолат нурлари оламга тўлгай», дея мамлакатда адолат ўрнатиш учун, уни ички зиддиятлардан, ўзаро тарафкашлик жангларидан халос этиш учун фидо-корлик кўрсатади. Навоий фитначи ва иккиюзламачи вазири бекларга қарши адолатли подшоҳ ва марказлашган йирик феодал давлатни орзу қиласи. У подшоҳлар ҳар хил бўлади, уларнинг яхшиси ҳам, ёмони ҳам бўлади, деган нуқтаи назарда туриб, адолатли шоҳ учун қайгуради, Ҳусайн Бойқарони адолатга чақиради.

Драмада Навоий дунёқарашидаги чекланган, заиф томонлар ҳам аниқ кўреатилган. Чунончи, Навоий давлатни шоҳсиз бошқариш мумкин эканини тасаввур ҳам қила олмайди. Ана шунинг учун ҳам у навкар Турдибойнинг: «Тақсир, фуқарога шоҳларсиз муруват кўргазишининг йўли йўқми?» деган сўрогига «Мамлакат бир боғ бўлса, шоҳ боғбондир. Боғ боғбонсиз ҳароб бўлар», деб жавоб қайтаради.

Навоийнинг адолатли подшоҳ ҳақидаги фикрлари ўз даври учун, мамлакатда феодал бошбошдоқликлар авж олган ва адолатсиз подшоҳлар ҳукмронлик қилган давр ҳаёти учун гоятда аҳамиятли эди. Драма муаллифлари буни чуқур тушунган ҳолда Навоий образини ўз замонасининг фарзанди сифатида жонли ва тўлақонли қилиб гавдалантиридилар.

Пъесада Алишер Навоийнинг шахсий ҳаёти тасвирига ҳам кенг ўрин берилган. Асарда у ўз севгиси, ўз севинч ва шахсий қайгулари билан ҳам тўла-тўқис гавдаланади. Бош қаҳрамон образининг ҳар томонлами тасвиirlаниши асар реализмини кучайтириб, унинг тарбиявий-таъсир қудратини оширган.

Драмада Алишер Навоий образини яратиш жараёнида халқ оммасининг зулм ва истибдодга қарши олиб борган курашидан айрим лавҳалар чизилади. Подшоҳ саройининг фисқу фасод уяси эканлиги, шоҳ ва шаҳзодаларнинг бебошлиги, адолатсизлиги, улар ўтасидаги ўзаро тож-тахт учун курашлар очиб ташланади. Драмада феодал тузумнинг фожиали томонлари тасвирига катта ўрин ажратилган бўлса-да, унда ҳаёт бахш рух бўртиб туради. Асарда кўрсатилишича, Алишер Навоий осойишталик ва адолатни қарор топтириш учун узоқ йиллар давомида изчил кураш олиб боради. Бироқ унинг бу эзгу ҳаракатлари ўша феодал тузумнинг айби билан бехуда кетади. Лекин шунда ҳам Алишер Навоий тушкунликка тушмайди. У подшоҳ Ҳусайн Бойқаронинг «дўстим... Сиз дунё лаззатларидан воз кечиб нима орттиридингиз?» деган саволига қуйидагича жавоб беради: «Икки буюк дарё бўйидаги халқимни якқалам қилдим. Тилимизни таҳқир ва ҳақорат ботқоғидан шеърият осмонига кўтардим. Мен умримга ачинмаймен, аммо сизга сарф қилган меҳнатларимнинг зое кетганига ачинамен... Ноумид шайтон! Мен ҳали умидларимдин воз кечганим йўқ. Биз етолмаган умидларга келажак наслларнинг етмоғи мумкин. Қачонлардур адолат офтоби барқ уриб чиқмоғи керак. Дунёда бахт ва ҳаққоният тантана қилмоғи лозим. Одамлар орасида низо йўқолмоғи даркор. Аммо қачон? Бу савол ҳамон жавобсиз қолди. Лекин инсоният бу жумбоқни ахир ҳал қилур. Чунки унинг қўлида ҳақиқат ва адолат йўлини ёритувчи тафаккур машъали бор. Шунда кишилар мени ўзларининг буюк ҳамкорликларига чақиурлар ва мен асрлар оша ўз шеърларим билан «лаббай» деб жавоб берурмен. Мен кетдим!.. Ижодимга, халқимга!»

Драмада Ҳусайн Бойқаро (подшоҳ), Гули (Навоийнинг севгилиси), Мажидиддин (гаразгўй вазир), Жомий (улуг шоир), Турдибой (навкар), Мансур (жосус), Мўмин Мирзо (подшоҳнинг набираси) сингари образлар иштирок этади. Шуниси муҳимки, бу образларнинг ҳаммаси ўзига хос тиник бўёқларда чизилган, ҳар қайсиси ўз «юки» га эга. Бинобарин, улар асар гоясини, хусусан, бош қаҳрамон феъл-атворининг табиатини очища бевосита қатнашадилар. Драмада воқеаларнинг бориши ва ўсиш механизми учун зарур бўлмаган бирорта ҳам шахс йўқ.

Масалан, Гули образини олайлик. Гули асарда

муҳим ўрин тутади. Гули — бадий тўқима образ. Драматурглар бу образни яратишида халқ оғзаки ижодидан (халқнинг Навоий ҳақидағи латифаларидан) самарали фойдаланганлар. Асарга Гули образининг киритилиши, бир томондан, асар мазмунини ҳаққоний, табиий ва қизиқарли чиқишини таъминлаган бўлса, иккинчи томондан, бош қаҳрамон Алишер Навоий образини тўлароқ очишга хизмат қилган.

Ҳақиқатдан ҳам Гули — Алишер Навоийдек улуғ инсон севгисига муносиб доно ва фидокор қиз. У ақл ва ҳуснда ҳам, одоб ва садоқатда ҳам етук. Гули ўз севгилиси Алишернинг инсоният ва жамият олдидағи буюк қадр-қимматини жуда яхши сезади. Шу сабабли ёвуз вазир (Мажидиддин) унга «агар сен подшохнинг ҳарамига бормасанг, у ҳолда шоҳ Навоийни ўлдиради», деганида Гули ўз жонини қурбон қилиб бўлса-да, улуғ шоирни ҳалокатдан қутқазиб қолишга интилади:

Йўқ, асло! Бўлмасин қурбон Алишер!  
Қўйинг, эл булбули боз сайрасун, боз!  
Қўйинг, юрт баҳтини мадҳ айлаган соз—  
Вақтсиз синмасун. Шоҳона ижод  
Тугалмай қолмасун... Мен қайда? Ҳайхот...  
Мен оддий бир киши, у элга бошдур.  
Агар мен шам эсам, у бир қуёшdir.  
Анинг-чун, майлига, қурбон бўлай мен.  
Бало шамширига қалқон бўлай мен.

«Алишер Навоий» драмаси бадий маҳорат ва тил жиҳатдан ҳам ғоят таъсирили ва гўзал қилиб яратилган. Асар лиризм билан сугорилган. Пьесанинг кўп саҳифалари шеърий йўл билан битилган. Муаллифлар асарда Навоий шеъриятидан унумли фойдаланиш билан бир қаторда қатор оригинал шеърий диалог ва монологлар, афоризм даражасига кўтарилиган чиройли ва сермазмун байтлар яратганлар:

Кимики бўлса инсон, бўлса одам.  
Халойикнинг ғамин ейтур дамо-дам.

(Гули сўзи)

Нокасу ножинс авлодин киши бўлсун дебон,  
Чекма меҳнат, яхши бўлмас ҳеч касофат олами.  
Ким, кучук бирлан ҳўтукка қанча қилсанг тарбият,  
Ит бўлур, эшшак бўлур, бўлмаслар асло одами

(Навоий сўзи)

Бугина эмас. Асардаги насрый диалог ва монологлар ҳам юксак нафосат билан жозибадор қилиб ёзилган. Уларда ички ҳиссиёт ва ҳаяжон, газаб ёхуд муҳаббат бўртиб туради. Алишер Навоийнинг Ҳусайн Бойқаро фаолияти устидан чиқарилган ҳуқми сифатида акс садо берувчи қуидаги монологи бу жиҳатдан ибратлидир.

«Гулига бўлган муҳаббатим, ҳалқимга бўлган муҳаббатимнинг бир учқунидир. Сиз ҳалқ бошига не кулфатлар солмадингиз? Сиз Мажидиддинларнинг сўзига кириб мамлакатда адолат эмас, зулмни кучайтиргиз. Давлатимизни ҳалокат соҳилига келтирдингиз. Мавлоно Ҳондамир! Бизнинг дарду қайгуларимизни неча асрлар кейинги наслларга элтувчи табаррук саҳифаларга рақам қилингким, Мўмин Мирзонинг ўлими темурийлар хонадонининг инқирозидан нишонадир. Ўз қўли билан ўз набирасини ўлдирган, кечакундуз кайфу сафодан бош кўтартмаган, тўйда ҳам, азада ҳам тўхтовсиз ичадиган Ҳусайи Бойқаро салтанатимизни ҳалокатдан сақлаб қолишга қодир эмас!»

Драмада мазмундор ўхшатишлар, чиройли сифатлашлар, пурхикмат муболага ва мажозлар кўп. Асар беш парда, ўн кўринишдан иборат. Пьеса сюжети қизиқарли бўлганидек, у композиция жиҳатидан ҳам қимматли. Драма ярим асрдан бери томошабинлар олқишига сазовор бўлиб келмоқда.

Ўйғун ижодида замонавий мавзу асосий ўринни әгаллайди. Шунга биноан Ўйғун драматургиясининг бош йўналишини замонавийлик белгилайди. Муаллиф ўз пьесаларида кўпинча ҳозирги замон воқелигидан олинган ранг-баранг мавзуларни акс эттириб, замондошлиаримизнинг ҳаққоний образларини яратади.

Ўйғуннинг «Она», «Ўзбекистон қиличи» (Н. Погодин, Ҳ. Олимжон, Ўйғун, С. Абдулла), «Асрлар», «Ҳаёт қўшиғи» драмаларида ҳалқимизнинг асосан Ватан уруши давридаги (жанг ва жанг орқасидаги) ҳаёти ва кураши кўрсатилади. Бу пьесалар орасида «Ҳаёт қўшиғи» драмаси ғоявий-бадиий жиҳатдан бақувватлиги билан томошабинларга кўпроқ манзур бўлди. Драмада муаллиф ўзбек ҳалқининг уруш давридаги жанговар ҳаётини акс эттириш билангина чекланмайди. Унинг урушдан олдинги ва урушдан кейинги дастлабки ҳаётидан ҳам қатор лавҳалар чизади. Асар воқеаси 1941—1945 йилларда бўлиб ўтади.

Асл инсон ўз шахсий баҳтинигина эмас, аксинча, эл-

юрт (халқ) бахтини ўйлаши керак — «Ҳаёт қўшиғи» драмасининг ғоявий мазмуни ана шундан иборат. Драма қаҳрамонларидан Комил фронтдан бир қўлидан ажралиб қайтади ва бундан руҳан азобланиб, бахтсиз бўлиб қолдим, деб қайғуради. Драматург Комилнинг бехуда азоб чекаётганини воқеалар давомида очиб беради. Шу асосда пьесада «ўлим ва ғамгинликнинг марсиясини эмас, ҳаёт қўшиғини куйлашимиз керак», деган ғояни олга суради.

Нурмат: Дуруст, йигит кишига қўлдан ажралиш ҳазилакам нарса эмас... Бахтсизлик... Аммо одамнинг бахти фақат саломатлигидагина, холосми? Асл инсон учун ўз бахтидан бўлак бахт йўқми? Бор. Асл инсон учун ўз бахтидан минг карра зўрроқ, минг карра улуғроқ бахт бор. Бу бахт — халқ бахти, юрт бахти! Зафар қозонган бахтиёр халқимизнинг муқаддас севинчига нисбатан сен билан менинг шахсий мусибатимиз ҳеч нарса эмас. Агар халқ севинчи бир дарё бўлса, бизнинг қайғумиз бир томчигинадир. Наҳотки, бир томчи қайғуни бир дарё севинч ютиб кетолмайди? Агар сен билан мени шунчалик оғир азобларга дучор қилган қабиҳ душман яна қайтиб бош кўтармасин десанг, ғам билан қаддингни букма!

Комил: (зўр ҳаяжонда) Раҳмат... Раҳмат... Мен бир хаста эдим... Сиз улуғ табиб бўлдингиз... Қимматбаҳо, гавҳарга тенг сўзларингиз ярамга малҳам, дардимга даво бўлди... Сиз ҳақсиз. Голибларга йиғи эмас, шодлик ярашади. Фалабага марсия эмас, мадхия муносаб. Биз ўлим ва ғамгинликнинг марсиясини эмас, ҳаёт қўшиғини куйлашимиз керак!

Асарнинг асосий муандарижаси сифатида акс садо берувчи ҳаёт қўшиғини куйлаш ғояси, айниқса, урушдан кейинги дастлабки кунлар учун ниҳоятда долзарб ва муҳим эди. Бу драманинг давр талабларига ҳозиржавоблиги ва қиммати ҳам, аввало, ана шу катта ғояни ўз вақтида кўтариб чиққанлигига ва унинг ёрқин ифодаланганлигидадир.

«Ҳаёт қўшиғи» драмасида Комил Йўлдошев, Қодир Рустамов, Нурмат ота, Миша, Маърифат хола каби образлар яратилган. Улар ҳар бирининг ўзига хос феълатвори, хатти-ҳаракати ва ширали тили табиий қилиб берилган. Тўғри, бу драмада жиддий нуқсонлар ҳам мавжуд. Пьеса воқеалари бир-бири билан кўпинча сунъий боғланган ва натижада ғайритабиийлик юз

берган. Бир қизни севган икки йигит (Қодир билан Комил)нинг бир ҳарбий қисмда хизмат қилиши, бирга разведкага бориши, партизанларнинг Комилни асирикдан қутқариши, Комилнинг жангчи дўсти Миша билан поездда учрашуви, Тожихон билан Қодирнинг тўйи белгиланган куни Комилнинг қишлоққа қўққисдан кириб келиши, тезда Тожихонга уйланиши воқеала-рида ишонтириш қуввати кучсиз. Асарда ишқ-муҳаббат муаммоси осонликча, енгил-елпи ва сунъий тарзда ҳал қилинади.

Умуман олганда, баъзи бир нуқсонларига қарамай, бу драма ҳаётни севишга, ҳаёт қўшигини куйлашга чорловчи ва томошибинларга эстетик завқ-шавқ бағишлиовчи асардир.

Ўйгуннинг «Олтин тўй», «Навбаҳор», «Хуррият», «Парвоз» драмаларида урушдан кейинги даврлардаги ҳаёт ҳақиқати акс эттирилган. Ўзбекистондаги қишлоқ кишиларининг ҳаёти мисолида замондошларимизнинг маънавий қиёфалари, улар ҳаётидаги ижобий хислатлар, шунингдек, турили иллатлар ёритилган. «Олтин кўл» музикали драмасида колхозчиларнинг пахтачилик соҳасидаги жонбозликлари, фидокорона меҳнатлари умумлаштирилиб тасвирланади. Айрим кишилар онгидаги манманлик ва ўжарлик каби ярамас одатлар очиб ташланади. Пьесада тасвирланган зиддиятлар ҳаётий, типик. Бу қарама-қаршилик соғдил колхозчилар билан илгариги хизматларини пеш қилиб, ўринсиз мағуруланиб юрувчи звено бошлиғи Турсунали ўртасидаги кураш асосига қурилган. Турсунали: «Звеновой мён бўламан, нима қилсан ҳоҳишим, мен колхознинг фахриман», деб манманликка берилади. Жамоани назар-писанд қилмай қўяди. Ишёқмас Ғанивой таъсирига берилиб, меҳнат интизомини бузади. Кўпчиликдан айрилиб қолади. Лекин асар охирида Турсунали ўз айбларига иқрор бўлади.

Асарда Турсунали образига қарама-қарши қилиб Қамбар, Каромат, Шоҳиста, Тоштемир образлари берилган. Улар қишлоқ кишиларининг типик вакиллари сифатида, ҳалол ишлаб, ҳалол яшовчи ёшлар сифатида намоён бўладилар. Бу образларнинг ҳар бири ўзига хос хусусиятларга эга.

«Олтин кўл» асосан шеърий йўл билан ёзилган. Пьесада ҳалқ оғзаки ижодидан, айниқса, ҳалқ қўшиқларидан самарали фойдаланилган. Драмада ишлатилган

халқ қўшиқлари образлар қиёфасини, ички дунёсини, руҳий ҳолатини очишга хизмат қилиш билан бирга, асарнинг бадиийлигини оширишда ва халқчиллигини намойиш қилишда ижобий роль ўйнаган. Турсуналиниг:

Кўрмайин босдим тиканни, тортадурман жабрини  
Кўрсам эрди, босмас эрдим, тортмас эрдим жабрини,

тарзида бошланувчи қўшиғи бунга мисол бўлади. Ёки, Турсунали билан Шоҳистанинг халқ ашулалари асосида тузилган дуэти ҳам асар ҳуснига ҳусн қўшган:

Т у р с у н а л и : Қуралайдир кўзингиз,  
Ширин-шакар сўзингиз.

Юз ноз ила кўнглимга  
Шубҳа солган ўзингиз.

Ш о и с т а : Қалдирғоч қора бўлур,  
Қаноти ола бўлур.  
Ёшлиқда берган кўнгил  
Айрилмас бало бўлур.

«Олтин кўл» драмасида айрим юзакичиликка ва сохталикка йўл қўйилган. Бош қаҳрамон Турсуналиниг қайта тарбияланиш жараёни кўрсатилмаган. Унинг асар охирида қўққисдан ўзгариб, салбий ҳусусиятлардан ўзини соқит қилиши ишонарли чиқмаган. Шунингдек, Ҳамдам образи ҳам ясама бўлиб қолган.

Уйғуннинг «Навбаҳор» драмасида ҳам қишлоқ кишиларининг урушдан кейинги дастлабки йиллардаги ҳаёти кўрсатилган. Жамоа хўжалиги ва деҳқонлар ҳаётидаги ўсиш-ўзгаришлар, янгиликлар улуғланиб, айрим раислар онгидаги мағрурлик, калтабинлик ва ўжарлик каби иллатлар фош этилган. Асарда кўрсатилишича, «Навбаҳор» колхозининг раиси Дадавой аввалини хизматларини ва орденларини пеш қилиб, ютуқларидан эсанкирайди. Мамманликка берилади. Раҳбарлик усуллари бузилади. Ўзи чаласавод бўлгани ҳолда, қизи Баҳорга «Китоб ўқиб ўтиргандан кўра мендан сўраб қўя қолсанг бўлмайдими?» деб мақтанади. Мамажон ва Сулаймон каби юлғич-текинхўрлар билан дўстлашиб, жамоа хўжалиги мулкини талон-торож қилинишига йўл очади. Кўпчиликдан ажralиб қолади.

Дадавойнинг ярамас одатлари асарда воқеа давомида бирин-кетин очила боради. Охири жамоанинг беғараз

танқиди натижасида Дадавойнинг кўзи очилади. Дадавой «Ҳамма айбларимга иқрор бўламан. Ҳали бошқалар тарафидан айтилмаган айбларим ҳам бор. Энди уларни ҳам ўзим айтиб бераман...», дейди.

Дадавойнинг хатоларини очиб ташлаб, уни тўғри йўлга солища, айниқса қизи Баҳор ва куёви Қодир хайрли иш қиласди. Баҳор ҳам, Қодир ҳам ўз шахсий манфаатларидан жамоа манфаатларини юқори қўядилар. Ҳақгўй, айтганидан қайтмайдиган, янгиликка интигувчи кишилар сифатида намоён бўладилар. Дадавойнинг: «Колхознинг каттаси ким? Сенми ё менми?» деган сўроғига Қодир: «Сиз ҳам эмассиз, мен ҳам. Колхознинг каттаси халқ. Сиз билан биз эса халқнинг хизматкорларимиз», дейди.

Умуман олганда, «Навбаҳор» пъесасида ҳаётий воқеа, ҳаётий зиддият акс этган ва жонли қаҳрамонлар воситасида ҳаёт ҳақиқати очиб берилган.

Ўйғуннинг «Хуррият» драмасида жамоа хўжалиги ҳаётининг яна бошқа бир томони акс этган. Асар воқеаси 50-йилларда бўлиб ўтади. Воқеа механизацияга қарши бўлган раис Қосимнинг амалдан туширилиши ва унинг ўрнига ақлли, тадбирли жувон Ҳурриятнинг жамоа хўжалигига раис қилиб сайланishi билан бошланади. Ҳуррият раис бўлиб сайланган кезларда жамоа хўжалиги иқтисоди орқага кетган, меҳнат интизоми бўшашганди. Ҳуррият ана шу камчиликларни тузатиш учун фидокорона меҳнат қиласди. Жамоа хўжалигини бошдан оёқ механизациялаштириш борасида ва меҳнат интизомини мустаҳкамлаш йўлида жонбозлик кўрсатади. Жамоа хўжалиги мулкини талон-торож қилувчиларга, меҳнат интизомини бузувчиларга қарши кескин курашади. Ортиқча ўрин (штат) ва чиқимларга чек қўяди. Эшон ака каби кўзбўямачи, текинхўрларни фош қиласди. Жамоа ёрдамида бир қанча тадбирларни амалга ошириб, хўжалик иқтисодини юксалтиришга ва меҳнат интизомини мустаҳкамлашга интилади.

Шундай қилиб, хотин-қизларнинг жамоа хўжалиги-да катта куч эканини, янги раис Ҳурриятнинг маънавий ўсишини, эски раис Қосимнинг ўз хатоларини тушуниб, жамоа таъсирида тузилишини кўрсатиши — «Ҳуррият» пъесасининг марказий масаласидир.

Драмада янгилик билан эскилик ўртасидаги кураш ва янгиликнинг ғалабаси ҳаётий, жонли ва ишонарли

қилиб кўрсатилган. Айниқса бош қаҳрамон Ҳурриятнинг ишчанлиги, ташкилотчилиги, адолатлилиги, ўй-хаёллари, руҳий кечинмалари яққол кўрсатилган. Ҳуррият жамоа хўжалиги иқтисодини кўтариш, жамоа бойлигига бойлик қўшиш учун курашар экан, қайнағаси Эшоннинг жамоа хўжалиги мулкини ўзлаштиришига йўл қўймайди. Натижада Эшон ўз келини Ҳурриятдан ўч олади: унинг оиласини бузади. Лекин Ҳуррият бу қийинчиликларга бардош беради. Зотан, Ҳурриятнинг иродаси асар ривожи давомида тобланиб, мустаҳкамлана боради. Драмада Ҳуррият образига қарама-қарши ҳолда Дўндиқжон образи берилган. Ҳуррият ўзбек аёлларига хос вазминлик, тадбиркорлик, ҳалоллик, ҳалқ учун сидқидилдан хизмат қилиш сингари фазилатлар соҳиби бўлса, Дўндиқхон енгилтабиат, фақат кайф-сафо билан кун кўришга ўрганган, беҳаё жувон — салбий қиёфа.

Пьесада жамоа хўжалигининг аввалги раиси Қосим ака образи ҳам жонли, ҳаққоний бўлиб чиққан. Қосим ўз вақтида хўжаликни ривожлантиришга ҳисса қўшган бўлса ҳам, лекин янги давр талабларига, хусусан, жамоа хўжалигини ёппасига механизациялаштириш талабига жавоб бера олмай қолади. Бунинг устига, Қосим хотин-қизларни менсимайди. Қосимга, айниқса унинг ўрнига ёш жувонни раис қилиб сайлашлари қаттиқ таъсир қилади. Қосим: «Йўқ, мени раисликдан туширганлари алам қилмайди, аммо ўрнимга оғзинг қани деса, қулогини кўрсатадиган бир бедаво аёлни сайлаганлари алам қилади! Гўё эркак уруғи қуриб кетгандек! Тавба!» дейди. Асарда Қосимнинг Ҳуррият билан тўқнашуви ва унинг кўпчилик таъсирида қайта тарбияланиши ҳам тасвирланган. «Ха, кўпчилик зўр экан, куч ҳақиқатда экан», — дейди Қосим пьеса хотимасида. Бироқ драмада ҳаққоний бўлмаган воқеа ва меёрига етмаган образлар учрайди.

«Ҳуррият» пьесасининг давоми сифатида юзага келган «Парвоз» драмасида қишлоқ кишиларининг 60-йиллардаги ҳаёти ва кураши кўрсатилган. Асарда ҳаётда мавжуд бўлган кўзбўямачилик, текинхўрлик, адолатсизлик, бузуқчилик, умумхалқ манфаатидан ўз шахсий манфаатини устун қўйиш, ўз мансабини суистеъмал қилиш, ҳалқ мулкини ўзлаштириш каби ярамас иллатлар очиб ташланган.

Маълумки, 60- йиллар (турғунлик даври)да ҳаётдаги салбий томонларни рўй-рост тасвирлаш ғайритабиий ҳисобланар эди. Мана шундай бир даврда Уйғун «Парвоз» ни яратиб, катта жасорат кўрсатди. Шуниси муҳимки, «Парвоз» драмасида ҳаётдаги иллатларга қарама-қарши ҳолда замондошларимизнинг олижаноб фазилатлари, намунали хулқ-атворлари яққол акс эттирилган.

Драмада ёмонлик устидан яхшиликнинг, ҳаромхўрлик устидан ҳалолликнинг, ҳақсизлик устидан адолатнинг ғалабаси тўғри ифодаланган. Асарда ҳаёт ҳақиқатини рўйи-рост гавдалантирувчи ҳаётий образлар анчагина.

«Хуррият» билан «Парвоз» том маънодаги дилогиядир. «Хуррият» даги асосий воқеа «Парвоз» да янада шиддатлироқ тарзда давом эттирилади. Биринчи пьесада иштирок этган Хуррият, Рихсивой, Жабборов, Каримжон, Анор, Пўлатжон, Ўғилхон, Зухрахон, Дўндиқхон каби образлар иккинчи пьесада ҳам қатнашадилар.

Драматург асосий образларнинг, айниқса бош қаҳрамон Хурриятнинг ҳаётий воқеалар заминида, турли кураш ва зиддиятлар жараёнида маънавий ўсишини кўрсатишга алоҳида эътибор берган. Биринчи пьесада жамоа хўжалиги раиси вазифасида иштирок этувчи Хуррият, иккинчи пьесада ноҳия қўмитасининг биринчи котиби сифатида фаолият кўрсатади. «Хуррият»даги ноҳия қўмитаси котиби Жабборов эса эндиликда вилоят қўмитасининг биринчи котиби.

Асарда кўрсатилишича, Хуррият ўзи раис бўлган жамоа жўжалигини гуллатиб, ўлкамизнинг намунали хўжаликларидан бири даражасига кўтаргач, уни ноҳия миқёсидаги масъулиятли ишга ўтказадилар. Аввал ноҳия ижроия қўмитаси раиси, сўнгра ноҳия қўмитасининг биринчи котиби қилиб сайлайдилар. Хуррият узоқ ноҳияда биринчи котиб бўлиб ишлар экан, турли хил қийинчиликларга дуч келади. Лекин ҳеч нарса — лаганбардорларнинг хушомади ҳам, иғоварларнинг дўқ—пўписаси ҳам уни тўғри йўлдан қайтара олмайди, «Йўқ,—бу ҳақсизликка йўл қўйиш мумкин эмас! Агар йўл қўйсак, биз ношуд, бурди йўқ, ҳатто қўрқоқ... одам эканмиз деб айтишимиз... керак бўлади!» дейди Хуррият.

Шундай қилиб, драмада Хуррият асл инсон, моҳир ташкилотчи сифатида намоён бўлади. Асардаги қаҳра-

монлардан бири Ҳурриятта «ақлингга ҳам, юрагингга ҳам қойилман! Юрагинг аёл кишининг юраги эмас, мард йигитнинг юраги», дейди.

Қисқаси, Ҳуррият қиёфасида раҳбар ходимга хос ҳақиқатгўйлик, жанговарлик, курашчанлик, пухта ўйлаб иш юритиш ва меҳрибонлик сифатлари муҗассамлашган. Ҳуррият — ҳозирги замон ўзбек адабиётидаги ижобий образлар қаторидан ўзига муносиб ўрин эгаллаган севимли қаҳрамондир.

«Парвоз» пьесасида жамоа хўжалиги раиси Мамасолиев қиёфаси ҳам салмоқли ўрин тутади. У маҳорат билан чизилган салбий образ. Мамасолиев пиҳини ёрган, айёр. Ноҳияда давлат ва жамоани алдаб, жиноят устига жиноят қилиб, сохта обрўга эришган. Раиснинг айтгани айтган: унинг раъйини ҳеч ким қайтара олмайди. Мамасолиев хўжалик мулкини истаганича талон-торож қиласи, ўзлаштиради. Ўзига қарши чиққан ҳар қандай кишидан беаёв қасос олади. У ҳалол жамоа аъзоси Расул акани ўлдиради, ҳақиқатни қарор топтиришга интилган жангчи Тошпўлатга тухмат қилиб, уни қаматади.

Мамасолиевнинг шахсий-маънавий ҳаёти ҳам жирканчли. У хотинбоз, маънавий бузук. Раис ўз жиноий қилмишларини амалга оширишда ҳеч нарсадан тап тортмайди, алдаш, ялиниш, пора бериш, тухмат-қилиш, дўқ-пўписани ишга солиш, ҳатто одам ўлдиришдан ҳам қайтмайди. У ноҳия котиби Ҳуррият Зиёевани ҳам «майшатга ўргатиб, тилини қисиб, сўзидан чиқмайдиган қилиб олишга» уринади. Бироқ қанчадан-қанча жинояtlар қилса-да, Алимов (обком котиби) сингари ҳомийлари ҳимоясида ҳамма вақт сувдан қуруқ чиққан Мамасолиев охир-оқибатда Ҳуррият ва бошқа соғвижданли кишилар томонидан фош этилади.

Уйгун асар мазмуни асосида ётган ҳаётий зиддиятни тадрижий акс эттириш ва уни тўғри очиш жараёнида Ҳуррият, Тошпўлат, Жабборов, Рихсивой каби ижобий қаҳрамонлар яратган. Шунингдек, уларга қарама-қарши қилиб Мамасолиев, Алимов, Мажидов, Саримсоқ сингари салбий образларни ҳам акс эттирган.

Уйгун драматургиясидаadolat ва ҳаққоният, ҳалоллик ва вафодорлик, дўстлик ва садоқатнинг фитна-фасод, фискуфужур, тухмат, айёрлик ва макр устидан галабасини кўрсатиш салмоқли ўринни эгаллайди. Бу хусусият унинг, айниқса, кейинги даврларда ёзилган

«Парвона», «Дўстлар», «Қотил», «Лақма» каби пьесаларида бўртиб кўринади.

Ўйгуннинг «Парвона» драмасида замонавий мавзу, ахлоқ-одоб муаммоси маҳорат билан ёритилган. Асарда муаллиф баъзи ёшларнинг севги-муҳабbat ва оила қуриш масаласига енгилтаклик ва шошма-шошарлик билан қарашларини қаттиқ қоралаб, уларни қаҳрамонларнинг фаолияти ва аччиқ қисмати мисолида огоҳлантиради. Пьесада, севги ва оила нозик масала: у — умр савдоси, бунда пухта ўйлаб, шошмасдан, йигит ва қиз бир-бирини обдан синаб, сўнг муайян хулосага келиши лозим, акс ҳолда, ўзини чироққа уриб ҳалок бўлган парвона ҳолига тушиб қолиши мумкин, деган гоя ишонарли тарзда илгари сурилган. Асар мазмуни ҳаётий воқеа тўқимасига қизиқарли қилиб сингдирилган.

Аспирант қиз Назокат курортга бориб, Ўткирий исмли усти ялтироқ йигит билан тасодифан учрашиб қолади. Қиз Ўткирийнинг кимлигини, қаерданлигини, нима иш қилишини суриштирмасдан, йигитнинг ҳуснижамолига ва ширин сўзига маҳлиё бўлиб, «кўнглимдаги одамни энди топдим» деб ўйлади. «Муроджоннинг севгиси бир шам бўлса, буничи қуёш» деб ихтиёрини Ўткирийга топширади. Назокат курортдан қайтгач, шу йигитга турмушга чиқаман, деб туриб олади. Опаси Адолатнинг ва дугонаси Юлдузхоннинг маслаҳатларига қулоқ солмасдан, «узоқ судралган, суриштириш натижасида майдонга келган муҳабbat муҳабbat эмас, бир кўришдаёқ жазиллатган, қалбга оташ ташлаган, қонларга ларза солган муҳабbatгина муҳабbat! Уни ковлаб, пайсалга солиб, совитиб юриш керак эмас», деб уларга эътироғ билдиради. Натижада Назокат унаштирилган йигити Муроджондан юз ўгириб, шоша-пиша Ўткирийга тегиб олади. Лекин тезда бу ишнинг миси чиқади. Ўткирий авваллари ҳам бир неча бор уйланган, «уч марта хотин олиб, уч марта хотин қўйган» товламачи, муттажам, фирибгар, юлғич шахс бўлиб чиқади. Охироқибатда Назокат ўз қилмишларидан қаттиқ пушаймон бўлиб, изтироб чекади. «О, қандай даҳшат! Қандай разолат! Ҳаммасига айбдор мен!.. Бадбахт алдади! Алдандим! Парвона бўлиб ўзимни оловга урдим! Ёндим, куйдим!» деб нола қиласди.

Назокат образида ишқ-муҳабbat йўлида ўйламайнетмай ножӯя қадам ташлаб, қаттиқ адашган ва бунинг жабрини тортиб, юзи шувит бўлган эрка қиз — баҳтсиз

жувон қиёфаси усталик билан гавдалантирилган. Ўткирий образида эса покиза ва содда одамларни алдаб, меҳнатсиз роҳатда яшашга ўрганган айёр, текинхўр, беномус, разил шахслар фош этилган.

Ўткирий илк бор Назокат билан учрашиб сухбатлашар экан, қизга ўзини одобли, дилкаш, хушчақчак, ҳалол йигит қилиб кўрсатади. Ўткирий Муроджон билан учрашганда эса унга ўзини «Дорилфунуннинг икки факультетини, яъни тарих ва тил-адабиёт факультетларини тамомлаган, қўш олий маълумотли олим ва ҳали кўп одам билмайдиган, аммо яқин кунларда довруғи узоқларга кетадиган шоирман», деб таништиради. Бироқ воқеа давомида Ўткирийнинг ҳақиқий башараси очила боради. У шоир эмас, ўғри — кўчирмачи. У олим эмас, «умрида бор-йўғи етти синфнигина аранг тугатган» доғули, фирибгар. У покиза эмас, ифлос. Ўткирий тўй бўлиб ўтар-ўтмас, турли йўллар билан Назокатни хўрлай бошлияди, ўринсиз рашик қиласди, бўлар-бўлмасга сени ташлаб кетаман, деб хотинини кўрқитади. Назокатни аспирантурадан кетишга, савдога ишга ўтишга, опаси — Адолатни уйдан ҳайдашга, ҳатто ҳовлини сотишга қистайди.

Ўткирий, пок севгини оёқ ости қилган виждонсиз, хотинбоз, У «Назокатхонни умрбод севаман!» деб онт ичади. Лекин тезда айниб Юлдузхонни тузоққа илинтириш пайига тушади. У ҳатто келин ойиси Марҳамат опага ҳам шилқимлик қиласди. Қисқаси, Ўткирий маҳорат билан яратилган тип.

«Парвона» пьесасидаги Муроджон, Юлдуз, Адолат, Аброр ва Марҳамат образлари ҳам жонли, тўлақонли бўлиб чиқсан. Муроджон севигига содик, пок ва камтар инсон, ўз ҳаётини илм-фанга бағишилаган ёш олим. У Назокатнинг вафосизлигидан ниҳоятда қийналади, газабланади. Лекин шунда ҳам одамгарчиликдан воз кечмайди, иложи борича Назокатга яхшилик қилишга интилади. Юлдуз одобли, иболи қиз, ҳақиқий дўст. У дугонаси Назокатнинг қилмишига дил-дилидан ачинади. Ўткирийни фош этишда жонбозлик кўрсатади.

Адолат исми жисмига мос қаҳрамон. У прокурор сифатида бутун умрни ҳалол, покиза, одамларни ҳар хил разил шахслар хуружидан асрашга, ҳақсизликка қарши курашга сарф қилган доно аёл. Адолат синглиси Назокатни бахтсизликдан, фожиадан сақлаб қолишига

интилади, унга яхши маслаҳатлар беради. Бироқ унинг ҳаракатлари беҳуда кетади. Назокатни ножъя йўлдан қайтара олмаган Адолат руҳан эзилади. Лекин шунда ҳам тиниб-тинчимайди. Охир-оқибатда Ўткирийнинг кимлигини аниқлаб, Назокатни балодан қутқаради.

«Парвона» пьесаси — бадиий пишиқ асар. Унда ҳамма нарса жой-жойида ва меъёрида. Драматург асар ғоясини ва қаҳрамонлар қиёфасини очишда тил имкониятларидан усталик билан фойдаланган, жумладан, ҳалқ мақол ва ибораларини ўрнида ишлатган. Образлар тилини пухталаштириб, диалог ва монологларнинг сермазмун ва бадиий мукаммал бўлиб чиқишини таъминлаган. Асарда инсон ва ҳаёт, хусусан, севги ва муҳаббат ҳақидаги чуқур мазмунли фалсафий фикрлар кўзга ташланиб туради. Масалан, «Оиласиз севги бўлиши мумкин, аммо севгисиз оила оила эмас, омонат бир нарса. Ундай оилада на ҳаловат бор, на баҳт» каби жумлалар фикримиз далилидир. Умуман, Уйғун яратган саҳна асарларининг тарбиявий-эстетик аҳамияти катта.

\* \* \*

Уйғун адабиётшунос сифатида, айниқса 30- йилларда фаол ижод қилди. Бу даврда у ҳозирги замон ўзбек адабиётининг юксак ғоявийлиги ва ҳалқчиллиги учун изчил кураш олиб борди. «Фош қилиш эмас, ҳаспӯшлаш» (Бу мақоланинг ҳаммуаллифи Ҳамид Олимжон), «Переверзев назариясининг моҳияти нимадан иборат?», «Адабиётда менъшевизмга қарши» каби мақолалар ёзди. Уйғун ўзбек мумтоз шеъриятини тадқиқ этиш ва адабий портрет жанрини ривожлантириш соҳасида самарали меҳнат қилди. Унинг «Навоийнинг «Чор девон»и ҳақида», «Муқимий», «Амин Умарий», «Шодлик ва баҳт куйчиси» сингари мақолалари ўз вақтида кўпчиликка манзур бўлган.

Уйғун турли йилларда А. Пушкин, М. Лермонтов, Т. Шевченко, И. Крилов, В. Шекспир, А. Тўқай, Абай, Я. Колас сингари санъаткорларнинг шеърий асарларини, шунингдек, Л. Толстойнинг «Хожимурод» қиссасини, А. Чеховнинг «Чайка», «Олчазор» пьесаларини, қорақалпоқ эпоси «Қирқ қиз» ни ўзбек тилига таржима қилган.

Ўйғун ҳозирги замон ўзбек адабиётининг шаклланиши ва ўсишига, хусусан, поэзия ва драматургия жанрларининг тараққиётига катта ҳисса қўшган. Ўйғуннинг бу хизматлари муносиб тақдирланган. Ўйғун «Ўзбекистонда хизмат кўрсатган санъат арбоби» (1956), «Ўзбекистон халқ шоири» (1965), Ўзбекистон Фанлар академиясининг мухбир аъзоси (1974), Ҳамза номидаги республика Давлат мукофотининг сохиби (1967). 1985 йилда шоирга Меҳнат Қаҳрамони увони берилган.

### АДАБИЁТЛАР

1. М. Юнусов. Ўйғун (адабий-танқидий очерк). Самарқанд, ЎзДУ асарлари, 1955, 55-сон.
2. А. Аброров. Шоир ва драматург. Тошкент, «Фан», 1959.
3. М. Султонова. Ўйғуннинг драматик маҳорати, Тошкент, «Фан», 1969.
4. С. Мамажонов. Ўйғун (адабий портрет). Тошкент, 1974.
5. Ч. Ахмаджонова. Ўйғун — лирик шоир. Тошкент, F. Фулом номидаги Адабиёт ва санъат нашриёти, 1980.
6. Ҳ. Абдусаматов. Ҳаёт қўшиги, Тошкент, Faфур Фулом номидаги Адабиёт ва санъат нашриёти, 1984.
7. Т. Қораев. Ўйғун маҳорати. Тошкент, «Фан», 1984.
8. Т. Қораев. Ўйғун шеърияти. Тошкент, «Ўқитувчи», 1986.
9. Адабиётимиз автобиографияси, Тошкент, F. Фулом номидаги Адабиёт ва санъат нашриёти, 1973.
10. Ўзбек совет адабиёти тарихи, Тошкент, «Ўқитувчи», 1990.

### Матн

Ўйғун. Асарлар (олти жилдлик), Тошкент, F. Фулом номидаги Адабиёт ва санъат нашриёти, 1974—1978.

### ШАРОФ РАШИДОВ

(1917—1983)

Атоқли партия ва давлат арбоби Шароф Рашидов ёзувчи сифатида ҳам машхурдир. У ўз ҳалқига ва адабиётига холис хизмат қилишга интилиб, яхши ният билан ижод этган: турли жанрларда бадиий асарлар яратган.

Шароф Рашидов шоир ва журналист, адабий танқидчи ва адабиётшунос, ҳозиржавоб публицист ва яхши носир сифатида адабиётимизда ўз ўрни, ўз мавқеига эга.

Адабий танқидчилик ва адабиётшунослика Шароф Рашидов ижодини ёритиш бўйича муайян ишлар қилинган ҳамда адиб ижодининг кўпгина қирралари очиб берилган. «Шароф Рашидов,— деб ёзган эди Николай Тихонов,— халқ ҳаёти манзараларини кенг миқёсда тасвирлаш талантига эгадир... Унинг турмушни яхши билиш фазилатига ўз ўлкаси кўркам ёки шиддатли табиатининг ранго-ранг манзараларини тасвирлай олиш маҳорати қўшилади... Унинг услуби пухта, шу билан бирга ҳаётига тафсилотларга бойдир. Унинг қаҳрамонлари ҳаёт оқимидан олинган, улар кенг китобхонлар оммасига муҳим муаммоларни ҳал этувчи замондошлар сифатида қадрдондир»<sup>1</sup>.

Ха, тўғри, тан олиш керак: адиб ҳаёт бўлган ийлларда адабий танқидчиликда унинг асарларини ортиқча мақташ, кўкларга кўтариб таърифлаш майлла-ри ҳам мавжуд эди. Лекин, бундан ўша даврда Шароф Рашидов асарлари ҳақида танқидий фикр билдириш мумкин эмас эди, унинг асарлари танқиддан холи эди, деган хулоса чиқармаслик керак. Чунки, баъзи мақолаларда адиб асарларининг ютуқлари билан бирга, нуқсонлари ҳам қайд этилгани маълум.

Ҳақиқатдан ҳам, ёзувчи ижодига шахсга сигиниш ва турғунлик даврининг бехосият тамғаси босилган. Шунга кўра баъзан унинг асарларида, хусусан қисса ва романларида замонасозлик билан боғлиқ бўлган қусурлар: воқелигимизни бўяб-безаб, пардозлаб тасвирлаш ҳоллари ҳам учрайди. Шунингдек, баъзан, бадиий маҳорат етишмаслиги, баёнчиликка берилиш сезилади. Бироқ, бундан қатъи назар, Шароф Рашидов асарларида инсонпарварлик, ватанпарварлик, қаҳрамонлик, меҳнатсеварлик, дўстлик, биродарлик сингари эзгу, ҳаётбахш гоялар бўртиб туради. Ана шунинг учун ҳам Шароф Рашидов асарларининг ўзига хос тарбияйвий-эстетик қиммати катта деб дадил айтиш мумкин.

\* \* \*

Шароф Рашидов 1917 йилда Жиззах шаҳрида камбағал деҳқон оиласида туғилган. Самарқанд Давлат университетида таълим олган (1937—1941). Шундан

<sup>1</sup> Н. Тихонов. Қудратли ҳаёт оқими. «Шарқ юлдузи» журнали, 1967 йил, 11-сон, 23-бет.

сўнг 1941—1942 йилларда армия хизматида бўлиб, фашист босқинчиларига қарши жанг қилган. Жанги ярадор бўлиб, Ўзбекистонга қайтиб келгач, 1942—1944 йилларда «Ленин йўли» газетасига муҳаррирлик қилган. Кейинчалик Самарқанд вилоят фирмасида қўмитасининг котиби (1944—1947), «Қизил Ўзбекистон» газетасининг масъул муҳаррири (1947—1949), Ўзбекистон Ёзувчилар уюшмасининг раиси (1949—1950) бўлиб ишлаган. Шароф Рашидов 1950 йилда Ўзбекистон ССР Олий Конгреси Раис қилиб сайланади ва 1959 йилгача шу масъул лавозимда хизмат қиласди. 1959—1983 йилларда эса собиқ Ўзкомпартия Марказий қўмитасининг биринчи котиби бўлиб ишлайди.

Шароф Рашидов бир неча бор орден ва медаллар билан мукофотланган. Унга икки марта Мехнат Каҳрамони узвони берилган.

Шароф Рашидов 30-йилларнинг охирларида адабиётга кириб келди ва 1945 йилгача, асосан, шоир сифатида ижод қиласди. Унинг шеърлари бадиий жиҳатдан бўшроқ бўлса-да, улар ўз мавзуунинг дол зарблиги ва гоявий ниятининг аниқлиги билан эътиборлидир.

Ватан урушидан кейинги даврда Шароф Рашидов ижоди жанр ранг-баранглиги жиҳатидан ҳам бойиб борди. 40-йилларнинг охирларида келиб у адабий танқидчи — адабиётшунос сифатида ҳам шаклланди. Мунаққид ўз мақолаларида адабиёттимиизда эришилган ютуқ ва тажрибаларни умумлаштириди, сўз санъатининг гоявий-соғлом, бадиий етук бўлиши учун изчил кураш олиб борди.

Шароф Рашидов адабий танқид соҳасида ҳам йил сайин ўсиб борди. Унинг «Ҳаёт ва адабиётда янгиликлар», «Бадиий ва гоявий юксаклик учун», «Юксак идеаллар йўлида», «Қалб даъвати билан», «Замонавийлик — адабиёт ва санъатининг қалби», «Биродарлар орасида биродар» каби илмий-назарий мақолалари ўз даврида кўпчиликка манзур бўлган эди. Чунки, уларда ҳозирги замон адабиётининг ўзига хос хусусиятлари, адабиёт тараққиётининг ҳаётбахш манбалари, гоявийлик, халқчиллик, замонавийлик, адабий алоқа ва адабий таъсир ҳақида қизиқарли фикрлар баён этилган.

Шароф Рашидовнинг адабий танқид соҳасидаги фаолияти унинг публицистика бобидаги изланишлари билан чамбарчас боғлиқдир. Адаб публицистикасида

тарбиявий-маърифий аҳамияти зўр бўлган бадиий умумлашмалар, фалсафий фикрлар кўп. Ёзувчининг «Жаҳл эмас, ақл билан, ҳасад эмас, ҳавас билан бир-бири мизга бахт ва омад тилаб ишлайлик» сингари ҳикматли сўзлари буғунги мураккаб, тўлқинли кунларда ҳам ўз аҳамиятини тўла сақлаб келмоқда. Бу ҳикмат донишманд адабнинг келажак авлодларга насиҳати-васияти сифатида акс садо беради.

Шароф Рашидов публицистикасига хос асосий хусусият шундаки, у ўз мақолаларида ер юзидағи барча ҳалқларни қизиқтирадиган муҳим масалалар тўғрисида, тинчлик, дўстлик, адолат, инсонпарварлик, бахтсаодат, порлоқ истиқбол ҳақида ёзади. Ёзганда ҳам таъсирли қилиб ёзади. «Тарих ҳукми» (1949), «Дўстлик байроби» (1967) китобларида бу хусусият очик кўринади.

Шароф Рашидов публицистикасида ҳалқлар дўстлиги, байналмилллик мавзулари аниқ жаранглаб туради. Ҳалқлар ва миллатлар ўртасидаги дўстликни куйлаш ҳамда унинг жамият ривожидаги буюк ўрнини очиб бериш адаб асарларининг асосий гоявий мазмунини ташкил этади.

Ёзувчи ҳалқларимиз ҳаётидан ҳалқлар дўстлигининг куч-қудратини намойиш этувчи характерли фактларни топа олган ва уларни таъсирли қилиб ифодалай билган.

Шароф Рашидов изходида қисса ва роман жанрлари салмоқли ўрин эгаллади. Адаб қаламига мансуб бўлган «Фолиблар» (1951), «Кашмир қўшиғи» (1957), «Бўрондан кучли» (1958), «Қудратли тўлқин» (1964), «Дил амри» (1982) каби қисса ва романлар, ҳеч шубҳасиз, ҳозирги замон ўзбек адабиёти тарихида сезиларли из қолдирган.

Адаб қиссалари орасида, айниқса, «Кашмир қўшиғи» асари ажralиб туради. «Кашмир қўшиғи» романтик асар. У Кашмир ҳалқининг севги ва вафодорлик ҳақидаги достони мундарижаси асосида ёзилган. Қиссада муаллиф ҳалқ оғзаки изходидан самарали фойдаланиш билан бирга, М. Горькийнинг «Изергиль кампир», «Челкаш», «Бўрон қуши қўшиғи», «Лочин қуши қўшиғи», «Киз ва ўлим» каби романтик асарларидаги рамзий образ яратиш усувларидан изходий озуқланган.

Қиссада Кашмир ҳалқининг ўз озодлиги учун эзувчиларга, чет эллик босқинчиларга қарши олиб

борган адолатли кураши ва улар устидан қозонган галабаси поэтик эртак шаклида, рамзий образлар воситасида усталик билан ифодаланган. Асар Кашмир халқига муҳаббат руҳи билан суғорилган. Қиссадаги рамзий ижобий образлар — Наргиз, Атиргул, Лола, Бамбур сингари гуллар ва асаларилар Кашмир халқининг тимсоли бўлиб, ёзувчи бу образлар воситасида халқнинг кураши ва галабасини лирик шаклда тасвирлаб берган. Қиссада Бўрон ва Хород каби рамзий салбий образлар орқали эса маҳаллий ҳукмронлар ва чет эл босқинчилари фош этилган. Адид ижобий ва салбий образлар ўртасидаги курашни акс эттириш орқали ҳаёт ҳақиқатини ечиб берган. «Ҳаёт курашсиз бўлмайди. Одамлар курашадилар. Қушлар курашадилар. Гуллар курашадилар. Ғалаба фақат кураш билан қўлга киради», деган ғояни олға суради.

Қиссада тасвирланишича, эрта баҳорнинг тўнғич гули гўзал Наргиз ўз боғида тинч ҳаёт гаштини суреб, олижаноб севгини мадҳ этувчи ёқимли қўшиқ тинглаб турган бир пайтда бокқа Бўрон бостириб киради. Гул ва кўкатларни қаҳратон совуқ ўз гирдобига тортиб, уларни сўлдирмоқчи, ўзига тобе қилиб олмоқчи бўлади. Лекин гулларни таслим қилдиришга Бўроннинг кучи етмайди. Бўрон Хорудни ёрдамга чакиради. Хоруд келиб гуллар боғини вайрон қиласди, сахрога айлантиради. Бироқ Хоруд ҳам қанчалик ёзузлик қилмасин, барибир Наргиз ва унинг дугоналарини (гулларни) ўзига бутунлай бўйсундириб ололмайди. Қисса охирида Наргизнинг севгилиси — асалариларнинг шоҳи паҳлавон Бамбур ўз дўстлари билан гулларга ёрдамга етиб келади. Бўрон ва Хорудни боғдан ҳайдаб, гулларга қайтадан ҳаёт бағишлайди. Натижада Наргиз бошлиқ гуллар астасекин бош кўтариб, яна очила бошлайдилар.

Шундай қилиб, беозор гуллар асаларилар билан бирга, Хоруд ва Бўрон сингари даҳшатли кучлар устидан ғалаба қозонадилар. Дўстлик ва бирлик гулларни буюк зафарга олиб келади. Бинобарин, қиссада дўстлик ва бирлик улуғланган:

Агар бирлашсак, дўстлар  
Хар қанча ёв қочади.  
Тўғри, кичик юлдузлар  
Бирлашиб, нур сочади.

«Кашмир қўшиғи» қиссаси Хотима ва Муқаддимадан ташқари етти бобдан иборат. Ҳар бир бобда алоҳида воқеалар тасвирланса-да, улар ўзаро бир-бiri билан мустаҳкам боғлиқ. Демак, қиссада яхлит сюжет мавжуд. Наргиз билан Бамбурнинг пок севгиси, уларнинг Бўрон ва Хоруд каби ёвуз кучларга қарши курashi, Хоруд ва Бўроннинг кирдикорлари, асалариларнинг душманларга берган зарбаси ва шу каби воқеалар тасвири жараёнида асар сюжети ўса боради. Қиссада зиддият кескинлашган сари сюжет ривожлана боради.

Қиссада бадиий тасвир воситаларидан усталик билан фойдаланилган. Масалан, бош қаҳрамон Наргизнинг портрети моҳирона чизилган: «Мана, у оқ шоҳи кўйлаги устидан зангори баҳмал нимчасини кийиб олган, боға эса очилган гулнинг барча гўзаллигини акс эттирувчи кичкина, шинам ва оппоққина дурра ўраган. Қулоқларига эндиғина очилган гулдан исирға тақиб, ясаниб, ёшлиқ ва гўзаллик севинчлари, орзу-умидларига маст бўлиб, гуллар боғида товланиб турибди». Адид Наргиз портретини шу қадар ёқимли ва жозибали қилиб чизганки, натижада у чиндан ҳам ҳаёт ва гўзаллик тимсоли сифатида намоён бўлади. Бўрон ва Хоруд портретлари эса Наргиз қиёфасига қарама-қарши ҳолда ажал келтирувчи жирканч ўлат рамзи бўлиб қолган.

«Кашмир қўшиғи» қиссасининг тили гўзал, жозибали, лирик тилдир. Унда ўзига хос ва гўзал, ёқимли ва сермазмун лирик парчалар кўп бўлганидек, ажойиб ўхшатиш, сифатлаш, жонлантириш, муболага каби тасвирий воситалар ҳам кўзга тез-тез ташланиб туради. Ана шунинг учун ҳам мазкур қисса шеърий насрга ўхшайди. Мирзо Турсунзода бу қиссага ҳақли равища юқори баҳо бериб, «Мен Шароф Рашидовнинг «Кашмир қўшиғи» ни тожик тилига таржима қилганим билан баҳтиёрман. Бу асар ўзининг самимияти ва шоирона маҳорати билан мени мафтун этди. Мен унда Кашмирнинг шўх оқар дарёларини, чўққилари оппоқ қор билан қопланган тоғларини ҳамда ёрқин келажакни орзуармон қилувчи халқнинг бегубор қалбини кўрдим. Қўшиқнинг ярми шеър билан ёзилган. Бу латиф, содда шеърлар тожик тилида осонгина чиқа қолди», — деб ёзган эди.

<sup>1</sup> Мирзо Турсунзода. Самимият ва маҳорат. «Шарқ юлдузи» журнали. 1967 йил. II-сон, 24 бет.

«Кашмир қўшиғи» нинг 56 халқ тилига таржима қилингандиги ҳам бу асарнинг юксак савияда ёзилганлигидан далолатдир.

«Кашмир қўшиғи» қиссаси романтик тасвир усулида ёзилган бўлса, «Голиблар», «Бўрондан кучли», «Қудратли тўлқин» романлари реализм талаблари асосида яратилган. Маълумки, Шароф Рашидов 1951 йилда ўзбек халқининг Ватан урушидан кейинги дастлабки даврда чўлларга сув чиқариш, янги ерлар очиш учун олиб борган қаҳрамонона кураши ҳақида «Голиблар» қиссасини яратган эди. Ёзувчи кейинчалик узоқ йиллар давомида бу қиссани қайтадан жиддий ишлади. Натижада 1972 йилда янги роман «Голиблар» юзага келди<sup>1</sup>. «Голиблар» романида дехқонларимизнинг асрлар давомида сувсизликдан қақраб ётган ерларга оби ҳаёт чиқаришлари, чўлни боғу бўстонга айлантириш йўлидаги фидокорона меҳнатлари ҳикоя қилинган. Асарда тоғ этагига жойлашган Олтинсой қишлоғининг манзаралари, Олтинсойликларнинг ҳаёти, меҳнати, орзу-истаклари, уларнинг ўз қишлоқларига сув келтириш соҳасидаги фидокорликлари ҳаққоний тасвирланган.

Романда Ойқиз, Олимжон, Умрзоқ ота, Жўрабоев, Смирнов каби ранг-баранг образлар яратилган. Асарнинг бош қаҳрамони Ойқиз меҳнатсевар, ташаббускор, ташкилотчи, жонкуяр қиз. У қишлоқ Советининг раиси сифатида Олтинсойликларнинг сувсизликка қарши курашига бош-қош бўлади. Ойқиз тиниб-тинчимас қиз. У бекор ўтира олмайди. Доимо яратиш, меҳнат қилиш иштиёқи билан ёнади. Шу сабабли Ойқиз изланади, олға интилади, янги-янги ташаббуслар билан чиқади. Ойқиз тезкорлик ва давр талабларига ҳозиржавоблик билан дадил ҳаракат қиласди. У қийинчилик ва тўсиқлардан қўрқмайди. Охир-оқибатда Ойқиз ғалаба қиласди. Ойқизнинг ғалабаси самарали меҳнат ва бегубор ёшликтининг, ақл ва идрокнинг зафари сифатида кўтаринки рух билан тасвирланган.

Шундай қилиб, «Голиблар» романи кишиларимизнинг самарали меҳнатини улуғлаш, меҳнат завқини, меҳнат шавқини куйлаш руҳи билан сугорилган. Меҳнат баҳт ва роҳат манбаидир, деган ғоя асар сюжети бўйлаб қизил ип бўлиб ўтади. Роман қаҳрамонлари

<sup>1</sup> Қаранг: С. Шермуҳамедов, С. Мирзаев. Адабий дўстлигимиз сахифалари. Т., 1976 йил, 270—275- бетлар.

мехнат қилиб роҳатланадилар, меҳнатдан завқ, маънавий озуқа оладилар. Масалан, Ойқиз, Олимжон, Бекбўта, Сувонқул бошлиқ қишлоқ аҳли булоқларнинг кўзини очиш, канал қазиш, тўғон қуриш, янги ерга экиб, пахтадан юқори ҳосил олиш соҳасида қувониб, кўтаринки рух билан фидокорона меҳнат қиласидилар.

Романда Умрзоқ ота, Ҳалим бобо сингари қарияларимизнинг меҳнатсеварлиги, жамоа ва давлат мулки учун жонкуярликлари ҳам самимият билан акс эттирилган. Бевақт ёқсан дўл ёш гўзаларни хавф остида қолдирганда Умрзоқ ота ўз фарзанди ҳақида қандай қайтурса, гўзалар тақдирига ҳам шунчалик куюнади, елиб-югуриб гўзаларни оғатдан сақлаб қолиш учун чора излайди. Шунга қарамай, дўл ёғиши натижасида дехқончиликка катта зиён етади. Умрзоқ ота эса ана шу зарарни қоплаш учун ҳукумат томонидан берилган сургута пулинни олишдан воз кечиб, ўзининг давлатимизга бўлган муҳаббатини амалда намойиш этади.

Роман тил жиҳатдан ҳам пухта ишланган. Асада оҳори тўқилмаган сифатлашлар, янги ўхшатишлар, жонлантиришлар, сермазмун ва чиройли жумлалар кўп. Романда «дунёнинг тўрт томони бор, уч томони ёпилганда ҳам бир томони албатта очик туради», «Ҳалқ истаса, тоғни талқон қиласи», «Узун гапнинг маъноси ҳамиша калта бўлади», «Тутунсиз ўтин йўқ, хатосиз одам», «Тил — дил қалитидир», «Чиройли сўз — киши қалбига ўт ёқади», «Оила — баҳт йўли демактир», «Агар шахсий ҳаётинг бўлмаса — баҳтли бўлолмайсан», «Вақт ўтди — баҳт кетди», «Дўстлар билан қиласанг меҳнат, дилинг шердек кучга тўлар» каби ҳалқ мақол ва иборалари, ҳикматли жумлалар кўзга ташланив туради. Романда юзаки тасвирлар, замонасозлик аломатлари ҳам кўзга ташланади. Баъзи образларнинг хатти-ҳаракатлари етарли даражада асосланмагани сезилади. «Голиблар» асарининг давоми (дилогиянинг иккинчи китоби) сифатида майдонга келган «Бўрондан кучли» романнада ўзбек колхозчи дехқонларининг кўриқ ва бўз ерларни ўзлаштириш, янги ерларга чигит экиб мамлакатга мўл пахта ҳосили етказиб бериш ва янги обод қишлоқлар яратиш соҳасидаги фидокорона меҳнатлари образли тарзда тасвирланган.

Романнинг асосий қаҳрамони меҳнаткаш ҳалқ оммаси бўлиб, асар ҳалқ кучини улуглаш, ҳалқ кучига ишонч, ҳалқа садоқат ва муҳаббат ғоялари билан

қондириб сугорилган. Романда халқ қудрати бўронлардан ҳам кучли экани ҳаққоний тарзда кўрсатилган. Адаб халқни ҳар нарсага қодир, ҳар нарсага моҳир, ҳар нарсадан ўткир куч сифатида тасвиirlар экан, Умрзоқ ота тилидан: «Бўрон кучли, аммо дехқонлар ундан ҳам кучли ... Бўрон режаларимизни бузолмайди, тақдиримиз ҳам бўроннинг қўлида эмас. Ҳамма нарса меҳнатимизга боғлиқ», дейди.

Ёзувчи романда қишлоқ ҳаётини тасвиirlаб, халқ образини яратар экан, ҳаётдаги ижобий томонларни, ижобий образларни кўрсатиш билан чегараланмайди. Балки, колхоз раиси Қодиров, райижроком раиси Султонов, обком котиби Абдуллаев, колхоз ҳосилот советининг раиси Алиқул, мухбир Ўткир, бригада бошлиги Мулла Сулаймон, жиноятчи Фофир, енгил табиатли қиз Назокат каби салбий типларни яратади. Ёзувчи салбий образлар яратишда ҳам ҳаёт ҳақиқатига қаттиқ риоя қилган. Бу ҳол асарнинг ҳаётийлигини оширган. Мисол учун Ойқиз образига қарама-қарши қўйиб яратилган Султонов образини олайлик. Султонов мансабпаст, маишатпаст, мақтанчоқ, кўпчиликдан ажralиб қолган сохта раҳбарнинг типик образидир. Султонов бир амаллаб (обком котиби Абдуллаев каби ҳомийлари ёрдамида) райижроком раиси мансабига кўтарилиб олгач, халққа, жамиятга хизмат қилиш кераклигини унутиб қўяди. Чунки унинг раҳбарлик лавозимига ўтириб олишдан асосий мақсади халққа хизмат қилиш эмас, балки ўз ҳузур-ҳаловатини, шахсий манфаатини кўзлаб ҳаракат қилиш эди. Шунга кўра у, биринчи навбатда, ўз ҳовли-жойини башанг қилиб олади. Қишлоққа чиққанида ҳам халқ ишига кўмак бериш, жамоа хўжалигини мустаҳкамлашни эмас, балки яхши дам олишни, маишат қилишни, кўнгил очишни асосий мақсад қилиб олади.

Султонов дабдабани, баландпарвозлини, буйруқ беришни яхши кўради. Ишим кўп дейди-ю, иш қилмайди. Аксинча Ойқиз каби соф виждонли кишиларнинг ишига халақит беради, уларга қарши туҳмат, бўхтонлар уюштиради, фисқу фасодлар тарқатади. Бу йўлда лаганбардор мухбир Ўткирни ҳам ишга солади. Султонов ўз устози ва ҳомийси Абдуллаев каби вазиятга қараб товланадиган киши (масалан, у «дўппи тор келиб қолганда» ўзининг қадрдени, жамоа хўжалиги раиси Қодировни ҳам қабул қилмайди, ундан юз ўғиради).

Бироқ Султонов қанчалик ҳийлакор бўлмасин, барибир асар воқеалари ечимида мағлуб бўлиб, халқ нафратига дучор бўлади.

«Бўрондан кучли» романни бадиий жиҳатдан ҳам анча мукаммал. Жўмладан, асар тили майин ва илиқ лиризм билан сугорилган. Шунингдек, халқ мақоллари, иборалари ва образли сўзлар билан безатилган. Бундан ташқари, ёзувчи ҳикматли сўз ва халқ мақоллари даражасида турувчи афоризмли жумлалар ҳам тузиб, асар тилини бойитган. «Колхозчисиз раис — сувсиз балиқ», «Қўриқ ва бўй эрлар — ҳосил хазинаси», «Ёмон одат — юқумли касал», «Ифлос кўйл билан отилган балчиқ тоза кишига асло юқмайди», «Ёлғиз бўлгач, дараҳт ҳам ўса олмайди», «Ёлғиз кишининг ўзи ҳам баҳтсиз бўлади, биронга ҳам баҳт бермайди», «Меҳнат қилсанг ҳурмат топасан, баҳтинг очилади», «Баҳт қидирибсанми, уни фақат меҳнатдан топасан» каби жумлалар фикримизнинг далилидир.

Шароф Рашидовнинг «Қудратли тўлқин» асарида ҳам озод меҳнат ва меҳнаткаш инсон образи биринчи ўринга қўйиб акс эттирилган. Бу романда энг гўзал нарса инсон меҳнатидир, деган гоя асарнинг умумий руҳига сингдириб юборилган. Ижтимоий меҳнатнинг инсонни тарбиялаб вояга етказиши, меҳнат нашидаси, унинг улкан сафарбарлик кучи, тарбиявий аҳамияти ҳаққоний акс эттирилган. «Қудратли тўлқин» романининг асосий қаҳрамони қудратли халқдир. Унда халқимизнинг Ватан уруши давридаги ҳаёти, унинг жангдаги қаҳрамонлиги, хусусан, Ғалаба ГЭСи қурилишидаги мислиз матонати жўшқин руҳ билан ҳикоя қилинган.

Маълумки, Шароф Рашидов «Голиблар» ва «Бўрондан кучли» асарларида асосан дехқонлар ва қишлоқ зиёлилари ҳаётини ёритган бўлса, «Қудратли тўлқин» романидаги эса асосий қаҳрамон қилиб ишчилар синфини — қурувчилар оммасини танлаган. Асада қурувчи ёшлар образи салмоқли ўрин эгаллайди.

Ёзувчи романнинг бош қаҳрамони Пўлат образи орқали янги замон ёш авлодининг шаклланиш жараёнини, унинг инсоний фазилатларини, олижаноб хислатларини, меҳнатда тобланиб, жамоа ёрдамида ўсиб, улғайишни кўрсатиб берган.

Пўлат ўнинчи синфи битиришга тайёрланар экан, имтиҳонлардан тезроқ ўтиш, тезроқ фронтга бориб, отаси — жангчи Ҳайдар Содиқов билан ёнма-ён туриб,

фашист босқинчилариға қарши жанг қилиш ва қаҳрамонлик кўрсатиш орзуси билан ёнади. Бироқ тиббий комиссия Пўлатни ҳарбий хизматга яроқсиз деб топади. Унинг фронтга кетиш учун елиб-югуришлари фойда бермайди. Бундан Пўлат руҳан әзилади, ҳатто бир зум тушкунликка ҳам тушади. У фронтга кетишнинг ҳеч иложини тополмагач, дўсти Анварнинг маслаҳатига кўра, урущ давридаги энг муҳим ҳалқ қурилиши — Ғалаба ГЭСига бориб ишламоқчи бўлади. Лекин районнинг қурилишдаги вакили — ғаразгўй Тўрахонов Пўлатнинг бу орзусини ҳам йўққа чиқаради. Шундан сўнг давлат хўжалиги директори Шермат Қосимов Пўлатни ўз хўжалигига ишга таклиф қиласди. Пўлат давлат хўжалигининг қурувчилар бригадасида бетончи бўлиб ишлайди. Дастребки чиниқиши имтиҳонидан ўтади, унда жамоачилик кўнинмаси шакллана бошлайди. Воқеа давомида буюк ғалабага кўпроқ ҳисса қўшиш иштиёқи билан ёнган Пўлат Ғалаба ГЭСи қурилишига ишга боради. Лекин Пўлат ҳали шахсий қаҳрамонлик кўрсатиш ва шуҳрат қозониш истагидан бутунлай озод бўлмаган эди. Мана шунинг учун ҳам у бир қатор камчиликларга йўл қўяди, адашади. Натижада ҳам иш унумига, ҳам ўз соғлигига зарар етказади. Тўрахонвнинг бир оғиз дўқи билан қурилишни ташлаб, жўнаб қолади. Лекин йўлда уни виждан азоби қийнайди ва у ўз характеридаги ўжарликни енгигб, яна қурилишга қайтади. Қурилишда у тажрибали, фидойи ишчилар тарбиясида онгли, интизомли ва бардошли кишига, янги замон одамига айланади.

Кўринадики, ёзувчи Пўлат характерининг шаклланиш жараёнини тасвиirlар экан, уни ҳамма нарсага бир қарашда тушунадиган, камчиликсиз, ўз фаолиятида ҳеч қандай нуқсонга йўл қўймайдиган баркамол киши сифатида тасвиirlамайди, балки уни жонли инсон сифатида гавдалантиради.

«Кудратли тўлқин» романида Акрамхон Тўрахонов образи муҳим ўрин тутади. Ёзувчи Тўрахонов образи орқали ўз шахсий манфаати йўлида ҳар қандай қийинчиликларга бардош бера оладиган, чидамли, ишбилармон, шу билан бирга, ҳийлакор, кўзбўямачи, мансабпарамт, «қизил сўзли» шахсни foш қилган. Тўрахонов ҳаётда маълум бир мавқега эга бўлгунига қадар чидам билан ўқийди ва жуда қаттиқ ишлайди, хусусан, ўзини яхши кўрсатиш учун кучини аямайди.

Шунинг учун ҳам Тўрахонов мансаб зинапояларидан жуда тез кўтарилади: ўқитувчиликдан илмий мудир, илмий мудирликдан директор, ундан район ер ишлари бўлимининг бошлиғи, кейин эса ГЭС қурилишидаги район вакили қилиб тайинланади. Ҳамма жойда иш кўрсатиб, никоят, район ижроия қўмитаси раиси даражасигача кўтарилади.

Тўрахоновнинг ҳақиқий башараси, амалпарастлиги, худбинлиги, ичи қоралиги анча вақтгача билинмайди. Тўрахоновнинг феъл-автори унинг Пўлатга бўлган муносабатида аста-секин очила боради. Тўрахонов катта қобилият эгаси, нотик, ишбилармон бўлса-да, асар охирида мағлубиятга учрайди. Чунки, у шахсиятпарам, гаразгўй, худбин шахс. Зотан, ёзувчи Тўрахонов тақдири мисолида раҳбар қанчалик қобилиятли, қанчалик ишбилармон бўлмасин, агар у ўз тақдирини халқ тақдири билан боғламаса, манманлик ва шахсиятпарамликка берилиб кетса, барибир мағлубиятга учрайди, деган ғояни олға суради.

Романда Баҳор, Анвар, Ҳайри, Рустам, Никитин, Ҳайдар, Содиков, Ҳолмат образлари ҳам жонли, ишонарли қилиб кўрсатилган.

«Қудратли тўлқин» романида воқеа Пўлат ва Тўрахоновнинг фронтга жўнаши билан тугайди.

Шароф Рашидовнинг сўнгги асари «Дил амри» да ҳам Ватан уруши давридаги ҳаёт акс эттирилган. Бироқ, «Қудратли тўлқин» да фронт орқасидаги ҳаёт, меҳнат жабҳаси кўрсатилган бўлса, «Дил амри» қиссада бевосита фронт воқеалари, жанг манзаралари ёритилган. Романда Ўзбекистон ва унинг кишилари ҳаёти тасвир обьекти қилиб олинган бўлса, қиссада Марказий Россиянинг Березовка қишлоғида бўлиб ўтган воқеалар ҳикоя қилинади. Шуниси муҳимки, ёзувчи Березовка қишлоғидаги ҳаётни мамлакатнинг уруш давридаги умумий ҳаёти билан узвий боғлиқ ҳолда акс эттиради. Шунга кўра, асарда Березовкага бўлган муҳаббат Россияга бўлган муҳаббатнинг рамзи сифатида акс садо беради. Қисса Россиянинг уруш давридаги ҳаёти ҳақида тўғри тасаввур беради.

«Дил амри» асарида мавзу муҳим бўлганидек, гоявий мақсад ҳам аниқ. Адид бу қиссани ёзишдан «мақсадим урушга лаънат ўқиши, ёш авлодни кишиларимизнинг ватанпарварлиги, мардлиги, қийинчилликларга бардошлиги намунасида тарбиялашдан иборат», деб

айтган эди. Қиссани ўқиб чиқиб, ёзувчи ўз ниятига етганига қаноат ҳосил қилиш мумкин.

Асарда дўстлик, ҳалоллик, Ватанга садоқат улуғланган. Сотқинлик, хиёнат қилишлик, урушқоқлик қораланган.

Қиссанинг асосий қаҳрамонлари катта ёшдаги одамлар эмас, аксинча, Серёжа, Ирина ва Тарас номли 12—13 ёшли болалардир. Адиб ёш болаларни даҳшатли уруш ҳақидаги асарга бош қаҳрамон қилиб танлаш билан катта бир ҳақиқатни очиб берган: фашизмга қарши ҳаёт-мамот курашида мамлакатимиздаги каттакичик ҳамма кишилар фаол иштирок этганикларини умумлаштириб кўрсатган. Қисса воқеалари марказида турган Серёжа, Ирина ва Тарас образлари ёш ватанпарварларнинг типик вакиллари бўлиб, улар ўз ҳаётларини хавф остида қолдириб бўлса-да, жангчиларимизга, партизанларга ёрдам берадилар. Бу учала образ ҳам адабнинг болалар руҳиятини яхши билишини тасдиқлади. Чунки ҳар учала образ ҳам болаларга хос тушунча, ҳаракат, завқ-шавқ ва характер билан таъминланган. Ёзувчи бу уч болага бирдек хос бўлган умумий хусусиятларни кўрсатиш билан бирга, уларнинг ҳар қайсисининг ўзига тегишли бўлган хусусиятларни ҳам очиб берган. Серёжа билан Ирина акасингил. Уларнинг отаси жангчи, бобоси партизан, Серёжа бу билан фахрланади ва Есинларга муносиб авлод бўлишга интилади. Уларнинг дўсти Тараснинг тақдири эса бошқача. Тарас ватан хоини Герасимнинг ўғли. Лекин у отасига ўхшамайди. Тарас ватанпарварлик, мардлик руҳида тарбияланган. Ёзувчи Герасимнинг сотқинлигига Тараснинг ватанпарварлигини қарама-қарши қўйиб тасвиirlайди ва ота учун бола жавобгар эмас, деган гояни олға суради.

«Дил амри» асари қизиқарли қилиб ёзилган. Асар сюжети ҳаётидир. Воқеалар тасвирида сохталик ва ўринсиз муболага йўқ. Адиб асар тили устида катта меҳнат қилган. Ана шунинг учун ҳам бу қисса китобхонларга эстетик завқ-шавқ багишлади. Уларни эзгулик руҳида тарбиялашга хизмат қиласди.

Демак, Шароф Рашидов ҳозирги замон ўзбек адабиётининг ривожига салмоқлик ҳисса қўшган улкан адабларимиздан биридир. Унинг қисса ва романлари ўзбек адабиётидаги ҳаётбахш насрнинг ўзига хос кўринишларидан бўлиб, уларнинг умумий гоявий-

бадиий савияси ўша даврларда яратилган кўп асарлар савиясидан асло қолишмайди. Бинобарин, адаб асарлари ёш авлодни эзгулик руҳида тарбиялайди.

Кези келганда шуни ҳам қайд этиш лозимки, Ш. Р. Рашидов вафотидан сўнг, унинг шахси ва ижоди асоссиз ҳолда қаттиқ қораланган эди. Ўзбекистон мустақил республика деб эълон қилинганидан кейин бу адолатсизликка барҳам берилди. Адигнинг пок номи қайтадан тикланди.

### АДАБИЁТЛАР

1. Шароф Рашидов (адабий портрет). Ўзбек совет адабиёти тарихи-очерки, II том, Т., ЎзФАН, 1962.
2. А. Аброров. Адаб ва замонавийлик, Т., «Фан», 1964.
3. Воҳид Зоҳидов. Нафосат ижодкори, Т., Ўззадабийнашр, 1967.
4. Шароф Рашидов (адабий портрет), Ўзбек совет адабиёти тарихи, III том, Т., Фан, 1972.
5. С. Мамажонов. Лирик олам, эпик кўлам, Т., F. Гулом номидаги Адабиёт ва санъат нашриёти, 1979.

### Матн

*Шароф Рашидов.* Асарлар (беш жилдлик), Т., F. Гулом номидаги Адабиёт ва санъат нашриёти, 1981—1983 йиллар.

### МИРТЕМИР (1910—1978)

Миртемир ҳозирги замон ўзбек шеъриятининг ривожланишига салмоқли ҳисса қўшган ардоқли лирик шоирдир. Комил Яшин таъкидлаганидек, «Миртемир ўзбек шеъриятининг тамал тошини қўйган устоз, оқсоқол шоирларимиздан. У ғоятда меҳнаткаш, жафокаш, ҳассос, билимдон, камтар, зукко сўз санъаткоридир. Ватанпарвар шоир классик адабиётимизнинг барҳаёт анъаналарини, халқ оғзаки ижодини чуқур ўрганиб, ҳозирги замон ўзбек адабиётини бойитди, юксакликка кўтаришда зўр куч сарф этди»<sup>1</sup>.

Миртемир Турсунов 1910 йилда Қозогистон Республикасининг Туркистон ноҳиясидаги Иқон қишлоғида

<sup>1</sup> Миртемир. Асарлар, I том, Тошкент, F. Гулом номидаги Адабиёт ва санъат нашриёти, 1980, 5- бет.

камбагал дехқон оиласида дунёга келди. Интернатда тарбияланди, мактабларда ўқиди. Педакадемияда (ҳозирги Алишер Навоий номидаги Самарқанд давлат дорилфунунида) таълим олди. Сўнг рўзнома ва ойнома таҳририятларида ишлади, турли нашриётларда муҳаррирлик қилди, бадиий ижод билан банд бўлди, таржима билан шуғулланди. Ўзбекистон Ёзувчилар уюшмасида адабий маслаҳатчи бўлиб ишлади, ёш шоирларни тарбиялашга катта ҳисса қўшди. Миртемир адабий мактабидан баҳраманд бўлган бир гуруҳ ёш шоирлар: «Миртемир ёш қаламкашларнинг меҳрибон, отахон шоири, меҳнаткаш ва заҳматкаш, хассос ва талабчан устози... Забардаст шоиримиз Миртемир ёш қаламкашларни «киприкларим» деб ардоқлаган. Биз ҳам ўша офтобдан нур эмган, «киприклармиз»<sup>1</sup>, — деб ёзган эдилар.

Миртемирда адабий-ижодий ишга қизиқиш жуда эрта уйгонди. У 1925 йилдан бошлаб шеър ёзишни машқ қила бошлади. Шоир: «Биринчи шеърим 1926 йили «Ёш ленинчи» газетасида пайдо бўлди»<sup>2</sup>, — деб эслайди. Миртемир умидли ёш шоир сифатида китобхонлар дикқатини тезда ўзига тортди. Унинг биринчи шеърлар тўплами — «Шуълалар қўйнида» 1928 йили майдонга чиқди. Бу китобга шоирнинг «Меҳнат», «Сўнгги хат», «Кураш ва тилак», «Ўзбек қизи Mastonoy», «Бахт», «Саҳро», «Меҳнат боласи», «Ўт ёниб турса» каби сочма шеърлари киритилган. Бу тўплам нуқсонларидан қатъи назар (ундаги баъзи шеърларда мавҳум байтлар, тушуниш қийин бўлган рамзий иборалар, ортиқча риторика, хира образлар учраб туради), ўзбек шеъриятига яна бир ёш истеъдод кириб келганлигидан гувоҳлик беради.

«Шуълалар қўйнида» тўплами янги давр руҳи билан сугорилган. Унда инсон меҳнатининг бадиий образи чизилган, меҳнатсеварлик ғояси ифодаланган.

Меҳнат — шеър, нафосат ва яратувчи...  
Бахт-саодат чашмалари оқади меҳнат туфайли,  
Ҳақиқат ўз чироқларини ёқади меҳнат туфайли...  
Меҳнат!  
Мен сени қучай!

<sup>1</sup> «Ленин йўли» газетаси (Самарқанд), 1961 йил 19 сентябрь.

<sup>2</sup> Адабиётимиз автобиографияси, Тошкент, 1973, 237-бет.

Юксакларга учай!..  
Шеър сочай!  
Табиатнинг яширин сирларини очай!  
Меҳнат!  
Ҳаётнинг, борлиқнинг шеърияти — меҳнат!  
Юрагим дўсти, ишончи, толеим — Сен!  
Сен — мену, мен — сен!..  
Кел, гавҳар кўзларингдан ўпай,  
Чўлларга ҳаёт сепай  
Сенинг қудратинг билан эркин меҳнат!..  
Меҳнат — куч, меҳнат — қувватдир,  
Тангрилардан қудратлироқ қудратдир...

Миртемирнинг «Шуълалар қўйнида» китоби ўз даврида шеъриятимизда қувончили воқеа бўлди. «Қўлингиздаги тўплам,—деган эди Сотти Ҳусайн мазкур китобга ёзган сўзбошисида,— ўзбек адабиётига янги қўзғолон, янги умидлар бағишлайди... «Шуълалар қўйнида» ги сочмалардан ҳақиқатан кураш, исён, зафар тароналарини тинглаб оларсиз»...

Миртемир илк шеърларида ёқ янги воқеликни жўшқин куйлаган.

«Шуълалар қўйнида» китобида ғунчадек намоён бўлган ижобий томонлар (мавзу фаоллиги, гоявий аниқлик, замонавийлик, бадиий жўшқинлик ва ҳ. к.) Миртемирнинг бундан кейинги асарларида тобора ўса борди. Шоирнинг айрим шеърларида учровчи мавхум рамзийлик ўрнини ҳаётий воқеалар ва жонли қаҳрамонлар эгаллай бошлади. Миртемирнинг «Зафар» (1929), «Қайнашларим» (1932), «Бонг» (1932), «Очлар ўлкасида», «Пойтахт» (1936), «Ўч» (1943), «Танланган шеърлар» (1947), «Танланган асарлар» (1958), «Шеърлар» (1961, 1964), «Янги шеърлар» (1967), «Қуш тили» (1970), «Тингла, ҳаёт» (1974), «Киприкларим», «Иzlайман» (1976), «Ёдгорлик» (1978) каби тўпламлари шоирнинг ҳалқ ҳаёти билан узвий боғлиқ ҳолда асардан асарга, китобдан китобга ўсиб борганлигидан далолат беради.

Миртемирнинг 60—70-йилларда ёзган шеърлари гоявий мазмун жиҳатидан ҳам, бадиий шакл жиҳатидан ҳам шоирнинг аввалги асарларидан устун туради. Бундай ижодий камолот Миртемирнинг устозлар мактабидан сабоқ олиши, маҳорат сирларини ўзлаштириши ва ҳормай-толмай қунт билан меҳнат қилишининг натижасидир.

Миртемирнинг 30-йиллардаги ижодида янги дунё ва янги инсон мавзуси асосий ўринни эгаллайди. Унинг «Бу шундоқ улкан юрткі», «Шодиёна», «Бахшининг айтганлари», «Аму қирғоқлари», «Яли-яли», «Яшил япроқлар», «Ҳам посевной, ҳам васл», «Қоракўзлик», «Бир шўх» каби шеърларида халқимизнинг орзуистаклари, ҳис-туйғулари, куч-қудрати, эзгу ишлари, янгича қарашлари жўшқин куйланган. Миртемирнинг Алишер Навоийнинг машҳур «Яли-яли»си таъсирида яратилган «Яли-яли» шеърида чўлларни боғу бўстонга айлантираётган халқимизнинг куч-қудрати ва бунёдкорлиги завқ-шавқ билан тараннум этилади:

Дашт юзига юрди элим қаҳрамон,  
Кудрати зўр — топмагуси тог омон,  
Баҳт сувини очгуси у бегумон,  
Бўстон ўлур, сувга қониб ҳар томон,  
Тўлқинида меҳру вафо, яли-яли.

Миртемир замонамизнинг хилма-хил мавзуларини тасвиirlар экан, асарнинг бадиий мукаммаллигини таъминлаш учун янги-янги ташбихлар ва охори тўкилмаган қофиялар ишлатади. Миртемирнинг 30-йиллардаги шеъриятининг хусусиятларидан бири табиатни жуда нозик ҳис этиб, асар гоясини очишда табиат тасвиридан санъаткорона фойдаланишидид.

Шоирнинг «Ўйлар», «Қизғалдок», «Қоя», «Сени, болалигим», «Хайр, Тошкент», «Лолазордан ўтганда», «Аччисой», «Яшил япроқлар» каби шеърларидаги манзара асар гоясини бадиий ифодалашга, лирик қаҳрамоннинг кайфиятини, руҳий кечинмаларини очиб беришга хизмат қиласди.

Ёндиради далаларнинг қўнғир тўшларини  
Оловланган, ўтдай ёнган июль қуёши,  
Водийлар узра ёйиб мармар кулишларини,  
Оқариб кўринади тоғларнинг боши.  
Тўқайлар соч тарайди елда тўлғаниб,  
Чўққиларда сакрашар олқор, охулар...  
Тоғларнинг этакларида шуълалар ёниб,  
Товланиб оқади шишадай сувлар...

(«Хайр, Тошкент»)

Миртемир табиат тасвиридан образ яратиш, асар гоясини ифодалашда восита сифатида фойдаланади. Шу сабабли, дафъатан қараганда табиатнинг қуруқ тасвиридан иборат бўлиб туюлувчи шеърлар («Сени, болалигим», «Куз» ва ҳоказо) да ҳам ҳаётни, Ватанин севиши гояси «яшириниб» ётади.

Миртемир уруш йилларида яратган асарларида ҳам манзара тасвири орқали ҳаётбахш гояларни ифодалашсанъатидан самарали фойдаланган. Унинг «Бу — менинг Ватаним», «Қирғоқ», «Вафо», «Денгиз бўйларида» каби шеърларида асарнинг асосий гояси билан узвий боғлиқ ҳолда Ватан гўзаллиги тараннум этилади. Шу сабабли, бу шеърлар ўқувчидаги Ватанин душмандан ҳимоя қилиш учун ғайрат ва шижоат туйғуларини уйғотади.

Миртемир уруш даврида замон минбарида ижод қилди. Агар 20 — 30-йилларда Миртемир шеъриятида асосий ўринни ер-сув ислоҳоти, хотин-қизлар озодлиги, колхоз қурилиши, ижтимоий меҳнатга янгича муносабат каби мавзулар эгаллаган бўлса, Ватан уруши йилларига келиб бу мавзу доираси Ватан мудофааси билан бевосита боғлиқ бўлган янги-янги мавзулар ҳисобига бойиди. Уруш даврида Миртемир шеъриятида асосий ўринни ҳарбий-мудофаа мавзуи ишғол этиди. Шоир Ватанга муҳаббат, курашга чақириқ, галабага ишонч мавзуларида қатор бадиий асарлар яратди. Масалан, «Сталинград ҳимоячилари» Тошкент интеллигенциясидан саломнома» асарида шоир она-Ватанимизга хиёнаткорона ҳужум қилган гитлерчи босқинчиларга қарши ҳалқимиз томонидан олиб борилаётган адолатли урушнинг моҳиятини содда ва лўнда қилиб очиб берди. Шу билан бирга, шоир ҳалқимиз номидан жангчиларга мурожаат қилиб, душманни муқаддас Ватан тупрогидан ҳайдаб чиқаришга, тор-мор этишга даъват этиади. Шеърий мактуб шаклида ёзилган (қарийб 200 мисрадан ташкил топган) ушбу асарнинг гоявий холосаси қўйидаги мисраларда яққол ифодаланган:

Уринг, қасос олинг садоқат учун,  
Уринг, ҳақиқат ва адолат учун...  
Дунёда қолмасин фашист деган ном,  
Мехнат диёридан оташин салом!

Миртемир «Мен она бўлсам агар», «Сен — она», «Бу — менинг Ватаним», «Она шаҳар», «Бобо», «Ҳамшаҳар», «Ўч», «Олег ва ўртоқлари», «Қирғоқ», «Ҳамшира» сингари шеърларида ҳам халқимизнинг фронтдаги ва фронт орқасидаги ҳаёти ва фаолиятини самимият билан акс эттиради.

Унинг ҳарбий лирикаси халқчил лирикадир. Шоир халқ оммасини қизиқтирадиган, ҳаяжонга соладиган долзарб мавзуларни халқона содда ва теран ифодалаган. Бунда у халқ қўшиқларининг мазмун ва шаклларидан, жонли халқ тили бойликларидан, қисқаси, халқ оғзаки ижодидан унумли фойдаланган. Шунга кўра, шоир тўқиган кўпгина байтлар ҳикматли сўзлар ва мақоллар даражасида туради. Шоир «Ўч» шеърида жангчиларимизни фашистлардан қасос олишга ундар экан, халқ ҳикматларидаидай акс-садо берувчи байтлар яратади:

Омон қолган битта абллаҳ —  
Бир қишлоқнинг ёниши!  
Омон қолган битта абллаҳ —  
Офатнинг соғ қолиши.  
Ўлдирилган ҳар муттаҳам —  
Омон қолган юз одам!  
Ўлдирилган ҳар муттаҳам —  
Илгарига бир қадам!

Миртемирнинг ҳарбий лирикаси юксак маҳорат билан яратилган. Чунончи «Сен — она» шеърида мавзуга уруш даври талаблари нуқтаи назаридан ёндашиб, онанинг янгича образини яратади. Шоир она ҳақида шу кунгача айтилмаган, лекин айтилиши керак бўлган бадиий бўёқни топиб, уни шеърий тилда ифода этган. «Сен — она» шеърида муаллиф ўз фарзандларини оқ йўл ва зафар тилаб жангга жўнатган, айрилиқ ва ҳижрон тоғини ўз елкасида мардонавор кўтаррган ватанпарвар она образини чизар экан, уруш даври руҳини асар мазмунига сингдириб юборади. Шу тариқа шоир шеърнинг жанговар давр талабига монанд ва таъсирли бўлиб чиқишини таъминлайди:

Алишерга алла айтиб ухлатган,  
Сен — она.  
Оғушида Бобур камолга етган,  
Сен — она.

Торобийни оғир жангга жўнатган,  
Сен — она.  
Оламни нурида мунаввар этган,  
Сен — она.  
Йигласа — дунёни расо титратган,  
Сен — она.  
Кулгиси саодат парвариш этган,  
Сен — она.  
Доҳийлар бешигин бедор тебратган,  
Сен — она.  
Мехри баҳорида элни яшнатган,  
Сен — она.  
Ягона ўғлингни жўнатдинг жангга,  
Бўл бардам, она!  
Онадай ошиқ йўқ она-Ватанга!  
Мухтарам она...

Тўғри, Миртемирнинг уруш даврида ёзган баъзи шеърларида («Бешотар», «Тўйчи Эриигит ўғли» ва бошқаларда) ҳаётдан узоқ бўлган умумийлик ва мавҳумлик кўзга ташланади. «Отлик аскар» шеърида эса жангчиларимиз дулдул миниб, қилич ўйнатиб юрувчи афсонавий қаҳрамонлар тарзида тасвирланган. Натижада бундай шеърларда жангчиларнинг юксак онглилик руҳида олиб борган курашларининг моҳияти аниқ акс этмай қолган. Аммо шунга қарамай, умуман олганда, Миртемирнинг ҳарбий лирикаси уруш даври шеъриятининг ютуғидир.

Аскарларимизнинг қаҳрамонлигини, халқимизнинг куч-қудратини, мустаҳкам иродасини улуғлаш, урушни қоралаб, тинч ҳаётни, халқлар дўстлигини ва бунёдкорлик меҳнатини олқишлиш — Миртемир томонидан ёзилган ҳарбий лириканинг ғоявий мазмунини ташкил этади.

«Қасида» (1945 йил, 8 май) шеърида шоир фашизм устидан қозонилган буюк галабамизни табриклаб, тинч ҳаётни улуғлайди, галабани таъминлаган қаҳрамон халқимизга таъзим қиласди.

Ватан урушидан кейинги даврда Миртемир шеърияти ўз тараққиётининг янги босқичига кўтарилиди. Шоир ҳаётдаги ижтимоий ўзгаришлардан завқланган ва уларни қўллаб-қувватлаган ҳолда кўтарики рух билан ижод қилди, замонавий мавзуларда кўпгина етук асарлар яратди. Миртемирнинг бу даврдаги ижодида

ҳам оддий инсон образи марказий ўрин тутади. «Эртанги кун» шеърида шоир меҳнат кишисини мадҳ этди:

Инсон меҳнатидан ранг олур ҳаёт.  
Инсон меҳнатидан ўзгарур жаҳон,  
Ҳақиқат туғилар ҳаёлдан ҳам бот,  
Бутун кучлилардан кучлироқ инсон...

Миртемир шеъриятида халқлар дўстлиги ғоялари ҳам салмоқли ўрин эгаллайди. Бундан шоирнинг ўзи ҳам ҳақли суръатда фахрланади:

Дўстлик сўзи — сўзларнинг нақши,  
Хеч сўз борми бундан ҳам яхши!  
Ўз юртимда мен ҳам бир баҳши,  
Умрим кечар дўстликни куйлаб.

Шоир халқлар ўртасидаги дўстликни инсонга шодлик, пўлат, қанот бағишловчи ҳаётбахш омил сифатида таътифлайди. Дарҳақиқат, Миртемирнинг «Элу юрт мақтови», «Бизга келинг», «Украинамсан», «Қирғизистон», «Қирғиз халқига», «Маҳтумқули тўйида», «Барҳаётлик», «Қозогим», «Олма-отанинг қиши» каби шеърлари ўзбек шеъриятида халқлар дўстлиги мавзууда ёзилган яхши асарлардан бўлиб, уларда халқларимиз ўртасидаги дўстликнинг кучи ва янги жамият қуришдаги аҳамияти умумлаштириб берилган:

Тоғларни кўтаргай дўстликнинг кучи,  
Дўстлик кучи — янги жаҳон қурғувчи.

Миртемир дўстликни куйлар экан, ҳар бир республиканинг ҳаёти, табиати, маданияти ва миллий хусусиятларига оид белгиларини синчковлик билан топиб, улардан ўринли фойдаланган. Шунга кўра, шоирнинг бундай шеърлари ўқувчига бадиий завқ бериш билан бирга, китобхонни у ёки бу халқнинг ҳаёти, миллий хусусиятлари, маданий бойликлари билан таништириб, унинг билим доирасини кенгайтиради. Масалан, Миртемир Украинани тасвиrlаганида «хирмон-хирмон галлам, ноним — нонхонам», «давлат — хазинамда порлоқ дурдонам», «Бажаним, Оксанам, Остап, Зинамсан», деб ёзса, қозоқ әли ва қозоқ халқини «Олотов бошида гавҳар чарогим», «Чолқорим, Болқошим — сутим, қаймогим», «Абайнинг ўзидай заҳматкаш устоз», «Жамбулнинг

созидай бургутпарвуз соз», «Олмаотам, Сувноғим, Чимкент, Сузогим — қардош қозогим» деб ардоқлайди.

Миртемир «Қирғиз халқига», «Қирғизистон» сингари шеърларида қардош қирғиз меҳнат аҳлини чордеворлар ўрида комбинатлар қуролган, борса келмас чүлларда комбайнлар суролган, бағри бутун, нони бутун бўлган баҳтиёр халқ сифатида муҳаббат билан тасвирлайди. Шоир «Чўққиларда сакрар чўнг мўғиз олқор, ҳар кўли, дарёси ўзи бир чолқор», «Бу юртда Манасдай чўнг ҳикмат — даҳо», «Тоғлар мамлакати — қутлуғ макон бу — Қирғизистон бу!» тарзидаги миллий хусусиятларга бой мисралар воситасида қўшни халқларнинг яхлит образини чизиб беради.

Миртемир ўз асарларида, айниқса Қорақалпоғистоннинг ўзига хос қиёфасини, унинг ютуқларини, табиати ва маданиятига оид миллий хусусиятларини усталик билан тасвирлаб берди. Шоирнинг «Қорақалпоқ дафтари» шеърий туркумини қорақалпоқ халқининг серқирра ҳаётини, эришган улкан ютуқларини, орзустакларини ҳаққоний ифодаловчи, ўзбекнинг ўз иниси қорақалпоққа бўлган чексиз меҳр-муҳаббатини тараннум этувчи, халқлар дўстлигини улуғловчи шеърий қисса деб айтиш мумкин. Бу асада шоирнинг қорақалпоқ халқига бўлган самимий ҳурмати, қонқардошлиқ эътиқоди яққол акс этган. Зотан, ўзбек шоири Миртемир қорақалпоқ юртини ўз юрти сифатида севиб, ардоқлаб тасвирлаган ва қорақалпоқ меҳнаткашларининг фазилатларини, эзгу анъаналарини ва яхши ниятларини мафтун бўлиб куйлаган. Бу шеърий туркумда ўзбек ва қорақалпоқ чин дўст-биродар, ҳақиқий қонқардошлир; бир оиласинг тенг ҳуқуқли икки аъзосидир, деган катта ғоя эҳтиром билан ифодаланади. Шоир бу иккала халқ ўртасидаги беғараз дўстлик ва қардошликни тасвирлаб, «Кўл бўйида» шеърида:

Эл ўртада, юрт ўртада,  
Тупроқ ўртада.  
Баҳт ўртада, қут ўртада,  
Қирғоқ ўртада.  
Мулк ўртада, мол ўртада,  
Дарё ўртада.  
Сув ўртада, бол ўртада,  
Саҳро ўртада,

деган ҳақли хulosага келади.

«Қорақалпоқ дафтари» асарида шеърий туркум жанрининг ўзига хос талабларига тўлиқ риоя қилинган, танланган мавзу атрофлича ёритилган ва туркумни ташкил этувчи шеърларнинг ички мантиқ жиҳатидан ўзаро бир-бирига боғлиқ бўлиши таъминланган. Туркумни ташкил этувчи шеърлар бадиий бақувват, баркамол. «Қор қўмсаш», «Қўл бўйида», «Кегайлидан», «Барқут», «Ходиса», «Енгажон» сингари шеърларида чуқур ички ҳиссиёт, самимий ва қувноқ юмор уфуриб туради.

«Ходиса» шеърида шоир Хўжайли йўлида автобусда содир бўлган кулгили бир воқеани ҳазил аралаш тасвирлаб, аввало асарнинг қизиқарли бўлишини таъминлайди. Лекин шоирнинг бу шеърда кўзлаган асосий мақсади бировга бехуда ҳазил қилиш эмас, балки азиз оналаримизнинг улугвор қиёфасини яратиш — онанинг буюклигини мадҳ этишдир. Шеърнинг ана шу асосий ижтимоий қиммати қуидаги мисраларда ёрқин намоён бўлади:

Сени эзгу тимсолдай,  
Тенгсиз соҳибжамолдай  
Куйлаганим куйлаган,  
Сийлаганим сийлаган.  
Чунки, ахир, онасан,  
Элимда дурдонасан...  
Ишонмасанг меҳримга,  
Менинг ҳазил шеъримга  
Ич, десанг, онт ичайин,  
Ёлгиз Аму кечайин...

Миртемирнинг «Қирқ бир», «Онагинам», «Киприкларим», «Элу юрт мақтовори», «Сенга, республикам», «Дорилфунун хиёбонида» каби шеърларида ҳам муҳим фикрлар лирика торларига солиниб, замон руҳига мос равища маҳорат билан куйланади. Шундай қилиб, Миртемирнинг сўнгги даврдаги шеърияти туйғулар туғёнига, эҳтиросли бадиий мулоҳазаларга, жўшқин ва майин лирикага бой. Шоир ўз шеърларида шакл ва мазмун бирлигини таъминлар экан, тасвир-ифода воситаларининг янгидан-янги хилларини кашф этади. Жумладан, воқеабанд лирик шеърлар яратади. «Дорилфунун хиёбонида» шеъри Миртемирнинг Самарқандда ўтказган талабалик йилларидан қолган порлок

хотиралари ва кейинги даврдаги талабалар ҳаётидан завқланиши асосида яратилган.

Бу шеърда тасвирланишича, лирик қаҳрамон Самарқанд хиёбонида кезар экан, ёшлигига унга сирдош бўлган бир чинор ёнига келиб тўхтайди ва чинор бобо билан сухбатлашади. Бу ҳаёлий сухбат жараёнида Самарқанднинг ўтмиши билан ҳозирги куни таққосланади ва сўнгги ярим асрлик ҳаётдан қониқиши туйғуси ифодаланади. Лирик қаҳрамон ёшлигини қўмсайди ва чинор чолдан (рамзий қаҳрамондан) ўз ёшлигини қайтариб беришни сўрайди. Шу пайтда Самарқанд дорилфунунининг талабалари хиёбон сари оқиб чиқадилар. Чинор чол эса ёшлигини сўраган лирик қаҳрамонга ана шу қувноқ йигит ва қизларни (талабаларни) кўрсатиб, «ёшлигин изловчи ҳей оқсоч йигит, ёшлигингни ол!» деб хитоб қиласди. Ана шундан сўнг шоир қалбиди туйғулар туёни янада кучлироқ қайнайди. Шеър лирик қаҳрамон қалбининг ана шу ҳаяжонини ифодалаш билан тугалланади:

Ха, мен ёшлигимни ва шўхлигимни  
Шу навқиронларнинг кўзида кўрдим.  
Уша илк севгимни, қалб чўғимни  
Шу ёш жононларнинг юзида кўрдим.  
Шеърга сигмай қолди баҳтиёрлигим...

«Дорилфунун хиёбонида» шеъри лирикамизнинг гўзал намуналаридан бўлиб қолди.

Миртемир жонажон Ўзбекистон ва баҳтиёр ёшлик мавзуларига қайта-қайта мурожаат қиласди. Юртимизнинг гўзал жамолидан, одамларимизнинг файзли ҳаётидан қувонган шоир:

Шеърларимда жилва қилсин замона,  
Юртим мадҳи бўлсин сўнгги сатрим ҳам,

деб ёзган.

Миртемир она-Ватан мавзуини ёритишда турли образ ва ранг-баранг ифода воситаларини ишлатади. «Сенга, республикам», «Бу шундоқ юртки» шеърларида жўшқин ҳис-туйгулар санъатидан моҳирлик билан фойдаланади. «Сенга, республикам» шеърида шоир кўтарики руҳ билан китобхоннинг она Ватанга муҳаббатини, ифтихор ва ғурур туйғусини яққол ифодалаган:

Элимсан — тупрогимсан, қадим ота юртимсан,  
Машъала чирогимсан, олтин пахтазоримсан,  
Тўқис-тўқин боғимсан, баракамсан — кутимсан,  
Девкорлар даврасида мардимсан — девкоримсан.

Миртемир достончиликда самарали ижод қилган. «Бонг», «Барот», «Агроном», «Жант» (1930), «Хидир» (1932), «Номус» (1934), «Аждар» (1935), «Очлар ўлкасида» (1936), «Сув қизи», «Дилкушо» (1937), «Ойсанамнинг тўйида» (1938), «Қўзи» (1939), «Фаргона» (1940), «Сурат» (1961) сингари катта-кичик достонлар Миртемир қаламига мансуб. Унинг «Дилкушо» ва «Қўзи» поэмаларида халқимизнинг оғир ўтмиши ва инқилобий кураши акс эттирилади. «Дилкушо» достонида амир ҳирсининг қурбони бўлган ёш қизнинг фожиали тақдирни ҳикоя қилинади. Шу орқали ўтмишда хотин-қизларнинг ҳақ-хуқуқлари амир-амалдорлар томонидан оёқ ости қилинганлиги очиб ташланади.

Миртемир поэмаларининг аксарияти замонавий мавзу тасвирига бағишлиланган. «Номус» поэмасида ёшлигида ота-онасидан етим қолиб, ниҳоятда қийналган ва оқибатда ўғрилик-безорилик йўлига кириб қолган Ашур исмли йигитнинг жамоа таъсирида қайта тарбияланиши, виждонли, ҳалол киши бўлиб етишибши акс эттирилади. «Ойсанамнинг тўйида» поэмасида эса қорақалпоқ қизи Ойсанамнинг жамоа хўжалигидаги ҳаёти тасвиrlenади.

Миртемир достонлари мавзу жиҳатидан хилма-хил бўлганидек, уларнинг бадиийлиги ҳам турлича. Шоир достонлари орасида «Дилкушо», «Ойсанамнинг тўйида», «Сурат» каби бақувват поэмалар билан бирга, «Бонг», «Аччисой» сингари ўртамиёна, ҳатто ғоявий-бадиий заиф асарлар ҳам учрайди.

Миртемир қўшиқ жанрида ҳам баракали ижод қилди. Унинг қўшиқларига хос муҳим хусусият шундаки, у ўз асарларига қўпроқ хаёлий кечинмаларни, интим севги мавзузини эмас, балки катта-катта ижтимоий масалаларни асос қилиб олади. Севги-муҳаббат, одоб-ахлоқ мавзуларини эса ҳозирги замоннинг ижтимоий муаммолари билан боғлаб ифодалайди. Шоир қўшиқ ёзганида мазмунга ҳам, шаклга ҳам бирдек катта эътибор беради. Бинобарин, Миртемир қўшиқлари ёқимли, таъсирили, уларда ром қилиш, мафтун этиш санъати кучли. Шоир қўшиқлари маъюсликка ва қайноқ ҳаётдан безишга эмас, аксинча, қийинчиликларни енгишга, мақсад сари дадил интилишга, яхшиликка чорлайди. Ўқувчига пўлат қанот, завқ-шавқ бахш этиб, уни юксак парвоз томон отлантиради. Шоир «Танбурим

товуши» (1926) номли илк қўшиғида баён этган қўйидаги сўзларга умр бўйи қаттиқ амал қилди:

Танбурим торининг янгроқ садоси  
Борликда умидлар уйготиб борсин.  
Қалбларни эритиб ёник навоси  
Хар руҳда битмас завқ уйготиб борсин.

Миртемир томонидан турли йилларда яратилган «Яли-яли», «Мард йигит, ёринг бўлай», «Эл қўшиғи», «Қора кўзли», «Боғ кўча», «Шаҳримда бир гўзал бормиш», «Барно», «Устина», «Боқиши», «Келмаган», «Аразлик» каби қўшиқлар шоирнинг инсонга завқ-шавқ бағишлий олганидан далолат беради. Миртемир қўшиқларида кишиларни қизиқтирадиган бадиий фикрлар, кечинмалар илиқ лирик мисраларда ёқимли ва таъсирли куйланади:

Қўшиқлар тўқисам, нўноқ бўлмаса,  
Сендан ўзга дилга қўноқ бўлмаса,  
Куйласам туну қун сулувлигингни,  
Куйлаш мумкинми дил қайноқ бўлмаса?

Гўзаллик тахтидан кулайди наҳот,  
Куйчига шунчалар қайноқ бўлмаса!  
Кўнглим ўксинади, кўнглим синади —  
Кўнглим билан кўнглинг иноқ бўлмаса!

Миртемирнинг дилрабо қўшиқлари ўзбек қўшиқчилигининг бойлиги сифатида қўшиқ мухлислари қалбидан мустаҳкам ўрин әгаллаган.

Шоир асарларининг тили ғоятда содда ва жозибадор, халқчил ва образлидир. У жонли халқ тили бойликларидан: халқ иборалари, мақол ва афоризмлар, ҳикматли сўзлар ва ранг-баранг тасвирий воситалардан унумли фойдаланган. Миртемир шеъриятида:

Оёги ёмон — тўр булгар,  
Таёги ёмон — эл булгар.

(«Олим» шеъридан)

Тун кечар, келар кундуз,  
Мард бир ўлар, номард — юз

(«Тўпчи Эрйигит ўғли» шеъридан)

сингари халқ мақоллари ва ҳикматли сўзлари кўп ва ўринли қўлланган. Ҳудди шунингдек, шоир шеъриятида мазмун ва шакл жиҳатидан халқ афоризмларини эслатувчи ва уларга тенглашувчи сермаъно, гўзал байтлар яратилган.

Тупроқ остида ҳам зар — ҳамиша зар,  
Кумушни занг босса — кумушдир ҳамон.  
Денгиз тубларида гавҳардир — гавҳар,  
Чиқар тог тагидан кон ҳам бир замон

(«Юрт қўшиғи» шеъридан).

Миртемир шеърияти тилининг ўзига хос хусусиятларидан яна бири шундаки, унда адабий тилга ҳали тамоман кириб улгурмаган, лекин адабий тилга хизмат қила оладиган сўз ва иборалар ҳам учраб туради. Миртемир жонли халқ тилидан баракали фойдаланиш билан бирга, халқ оғзаки ижоди бойликларидан ҳам самарали озиқланади. Шоирнинг «Ухла», «қўзим», «Қўзларим йўлингда», «Қўшиқлар», «Яли-яли» каби шеърлари фикримизнинг далилидир.

Эркатоим қайда экан?  
Яшил-яшил бодга экан.  
Яшил бодга нетар экан?  
Олма кўчат экар экан.  
Олмалари қайда экан?  
Келаси куз ойда экан.

Қўринадики, «Эркатоим» шеърида шоир меҳнат ва унинг самараси ҳақидаги гоявий мазмунни халқ қўшиғи услугида равон ифодалаган.

Шундай қилиб, Миртемир кўплаб лирик ва лиро-эпик асарлари билан шеърият тараққиётига салмоқли ҳисса қўшган.

Миртемирнинг таржима санъатидаги хизмати ҳам самаралидир. Ўзбек китобхони шоир-таржимон Миртемирнинг катта меҳнати туфайли А. Пушкиннинг «Руслан ва Людмила», «Шоҳ Султон ҳақида эртак», «Олтин балиқ ва балиқчи эртаги», М. Лермонтовнинг «Исмоилбек», «Савдогар Калашников ҳақида қисса», А. Некрасовнинг «Русияда ким яхши яшайди?», М. Горькийнинг «Бўрон қуши ҳақида қўшиқ» каби

ўлмас асарларини ўз она тилида ўқишига мұяссар бўлди. Булардан ташқари, Миртемир машҳур қирғиз эпоси «Манас»ни, шунингдек, Уйғун билан ҳамкорликда қорақалпоқ эпоси «Қирқ қиз»ни, Мақсуд Шайхзода билан ҳамкорликда грузин шоири Шота Руставелининг «Йўлбарс териси ёпингган паҳлавон» достонини ўзбек тилига таржима қилди.

Бугина әмас, у Генрих Гейне, Эжен Потье, Абай, Хачатур Абовян, Бердах, Янка Купала, Нозим Хикмат, А. Сурков, А. Твардовский, Пабло Неруда, Самад Вурғун, Сильва Капутикан, Аббос Добилов сингари шоирларнинг асарларини ҳам ўзбекчага ўгирди. Миртемир таржималарида асл нусханинг асосий хусусиятлари, ундаги миллий рух сақланиб қолган.

Миртемирнинг адабиёт соҳасидаги хизматлари ҳалқ ва давлат томонидан ўз вақтида тақдирланган. Миртемир «Меҳнат Қизил Байроқ», «Хурмат белгиси» орденлари билан мукофотланди. Унга «Ўзбекистон ҳалқ шоири» (1971) фахрий унвони берилди.

Адабиётшунослик ва адабий танқидчиликда Миртемир ижодини илмий асосда ўрганиш ва ёритиш соҳасида муайян ишлар амалга оширилди. Т. Жалолов, О. Шарафиддинов, С. Мамажонов, Н. Каримов, Ҳ. Олимжонова мақолаларида, К. Азимовнинг «Миртемир» (1969), И. Фофуровнинг «Она юрт күйчиси» (1970), Т. Халиловнинг «Миртемир маҳорати» (1980), Б. Қурбонбоевнинг «Миртемир — дўстлик ва қардошлиқ күйчиси» (1981) рисолаларида шоир асарларининг гоявий-бадиий хусусиятлари баён этилди. Шунга кўра, мақола ва рисолаларни Миртемир ижодини илмий асосда ўрганиш соҳасидаги дастлабки ютуқ деб ҳисоблаш мумкин.

Хуллас, Уйғун таъкидлаганидек, Миртемир «шельриятимизнинг ҳақиқий маънодаги бобо-дехқони, заҳматкаш, улкан шоирларидан бири». У том маънодаги ҳалқчил ва ўзига хос шоирdir. Миртемир шеърияти ҳозирги замон ўзбек адабиётининг жиiddий ютуғидир.

#### АДАБИЁТЛАР

1. *К. Азимов*. Миртәмир. Тошкент, F. Фулом номидаги Адабиёт ва санъат нашриёти, 1969.
2. *И. Фофуров*. Она юрт күйчиси. Тошкент, F. Фулом номидаги Адабиёт ва санъат нашриёти, 1970.
3. *Т. Халилов*. Миртәмир маҳорати, Тошкент, 1980.

- Б. Қурбонбоев. Миртемир — дўстлик ва қардошлик кўйчиси. Тошкент, «Фан», 1981.
- Миртемир замондошлари хотирасида. Тошкент, F. Фулом номидаги Адабиёт ва санъат нашриёти, 1982.
- Адабиётимиз автобиографияси, Тошкент, 1973.
- Ўзбек совет адабиёти тарихи, Тошкент, «Ўқитувчи», 1990.
- Н. Шукуров, С. Мирзаев. Асрлар поэзиясида Самарқанд. Тошкент, 1970.

### М а т и

Миртемир. Асарлар (тўрт жилдлик). Тошкент, Faфур Fулом номидаги Адабиёт ва санъат нашриёти, 1980—1983.

## МАҚСУД ШАЙХЗОДА

(1908—1967)

Мақсуд Шайхзода файласуф шоир, уста драматург, забардаст олим, моҳир таржимон, эҳтиросли публицист сифатида ҳозирги замон ўзбек адабиёти тарихида салмоқли ўрин эгаллайди.

М. Шайхзода аввало шоир сифатида машҳур. Унинг поэзияси замон талабларига ҳозиржавоблиги, чуқур фалсафий умумлашмаларга ва жозибали лиризмга бойлиги, нотикълик услубига хос бўлган кўтаринки руҳи билан ажralиб туради.

Шайхзода асарларининг ғоявий-бадиий хусусиятлари, эстетик-тарбиявий аҳамияти Ойбек, Ҳ. Олимжон, К. Яшин, Уйғун, Миртемир, Иззат Султон сингари таниқли ёзувчилар томонидан кўрсатиб ўтилган. Ҳамид Олимжон: «Шайхзода фикрлар шоиридир, у сиёсий шеърлар яратадиган санъаткордир. Кенг маълумотли шоир жуда қалтис мавзуларда асарлар ёзади ва кўпинча яхши натижаларга эришади»<sup>1</sup>, деб ёзган бўлса, Ойбек шоир асарларини таҳлил этиб қўйидагича холисона хulosага келади: «Шайхзода шеърларининг шакли ранг-барангдир. У рубоий (фалсафий мазмундаги тўртлик), баллада, поэма ва лирик шеърлар шаклидан фойдаланади. Ўз фикрини ифода этиш тарзи Маяковскийнинг тасвирий воситаларига ўхшаб кетади. У ҳам Маяковский сингари порлоқ ва кутилмаган образлар яратган»<sup>2</sup>.

<sup>1</sup> Ҳамид Олимжон. Танланган асарлар, 2-том, Тошкент 1960, 421-бет.

<sup>2</sup> Ойбек. Асарлар, 142-том, Тошкент, «Фан» нашриёти, 1979, 38- бет.

Мақсуд Шайхзода 1908 йилда Озарбайжон диёри-нинг Ганжа вилоятидаги Оқтош шаҳрида врач оиласида туғилди. Шоирнинг ўзи бу ҳақда «Тошкентнома» поэмасида:

Умрим бино бўлди Озарбайжонда,  
Кечти болалигим у гул маконда.  
Низомий ватани, Ганжа ўлкаси,  
Ўпкамга тўлдирди шеър ҳавосин.  
Нур нахрин мулоим, тинч музикаси  
Кўнглимда уйғотди куйлаш ҳавасин,—

деб ёзган эди.

М. Шайхзода ёшлигидан илм олишга, шеъриятга жуда қизиқди. У мактабда ўқиб юрган чоғларидаёқ шеърлар ва мақолалар ёза бошлади. Шайхзода ўн уч ёшга кирганида унинг «Қизил аскар қўшиғи» шеъри шаҳар рўзномасида босилиб чиқди. Ёш ижодкор ўн беш ёшга тўлганида Оқтошдаги ҳаваскорлар драма тўғараги унинг кичик бир пьесасини саҳналаштириди. 1926—1928 йилларда «Коммунист» рўзномасида Шайхзоданинг «Доғистон мактублари» номли мақолалар туркуми эълон қилинди. 1927 йилда «Маориф ва медениет» ойномасида «Наримон ҳақида халқ эртаги» достони чоп этилди.

М. Шайхзода аввал ўз шаҳридаги дорилмуаллиминда, сўнгра Боку давлат педагогика олий илмгоҳида таълим-тарбия олди. 1928 йилда Тошкентга кўчиб келган М. Шайхзода умрининг охиригача шу ерда яшади.

М. Шайхзода Тошкентда аввал мактаб ўқитувчиси, журналист, сўнгра шоир ва педагог-олим сифатида фаолият кўрсатди. У «Шарқ ҳақиқати», «Қизил Ўзбекистон», «Ёш ленинчи» рўзномалари мухарририятларида хизмат қилди. Узоқ йиллар давомида Низомий номидаги Тошкент давлат педагогика олий илмгоҳида ўқитувчи, доцент лавозимларида ишлади.

М. Шайхзода шеърлари 1929 йилдан бошлаб республикамиз матбуотида кўрина бошлайди. Шоир ўз ижодининг илк давридан бошлаб адабиётнинг ижтимоий-тарбиявий ва эстетик ролини тўғри тушунди ҳамда ўз шеъриятини бутунича халқ ва янги замон хизматига бағишлади.

Шоир ўзига нисбатан талабчан эди. Бинобарин, у: «Шоир ўзи ёзган асарларидан доимо қаноатланмаслик ҳиссини түйиши шарт. Мен, шахсан, доимо бирон шеърни ёки достонни тугаллаб, бир неча кун ўқимай ташлаб қўяман ва кейинроқ ўқиб қўрсам, ўзимда аллақандай норозилик туяман. Менга шундай туюладики, қўлимдаги асарни ёзганимдан кўра дурустроқ ёзиш қўлимдан келар эди<sup>1</sup>», деб қайд этган эди. Ҳақиқатан ҳам М. Шайхзода ўзининг дастлабки шеърларидан унчалик қониқмаган. Бу тўғри ҳамдир. Чунки шоирнинг «От ҳақида қасида», «Символ», «Жумҳурият», «С.б.», «Қора тахта», «Комсомолдан рапорт» каби илк шеърларида баёнчилик, ваъзхонлик, қуруқ баландпарвозлик, тасвирнинг юзакилиги, шунингдек, тил, қофия, вазнга доир қусурлар мавжуд эди.

Шайхзода ўз шеъриятини бундай нуқсонлардан холи қилишга кўп куч сарфлади: мумтоз ва ҳозирги замон адабиётини чуқур ўрганди, Навоий, Низомий, Фузулий, Пушкин, Некрасов, Горький, Маяковский ва бошқа улуғ санъаткорлар маҳорати «сир»ларидан воқиф бўлди. Бу катта меҳнат тезда ўз мевасини бера бошлади. Дарвоҷе, М. Шайхзоданинг «Ўн шеър» (1930) номли биринчи тўпламида йилт этиб кўринган образлиликка ва ижодий оригиналликка интилиш сифатлари шоирнинг кейинчалик нашр этилган «Ундошларим» (1933), «Учинчи китоб» (1934), «Жумҳурият» (1935) каби тўпламларида тобора ёрқинроқ намоён бўла борди.

30-йилларда Шайхзода шеъриятида замонавий мавзу — янги ҳаётни, ҳалқлар дўйстлигини улуғлаш, ички ва ташқи душманларни фош этиш мавзулари асосий ўринни эгаллай бошлади. Шу билан бирга, унда ҳароратли лиризм, фалсафий мушоҳада кучайди. Шоир бу даврда яратган аксарият шеърларида қаламга олинган мавзуни жонли образлар, оҳори тўқилмаган ташбеҳлар воситасида тасвирлаб берди. «Ватан», «Ҳайкал олдида», «Камтарлик», «Бувижон», «Нишон», «Кремль соати», «Баҳорда ёмғир», «Юлдузларга бўлдим ҳамсоя», «Қонун», «Чимён», «Тингла, эй кўнгил!», «Мисранинг туғилиши» каби шеърларида шоир янги замон ва янги ҳаёт ҳақида поэтик мулоҳаза юритиб, теран хулосалар чиқарди. Бунда шоир ғоявий-фикрий аниқликни янги образ яратиш, қофия ва вазн мукаммаллигини, услуб равонлигини таъминлаш билан

омихта қилди. Шоир «Юлдузларга бўлдим ҳамсоя» шеърида:

Юлдузларга бўлдим ҳамсоя,  
Чикдим кўкка пояма-поя.  
Бўлди менга олтин ой ёстиқ,  
Гумонларим ҳаммаси — тасдик.  
Учар эдим хаёлдай юксак,  
Оқ булултлар остимда тўшак,

— деб ажойиб ва равон қофиялар ишлатади.

Шайхзода 30-йилларда «Мерос», «Ўртоқ», «Чироқ», «Тупроқ ва ҳақ» сингари достонлар ҳам яратди. «Мерос» достонида фуқаролар уруши йилларида халқ-нинг қаҳрамонлик анъаналари янги авлод учун ибрат-мерос бўлганлиги, ёш авлод бу анъанага доимо содик қолиши лозимлиги ҳақида фикр юритилган. «Ўртоқ» поэмасида эса халқлар ўртасидаги дўстлик — бирор-дарлик ёритилган.

Умуман олганда, М. Шайхзода 30-йилларда турли мавзуларда пишиқ шеърлар, ҳаётий достонлар яратди. Тўғри, шоирниг айрим асарларида ўринисиз дабдаба замонасозлик ва қуруқ баёнчилик сингари нуқсонлар учрайди. Бироқ бундан қатъи назар, М. Шайхзода шеърияти 30-йилларниг иккинчи ярмида гоявий-бадиий жиҳатдан шаклланди. Бу даврда шоир замонавий мавзуларда поэтик асарлар ёзиш билан ҳаётга тобора чуқурроқ кириб борди.

М. Шайхзода Ватан уруши даврида замон талабига мос, гоявий-бадиий бақувват асарлар ижод этиб, ўзининг «буюк ватанпарвар шоир» (Мирза Иброҳимов) эканини амалда исбот этди. Агарда 30-йилларда Шайхзода шеъриятида тинч қурилиш масалалари асосий ўринни эгаллаган бўлса, Ватан уруши даврига келиб шоир ижодида ҳарбий-мудофаа мавзулари биринчи ўринга чиқди ва ранг-баранг шаклларда ўз аксими топди. М. Шайхзода уруш даврида «Кураш нечун», «Жанг ва қўшиқ», «Қўнгил дейдик» шеърий тўпламларини нашр эттирди. Ўзбекистон жумхуритининг машҳур фарзанди Йўлдош Охунбобоев ҳақида «Оқсоқол» поэмасини яратди. Шунингдек, «Ўн бирлар», «Женя», «Учинчи ўғил» достонларини ёзib, уруш йилларида аскарларимизнинг жанг майдонида, кишиларимизнинг меҳнатда кўрсатган қаҳрамонлик ва ватанпарварлик ҳис-туйгуларини тараним этди.

Маълумки, замон талаблариға ҳозиржавоблик — Шайхзода шеъриятининг асосий, етакчи хусусиятларидан биридир. Бу ҳол шоирнинг Ватан уруши давридаги шеъриятида янада очик кўринди. Чунки бу йилларда шоир ижодида замон руҳи, давр ғояси марказий ўринда турди ва ёрқин намоён бўлди. Масалан, «Кураш нечун» шеърида шоир гитлерчи фашизмга қарши ҳалқларимиз томонидан олиб борилаётган буюк жангнинг моҳиятини теран фалсафий мушоҳадалар, равон, пурҳикмат мисралар ёрдамида чуқур ва содда қилиб очиб берди. Шу орқали кишиларимизни ватанпарварликка, қаҳрамонликка даъват этди:

Бу кураш ҳаётнинг қонуни учун,  
Бу — чорак асрнинг якуни учун,  
Бу кураш — истиқбол машъали учун.

.....

Шу учун курашмоқ бизга фарз бўлди,  
Юраклар муқаддас нафратга тўлди...  
Зафарнинг нашъасин тотиган эрлар:  
«Эрк десанг, урушда енгиги чик» дерлар!

М. Шайхзоданинг «Капитан Гастелло», «Қондошлиқ», «Йўқ, мен ўлган эмасман», «Чорак аср», «Ленинграддан шаббода», «Бизнинг Москва» каби шеърларида уруш ва тинчлик, ўлим ва ҳаёт, дўстлик ва қаҳрамонлик, ёвузлик ва чин инсонийлик ҳақида муҳим ижтимоий фикрлар моҳирона ифодаланган. «Капитан Гастелло» шеърида шоир Ватан уруши жангларида қаҳрамонлик намунасини кўрсатган учувчи Гастелло образини чуқур эҳтирос билан тасвирлаб, ҳақиқий ватанпарвар жангчиларимизнинг ёрқин қиёфасини яратди. Асада тасвирланишича, капитан Гастелло осмонда душман самолётларига қарши мардона жанг қилади. Учувчи ўқи ва ёнилғиси тугаб қолгач, шошиб қолмайди. «Ўлмаслиқнинг ўзи ҳам зарба бўлсин душманга» дея ўз самолётини душманнинг ҳарбий базасига томон ҳайдайди, самолёт қурол-яроғ базасига бориб урилади ва база портлайди. Шундай қилиб, капитан Гастелло душманга катта талафот етказади ва ўзи ҳам қаҳрамонона ҳалок бўлади.

Шоир асада ҳаётий ҳодиса ва аниқ шахс образидан фойдаланади. Капитан Гастелло жасоратини ҳикоя қилиш орқали ҳаёт ва ўлим ҳақида чуқур ижтимоий

хулоса чиқаради. Яъни: «Тиз чўкиб юз йил яшагандан кўра, қаҳрамонлик кўрсатиб бир кун яшаш афзал» деган фалсафий фикрни асарнинг умумий руҳига сингдириб, кишиларимизни Гастеллодай мард-ботир бўлишга чақиради:

Умрлар бўладики,  
Тиригидиа ўлиқдир.  
Ўлимлар бўладики,  
Ўлган одам тирикдир...  
Мен яшамоқ истайман,  
Бир асрча муттасил,  
Аммо ўлсан розиман —  
Гастеллодай мард, асл.

М. Шайхзода уруш даврида бевосита жанг воқеаларини тасвирлаш билан чекланмайди. «Богбон», «Асалчи», «Йигираман — ип бераман», «Олма» сингари шеърларида кишиларимизнинг жанггоҳ орқасидаги фидокорона меҳнатини, она-Ватанга бўлган чексиз муҳаббатини умумлаштириб кўрсатади.

Шоирнинг уруш йилларида юзага келган аксарият шеърлари бадиий маҳорат жиҳатидан ҳам ибратли. Шайхзода мумтоз адабиёт анъаналаридан ва ҳалқ оғзаки ижоди бойликларидан фойдаланиб, ҳарбий-мудофаа мавзуларини содда ва таъсири қилиб ёритар экан, мақол ва афоризмлар даражасига кўтарилиган байтлар тўқииди. Лекин М. Шайхзоданинг уруш давридаги шеъриятида баъзан ҳаётдан узоқ бўлган умумийлик ва мавҳумлик аломатлари ҳам учрайди. «Аждар ва одам», «Семенченко, оғарин!», сингари шеърларида фольклор қаҳрамонларига хос хислатлар жангчиларимиз образларига сунъий тарзда кўчирилганлиги сезилади. Оқибатда жангчиларимиз реал одамлардан кўра кўпроқ афсонавий қаҳрамонларга ўхшаб қолган.

Шайхзода ижоди Ватан урушидан кейинги йилларда ҳам замон талаблари даражасида давом этди. Шоир бир қанча яхши асарлар ёзди. Бироқ Шайхзода 50-йилларнинг бошларида тужматга учраб, 1952 йил 31 январда бутунлай асоссиз ҳолда Ёзувчилар уюшмаси аъзолигидан ўчирилди (ҳатто қамалди).

1956 йилда бундай адолатсизликка чек қўйилди: Шайхзода оқланди ва Ёзувчилар уюшмаси аъзолигига

тикланди. Шундан сўнг шоир илҳом ва гайрат билан меҳнат қилиб, «Олқишиларим», «Замон торлари», «Шульла», «Шеърлар», «Чорак аср девони», «Йиллар ва йўллар», «Шеърлар», «Асарлар» каби тўпламларини, драма ва достонларини яратди. Бу китобларга кирган шеърий асарларнинг аксарияти Шайхзода ижодида фалсафийлик, жозибадор нотиқлик, ҳароратли лиризм каби хислатлар тобора кучайиб борганлигидан далолат беради.

М. Шайхзода шеъриятида она-Ватан ва янги ҳаёт мавзуси кенг ёритилган. Шоирнинг сўнгги давр ижодининг маҳсули бўлган «Ватан», «Олқишиларим», «Бу ер — менинг ерим», «Ўзимиз», «Юртим», «Еттилик балладаси» каби шеърларида мамлакатимиздаги ўсиш-ўзгаришлар завқ-шавқ билан тасвирангган.

Максад Шайхзода Ватан ҳақида тўлиб-тошиб куйлар экан, унинг ободлиги ва фаровонлигини таъминлаётган қўли гул меҳнаткаш инсон номини ҳамиша муҳаббат билан тилга олади. Шоирнинг «Мукофотлар муборак», «Хормасин бу қўллар», «Пахтакор ва шоир» сингари шеърлари халқ ва она-Ватан манфаати йўлида ҳалол меҳнат қилаётган азамат замондошларимиз шаънига айтилган мадҳиядек акс-садо берди.

М. Шайхзода шеъриятида халқлар дўстлиги мавзуи ҳам катта ўрин эгаллади. Шоир халқлар ўртасидаги дўстликнинг тарихига, таърифига ва унинг буюк аҳамиятига доир нафис, ажиб мисралар тўқиб, халқлар дўстлигини мадҳ этди. Бунда у бадиий тасвирий бўёқ воситаларидан ўринли ва унумли фойдаланди:

Дўстлар, омон бўлсин тинчлик қўшиғи,  
Яшасин қаламу, болгаю, ўроқ,  
Яшасин табассум, йўқолсин йиги,  
Бўлсин одамзодга тинч айём ўртоқ!  
Бор бўлсин инсон!  
Соф бўлсин виждон!

Шайхзода дўстлик ва инсонпарварликни куйлаш билан бирга, урушни ва урушқоқ империалистларни қаттиқ қоралайди. Жаҳонда тинчликни сақлаш, урушнинг олдини олиш учун тараққийпарвар инсоният доимо хушёр бўлиши, тинчлик йўлида сергак туриши шарт деган тояни олға суради. Шоирнинг «Севги ва тинчлик», «Юксал, тинчлик байроби», «Имзолар»,

«Қардошлар», «Кабутарлар», «Қилич-шамшир эриб йўқолсин!» сингари шеърларида урушга қарши, тинчлик учун кураш мавзуи жанговарлик ва публицистик кўтаринкилик билан ёритилган. Шоир бу мавзуни ёритишида хорижий мамлакатлар халқарининг оғир ҳаётини доимо кўз ўнгидатади. Бу ҳол «Бомбайда», «Ришканинг қўшиғи», «Ҳар сонида», «Сувнинг ўлими» каби шеърларида очиқ кўринади.

Шайхзода инсон ва дунё, дўстлик ва тинчлик ҳақидаги шеърларида баёнчиликдан қочади, чукур ижтимоий фикрлар, янги-янги ташбехлар, хилма-хил тасвир воситалари топиб, асар гоясини байтларнинг қатқатига сингдириб юборади. Шу тариқа шоир шакл ва мазмун бирлигини таъминлашга, ўз асарларининг тили, вазни, қофиясини сайқаллаштиришга эришади.

Сўнгги даврда шоир туркум шеърлар, достон ва балладалар ёзишга кўп меҳнат сарфлади. «Бинафша дастаси» шеърлар туркуми (хусусан, ундаги «Сенинг ўзинг шеър», «Сиёҳдоним», «Қарз», «Товушлар», «Шамолни кўз билан кўриб бўлмайди» каби шеърлар) янги фикр ва янги умумлашмаларга сероб. Шоир оддий сиёҳдондан ҳам, оддий товуш ва шамолдан ҳам ижтимоий мазмун топа олган ва уни ўқувчилар қалбига етказа билган.

М. Шайхзоданинг «Тошкентнома» (1957) лирик-фалсафий поэмаси ўзбек достончилигининг жиддий ютуғидир. Асарда шоир истеъдодининг янги-янги қирралари, ўзбек шеърияти имкониятларининг чексизлиги яққол намоён бўлади. Юксак ватанпарварлик туйғуси билан қондириб суғорилган бу асар Шайхзода ижодига хос кўтаринки руҳда ёзилган.

Поэманинг ўзига хос хусусиятларидан бири шундаки, унда бошдан-оёқ давом этувчи тугал сюжет ва яхлит воқеа йўқ. Лекин асарда айрим-айрим лавҳалар тасвирига сингдирилган яхлит гоя, яхлит фикр, ягона услуг — ички мантиқий боғланиш мавжуд. Бу боғланиш «Тошкентнома» ни бир бутун асар — достон ҳолига келтирган. Бундан ташқари, «Тошкентнома»да акс этган воқеа, лавҳаларни лирик қаҳрамон — шоир образи ҳам бирлаштиради ва асарга бир бутунлик баҳш этади.

Достон замонавий мавзуда ёзилган. Шоир ўзининг асосий диққатини жумҳурият пойтахти Тошкент шахри образини яратишга қаратган. Шу сабабли «Тош-

кентнома»да кўп саҳифалар ҳозирги давр воқелиги тасвирига бағишиланган. Шоир Тошкентнинг ҳозирги тараққиётини, унинг халқаро алоқаларини ва тарихий ютуқларини самимий муҳаббат ва эҳтирос билан куйлади. Тўғри, шоир асарнинг гоявий мазмунини очиш мақсадида ўрни-ўрни билан Тошкентнинг ўтмиши ҳақида ҳам ҳикоя қилади. Унинг қадимий маданияти ва илгор анъаналари тўғрисида чуқур мушоҳада юритади.

Достоннинг асосий қаҳрамонлари — Тошкент, тошкентликлар ва шоирнинг ўзиидир. Асар озод Шарқнинг гўзал пойттахти Тошкентта ва тошкентликларга ҳурмату садоқат билан ёзилган. Шоир Тошкент шаҳрини қуёш ва нур ўлкасининг, бахти барқарор юртнинг сўлим, обод пойттахти сифатида улуғлайди. Тошкентликларни эса аҳдига вафодор, ҳалол инсонлар, меҳнатсевар, ватанпарвар, соф вижданли одамлар тарзида таърифлайди. Шоир Тошкент ва тошкентликлар образини юксак бадиий маҳорат билан тараннум этади.

«Тошкентнома» достони афоризм даражасига кўтарилиган қўйма мисраларга ва сермазмун ижтимоий фикрларга бой. Шоир Ватан тушунчасининг мазмуни ва моҳияти ҳақида фикр юритиб, ёрқин фалсафий умумлашма яратган:

Ватаннинг маъноси улуғвор, улкан,  
Ҳа, Ватан сўзининг чеки бепоён.  
Бу ерда туғилган, яшаган, ўлган,  
Яратган, ишлаган, курашган инсон.  
Ватан меҳри билан ўз қадрин билган,  
Ватансиз кимсалар дарвиш дейилган.  
Юраклар — юлдузлар, Ватан — коинот,  
Бир тилақ, бир гоя, бир тан коинот...✓

Шайхзоданинг «Тошкентнома» достони ўн саккиз бобдан ташкил топган бўлиб, шоир асарнинг гоявий мазмунини ифодалашда мумтоз шеъриятимиз анъаналаридан, халқ оғзаки ижоди бойликларидан самарали фойдаланган. Шоирнинг ўзи ҳам достон охирида буни мамнуният билан эътироф этади:

Мен ўзбек шеърининг тўққиз вазнида  
Сенинг достонингни оҳангтга солдим.

Қиссага кескинлик бермоқ жазмида  
Бахши бисотидан ўлчовлар олдим<sup>1</sup>.

«Ўзбекистонда хизмат кўрсатган санъат арбоби» М. Шайхзода драматургия соҳасида ҳам самарали меҳнат қилди. Унинг «Жалолиддин» (1944), хусусан, «Мирзо Улугбек» (1960) фожиалари ўзбек драматургиясида ўз вақтида воқеа бўлган эди.

«Жалолиддин» — тарихий-романтик фожиа бўлиб, унда Ўрта Осиё ҳалқларининг XIII асрда мўғул босқинчиларига қарши олиб борган қаҳрамонона кураши кўрсатилган. Асарда тарихий шахслар образлари (Жалолиддин, Темур Малик кабилар) билан бирга, бадиий тўқима образлар (Элборс паҳлавон ва бошқалар) яратилган. Асардаги Жалолиддин, Темур Малик, Элборс паҳлавон, Султон Бегим каби қаҳрамонлар фаолияти тимсолида аждодларимизга хос ватанпарварлик, мардлик, жасурлик гоялари олға сурилган. Асардаги Хоразм шохи қўрқоқ Султон Муҳаммад ва Самарқанд ҳокими Амир Бадриддин образларида эса қўрқоқлик, хоинлик ва душманга таслим бўлишилик фожиаси очиб берилган.

«Жалолиддин» фожиасининг сюжети қизиқарли бўлиб, у драматик ва фожиавий ҳолатларга бой. Асарда тасвирланган ҳаётий зиддият кескин, унинг ривожи ва ечими ҳам меъёрида. Пьеса мундарижаси марказида мўғул босқинчиларига қарши курашга раҳбарлик қилган Жалолиддин Мангуберди (Хоразм шохи Султон Муҳаммаднинг ўғли) ва ҳалқ саркардаси Темур Малик (Хўжанд ҳокими) образлари туради. Бу образлар, хусусан, Жалолиддин пьесада ҳалқ қаҳрамони сифатида яққол намоён бўлади. Жалолиддиннинг ватанпарварлиги, унинг кучли иродаси, мардлиги, босқинчи ёвларга қарши кураши драманинг кўп ўринларида маҳорат билан акс эттирилади.

Ойбек ваFaфур Ғулом ёзганидек, «Жалолиддин тимсолида автор ҳалқни душманга қарши курашга сафарбар қила олган, она-Ватан учун ўз ҳаётини багишлаган довюрак, доно, моҳир қўмондон образини яратди. Драматург асарда... тарихий жараённинг ҳақиқий мазмунини, унинг ички маъносини бадиий мужас-самлаштиришга интилган... Ватан ўғлонларининг эрк,

<sup>1</sup> М. Шайхзода. Асарлар, 2-том, 496—497-бетлар.

мустақиллик, номус ва шараф учун бошлаган фидокорона кураши ёрқин, маънодор, драматизм билан тўла, ҳаяжонли картиналарда гавдаланади. Жалолиддин образи асарда тўлақонли, жонли ва улуғвор образдир. Сўзи, ҳаракати ва бутун сиймоси билан романтик руҳли баҳодир, айни замонда ҳақиқий одамийлик хислатларидан баҳраманд... «Жалолиддин» давримизга ғоят ҳамханг»<sup>1</sup>.

«Жалолиддин» фожиаси ватанпарварлик ва қаҳрамонликни улуғловчи, босқинчилик ва хоинликни қораловчи асар сифатида Ватан уруши даври талабларига жавоб берди, ёш авлодни мардлик-мангулик руҳида, она-Ватанга муҳаббат руҳида тарбиялашга хизмат қилди.

М. Шайхзоданинг «Мирзо Улугбек» фожиасида XV асрдаги тарихий ҳақиқат бутун мураккаблиги билан кўрсатилган. Драматург асарда XV асрнинг яхши анъаналарини маъқуллаш билан бир қаторда, феодал тузумнинг фожиали томонларини очиб ташлайди, зулм ва истибдодни, хурофий бидъатни кескин қоралайди. Фожиада феодал истибоди ҳукмронлик қилган даврда ҳақиқат ғалаба қилиши, мамлакатда адолат қарор топиши мумкин эмас, деган гоя олга суриласди.

«Мирзо Улугбек» фожиасининг асосий гоявий мазмунини адолатли подшоҳ ва буюк астроном олим Улугбек бошчилигидаги илгор зиёлилар, тараққийпарвар шахслар билан қора ниятли гуруҳлар ўртасидаги кескин кураш ташкил этади. Драматург XV аср тарихий ҳақиқатини Улугбек, Али Қушчи, Саккокий, Абдураззоқ Самарқандай, Феруза, Бобо Кайфий, Пири Зиндоний, Отамурод, Хўжа Аҳрор, Саид Обид, Гавҳаршодбегим, Шайхул Ислом, Абдуллатиф каби образларнинг ўзаро муносабатидан келиб чиққан ҳолда ёритишга интилган.

Драматург бу қаҳрамонлар ёрдамида узоқ ўтмишдаги тарихий ҳақиқатни бадиий шаклларда қайта тиклаган. Ўша даврдаги мураккаб ҳаётни, XV асрда Мовароуннахрда тожу таҳт учун бўлган кескин курашни жонли ва таъсирли қилиб акс эттирган.

Фожианинг бош қаҳрамони салкам қирқ йил подшоҳлик қилган буюк астроном олим Мирзо Улугбек. Асарда Улугбек ҳаётининг сўнгти икки йили акс этган.

<sup>1</sup> Ойбек,Faafur Fулом. «Жалолиддин» драмаси ҳақида. «Қизил Ўзбекистон», 1946 йил 18 февраль.

М. Шайхзода Улугбек образини ҳар томонлама мукаммал ва етуқ қилиб очиб беришда катта маҳорат кўрсатган. Бунда у ўша давр учун хос бўлган ҳаётий зиддиятлар, қарама-қаршиликларни асарда моҳирлик билан ёритган. Мирзо Улуғбек адабиёт ва санъатни қадрловчи, ҳаёт ҳодисалари ҳақида кенг мулоҳаза юритувчи донишманд инсон, хушчақчақ сухбатдош, адолатпарвар давлат арбоби, буюк астроном олим, меҳрибон оила бошлиги ва жонкуяр ота қиёфаларида намоён бўлади.

Драматург Улуғбекнинг шахсий фазилатларини, башарият олдидаги (илм соҳасидаги) буюк хизматлари ни ўша даврда тахт-тож учун олиб борилган тарафкашлик жанглари, маърифат ва жаҳолат, фан ва дин ўртасидаги кураш заминида очиб беради. Шунга кўра фожиада ўша давр руҳи, давр ҳақиқати яққол гавдаланади. Асарда кўрсатилишича, Улуғбек подшоҳлик қилиш билан бирга, илм-маърифат ишлари, хусусан, фалакиёт илми билан жиддий шуғулланади, илмда буюк қашфиётлар очади. Ўлугбек илмни ҳамма нарсадан — бойлиқдан ҳам, подшоҳликдан ҳам устун қўяди. Шунга кўра у ўз дўйстлари ва шогирдларига насиҳат қилиб, дейди:

Илм инсон кўзин очар, қулогин очар,  
Фан мияга идрок билан ёругни сочар.  
Фан мияга кирган жойда, билинг, муҳаққақ,  
На шайтонга ўрин бордир ва на фолбинга.  
Алалхусус абадийдур ҳикмат фанлари.  
Дақиқ фанлар танишитирар бизга дунёни.  
Коинотга очиб берар эс деразасин,  
Олиб ташлар ниқобларни сирлар юзидан:  
Замон ўтар, ваҳшат битар, ёмонлик кетар...

Улугбек илмнинг амалий аҳамиятига катта баҳо беради. Илм воситасида жаҳолатга барҳам бериб, мамлакатда адолат ўрнатишини, халқ аҳволини яхшилашни орзу қиласиди. Бироқ, олим ўзининг бу эзгу ниятига ета олмайди. Феодал тузуми шароитида унинг орзулари чил-парчин бўлади. Қорагуруҳчи руҳонийлар Улугбекка қарши зимдан кураш олиб борадилар. Улар ўз қора ниятларини амалга оширишда, ҳатто Улугбекнинг ўз ўғли — мансабпарат ва мақтанчоқ, худбин ва кўрқоқ Абдуллатифдан ҳам фойдаланадилар. Улугбек-

нинг адолатпарварлиги, ростгўйлиги ва илмий қашфиётлари рақибларнинг буюк олим ҳақида иғво тарқатишлари, Улугбекни диндан юз ўтирган — даҳрий деб айблашлари учун қўл келади. Қорагуруҳчилар динни байроқ қилиб олиб, Улугбекни таҳтдан воз кечтиришга ва, нихоят, уни ваҳшийларча ўлдиришга муваффақ бўладилар.

Шундай қилиб, фожиада Улугбекнинг 40 йил давом этган хукмронлиги ва илм-фан йўлидаги фаолияти яқунланади. Абдуллатифнинг лашкарбошиларидан бўлган Аббос салтанатдан бутунлай воз кечиб, ҳажга кетаётган буюк олим Улугбекни ёвузларча ўлдиради. Асар ана шундай фожиа билан тугаса-да, унда илм-фанинг, илғор кучларнинг ғалабасига ва абадийлигига ишонч руҳи барқ уриб туради.

М. Шайхзоданинг «Мирзо Улугбек» фожиаси шеърий тилда ёзилган. Асар чуқур мазмунли афоризмларга, ёрқин ифодаланган фалсафий фикрларга бой. Пъесадаги монолог ва диалоглар (хусусан, Улугбек монологлари) санъаткорлик билан яратилган. Бунда Шайхзоданинг буюк драматург В. Шекспирдан ижодий ўргангандилиги очиқ сезилади.

«Мирзо Улугбек» ўзбек драматургиясининг тарихий мавзудаги энг мукаммал фожиаларидан биридир.

М. Шайхзода шоир ва драматург сифатидагина эмас, иирик адабиётшунос олим сифатида ҳам танилган. Маълумки, М. Шайхзода Боку давлат олий илмгоҳини битиргач, Тошкентда аспирантурада таълим олди. Натижада у олим сифатида танилиб, 30-йиллардан бошлаб адабиётшунослик тараққиётига сезиларли ҳисса қўша борди. Шайхзода ўзбек мұмтоз шеърияти ва янги адабиёти ҳақида илмий асарлар ёзиш билан кифояланмади. Олим қардош ҳалқлар адабиётлари, хусусан, адабий ҳамкорлик ва адабий таъсир ҳақида ҳам чуқур мазмунли мақолалар ёзди. М. Шайхзоданинг илмий асарлари янги фикрларга сероблиги, бадиий таҳлилнинг теранлиги ва аниқлиги билан ажralиб туради. Бу фазилат унинг «Кулбоболар ва ҳурболалар», «Адабнинг ютуғи», «Гениал шоир», «Навоийнинг лирик қаҳрамони», «Алишер Навоийнинг поэтик маҳорати», «Маяковский — янги тип шоир» сингари мақолаларида очиқ кўринади.

М. Шайхзоданинг таржима санъати соҳасида ҳам ўзига хос ўрни бор. Шоир «Сўл марши», «Жуда соз»,

«Тўёна» (Маяковский), «Мис чавандоз», «Моцарт ва Сальери» (А. Пушкин), «Икки асира» (М. Лермонтов), «Гайдамаклар» (Т. Шевченко), «Ромео ва Жульетта», «Ҳамлет» (В. Шекспир) сингари машҳур асарларни, шунингдек, Н. Тихонов, А. Сурков, А. Лохутий, Жамбул, Нозим Ҳикмат каби шоирларнинг кўпгина шеърларини маҳорат билан ўзбек тилига ағдарган.

М. Шайхзода ижодининг адабиётшуносликда ёритилиши соҳасида ҳам муайян ишлар амалга оширилган. О. Шарафиддинов, М. Зокиров, Б. Имомов, О. Абдуллаев, Ҳ. Олимжонова, И. Рафуров ва бошқаларнинг мақола ва рисолаларида М. Шайхзода асарларининг гоявийбадиий хусусиятларига доир мухим фикрлар баён этилган.

Хуллас, Мақсад Шайхзода ранг-баранг ва серқирра ижоди билан ҳозирги замон ўзбек адабиёти тарихида ўзининг мустаҳкам ўрнига эга.

#### АДАБИЁТЛАР

1. Б. Имомов. Трагедия ва характер, Тошкент, «Фан», 1963.
2. М. Зокиров. Мақсад Шайхзода, Тошкент, F. Фулом номидаги Адабиёт ва санъат нашриёти, 1969.
3. И. Рафуров. Ўртоқ шоир, Тошкент, F. Фулом номидаги Адабиёт ва санъат нашриёти, 1972.
4. О. Абдуллаев. Шеъриятнинг тиник осмони, Тошкент, F. Фулом номидаги Адабиёт ва санъат нашриёти, 1979.
5. Мақсад Шайхзода замондошлари хотирасида, Тошкент, F. Фулом номидаги Адабиёт ва санъат нашриёти, 1983.
6. Ўзбек совет адабиёти тарихи очерки, II том (М. Шайхзода ижоди хақидаги қисм), Тошкент «Фан», 1962.
7. Адабиётимиз автобиографияси, Тошкент, 1973.
8. Ўзбек совет адабиёти тарихи, Тошкент, «Ўқитувчи», 1990.

#### М а т н

М. Шайхзода. Асарлар (олти жилдлик), Тошкент, F. Фулом номидаги Адабиёт ва санъат нашриёти. 1968—1973.

#### ЗУЛФИЯ

(1915 йилда туғилган)

Зулфия ҳозирги замон ўзбек лирикасининг иирик намояндаларидан биридир. Шоиранинг ижод уфқлари кенг, бадиий мушоҳадалари ўткир, эҳтироси жўшқин-дир. Зулфия шеърияти ҳаётбахш лирик туйғуларга, янги фикрларга, чуқур мазмунга, теран ҳиссиётга, ажойиб образларга, ранг-баранг тасвирий воситаларга бойдир.

Зулфия ўзига хос ижодкор. Унинг ўз тили, ўзига хос ва ўзига мос услуби бор. У ҳаёт ва ундаги ранго-ранг масалалар ҳақида ўзига хос бадиий тарзда фикр юритади. Бевосита қайноқ ҳаётни тасвирлаб, ундаги кичик воқеа ва ҳодисалардан катта ижтимоий хуносалар чиқаради.

Зулфия ижоди ҳақида адабиётшуносликда кўпгина тадқиқотлар қилинган. «Шоира Зулфия» (Абдулла Олимжон), «Зулфиянинг ижодий йўли» (F. Мусина), «Шоира Зулфия» (М. Султонова), «Қалб қуичиси» (А. Акбаров), «Зулфия ижоди» (Л. Қаюмов) каби рисолаларда шоира шеъриятининг ғоявий-бадиий фазилатлари унинг асарлари таҳлили асосида очиб берилган.

Шоира лирикаси рус, украин, қозоқ, озарбайжон, туркман..., шу билан бирга, ҳинд, афгон, араб, чех, поляк, болгар, венгер, мўғул, француз ва немис китобхонлари томонидан ҳам севилиб ўқилаяпти.

Зулфия 1915 йил 1 мартда Тошкент шаҳрида хунарманд оиласида дунёга келди. У мактабларда ва ўқув юртларида таълим олди. А. С. Пушкин номидаги Тил ва адабиёт илмий-текшириш институтида аспирантурада ўқиди. Сўнгра Ўзбекистон Давлат нашриётида, Ўзбекистон Ёзувчилар уюшмасида, рўзнома ва ойнома таҳририятларида ишлади. У узоқ йиллар давомида «Саодат» ойномасининг бош муҳаррири сифатида қизғин фаолият кўрсатди (1953—1985).

Зулфия жамоат арбоби сифатида республика маданий ҳаётида фаол қатнашади. Зулфиянинг тинчлик учун кураш соҳасидаги фаолияти ҳам ибратлидир. У Деҳли, Коҳира, Коломбо ва бошқа шаҳарларда тинчлик учун кураш масалаларига бағишлаб ўтказилган халқаро анжуманларда иштирок этди, оташин нутқлар сўзлаб, ажойиб шеърлар ёзди.

Зулфия ёшлигидан бадиий адабиётнинг, хусусан, лириканинг мафтуни бўлган. Зулфия ўзининг ёшлик чоғларини эслаб, «буюк Навоийнинг ҳассос газаллари, Фузулийнинг достонлари, Пушкиннинг биллурдай мусаффо сатрлари, Байроннинг исёнкор шеърлари, ғамалам билан сугорилган Лермонтов мисралари ва оддий, аммо самимий Некрасов образлари мени борган сари ўзига мафтун қила борди»<sup>1</sup> деб ёзган эди.

Зулфия ўн уч — ўн тўрт ёшларидан бошлаб шеър

<sup>1</sup> Адабиётимиз автобиографияси, Т., 1973, 138-бет.

машқ қила бошлади. Унинг шеърлари илк бор 1930 йилда матбуотда эълон қилинди. 1932 йилда ёш шоиранинг биринчи китоби «Ҳаёт варақалари» нашр этилди. Бу илк тўплам, хусусан, ундаги «Ёш тракторчига», «Механик Кумри», «Улуг байрамга», «Озод қиз», «Бизлар», «Мактаб йўлида», «Ишчи — комсомолга», «Завод йўлида», «Пахта сари» каби шеърлар ўқувчилар томонидан илиқ кутиб олинди. Чунки бу асарларда янги ҳаёт, эркин меҳнат, хотин-қизлар озодлиги мавзулари самимият билан кўйланган.

Зулфиянинг «Механик Кумри» шеъри озод қиз образини яратишга интилишининг дастлабки самараси бўлиб, унда Кумрининг ўтмиши унинг ҳозирги даврдаги ҳаёти билан таққосланади. Шу орқали янги турмуш, хотин-қизлар озодлиги улуғланади. Бироқ «Механик Кумри», «Колхоз қизи», «Ишчига» каби дастлабки шеърларида юзакичилик ва баёнчилик очиқ кўриниб туради.

Ёш шоира устозлар маҳоратини қунт билан ўрганиш, ўз устида узлуксиз ишлаш орқали бундай ижодий қусурлардан қутула борди.

**1** Зулфиянинг ижодий ўсишида Ҳамид Олимжоннинг ва ўзбек адабаси Ойдиннинг таъсири, кўмаги катта бўлди. Зулфия Ҳамид Олимжон ҳақида «Йирик шоир, бениҳоя меҳнаткаш, ноёб интизом эгаси, дўстларига меҳрибон, душманларига аёвсиз Ҳамид Олимжон — турмуш ўртоғим, болаларимнинг отасигина бўлиб қолмасдан, айни чоқда уйғун йўлдошим ва сезигир маслаҳатчим ҳам эди. Мен ундан фикрлашни, меҳнат қилишни ва шеър ёзишни ўргандим, унинг ижод мактабида таълим олдим», деб ёзган эди.

Шоира Зулфия шеъриятида йил сайин замонавийлик, лирик жўшқинлик орта борди. Биринчи китоби «Ҳаёт варақалари» билан 30-йилларнинг охиrlарида майдонга келган тўпламлари («Шеърлар», «Қизлар қўшиғи») ўзаро таққосланса, бу ўсиш-ўзгариш яққол кўринади. «Ҳаёт варақалари» да умумийлик, юзакичилик кўзга ташланса, «Шеърлар», «Қизлар қўшиғи» китобларида табиийлик ва самимийлик, ҳаққонийлик ва жўшқинлик устун туради.

Хотин-қизларнинг янги даврдаги ҳаётини кўйлаш — «Қизлар қўшиғи» тўпламининг асосий ғоявий

<sup>1</sup> Зулфия. Шеърлар, Тошкент, F. Фулом номидаги Адабиёт ва санъат нашриёти, 1983, 9-бет.

мазмунини ташкил этади. Тўпламга кирган «Сенинг мақтоворинг», «Сени севардим», «Хожар», «Нишондор қиз», «Она қувончи», «Баҳор», «Аҳд», «Студентка», «Кутиш», «Мартни кутганда», «Баҳор кечаси» сингари шеърларнинг аксариятида ижтимоий меҳнат, янги инсон, илмсеварлик, ватанпарварлик мавзулари муваффақият билан куйланади. «Сенинг мақтоворинг» шеърида хотин-қизларнинг кўтаринки руҳи, меҳнатга янгича муносабатлари бадиий ифода этилади:

Тонг ели эсади сочингни тараф,  
Файратинг тунлардан яратар кундуз.  
Сен чиқсан далага, сени кузатиб  
Сўнг кетар уйига кўкдаги юлдуз.

Зулфия уруш даврида ижодий фаоллик кўрсатди. Урушнинг биринчи кунларида ёзувчи Ойдин билан ҳамкорликда ҳарбий-мудофаа мавзуларида «Ватанпарварлар аҳолини ҳимоя қилишга тайёр», «Ватан учун жон фидо», «Мардларга мадад берди» каби очерклар ёзди. Сўнгра «Верность» (1943), «Уни Фарҳод дер эдилар» (1943), «Ҳижрон кунларида» (1944) тўпламларини нашр қилдириди.

Зулфиянинг ҳарбий-ватанпарварлик лирикасида ўша жанговар кунларнинг долзарб мавзулари ёрқин ифодаланади. Шоиранинг «Менинг Ватаним», «Қўлимда қуролу устимда шинель», «Йигитларга», «Эримоқда қор», «Бизни кут», «Ҳижрон», «Палак» ва бошқа шеърларида халқимизнинг она-Ватанга оташин муҳаббати, қаҳрамонлик, инсонпарварлик, душманга нафрат, курашга чақириқ, буюк галабамизга комил ишонч гоялари маҳорат билан акс эттирилди. Шоира 1942 йилдаёқ «Менинг Ватаним» шеърида галабага ишонч гояларини баралла куйлаган:

Ишончим буюкки, бўлур зўр байрам,  
Менинг севганим ҳам қайтади голиб.  
Йўлига чиқаман қучогим тўла  
Боғларингда ўсган гуллардан олиб.  
Бутун халқим билан байрамга чиқиб,  
Фалабани кутлаб, оламан созим.  
Сенга, азиз Ватан, сенга, она-юрт,  
Мехринг, ишқинг билан тўлиқ овозим.

Зулфия «Палак» шеърида колхозчи қизлар ҳаётидан олинган одатдаги бир воқеани акс эттириб, буюк

ғалабага ишонч ғояларини олға суради. Шоира урушнинг энг оғир, энг долзарб кунларида оз-оздан бўлса-да, вақт топиб палақ (кашта) тиккан — тўйга тайёргарлик кўрган қизнинг бу эзгу ҳаракатидан ғалабага ишончни ифодаловчи ижтимоий мазмун топади ва уни жуда чиройли қилиб бадиий ифодалайди.

Зулфия уруш йилларида ботир жангчилар, фидокор жамоа аъзолари, ватанпарвар ишчи ва зиёлиларнинг умумлашма образларини яратади. Айниқса ватанпарвар, фидокор аёл, вафодор ёр образини тасвирлашда катта ютуқقا эришади. Унинг «Қўлимда қуролу, устимда шинель», «Ҳижрон кунларида», «Гуллар» очилганда», «Вафо», «Икки шеър», «Сулув тонг» шеърларида ватанпарвар аёл қиёфаси бадиий бўёқларда тасвирланади. Шу орқали давр руҳи, замон гояси асарнинг мағзи-мағзига усталик билан сингдириб юборилади.

Зулфиянинг Ҳамид Олимжоннинг «Қўлингга қурол ол» шеъри таъсирида ва унга жавоб сифатида яратилган «Қўлимда қуролу, устимда шинель» асари шеърий хат шаклида ёзилган. Асар композицияси жангчи йигит ва вафодор қиз мактублари асосига қурилган. Унда ёшларимизнинг она диёрга садоқати, ҳижронга бардоши, ғалабага ишончи табиий қилиб ифодаланган. Қизнинг жангчи йигитга йўллаган жавоб хатида асарнинг гоявий хуносаси ва лирик қаҳрамон — ватанпарвар қизнинг маънавий қиёфаси яққол гавдаланаиди:

Бирга жанг қиласиз туриб ёнма-ён,  
Таниш бўлиб қолар ўқлар овози.  
Мен узган ўқимдан фашист ииқилса,  
Сен мамнун бўларсан, Ватан ҳам рози.

Ишқинг қанотида сени сўроқлаб,  
Парвоз қилмоқдаман осмонда енгил,  
Тездан етажакман сенинг ёнингга,  
Қўлимда қуролу, устимда шинель.

Зулфия уруш даврида тарихий-биографик материал асосида «Уни Фарҳод дер эдилар» номли достон ёзди. Асар лиро-эпик характерга эга бўлиб, унинг бош қаҳрамони таниқли ўзбек артисти, ватанпарвар жангчи Қобил Қори Сиддиқовdir. Достонда бу образ ҳаётий, бинобарин, унутилмас бўлиб чиқсан. Шоира бу қаҳрамон орқали халқимизнинг фашизмга қарши мардонавор курашини умумлаштириб кўрсатган.

Достон воқеаси хушовоз артист Қобилнинг Тошкент театрида машҳур Фарҳод ролини ўйнаётганлиги тасвири билан бошланади. Шоира:

Бу куйчига тан бериб, буткул  
Кўшигини унутди булбул

сингари лирик мисраларда Қобилнинг хушвозини мафтун бўлиб тасвирлайди. Сўнгра Қобилнинг Ватан уруши давридаги жанговар ҳаёти, Украинада душманга қарши ботирларча жанг қилиши, унинг она юртимизга чексиз муҳаббати ҳикоя қилинади. Достонда Қобил Қори сўзи билан иши бир-бирига монанд қаҳрамон сифатида гавдаланади. У дейди:

Азиз Ватан, жонажон Ватан,  
Керак бўлса қурбон жону тан.  
Бахт, эркимиз қолсин деб элда,  
Муҳаббатинг, қудратинг дилда  
Кўрсатамиз курашда сабот,  
Ёвдан сени қиласиз озод.  
Халқим учун, санъатим учун  
Яна жангга кираман бу кун!

Достонда Қобил Қорининг жангда оғир ярадор бўлгандан кейинги ҳолати ва мардона ўлими таъсирили акс эттирилган. Қобил сўнгги нафасини олиш олдидан жангчи дўстларини курашни давом эттиришга, душмандан аёвсиз қасос олишга чақиради. Шоира бош қаҳрамоннинг ана шу оғир пайтдаги руҳий ҳолатини ёрқин тасвирлаб, достонни буюк ғалабамизга комил ишонч руҳи билан сугорди.

«Уни Фарҳод дер эдилар» достонида очиқ кўринганидек, шоира қайгули, изтиробли ва фожиали воқеалар ҳақида ҳам кишиларни ғалабага, қийинчилликларни енгишга чорловчи ҳаётбахш асаллар яратса олган. Бу хусусият унинг «Кечир, қолдим ғафлатда», «Баҳор келди сени сўроқлаб...», «Ҳижрон кунларида», «Кўрганмидинг кўзларимда ёш», «Сен қайдасан, юрагим», «Не балога этдинг мубтало» каби шеърларида очиқ кўринади. Шоиранинг турмуш ўртоги Ҳамид Олимжоннинг ҳалок бўлиши (1944) муносабати билан ёзган бу шеърларида ҳаёт ва ўлим, муҳаббат ва ҳижрон, севигига содиқлик ва бевақт айрилиқ ҳақида, чуқур ижтимоий

ҳодисалар ҳақида теран фикрлар юритилади. Бунда шоира «асел инсон учун ўз шахсий баҳтидан минг карра зўрроқ, минг карра улугроқ баҳт бор. Бу баҳт — ҳалқ баҳти, юрт баҳтидир» (Ўйғун) деган ҳикматга қатъий амал қиласди. Шоира ўз баҳтини ҳалқ ва юрт баҳтида кўради ҳамда мавзуни шу нуқтаи назардан ёритади. Бу ҳол Зулфия шеърларини шахсий ҳаёт доирасидан чиқариб, уларга ижтимоий руҳ, катта тарбиявий-эстетик қувват баҳш этган.

Дарҳақиқат, Зулфиянинг бу туркум шеърларида фақат шоиранинг ўз шахсий ҳис-туйғулари билан бирга, уруш туфайли чексиз азият чеккан барча аёлларнинг ҳам руҳий ҳолатлари акс этган. Бу туркум шеърларда ифодаланган мунгли куйлар ўқувчига жуда таъсир этади. Лекин бу ғамгин куйлар асар давомида ҳаётбахшликини тараннум этиш даражасига ўсиб чиқади. Севган ёридан бевақт айрилиб, унинг фироқида ёнган, ич-ичидан эзилиб, қанчадан-қанча қайғули дамларни бошидан кечирган шоира (лирик қаҳрамон) «Баҳор келди сени сўроқлаб» шеърининг хulosасида «Ҳаётни куйлайман, чекинар алам» деб хитоб қиласди. Демак, шоира энг азиз ва энг севимли кишисидан жудо бўлгач, гоят қийналади, руҳан азоб чекади. Лекин ҳаётдан воз кечмайди, тушқунликка берилмайди. У ҳаётни куйлаш, эл-юртга сидқидилдан хизмат қилиш орқали ўз дардига даво топади ва ана шу ҳаёт ҳақиқатини ғоят босиқлик ва моҳирлик билан шеър мисраларининг мағзига жойлади. «Ҳаёт жилоси» шеъридан олинган қуидаги мисралар ҳам ана шу фикрни тасдиқлади:

Қарадиму, кўзимни ортиқ  
Узолмадим тирик ҳаётдан.  
Созим, қалбим, қўшиғим билан  
Мафтун бўлдим мен қайта бошдан.

Зулфиянинг урушда ғалаба қозониб, ўз эли, ўз уйига соғ-саломат қайтиб келган аскарлар ҳақидаги «Она элда тўлишар наҳор», «Фолиблар қайтганда» каби шеърларида ҳам ҳаётбаҳш руҳият, юксак инсонпарварлик, келажакка ишонч туйғулари барқ уриб туради.

Кўринадики, ҳаёт қайси масалани кун тартибига қўйса, шоира ўша долзарб масала ҳақида ҳозиржавоблийлик билан қалам тебратади. Зулфия ижодининг замонавийлиги, ҳозиржавоблиги, ҳалқ ва мамлакат

ҳаёти билан мустаҳкам боғлиқлиги ҳам ана шунда. Шоира доимо замонамизнинг муҳим мавзуларига мурожаат қиласи ва ҳар сафар уларни чуқурроқ, гўзалроқ қилиб акс эттиришга интилади. Бу хусусият айниқса шоиранинг урушдан кейинги ижодига хос.

Урушдан кейинги даврда Зулфиянинг «Хулкар» (1947), «Мен тонгни куйлайман» (1950), «Дугоналар билан сухбат» (1953), «Лирика», «Юрагимга яқин кишилар» (1958), «Гулларим», «Танланган асарлар» (1959), «Шеърлар» (1963), «Водий тухфаси», «Юрак ҳамма вақт йўлда» (1966), «Шалола» (1976), «Йиллар, йиллар» (1978), «Достонлар» (1975), «Камалак» (1985) каби ўнлаб китоблари нашр этилди. Бу асарларда замонанинг рангбаранг мавзулари маҳорат билан ёритилган.

Зулфия шеъриятида ҳаётга, оддий инсонга муҳаббат, эзгулик ва тинчликнинг жаҳон бўйлаб тантана қилишига комил ишонч руҳи бўртиб туради. Шоира:

Кўксим тог, шодлигим баҳорги дарё,  
Мен сени куйлайман, сўзим, созимда,  
Бахтимга сен борсан, эй нурли дунё,  
Шодлик, баҳор яшар хур овозимда,—

деб ёзади.

Зулфия шеъриятида она-Ватанга муҳаббат гояси муҳим ўринни эгаллайди. Шоира «Сенга, азиз Ватан, сенга, она-юрт, меҳринг, ишқинг билан тўлиқ овозим» деб ёзади ва она-Ватанини мафтун бўлиб куйлайди. Шоира она-Ватан образини кенг маънода ишлатади. «Қайнзорда», «Қозогистон ўланлари», «Балхаш оқшоми», «Тожикистон хотиралари», «Чоржўй — Кўнғирот», «Жануб оқшоми» сингари шеърларида Ватан образи ҳаётий кечинмалар ва гўзал манзаралар воситасида гавдалантирилади. Шоира «Юртимни куйлайман» шеърида лирик қаҳрамоннинг эзгу ниятлари ва ҳис-туйғуларини акс эттиради.

Шоира Ватан мавзуини тасвирлашда ҳис-туйғудан маҳрум бўлган баландпарвоз, дабдабали гапларга, қуруқ ваъзхонликка берилмайди, аксинча, жонли ҳаётий кечинмалар, гўзал манзаралар яратиш йўли билан мақсадга эришади. «Қалбим қолган эди бу ерда», «Юртимни куйлайман», «Ватан тонги», «Биз тонгни севган-чун», «Қайнзорда», «Кўлда» ва бошқа шеърларида шоира худди шу йўлдан бориб, Ватан образини яратади.

Зулфия Ватан образини чизишда уста манзарачи сифатида ҳам танилди. Чунки шоира ўз лирикасида манзара тасвиридан моҳирона фойдаланади. Ўлкамизнинг гўзал табиатини эҳтирос билан ифодалайди. Зулфия шеърларида манзара қуруқ безак учун эмас, аксинча, асар ғоясини очишда бадиий восита сифатида ишлатилади:

Гўдак тушунчамда Ватан деб билдим  
Атрофни ўраган чаман боғингни.  
Туганмас меҳрингга ўхшатиб севдим  
Ойга кўзгу бўлган соф булогингни.

Зулфия шеъриятининг яна бир муҳим хусусияти шундаки, у қайси мавзуни тасвирлашидан қатъи назар, унинг асарларида чин инсонийлик ҳис-туйғулари уфуриб туради. Шоира шеърларида инсон қадр-қимматини улуғлаб, меҳнаткаш оддий одамларни жамиятнинг кўрки ва соҳиби сифатида мадҳ этади. Унинг «Юрагимга яқин кишилар», «Лобар қизларга», «Чўпон», «Раис шундай бўлса», «Боғбон», «Мироб», «Таҳсину таъзим!» каби шеърларида оддий кишиларимиз ва уларнинг ажойиб фазилатлари ҳақидаги поэтик фикрлар ғоят нафис ифодаланган. Шоира ўз меҳнатлари билан жамиятни ҳаракатга келтираётган, янги тарих яратаБтган соф виждонли одамларнинг ҳаммасини «юрагимга яқин кишилар» деб атайди.

Зулфия меҳнаткаш инсон ва ижтимоий меҳнат ҳақида ёзганида, одатда, ҳозирги замон хотин-қизлари образини яратиши биринчи ўринга қўяди. Зотан, шоира: «Юрагим тўридан жой олган, ҳаётим унинг ҳаёти билан чамбарчас боғланган менинг дугонам, тенгқурим, гўзал ва оқила, муҳаббатли ва вафодор оддий аёлнинг турмуши кўркамлашиб, янги поғоналарга кўтарилаётгани менинг олдимга янги вазифалар қўйиб, ёзишга йўллайди... Менинг дугонам... ўсмоқда, янги-янги ёрқин жилвалар кашф этмоқда»<sup>1</sup>, деб ёзган эди.

Шоира ўз сўзига қаттиқ амал қилмоқда. Дугоналари ва умуман барча ўзбек аёллари ҳаётида, дунёқарашида юз берган сифат ўзгаришларини ўз асарларида тасвирлаб бермоқда. Шунга кўра, унинг «Она», «Ўзбек

<sup>1</sup> Адабиётимиз автобиографияси, 254-бет.

қизининг овози», «Зоотехник қиз», «Чевар қиз қўшиғи», «Ҳамма сафарбар», «Икки ўртоқ», «Менинг меҳрибон онагинам» сингари шеърларида меҳрибон, муnis, вафодор, меҳнаткаш хотин-қизларимизнинг жонли образлари кўзга ташланади. Шоиранинг бу хил шеърларида самимият, ҳис-туйғу кучли, улар илиқ, роҳатбахш лиризм билан сугорилган.

Зулфия лирикасида халқлар дўстлиги мавзуи ҳам катта ўрин эгаллади. Шоира халқлар ва миллатлар ўртасидаги беғараз дўстлик ва маънавий яқинликни қадрлаб, уни ихлосу муҳаббат билан тараннум этади. Унинг «Яқинлик», «Қозогистон ўланлари», «Балхаш оқшоми», «Кўкчатор», «Қармоқ», «Дўстимга» каби шеърларида халқларимиз ўртасидаги дўстликнинг кучи ва унинг жамият тараққиётидаги ўрни умумлаштириб берилган. Шоира халқлар дўстлиги мавзууни ранг-бараанг шаклларда, жонли, ҳаётий кечинмалар воситасида ифодалайди. «Кўкчатор» шеърида қозоқ ўтови лирик қаҳрамоннинг кўнглига хуш ёқади. Дўмбира овози уни она алласидай эркалайди. Лирик қаҳрамон:

Кўкчатор тавсифин қозоқдан сўранг,  
Менинг қалбим кўчиб, қамашди кўзим.  
Нур макри, сув акси, ишқдай мовий ранг —  
Табиат қулига айландим шу зум,

дея Кўкчатор табиатига мафтун бўлади. Унинг «Раққоса қайинлар ичига йўқолгиси», «Ойна кўлининг тоши бўлғиси» келади... Шоиранинг усталиги шундаки, у Кўкчатор табиатининг гўзаллигини мафтун бўлиб тасвирлаш, гўзал табиат манзараларини чизиш орқали халқлар дўстлиги гоясини асарнинг мағзига сингдириб юборади.

Зулфия шеъриятидаги дўстлик мавзуининг доираси кенг. Шоира Ватанимиз халқларининг хорижий халқлар билан бўлган дўстона алоқалари ҳақида ҳам бақувват асарлар ёзди. Унинг бундай шеърларида дўстлик ғоялари тинчлик, озодлик ва демократия учун кураш ғоялари билан бирлашган ҳолда намоён бўлади.

Зулфиянинг халқлар дўстлиги ва тинчлик учун кураш мавзууда ёзилган «Тинчлик вахтасида», «Салом сизга, эркпарвар эллар!», «Салом, Миср!», «Саодатнинг америкалик хонимга жавоби», «Ўғлим, сира бўлмайди уруш!» сингари шеърлари жанговар кўтаринки руҳ

билин йўғрилган. Уларда бутун дунёдаги тараққий-парвар инсониятнинг тинчлик ва озодлик йўлида олиб бораётган кураши бадиий тарзда умумлаштирилиб, демократия ва тинчлик тарафдорларининг куч-куввати улуғланган.

Зулфия тинчлик мавзуидаги асарларида инсонпарварлик ва байналмилаллик гояларини олга сурис билан бирга, урушни ва уруш оловини ёқувчи корчалонларни қоралайди. «Ўғлим, сира бўлмайди уруш!» шеърида урушда жафо чеккан миллион-миллион аламдийда оналар номидан урушни лаънатлаб, бонг уради:

Уруш! Номинг ўчсин жаҳонда,  
Ҳамон битмас сен солган алам.  
Сен туфайли кўп хонадонда  
Ота номли буюк шодлик кам.

Юлдинг ота демак баҳтини,  
Жуда мурғак гўдакларимдан.  
Яхши ҳам бор шундай Ватани,  
Далда бўлди юракларимга...

Мен онаман, менинг юрагим  
Фарзандларим қувончига кон.  
Дил орзиқар, баъзан тиласим  
Ваҳималар ўраган замон...

Кўкрак сути ва меҳнат билан  
Биз жаҳонга берганимиз турмуш,  
Она қалби оёққа турса,  
Ўғлим, сира бўлмайди уруш!

Зулфия ўз шеърларида ҳаётий воқеаларга асосланган ва таянган ҳолда тинчлик ишининг енгишига, бутун дунёда тинчликнинг барқарор бўлишига қатъий ишонч билдиради. Шу билан бирга, тинчликсевар элларни, тараққийпарвар инсониятни доимо ҳушёрликка чақиради («Салом сизга, эркпарвар эллар»).

Зулфиянинг чет эл халқлари ҳаёти ва курашини акс эттирувчи шеърлари инсонпарварлик ва байналмилаллик гоялари билан сугорилган. Бу хусусият шоира-нинг халқлар дўстлиги ва тинчлик учун кураш мавзуида ёзилган «Мушоира» поэмасида яққол кўрина-ди. Маълумки, ҳиндлар шеърхонликини мушоира деб

атайдилар. Зулфиянинг бу достони эса мушоира ҳақидаги асардир. Унда Осиё ва Африка тараққий-парвар ёзувчиларининг Ҳиндистонда бўлиб ўтган (1956) конференцияси воқеалари, шеър баҳси, шеърхонлик ҳикоя қилинади. Асар лиризмга бой бўлиб, унда сермазмун фикрлар, чуқур мулоҳаза ва мушоҳадалар ёрқин ифодаланади. Мушоирада қатнашган шоирлар ўз мамлакатларининг (Осиё ва Африка мамлакатларининг) табиат манзаралари заминида, ўзига хос миллий либосида акс эттирилади ҳамда мажозий йўл билан ифодаланади. Зулфия дунёдаги барча шоирларнинг фақат тинчликни, фақат эзгуликни куйлашларини орзу қиласи ва ўз асарини кўтаринки руҳда якунлайди:

Даврамиз меҳрга тўлиқ бир олам,  
Дўстлар бари жам.  
Буюк мушоира этади давом  
Келингиз сиз ҳам!

Шундай қилиб, Зулфия урушдан кейинги даврда бутун дунёда тинчлик учун кураш ва халқлар дўстлиги мавзуларини тасвирлашда салмоқли ютуқларга эришди. Шоиранинг Ҳиндистон республикасининг Жавоҳарлал Неру номидаги Давлат мукофоти (1968) ва халқаро «Нилуфар» мукофоти (1970) билан тақдирланганлиги ҳам бежиз эмас, албатта.

Зулфия кейинги даврларда оила ва бурч, ахлоқ-одоб, ёшлиқ ва шодлик, виждон ва имон, ишқ-муҳаббат каби мавзуларда ҳам чуқур мазмунли шеърлар яратди. Шоира бу шеърларида ҳаётдаги келажаги порлоқ ижобий хусусиятларни қўллаб-қувватлаш билан бирга, айrim салбий воқеа-ҳодисаларни танқид қилди. Масалан, баҳтини ўз қўли билан яратайтган озод хотин-қизларни улуғлаш билан бирга, эскилилка берилишни, турмушдан орқада қолиб «уй қизи» бўлиб ўтириб қолишни, ҳозирги қайноқ ижтимоий ҳаётдан четда туришни кескин қоралади:

Жоним, ўтмиш чодирин ирғит,  
Тонгдай яшна, эрклиларга хос!  
Танҳоликни абадий тарк эт,  
Хур дўстларинг билан қадам бос!

Зулфия ижоди мавзу доираси ва ғоявий мазмунни жиҳатидангина эмас, балки жанр ва бадиий маҳорат жиҳатидан ҳам бойиб, сайқаллаша борди. Зулфия ижоди туркум шеърлар билан ҳам бойиди. Шоиранинг «Юрак ҳамма вақт йўлда», «Камалак», «Водий тухфаси», «Сени куйлайман, ҳаёт!», «Тонг ва шом аро» каби шеърий туркумларида Ватан ва замон, инсон ва ҳаёт, дўстлик ва ҳалоллик, севги-муҳаббат ва оиласвий бурч ҳақидаги теран фикрлар лирика торларига солиниб, юракдан куйланади. «Сени куйлайман, ҳаёт!» туркумида шоира ўз услубининг азалий ғоявий-бадиий хусусиятларига содик қолган ҳолда ёрқин бадиий мушоҳадалар воситасида инсоннинг улуғворлигини, инсон қадр-қимматини тараннум этади. Ҳаётбахш ғояларни олга суради. Масалан, шу туркумдаги «Халқимга айтар сўзим» шеърида шоира ўзининг суюкли она ҳалқига ўз ижоди ҳақида камтарлик билан ҳисоб беради, ҳалқимизни улуғлаб, унга чин қалбидан миннатдорчилик билдиради:

Ҳали бор олдинда ўтмаган бурчим,  
Ўтайман кўзимда тирик турса нур.  
Умримдаги барча фасллар учун  
Халқим, жоним, сенга буюк ташаккур!

Зулфия ўз шеърида ҳалқнинг жамиятдаги ҳал қилувчи ролини ва унинг бунёдкорлик меҳнатини ишонарли воқеа ва образлар мисолида асослаб беради. Натижада асарда лирик қаҳрамон (шоира) образи билан бир қаторда меҳри дарё, бағри кенг, ҳалол ва фидокор ҳалқимизнинг салобатли образи бутун борлиги билан намоён бўлади. Шундай қилиб, «Халқимга айтар сўзим» шеъри ўзининг кучли, чуқур мазмуни ва юксак бадиийлиги билан Зулфия шеъриятида алоҳида ўрин тутади.

Ҳа, рост, бошқа ижодкорлар сингари Зулфия ҳам баъзан замонасозлик қилиб, ҳаётни бир томонлама, юзаки акс эттирган. Шоиранинг партия ва Ленин ҳақидаги «Нур», «Съезд ишламоқда», «Партия, сенга салом!» шеърларида турғунлик даврининг таъсири яққол сезилади.

Зулфиянинг достон жанридаги изланишлари ҳам самаралидир. Шоира «Уни Фарҳод дер эдилар», «Икки ўртоқ», «Мушоира», «Водил юлдузлари», «Сўроқлайди

шоирни шеърим», «Қуёшли қалам» каби поэмалар яратиб, ўзбек достончилиги анъаналарини янада ривожлантириди. Зулфиянинг «Қуёшли қалам» асари достончилигимизда ўзига хос қувончли воқеа бўлди. Унда улуг адаб, севимли шоир ва донишманд олим Ойбекнинг ёрқин образи зўр ҳаяжон ва катта муҳаббат билан чизиб берилган.

Зулфия Ҳамид Олимжоннинг машхур достони асосида «Зайнаб ва Омон» опера либреттосини ёзди. С. Сомова билан ҳамкорликда «Семурғ» достони асосида саҳна асарини тайёрлади. Бу Зулфия болалар адабиёти хазинасига ҳам муносиб ҳисса қўшганлигидан далолат беради. Бугина эмас, Зулфия болаларга атаб қизиқарли шеърлар битган. Шоира ўз шеърларида баҳтиёр болаларни ардоқлаб, уларни «гулларим» деб эркалайди. Болаларга аталган китобини ҳам «Гулларим» деб атаган. Зулфиянинг «Қизил майдонда», «Сенинг тонгинг», «Мен туғилган кун», «Тилла қўнғиз», «Лолақизгалдоқ», «Учрашув», «Қапалак», «Қизчам» сингари шеърлари болаларимиз томонидан севилиб ўқилмоқда. Чунки бу асарларда болаларни қизиқтирадиган хилма-хил мавзулар улар тушунчаси ва дидига мос равишда содда ва равон тилда ифодаланган.

Зулфия бадиий очерк ва публицистика соҳасида ҳам самарали ижод этди. Унинг «Ойдин Собирова» (1953) бадиий очеркида ҳозирги замон ўзбек адабиётининг ёрқин намояндаларидан бири бўлган Ойдиннинг ибратли ҳаёти ва сермазмун ижодий йўли қизиқарли тарзда ҳикоя қилинади, хотин-қизлар озодлиги масаласи билан боғлиқ бўлган муҳим фикрлар бадиий бўёқда ифодаланади. Зулфия кейинчалик «Дугоналар билан сұхбат», «Паранжили хотин билан учрашув», «Бирлашган ҳолда илгарига», «Коломбо кабутарлари», «Югославия хотиралари», «Шахринисо ҳақида» қаби асарлар яратиб, ўзининг бадиий очерк ва публицистика соҳасидаги ютуқларини мустаҳкамлади.

Зулфиянинг бу зайлдаги мақолаларида жанговар рух, лирик оҳанг устун туради.

Зулфия — моҳир таржимон. У Н. Некрасовнинг «Рус аёллари» достонини, Мустай Каримнинг «Ой тутилган тунда» пьесасини, Демьян Беднийнинг «Зийнатнинг қасами», Леся Українканинг «Умид кутаман», «Оқшомги соатда», «Куйларим» асарларини, шунингдек, Нозим Ҳикмат, Амрита Притам, Сильва Капутик-

ян, Марварид Дилбози, Светлана Сомова каби турли миллат шоирларининг кўпгина шеърларини ўзбек тилига таржима қилди.

Зулфиянинг хизматлари муносиб тақдирланган: у икки марта Ленин ордени, уч марта Меҳнат Қизил Байроқ ордени, Халқлар дўстлиги ва Хурмат белгиси орденлари соҳибаси, Зулфия 1985 йилда Меҳнат Қаҳрамони унвонига сазовор бўлди, 1965 йилда Ўзбекистон халқ шоираси унвонини олди. У Давлат мукофоти (1977) ва Ҳамза номидаги Ўзбекистон Республикаси Давлат мукофоти совриндори бўлган.

#### АДАБИЁТЛАР

1. Абдулла Олимжон. Шоира Зулфия. Тошкент, «Фан», 1953.
2. F. Мусина. Зулфиянинг ижодий йўли, Тошкент, Ўззадабийнашр, 1961.
3. М. Султонова. Ижод сахифалари, Тошкент, «Фан», 1975.
4. Лазиз Қаюмов. Шоира Зулфия, Тошкент, Ўззадабийнашр, 1965.
5. Адҳам Акбаров. Қалб кўйчиси, Тошкент, 1965.
6. Ҳ. Ҳасанова. Нозик қалблар эҳтироси, Тошкент, «Фан», 1981.
7. Ўзбек совет адабиёти тарихи, Т., «Ўқитувчи», 1990.
8. Адабиётимиз автобиографияси. Т., 1973.

#### Матн

Зулфия. Асарлар (уч жилдлик). Т., F. Гулом номидаги Адабиёт ва санъат нацириёти, 1985—1986.

#### АСҚАД МУХТОР

(1920 йилда туғилган)

Атоқли ўзбек ёзувчиси Асқад Мухтор ажойиб истеъдод соҳибларидан бўлиб, у адабиётнинг деярли ҳамма жанрларида маҳорат билан қалам тебратаетган санъаткордир.

А. Мухтор 1920 йилда Фарғона шаҳрида темир йўл ишчиси оиласида туғилиб, болалар үйида тарбияланди. Ёшлигидан адабиётга қизиқиб, бадиий асарлар мутолаасига берилди. 1938—1943 йилларда аввал ЎзДУда, сўнгра ТошДУда ўқиб, дорилфунун таълимими олди. Шундан кейин Андижон педагогика олийгоҳида ўқитувчи ва кафедра мудири, «Ёш ленинчи», «Қизил Ўзбекистон» рӯзномалари таҳририятида адабий ходим бўлиб ишлади. «Шарқ ўлдузи», «Гулистон» ойномаларида,

«Ўзбекистон санъати ва адабиёти» рўзномасида бош муҳаррир, Ўзбекистон Ёзувчилар уюшмаси раисининг ўринбосари бўлиб хизмат қилди.

А. Мухторнинг бадиий ижоди 1938 йилдан бошланган. У «Тилак» «Тонг эди», «Қасам», «Абадият» каби илк шеърларида турли мавзуларни акс эттириди. 1939 йилда «Совет адабиёти» ойномаси шоирнинг «Бизнинг авлодлар» поэмасини нашр этди. Бу асар А. Мухторнинг ҳаёт ҳақиқатини бадиий ҳақиқатга айлантириш йўлидаги биринчи ютуғи бўлиб, унда ҳалқимизнинг ўтмиш ҳаётидан лавҳалар чизиб берилган.

Ватан уруши йилларида ёш шоир «Бугуннинг хитоби», «Жангчининг байрам кечаси», «Ғалаба ишончи», «Ватан», «Москванинг қалби» «Европадан хат», «Нур ошиқлари», «Ғалаба» сингари шеърлар ёзиб, ўша жангвар давр талабларига ҳозиржавоблик кўрсатди. А. Мухтор ижоди урушдан кейинги даврларда ҳар томонлама ўсида ва у истеъододли шоир ва ёзувчи сифатида танилди.

Асқад Мухтор поэзияси ўзбек шеъриятининг ёрқин саҳифасини ташкил этади. Унинг асарлари чуқур фикрларга, эҳтиросли туйғуларга, ёрқин ва гўзал тасвирларга бой. А. Мухторнинг «Пўлат қуювчи» (1947), «Ҳамشاҳарларим» (1949), «Рахмат, меҳрибонларим» (1954), «Чин юракдан» (1956), «Танланган асарлар» (1958), «99 миниатюра» (1962), «Лирика» (1966), «Қуёш беланчаги» (1971), «Чархпалак» (1976), «Сизга айтар сўзим» (1978), «Қайси асрдан гапирайпсиз» (1982), «Сирли нидо» (1984) каби тўпламларида бу фазилатлар очиқ кўринади.

А. Мухторнинг шеъриятдаги камолоти силлиқ ва осон кечгани йўқ. Шоирнинг урушдан сўнгги дастлабки йилларда ёзилган баъзи шеърларида замон руҳи очиқ сезилмайди, ёрқин бадиий умумлашма ва чуқур мазмун етишмайди. Чунончи, «Поездда ва поезддагина эмас», «Дақиқа ва абадийлик», «Китоб чиққан соат» каби шеърларида замон руҳи билан сугорилган аниқ гоя, ижтимоий мазмун ўрнини мавҳум, тушунилиши қийин бўлган мулоҳазалар, ноаниқ фикрлар эгаллаб олган. Аммо шуни ҳам алоҳида қайд қилиш лозимки, бундай нуқсонлар шоир шеъриятида камдан-кам учрайди. Зотан, А. Мухтор шеърияти ҳозирги воқелик билан чамбарчас боғланган бўлиб, унинг хусусиятини жанготи

варлик, юксак ғоявий-бадиийлик сингари сифатлар белгилайди.

А. Мухтор хилма-хил мавзуларда лирик шеърлар ёзди. Бинобарин, «Кекса мастер сўзи», «Бобомнинг бобоси», «Боғим», «Тонг отди», «Дадам машхур печкачи ўтган», «Таниш», «Шундай ўтган умр армонсиз», «Туғилди-ю бадиийлик топди» каби шеърларида инсон ва янги ҳаёт курилиши, ҳалқимизнинг бунёдкорлик фаолияти ҳақидаги ғоялар ихчам ва нафис ифодаланган. Шоир ўз шеърларида воқеа-ҳодисаларни қуруқ баён этмайди, балки ёрқин бадиий бўёқлар орқали масаланинг туб моҳиятини кенг ва атрофлича очади ҳамда муҳим ижтимоий муаммоларни ўртага ташлайди. «Шундай ўтган умр армонсиз» шеъридаги лирик қаҳрамон ўз умрини Зарафшон дарёсидай жўшқин ўтказиши орзу қиласи. Лирик қаҳрамоннинг ўз умрини ҳаётбахш дарё — Зарафшондай ўтказиш орзуси катта мантиққа эга. «Боғим» шеърида ҳам она-Ватанга, ҳалққа хизмат қилиш ғояси худди шундай тарзда, яъни табиат ҳодисаси ҳақида чуқур мушоҳада юритиш орқали ифодаланади. Шоир боғнинг кузда сарғайиб, япроқ тўкишини, ҳазонрезгиликни умр тугашининг рамзи сифатида таърифламайди. Аксинча, табиатнинг бу ҳодисасидан ўзига хос, янгича фикр айтиш учун моҳирона фойдаланиб, боғнинг сарғайиб, япроқ тўкишини қуйидагича изоҳлайди:

Гўё бутун рангини, бутун хушбўйини,  
Бутун борлигини ташлаб кетмоқчи.

А. Мухторнинг «Асрим» шеърида XX асрнинг буюк тарихий воқеалари, фан ва техника тараққиёти ихчам ва аниқ бадиий таъкидлар орқали умумлаштирилади. Шоир XX аср ҳақида мушоҳада юритиб, «Атом майдаланди, ой бўлди яқин» деб ёзар экан, ана шу биргина мисранинг ўзидаёқ нейтрон ва протоннинг кашф этилиши билан боғлиқ бўлган оламшумул илмий тараққиётни, инсоннинг космосга парвоз қилишидек буюк ғалабани ифодалашга муваффақ бўлади. Лирик қаҳрамоннинг бундай поэтик мулоҳазалари XX асрнинг бадиий умумлашмаси бўлиб чиқкан:

Кураш, емириш, яратиш, қуриш —  
Мана шундай бўлди асримизда баҳт.  
Сизда қандай бўлар — билмадим,  
Бизда шундай бўлди ҳамма вақт.

А. Мухторнинг шеърлари чуқур мазмун ташиши билан бирга, ҳажмининг ихчамлиги ва пишиқлиги билан ҳам дикқатга сазовордир. Шоир кичик бир шеърга олам-олам мазмунни сиғдириш ва ёрқин ифодалаш маҳоратига эга. А. Мухторнинг «Умрим узоқ бўлур» шеърида Ватанга муҳаббат гояси қисқа ва жозибадор қилиб берилган. Унда Ватанни мадҳ этувчи анъанавий образлар, дабдабали поэтик таъкидлар ва қуруқ таъриф-тавсифлар йўқ. Чунки бу шеър умр ҳақида мулоҳаза юритаётган оддий инсоннинг юрак мушоҳадаси бўлиб, асарда Ватанга муҳаббат туйғуси лирика воситаси билан тасвирланган:

Умрим узоқ бўлар  
(Сезиб туарар кўнгил) —  
Баракали бўлар шубҳасиз.  
Кумуш чўққисига қарайман дадил:  
Мен бормасман унга тухфасиз...  
Умрим бўлар узун —  
Бирон дақиқаси бехуда  
кетмас.  
Аммо шу юртимни  
Кўриб тўймоқ учун,  
Севиб тўймоқ учун етмас,  
Йўқ етмас.

Асқад Мухторнинг «Виждон сўзи», «Хола ва бола», «Бир туп ўрик», «Олтин нурларингда тебрат дунёни» каби шеърларида ҳам хилма-хил мавзулар ана шундай маҳорат билан ёритилади.

Шоир шеъриятининг яна бир характерли хусусияти шундаки, унда лирик қаҳрамон ўзининг аниқ маънавий қиёфасига эга. «Таниш» шеърида лирик қаҳрамон жангчи-ишчининг «қилган иши нақ жар солишга» арзиса-да, шоир жар солмайди: уни таъриф-тавсифларга кўмид ташламайди. Аксинча, жангчи-ишчининг таржимаи ҳолидан фақат бир лавҳани тасвирлаш орқали ишчи образини очишга муваффақ бўлади. Асқад Мухтор шеърияти том маънодаги замонавий шеъриятдир. Шоир замон руҳини ва давр гоясини теран

бадиий умумлашмалар воситасида гавдалантиради. Ёрқин бадиий образлар яратиб, фалсафий мазмун билан суғорилган муҳим хулосаларни ўқувчи онгига етказади. Бу хусусият шоирнинг қайта қуриш давридаги шеъриятида («Ватаннинг тирик томчиси» туркумида), айниқса, яққол намоён бўлган:

Уни микроблардан эҳтиёт қилинг,  
Муҳаббат кашф этди балки дунёни,  
Ҳар гўдакни мўъжиза деб билинг,  
Қутқариши мумкин дунёни!

(«Умид»)

Умрнинг умидвор онлари қутлуг,  
Найсон томчилари юзимда:  
Ерни муштламагин, ерда гуноҳ йўқ,  
Айб ўзингда!

(«Томчилар»)

Асқад Мухтор шеърияти мавзунинг ранг-баранглиги, ғоявий жиҳатдан теранлиги, замон талабига ҳозиржавоблиги билангина эмас, шакл ва жанр хилмажиллиги жиҳатидан ҳам эътиборлидир. Жумладан, шоир ижодида сюжетли шеърлар ҳам анчагина. «Теримда», «Чолу кампирлар», «Мамадали ота—пахтакор», «Бу жойларнинг даҳшат, ваҳимаси», «Хиёбонда», «Чол», «Мис қалпоқли йигит», «Бригадири-миз», «Бир туп ўрик» каби шеърлар кичик, тугал сюжет асосига қурилган бўлиб, уларда образ ва ғоя аниқ бўлганидек, жозибадорлик ҳам кучли.

«Теримда» шеърида зангори кема ҳайдовчиси Латиф образи яратилган. Шеърдан Латифнинг теримга қандай тушғанлигини, унинг пахта териш машинасини севиб бошқарганини, теримчи қизлар билан қилган ҳазил-мутоибаларини, колхоз кишилари ҳақидаги ўйхаёлларини, табиатан хушчақчақ бўлган бу йигитнинг тўсатдан юз берган ҳодиса туфайли ўзгариб қолганини: «гоҳ жаҳли чиқиб, гоҳ юрагида ишқ ўти пайдо бўлган»ини англаб оламиз.

Кўринадики, «Теримда» асари ўқувчидага мавзуга доир тўлиқ тасаввур ҳосил қиласди. Шу билан бирга, у осонлик билан ёд олинади. Учинчидан, бу шеърда лирик қаҳрамоннинг ички кечинмалари, севги нашъаси давримизнинг ижтимоий масаласи: пахтачиликни меҳа-

низациялаш, жисмоний меҳнатни енгиллаштириш ма-  
саласи билан боғлиқ ҳолда берилади. «Теримда» шеъ-  
ри — том маънодаги халқчил ва замонавий асар.

Аскад Мухторнинг «Оталарга маслаҳат» асари ҳам  
сюжетли шеърнинг яхши бир намунасиdir. Унда  
тасвирланишича, бир кишининг икки ўғли ва бир қизи  
бор экан. Катта ўғли отасига тақлид қилиб арак  
ичишни, папирос чекишни истаб қолади. Буни, яъни  
«тирмизакнинг бузилиши» хавфини сезган ота зудлик  
билан бола тарбиясига жиддий киришади: ота арак  
ичишни, папирос чекишни ташлайди. Рўзгор ишларида  
хотинига ёрдамлашади. Отанинг бу эзгу ҳаракатлари  
болаларга ижобий таъсир қиласида ва уларнинг хулқу  
одобида, феъл-авторида сифат ўзгаришлари юз беради.  
Натижада болаларнинг хулқ-одобидан ота-она хурсанд  
бўлади. Шоир ана шу воқеани ҳикоя қилиб, ундан  
қуйидагича холоса чиқаради:

Шундай тажрибани қўллаб кўринг-а,  
Бола, ахир, умрнинг нақши.  
Ёшлигидан бошланг тарбиясини,  
Тугилмасдан бошласангиз яна ҳам яхши.

Аскад Мухтор лирик асарлар, сюжетли шеърлар  
ёзиш билан бирга «Бизнинг авлод» (1939), «Шерали-  
нинг дўсти барҳаёт», «Пўлат қуювчи» (1947), «Адолат»  
(1948), «Катта йўлда» (1949), «Мангуликка даҳлдор»  
(1969), «Дол қоя» (1986) каби поэмалар ҳам яратди. Бу  
асарларда турли мавзулар, хилма-хил воқеалар тасвир-  
ланган. «Пўлат қуювчи» ўзбек шеъриятида ишчилар  
синфи ҳақида яратилган йирик бадиий асар бўлиб, унда  
металл қуювчиларнинг уруш ва урушдан сўнгги  
дастлабки йиллардаги ҳаёти акс эттирилади. Асарда  
ўзбек металлургия комбинатининг ташкил этилиши  
жараёнида маҳаллий аҳоли орасидан Шомурод сингари  
малакали ишчиларнинг етишиб чиққанлиги ҳаётий  
воқеалар асосида тасвирланади. Бинобарин, поэмада  
ўзбек йигити Шомуроднинг пўлат қуювчи бўлиб ети-  
шиши, унинг онг-тушунчасидаги ўсиш-ўзгаришлар та-  
бииий қилиб ифодаланган.

«Пўлат қуювчи» поэмасида халқлар дўстлиги ғояси  
тасвирланган. Шоир ўзбек йигити Шомурод билан рус  
қизи Мария ўртасидаги самимий муносабатларни акс

эттириш воситасида икки ҳалқ ўртасидаги мустаҳкам дўстликни мадҳ этади.

А. Мухтор ижодида «Катта йўлда» поэмаси ҳам муҳим ўрин тутади. Бу асарда қишлоқларимиздаги ҳалол, фидокор кишилар ҳақида ҳикоя қилинган. Жамоа хўжалиги деҳқонларига хос ажойиб хислатлар поэманинг бош қаҳрамони Арслонқул образида умумлаштириб берилган. Арслонқул ижтимоий меҳнат жараёнида етишган, меҳнатсевар, софдил, ўтиорак ўсмир сифатида гавдаланади. Арслонқул ёшлар звено-сининг бошлиғи. У қўриқ ва бўз ерларни ўзлаштиришда катта ташаббус кўрсатади. Такир даштдан янги ер очиб пахта экади. Гайрат ва матонат билан ишлаб, ўртоқлари ёрдамида турли қийинчиликларни енгиб чиқади. Натижада асрлар бўйи сувсизликдан қақраб ётган янги ерда мўл ҳосил ундирилади.

Асқад Мухтор «Мангаликка дахлдор» достонида эса ҳаётни маълум даражада бўлса-да идеаллаштиришга йўл қўядики, бу турғунлик даври сиёсатининг шоир ижодидаги акс садосидир.

А. Мухтор шеърияти сингари унинг прозаси ҳам сермаъно ва сержилодир. У 40-йилларнинг ўрталаридан бошлаб прозада мунтазам суратда ижод қилиб келмоқда. Адабнинг дастлабки айрим очерк ва ҳикоялари «Пўлат шахри» (1949), «Истиқбол» (1951), «Ҳаётга чақириқ» (1956) тўпламларида жамланган. Ёзувчи ўз ҳикоя ва очеркларида ўзбек пахтакорлари ва саноат ишчилари образини яратишга интилади. Ҳаётдаги янгиликларни улуғлаб, эскилил сарқитларига қарши кураш олиб боради. «Ҳаётга чақириқ» даги ҳикоялар бадиий бақувватлиги билан А. Мухторнинг истеъоддли ҳикоянавис сифатида шаклланганлигини кўрсатади.

А. Мухтор қисса ва роман жанрларида баракали ижод этди. «Дарёлар туташган жойда» (1950), «Қорақалпоқ қиссаси» (1958), «Бўронларда бордек ҳаловат» (1975), «Бухоронинг жин кўчалари» (1980), «Манба» (1986), «Жар ёқасидаги чақмоқ» (1982), «Кумуш тола» (1987) каби қиссалар адабиётимиз ҳазинасига муносиб ҳисса бўлиб қўшилди.

А. Мухтор «Дарёлар туташган жойда» қиссасини саноат мавзуига багишилади. Асар Ўзбекистоннинг тўнгич металлургия заводи, завод ишчиларининг ҳаёти, кураши, орзу-истаклари ҳақида ҳикоя қиласи. Бу қисса

ўз вақтида мавзу эътибори билан ўзбек насрода янгилик бўлган. Амалиёт билан назариянинг бирлиги муваффақият гаровидир, деган гоя қиссанинг асосий гоявий йўналишини ташкил этади. Ёзувчи амалиётни ҳам, назарияни ҳам ҳаётбахш дарёга ўхшатади ва ана шу икки дарё бирлашганда улуғ куч-қудрат пайдо бўлади, деган гояни олға суради.

Қиссада ақлий ва жисмоний меҳнат ўртасидаги муҳим тафовутнинг кун сайин йўқолиб бораётганлигини кўрсатишга ҳаракат қилинган. Шу мақсадда завод ишчилари ва инженерларининг хилма-хил образлари яратилган. Улар орасида, айниқса инженер Манзура образи ажралиб туради. У ишчан ва ташаббускор аёл бўлиб, заводда пайдо бўлаётган янгиликка интилиш ҳаракатларида фаол қатнашади, уларни бир марказга ўюштиришга уринади. Янги-янги қашфиётлар яратишни орзу қиласди.

Асарда завод ҳаёти ҳақида тўғри тасаввур берувчи лавҳалар анчагина. Лекин қиссада ёзувчининг завод ҳаётини, ишчи ва инженер-техниклар турмушини яқиндан билмаслиги билан боғлиқ бўлган нуқсонлар ҳам учрайди.

Ёзувчи бундай нуқсонларни кейинги қиссаларида тузатиб борди. «Қорақалпоқ қиссаси» асарида муаллиф қорақалпоқ ҳалқининг инқилобнинг дастлабки кунларидаги ҳаётини, уларнинг уруг-аймоқчилик низоларидан, қоронғилик ва жаҳолат дунёси сарқитларидан қутула борганини, янги ҳаёт қуриш мاشаққатларини ҳамда янги онгнинг шаклланишини Жапак, Степан, Сулув, Аллон, Палман, Эремет сингари образларнинг фаолиятлари, ички кечинмалари, ижобий ва салбий образлар ўртасидаги кескин тўқнашувлар тасвири орқали очиб берди. А. Мухтор «Қорақалпоқ қиссаси» асарида характер яратишида руҳий таҳлилдан фойдалана олиш ва ҳаётий сюжет тўқиши маҳоратини эгаллаганлигини намойиш этди. «Қорақалпоқ қиссаси»даги бу ютуқ «Бухоронинг жин кўчалари», «Бўронларда бордек ҳаловат» повестларида янада мустаҳкамланди.

А. Мухтор қиссаларидаги фазилатлар адибнинг «Опа-сингиллар» (1955), «Туғилиш» (1960), «Давр менинг тақдиримда» (1964), «Чинор» (1969), «Аму» (1985) романларига ҳам тегишлидир. Чунки бу романларда ҳаёт ҳақиқати бевосита тадқиқ этилади, янги-янги образлар яратилади.

А. Мухторнинг «Опа-сингиллар» романида ўзбек халқининг 20-йиллардаги мураккаб ва зафарли ҳаёти кўрсатилган. Унда янги жамиятнинг қурила бошланиши билан бир қаторда янги кишиларнинг юзага келиши, янгича онгнинг шаклланиш жараёни ҳам тўғри акс эттирилган.

Ўзбекистонда оғир ва енгил саноатнинг вужудга келишини, шу билан боғлиқ ҳолда ишчилар синфининг шаклланишини кўрсатиш, хотин-қизлар озодлигини тасвираш «Опа-сингиллар» романининг маркази ҳисобланади. Асарда ўзбек хотин-қизлари онгидаги жиддий ўзгаришлар, уларнинг эскилиларидан қутулиб, янги тузумнинг фаол қурувчиларига айланганликлари ёрқин тасвиранади.

Роман марказида оддий ўзбек аёли Онахон образи турди. Онахоннинг янги ҳаёт қучогида ўсиб, онгли, маданиятли кишига айланиши ва катта бир саноат корхонасининг раҳбари даражасига кўтарилиши ҳамда бу соҳадаги ибратли ишлари, жонкуярлиги бадиий бўёқларда тасвиrlаб берилган.

Романда ўзбек аёли Жўрахон образи меҳр билан яратилган. Адив бу образ орқали ўзбек хотин-қизлари ҳаётидаги инқилобий ўзгаришларни, уларнинг янги ҳаёт қурилишининг фаол иштирокчиларига айланганлигини кўрсатган.

«Опа-сингиллар» — қўп қамровли ва мураккаб воқеаларга бой йирик асар. Бинобарин, унда романнинг асосий мавзуи билан боғлиқ ҳолда халқлар дўстлиги, сиёсий кураш акс эттирилган. Асарда Онахон, Жўрахон, София Борисовна, Ефим Данилович, Эргаш Султонов, Қудратиллахўжа, Афғончойфуруш, Наимий, Нусратулла сингари ранг-баранг образлар яратилган.

А. Мухтор «Опа-сингиллар» романида характер яратиш, хусусан, характер камолотини очиб бериш санъатини эгаллаган ёзувчи сифатида кўзга кўринади. Бироқ бу роман ёзувчининг мураккаб сюжет яратиш, миллий хусусиятни ифодалаш, жонли халқ тилидан фойдаланиш маҳорати устида янада қунт билан ишлаши кераклигини кўрсатди..

А. Мухторнинг «Туғилиш» асарида 60-йиллар ҳаёти қаламга олинган. Бу романда уч нарсанинг туғилиши: Ўзбекистонда катта саноат қурилиши вужудга келиши, шу билан боғлиқ ҳолда янги шаҳарнинг қад кўтариши ҳамда шу шаҳарнинг бунёдкорлари ва биринчи фуқаро-

лари бўлган янги авлоднинг ўсиб етишиши эҳтирос билан тасвирланади. «Туғилиш» романида қурувчилар жамоаси тайёр — шаклланган ҳолда кўрсатилмайди, аксинча, унинг шаклланиш ва ўсиш жараёни, ёш ишчиларнинг қийинчиликларни енгид, курашлар гирдобида пўлат каби тобланиб, монолит кучга — ахил жамоага айланиши акс эттирилади. Романинг дастлабки бобларида уюшмаган, тарқоқ, аллақандай қурамаларни эслатувчи, бир-биридан узоқ турувчи ёшлар асар сўнггида ижтимоий меҳнат жараёнида мустаҳкам уюшган, ибратли жамоа сифатида гавдаланади.

«Туғилиш» романида меҳнат жамоаси янги кишиларни тарбиялаб етиштирадиган ўзига хос мактаб эканлиги очиб берилган. Айрим ярамас шахслар таъсирида йўлдан адашиб, боши берк кўчага кириб қолган Абубакир (Бек), ҳаётдан ва жамоадан ажralиб қолган думбул раҳбар Поччаев, беҳуда шуҳрат кетидан қувиб, сохталикка йўл қўйган Самадий, шунингдек, Адолат ва Садбарнинг қайта туғилиши тасвирланган саҳифаларда ҳаёт нафаси уфуриб туради.

Романда ишли-инженерларнинг ранг-баранг ва мураккаб образлари яратилган. Асарда тасвирланган Луқмонча, Жуман, Элчибек, Нафиса, Адолат образлари инсонпарварлик, дўстлик, меҳнатсерварлик хислатлари билан бир-бирларига ўхшасалар-да, лекин улар ўзларига хос хусусиятлари билан бир-биридан фарқ ҳам қиласидилар. Романда, айниқса бош қаҳрамон Луқмонча (Рахим Луқмонов) образи муваффақиятли чиқсан. У тиришқоқлиги, одампарварлиги, хушфеъллиги, камтарлиги, меҳрибонлиги, донолиги ва билимдонлиги билан ўқувчи қалбидан чуқур ўрин олади.

Ёзувчи қизиқарли воқеалар воситасида Луқмончанинг маънавий қиёфасини очади, характерини шакллантиради. Хусусан, Луқмончанинг ёнғинда қолган уйдан комсомол билетини олиб чиқиши, кўпприк қурилишида юз берган ҳалокатдан ўртоқлари ҳаётини (ўз жони эвазига) сақлаб қолиши, ўлими олдида адашган севгилиси Садбарни тўғри йўлга солиши ва уни исноддан сақлаб қолиши моҳирона тасвирланган.

Романда Жуман Сарiev ёрқин адабий тип даражасига кўтарилиган. Жуман 60-йиллардаги илгор ёшларнинг типик вакили бўлиб, унда ёшларимизга хос қатъиятлилик, инсонпарварлик ўз ифодасини топган.

Урушда вайрон бўлган шаҳарларни қайта тиклашда жонбозлик кўрсатиб, меҳнатда чиниқсан Жуман йўлланма билан мазкур саноат қурилишига келади. Бу ерда учраган турли қийинчиликларни матонат билан енгид, меҳнатда ва шахсий ҳаётда бошқаларга ибрат бўлади. У ҳамиша жамоа ҳақида, одамлар ҳақида ўйлайди. Жумладан, безори Анвар таъсирида ўғрилик йўлига кириб қолган Абубакирни ва ноҳақ айбланиб, жамоадан узоклаштирилган «бахти қаро қиз» Адолатни ҳаётга, тўғри йўлга қайтаришда жонбозлик кўрсатади. Жуманнинг ўзига хос феъл-атвори асарда ўзининг ёрқин ифодасини топган.

Адид Жуман образига қарама-қарши қилиб Поччаев қиёфасини чизган. Поччаев образи орқали «инкубаторда тайёрланган» раҳбар қиёфасини очиб берган. Поччаев — ҳаёт университетидан сабоқ олмаган, осонлик билан «шухрат» қозонган, «ёшига ярашмайдиган даражада жиддий ва сипо, одамларни эснатадиган даражада қуруқ» раҳбарлардан. Романда Поччаевнинг сохта хатти-ҳаракатлари ҳам, унинг қайта тарбияланиши ҳам ишонарли чиқсан.

Асарда Элчибек Бўриев образида раҳбар билан омма ўртасидаги алоқа қандай бўлиши кераклиги очиб берилган. Элчибек — жўшқин қалб эгаси, ўз қарамогидаги кишиларга ғамхўр. У ёшлар участкасига бошлиқ бўлиб келар экан, «Ҳали мўрт, қотмаган бетонга ўхшаш» меҳнат жамоасини тўғри бошқариб, уни оёққа турғизади, кучларни жисплаштириб, қудратли ишчилар гуруҳига айлантиради. У ўз гуруҳидаги ҳар бир кишининг руҳиётини, шахсий ҳаётини, орзу-истакларини, ички дунёсини билади, уларни ҳаёт сўқмоқларидан дадил олға бошлаб боради.

Булардан ташқари, романда расмиятчи раҳбар Субҳонқул Раҳмонқулов, таъминот бўлими бошлиғи юлғич Самандаров, айёр Холдор, енгилтак Хумохон каби салбий образлар ҳам яратилган. Асарда тасвир этилишича, қурилиш бошлиғи Раҳмонқулов қотиб қолган қонун-қоидалар асосида яшашга ва «меҳнат қилиш»га одатланиб қолган. У ўз бурчини юзаки, бир томонлама тушунади; жамоа фикри билан ҳисоблашмайди. Режа ҳақида ўйлайди-ю, уни бажарувчиларга ғамхўрлик қилишни хаёлига ҳам келтирмайди. Раҳмонқулов ўз ҳузур-ҳаловати ва шахсий обрўйини биринчи ўринга қўяди. Натижада асар охирида у мансабидан

ҳам, обрў-эътиборидан ҳам ажралади. Жамоа назаридан қолади. «Тугилиш» романида айрим нуқсонлар ҳам мавжуд. Асарда тасвиirlанган катта саноат корхонаси курилишининг кўп қиррали ҳаёти республикамизнинг умумий ҳаёти билан етарлича боғланмай қолган. Асар тилида айрим қусурлар учрайди. Сангин, Оксана каби образлар чала ва хира бўлиб қолганга ўхшайди.

Асқад Мухторнинг «Давр менинг тақдиримда» романида ҳам замонавий мавзу ёритилган. Роман бутун кучини, ақл-идрокини даврнинг буюк ишига бағищланган, халқ ва Ватан олдидаги муқаддас бурчини чуқур ҳис этадиган, ўз бахтини халқ бахтида кўрадиган ва ҳар қандай қийинчиликларни енгишга қодир бўлган оддий кишиларни улуғлашга бағищланган. Асар гояси роман тўқимасига сингдириб юборилган, замон ва инсон бахтининг моҳияти ҳақида, ҳаётдаги туб ўзгаришлар ва инсон тақдирни ҳақида чуқур фалсафий хулосалар чиқарилган.

Романинг бош қаҳрамони Аҳмаджон замондошлиримизнинг типик образи. Аҳмаджон асримизнинг улуғвор мақсади учун, инсон бахт-саодати учун қурашади, астойдил меҳнат қилади. Аҳмаджоннинг ҳаёт йўли мисолида ёзувчи бутун бир даврнинг ўзига хос хусусиятларини, ҳаётий воқеаларини умумлаштириб беради. Ёзувчи Аҳмаджонни давримизнинг (уруш ва урушдан кейинги дастлабки йилларнинг) турли хил воқеалари, ранг-баранг қийинчилклари ичидан олиб ўтиб тоблайди, чиниқтиради.

Дарҳақиқат, Аҳмаджон ўз бошидан не-не машаққатларни кечирмасин, не-не азоб-уқубатларга дучор бўлмасин, барибир, у ўз ҳаётидан мамнун. Чунки у инсоннинг эзгу ишига, XX асрда бажарилиши керак бўлган муқаддас ишга ҳисса қўшаётганини чуқур ҳис этади. Ана шунинг учун ҳам ўзини бахтли деб билади. Зотан, «Давр менинг тақдиримда» романида кимки ўз тақдирини халқ ва Ватан тақдирни билан боғлаб, халқ ва Ватан манфаатига сидқидилдан хизмат қилса, шубҳасиз, бахтли бўлади, деган гоя бўртиб туради. Ёзувчи асарнинг асосий йўналишини ташкил этувчи бу катта гояни романнинг умумий руҳидан, образларнинг, хусусан, бош қаҳрамон Аҳмаджоннинг ҳаёт йўли ва тақдирни тасвиридан келтириб чиқарган. Аҳмаджон — жонли ва тўлақонли образ.

«Давр менинг тақдиримда» романи қизиқарли ва таъсирли қилиб ёзилган. Асар мазмуни тугал ва жозибадор. Айниқса романнинг биринчи фасли (қисми) китобхонни ўзига мафтун этади. Ёзувчи образлар феълатворини, хусусан, Аҳмаджон ва Сўнагул қиёфасини очишда руҳий таҳлил санъати имкониятларидан унумли фойдаланган. Ана шу сабабли асардаги кўп қаҳрамонлар ҳаётий чикқан. Бироқ романнинг биринчи фаслига нисбатан иккинчи ва учинчи фасллари бирмунча бўшроқ, юзакироқ ёзилган. Натижада айрим қаҳрамонлар асар гоясининг оддий жарчисига айланиб қолган.

Асқад Мухторнинг «Чинор» романи «Шарқ адабий анъаналарини эслатувчи янги бир шаклда ёзилган. Чинорнинг катта шохларидан ҳар томонга тарвақайлаб кетган қиссалар ҳозирги куннинг жонли воқелигини акс эттиrsa, унинг теран илдизлари — ҳикоятлар яқин ўтмиш ҳақида, ривоятлар эса пилдираб учган япроқлар сингари енгил, улар... қадим афсоналарга бориб туташадилар...

Буларнинг ҳаммаси ҳам бир ўзбек оиласи ҳақида. Бу оила катта, қадими, маданий, меҳнаткаш ва шу маънода «тагли-зотли». Унинг ҳар бир аъзоси халқ ҳаётида маълум бир масъулиятли юкни ўз зиммасига олган. Жонажон тупроққа чуқур томир ёйтган бақувват ва қадими чинор мангалик рамзи, халқимиз рамзиdir. Оила боши Очилбува сафари билан шартли равищда ўзаро боғланган қиссаларнинг ҳар бири мустақил ахлоқий-эстетик гояни олдинга суради. Ҳикоятлар ва ривоятлар эса бу фикрларни қувватлаб, янада мустахкамлайди<sup>1</sup>.

Асқад Мухторнинг драматургия соҳасидаги излашилари ҳам самаралидир. «Мардлик чўққиси», «Ёш юраклар», «Зар қадри», «Саҳро тор», «Яхшиликка яхшилик», «Самандар» пьесалари Асқад Мухтор қаламига мансуб. Буларнинг аксариятида ижобий образлар марказий ўринда кўрсатилган. Лекин драматург ҳаётни бўяб-безаб тасвирлаш йўлидан бормайди, аксинча, уни қандай бўлса шундайлигича ифодалашга интилади. Ҳаётдаги ижобий нарсаларни қўллаб-қувватлаш билан бирга, нопоклик, иғвогарлик, қаллоблик, мансабпарастлик, шуҳратпарастлик сингари салбий томонларни ҳам

<sup>1</sup> Асқад Мухтор. «Чинор», Тошкент, Ўззадабийнашр, 1969, 2-бет.

рўйирост фош этади. Бу, айниқса, «Самандар» драмасида очиқ кўринади.

Пъесанинг бош қаҳрамони — завод директори, инженер Самандар ўн бир йиллик илмий изланишларининг самараси ўлароқ «энг инсоний машина» — янги ускуна (станок) ихтиро этади. Бироқ бу янгиликни ҳаётга жорий этишда катта тўсиққа дуч келади. Убайдулла Ҳамдамов бошлиқ нопок шахслар ана шу буюк қашфиётни йўққа чиқаришга жон-жаҳдлари билан ҳаракат қилиб, воқеликни бузиб талқин этадилар. Тұхмат, иғво, ҳақорат тошларини отиб, Самандарни рұхан майиб қылмоқчи бўладилар. Воқеа давомида Самандарни давлатнинг катта маблагини беҳуда сарфлаган жиноятчи деб ёмон отлига чиқаришгача бориб этадилар. Самандар директорлик лавозимидан бўшатилади, завод лабораториясида ўз илмий ишларини давом эттириш имкониятидан маҳрум этилади. Уни ҳатто яшаб турган уйидан ҳайдаб, ижарада қийналиб кун ўтказишга, рұхан эзилишга мажбур этадилар.

Самандар адолатсизлик ва ҳақсизликларга мардона чидайди. Унинг мустаҳкам иродасини ҳеч нарса бука олмайди, эътиқодига заррача доғ туширмайди. У тинимсиз ишлаш, изланиш орқали ўзининг ҳақ эканини исботлайди.

Асқад Мухтор моҳир таржимон сифатида ҳам танилган. А. Пушкин, М. Лермонтов, В. Маяковский, А. Блок, К. Симоновнинг поэтик ва драматик асарларини, В. Шекспир, Шиллер, А. Корнейчук, А. Исақян, А. Сафронов пъесаларини, П. Павленко, В. Васильев қиссаларини ўзбек тилига таржима қилган.

А. Мухторнинг адабиёт ва санъат соҳасидаги хизматлари муносиб тақдирланди: у икки марта Меҳнат Қизил Байроқ ордени, Ҳалқлар дўстлиги ордени билан мукофотланди. Унга «Ўзбекистон ҳалқ ёзувчиси» фахрий унвони берилган. А. Мухтор «Чинор» романи учун Ҳамза номидаги республика Давлат мукофотини олишга сазовор бўлган.

#### АДАБИЁТЛАР

1. О. Тоғаев. Асқад Мухтор (адабий портрет), Тошкент, Ўззадабий-нашр, 1966.
2. Б. Сайимов. Асқад Мухтор прозаси, Тошкент, «Фан», 1968.
3. Т. Ҳамид. Қўшиқлар қанотида (Асқад Мухтор шеърияти), Тошкент, 1975.

4. О. Шарафиддинов. Ижоднинг катта йўлида («Биринчи мўъжиза», тўплам), 1979.
5. С. Мирзаев. Талантнинг уйғониши. «Ўзбек классик ва совет адабиёти масалалари» (тўплам), Тошкент, «Фан», 1966.
6. У. Норматов. Қалб инқилоби, Тошкент, F. Ғулом номидаги Адабиёт ва санъат нашриёти, 1987.
7. Ўзбек совет адабиёти тарихи, Тошкент, «Ўқитувчи», 1990.

## М а т н

*Асқад Мұхтор.* Асарлар, тўрт жилдлик, Тошкент, F. Ғулом номидаги Адабиёт ва санъат нашриёти, 1980—1983.

### САИД АҲМАД

(1920 йилда туғилган)

Сайд Аҳмад ўзининг ранг-баранг ҳикоялари, публицистик мақолалари, реалистик қиссаю романлари, хушчақчақ комедиялари билан ҳозирги замон ўзбек адабиётида муносиб ўрин эгаллайди. У, айниқса, сатира ва юмор устаси сифатида машҳур.

Сайд Аҳмад Ҳусанхўжаев 1920 йилда Тошкент шаҳрида туғилди. Низомий номидаги Тошкент Давлат педагогика олий илмгоҳида таълим олди (1938—1941). У адабиётимизга аввало журналист-очеркчи сифатида кириб келди. Сайд Аҳмад ўзининг очерклари, ҳикоялари билан матбуотда кўрина бошлади. Адабнинг унибўсишида матбуот ижодий мактаб сифатида муҳим роль ўйнади. У «Ёш ленинчи», «Қизил Ўзбекистон» рўзномаларида, «Муштум», «Шарқ ўлдузи» ойномаларида, Ўзбекистон радио комитетида хизмат қилди.

Сайд Аҳмад аввало ҳикоянавис сифатида танилди. Унинг биринчи ҳикоялар тўплами — «Тортиқ» 1940 йилда майдонга чиқди. У ўз устида узлуксиз ишлаш, ҳаёт ҳақиқатини, устоз ёзувчилар ижодини синчковлик билан ўрганиш орқали дастлабки ҳикояларидаги бадиий қусурлардан қутула борди. Сайд Аҳмаднинг ёзувчи сифатида шаклланишида, айниқса, Faфур Ғулом ва А. Қаҳҳорнинг хизмати катта бўлди. Сайд Аҳмаднинг ўзи бу ҳақда: «Аслида мени ҳажв йўлига Faфур Ғулом бошлаб кирган... Faфур ака ўттизинчи йилларда ҳажв жанрида баракали ижод қилди. Ихчам, кулгили ҳикояларнинг жуда яхши намуналарини яратди. Мен шу ҳикоялар таъсирида адабиётга киргандман. Кейинчалик бу буюк ёзувчи билан яқиндан танишганим, ундан росмана ижодий таълим олишим

ҳажвга бўлган интилишимда жуда катта ёрдам берди. Ундан кейин Абдулла Қаҳҳор ҳикояларидағи сиқиқлик, сўзни исроф қилмаслик, тагдор гап айтиш санъати мен учун бир дарслик хизматини ўтади!» — деб ёзган эди.

«Эр юрак» (1942), «Фарғона ҳикоялари» (1948), «Муҳаббат» (1949), «Қадрдон далалар» (1949), «Чўл шамоллари» (1961), «Онажонлар» (1962), «Хазина» (1963), «Таъзим» (1966), «Қисса ва ҳикоялар» (1968) ва бошқа китоблари қиёсий ўрганилганда Сайд Аҳмаднинг ижодий камолоти яққол кўзга ташланиб туради.

Сайд Аҳмад ижоди урушдан сўнг, хусусан, 50-йилларга келиб ўз тараққиётининг юқори босқичига кўтарилиди. Шу даврнинг маҳсулни бўлган «Турналар», «Онажонлар», «Кўклам тароналари», «Хазина», «Тўлқинлар», «Ҳайқириқ», «Чўл бургути», «Ўрик домла», «Лочин», «Одам ва бўрон», «Бўстон», «Тўйбоши» каби ҳикоялар Сайд Аҳмаднинг сўзга хасис, фикрга сахий, юморга бой ёзувчи бўлиб етишганлигидан, унинг ўз устозлари А. Қодирий, F. Fўлом, Ойбек, А. Қаҳҳор анъаналарини муваффакият билан давом эттираётганлигидан далолат беради.

Сайд Аҳмаднинг кўп ҳикояларини, хусусан, «Чўл шамоллари», «Чўл оқшомлари» туркумiga кирган ҳикояларни шу жанрнинг намуналари дейиш мумкин. Адид бу ҳикояларида жонли, тиниқ қаҳрамонлар яратиб, воқеликдаги янгиликларни, оддий кишиларимиз ҳаётидаги ўсиш-ўзгаришларни, улар онг-тушунчалидаги ибратли жиҳатларни умумлаштириб беради. Сайд Аҳмаднинг «Чўл ҳикоялари»ни «чўлларда бошланган янги ҳаёт ва янги одамлар қиссаси» деб атаси ҳам бежиз эмас, албатта. «Чўл ҳикоялари» туркуми бир-бирини мантиқан тўлдирувчи ва давом эттирувчи йигирматадан зиёд ҳикоядан ташкил топган бўлиб, уларда чўл ва чўлқуварлар ҳаётидан ҳаётий лавҳалар чизилган. Чўлларни ўзлаштириб, Ватан бойлигига бойлик қўшаётган оддий одамларнинг ажойиб фазилатлари очиб берилган; уларнинг бир-бирига асло ўхшамайдиган характерлари, ўзига хос жонли образлари яратилган. Ёзёвонлик чўл бургути Раҳимжон («Чўл бургути»), чўлни боғу роққа айлантириб, ўлкамизни ширин-шакар меваларга сероб қилишни ўзининг асосий мақсади қилиб олган ўрик домла (шу номли ҳикояда), ўзининг ақлу фаросати ва мардона меҳнати

билин чўлқуварларни қойил қолдирган тракторчи Ойша («Лочин») каби образлар шулар жумласидандир.

Ёзувчи бу қаҳрамонлар ҳақида меҳр билан, уларга мафтун бўлиб қалам тебратади. Бунда хушчақчақ юмор билан ҳаётбахш лирика уйғунлашиб кетгандай бўлади.

«Бу атрофда уни танимайдиган одам йўқ. Бу чўлларда у ёнбошламаган тепа, отининг туёги тегмаган сой қолмаган. Олов бола. Чўлда от чоптириб келаётганини кўрсангиз тўнининг икки бари шамолда ҳилпираб, худди бургут қанот қоқиб учиб келаётгандек. Файратини айтмайсизми, қони томирдан тошиб чиқиб келаётгандек. Нимага қўл урса, гуллатади. Қўли гул деб шуни айтса бўлади. Каналнинг бериги томонидаги ерларга кўзингиз тушдими? Ҳа, балли. Бургут обод қилган» («Чўл бургути»).

«Ёлғиз қолдим. Ойшанинг трактор ҳайдашини кузатиб туриб ҳаёлга толдим. Бургутнинг йигитлари парвоз қилган чўлга яна бир лочин учиб келгандек бўлди. Бу шундай лочинки, на унинг қанотини қирқиб бўлди, на ўзини қафасга солиб бўлди. У қафасни парчалаб кенгликларга парвоз қилган шаддод чўл лочини эди» («Лочин»).

Сайд Аҳмаднинг «Чўл ҳикоялари»да чўл табиати, кенг далалар, бепоён яйловлар, чўл тонги ва унинг файзли оқшомлари ёрқин бўёқларда аниқ ва тиник акс эттирилган. Адид чўл ҳақида, чўлқуварлар ҳақида ҳикоялар яратар экан, ҳаёт ҳақиқатини бутун борлигича кўрсатишга интилади, бадиий тўқимадан фойдаланиш ҳукуқини суистеъмол қилмайди, сохта сюжет, уйдирма воқеа тўқимайди, аксинча ҳаёт ҳақиқатини бузмасдан, реал акс эттиради. Дарҳақиқат, «Умуман мен нимани ёзган бўлсан, уни қаердадир кўрганман, ё ўз бошимдан ўтказганман», деб ёзган эди Сайд Аҳмад «Ўзим тўғримда» номли мақоласида.

Сайд Аҳмад ҳикояларида ҳаёт қони, ҳаёт нафаси уфуриб тургани учун ҳам улар завқ-шавқ билан ўқилади. Ҳалқимизга хос миллий ҳусусиятлар, эзгу анъанага ва урф-одатлар тасвири табиий равишда асарлар сюжетига сингдириб юборилади. «Қуда ва қудагайлар», «Сумбул», «Лайлак келди», «Ялпиз ҳиди», «Онажонлар», «Хотинлар», «Одам ва бўрон», «Орият» каби ҳикояларда бу ҳол очиқ кўринади. Бу ҳикояларда

<sup>1</sup> Сайд Аҳмад. Танланган асарлар. 1-том, Тошкент, 1971 й., 7-бет.

халқимизга хос сўз ўйинлари, асқия ва муболагалар ҳам тез-тез кўзга ташланиб туради:

«Гапимга ишонмадингми? Майли, ҳозир сельпонинг араваси чўлга кетади. Бориб ўз кўзинг билан кўр. Этигингни ечиб, Нажим отанинг ерида ярим соат ялангоёқ қимиrlамай тур, ундан кейин биласан. Агар товонингдан илдиз отиб, елкангдан шохлаб кетмасанг, шартта калламни кесиб ол,вой, десам номардман...» («Орият»).

Сайд Аҳмад ижодида ҳажвий ҳикоялар салмоқли ўрин эгаллади. Ёзувчининг «Лаъли бадахшон», «Бегона», «Ханка билан Танка», «Менинг дўстим Бобоев» каби ҳажвий ҳикояларида ҳаётда учраб турувчи нопоклик, манманлик, майший бузуқлик, иғвогарлик, кўзбўямачилик сингари иллатлар усталик билан фош этилади. Бунга адиднинг «Муштум» ойномаси саҳифаларини безаган, телетомошибинларга завқ бағишлаган миниатюралари ҳам яққол мисол бўла олади.

Сайд Аҳмад ҳикоялари сюжетининг қизиқарлилиги, услубининг равонлиги, тилининг пишиқ ва образлилиги билан ҳам ўқувчиларга манзур бўлади.

Сайд Аҳмад 50-йиллардан бошлаб қисса ва роман жанрларида ҳам самарали ижод қилиб келмоқда. Унинг «Қадрдон далалар» (1949), «Ҳукм» (1958) қиссалари, хусусан, «Уфқ» (1964—1970) трилогияси ва «Жимжитлик» (1989) романи ана шундан далолат беради. «Қадрдон далалар» — Сайд Аҳмаднинг биринчи йирик асари. Унда адид пахтачиликни ривожлантириш, қўриқ ва бўз ерларни ўзлаштириш соҳасида жонбозлик кўрсатган замондошларимизнинг ҳаётий образларини гавдалантиришга ҳаракат қилган. Асаддаги Назокат, Ҳошимжон, Жўрабой, Ҳожимат, Ражаб бобо образлари жонли ва ишонарли чиққан. Бироқ асарда ўша давр адабиёти учун характерли бўлган нуқсон — ютуқларни ошириб кўрсатиш, ҳаётни бўяб-безаб акс эттириш кўзга ташланиб туради.

Сайд Аҳмаднинг «Ҳукм» повести қишлоқ хўжалигини коллективлаштириш мавзуига бағишлиланган. Асадда муштумзўрлар билан меҳнаткаш деҳқонлар ўртасидаги ҳаёт-мамот кураши ҳаққоний кўрсатилган. Шу билан бирга, колхоз душманлари талвасага тушиб, қанчалик уринмасинлар колхозлаштириш ҳаракатини тўхтатиши мумкин эмаслиги бадиий равишда умумлаштириб берилган. Агар «Ҳукм» қиссасида ҳалқ куч-қудрати,

халқнинг бирлиги ва уюшқоқлиги, шунингдек, халқ донишмандлиги тасвирига янада кўпроқ эътибор берилганида ҳамда адабиётда бунгача акс эттирилган бъязи бир воқеалар такрорланмаганида эди, асарнинг аҳамияти, шубҳасиз, ошган бўлар эди. Умуман олганда, «Хукм» қисссасида давр руҳи уфуриб туради.

Сайд Аҳмаднинг «Уфқ» трилогияси адабиётимизнинг жиддий ютуғидир. Трилогиянинг биринчи китоби — «Қирқ беш кун» романида халқимизнинг Катта Фаргона канали қурилишидаги қаҳрамонона меҳнати, қудратли халқ ҳаракати акс эттирилган. Трилогиянинг иккинчи китоби «Ҳижрон кунлари» деб аталади. Унда халқимизнинг уруш давридаги оғир ҳаёти, кураши, матонати, ватанпарварлиги ҳикоя қилинади. Трилогиянинг учинчи китоби — «Уфқ бўсағаси»да урушдан кейинги дастлабки йиллардаги воқеалар, қўриқ ва бўз ерларни ўзлаштириш манзаралари тасвиrlenган. Демак, қишлоқ қишиларининг олижаноб фазилатларини кўрсатиш, уларнинг эзгу ишлари ва юксак орзуларини ифодалаш «Уфқ» трилогияси сюжетининг асосини ташкил этади. Трилогияда ўзбек халқига хос бўлган бағри кенглик ва ориятлилик, фидойилик ва меҳнатсеварлик, болажонлик ва меҳр-муҳаббат сингари фазилатлар умумлаштирилган ҳамда табиий қилиб акс эттирилган.

«Уфқ» трилогиясида Азизхон, Икромжон, Раҳмонберди тоға, Низомжон, Иноят оқсоқол, Асрора, Дилдор, Турсунбой сингари ранг-баранг образлар яратилган. Булар орасида, айниқса, Икромжон ва Азизхон образлари ҳар жиҳатдан мукаммал тасвиrlenганлиги билан ажralиб туради. Азизхон биринчи китобнинг, Икромжон — иккинчи ва учинчи китобнинг бош қаҳрамони. Адид Азизхон ҳаёти орқали канал қурилиши жараёнида қирқ беш кун давомида содир бўлган воқеа-ходисаларни, қаҳрамон онгидаги ўсиш-ўзгаришларни ёрқин акс эттирган.

Икромжон образи орқали эса оддий қишиларнинг она-Ватанга бўлган чексиз муҳаббати маҳорат билан тасвиrlenган. Донгдор колхозчи Икромжон aka жангга бориб, ўз фуқаролик бурчини шараф билан бажаради, мардона жанг қилади. Икромжон жангдан бир оёғидан ажralиб қайтади. Лекин у тушкунликка тушмайди, колхозда фидокорона меҳнат қилиб, эл-юрт ҳурматини қозонади. Бироқ, унинг яккаю ягона ўғли Турсунбой тўғри йўлдан бормайди. У жанг майдонидан қочиб, оила

ва эл-юртга иснод келтиради. Турсунбойнинг бу қилмишидан Икромжон гоат азоб чекади, руҳан эзилиб, қадди букилади. Лекин пўлат иродали Икромжон бу азобларга ҳам бардош беради.

Икромжон ака қўриқ ва бўз ерларни ўзлаштириш соҳасида ҳам фидокорона меҳнат қилиб, ўзининг халқ, Ватан олдидаги бурчини бажаради. Шу тариқа трилогияда Икромжон ака ҳаёти мисолида мамлакатимизда шахсий баҳт тушунчаси билан халқ баҳти тушунчасининг уйғунлашиб кетганлиги, халқ баҳтисиз чинакам шахсий баҳтга эришиб бўлмаслиги ва, умуман, баҳт меҳнатда, жамоатда, она-Ватанга беминнат, ҳалол хизмат қилишда эканлиги ёрқин ифодаланган. Зотан, Икромжон ўз баҳтини халқ баҳтида кўрган ва она-Ватан манфаатини ўз шахсий манфаатидан доимо устун қўйган соф виждонли, мард инсон образидир.

Ёзувчи Икромжон образини яратишда психологик таҳлил санъатидан усталик билан фойдаланган: Икромжоннинг ҳаракатларини, руҳий ҳолатини акс эттира олган. Масалан, Икромжоннинг қоюқ ўғли Турсунбой билан тасодифан учрашиб қолган пайтдаги руҳий ҳолати тасвирини олайлик. Икромжон қалбida бир пайтнинг ўзида ҳам меҳр-муҳаббат, ҳам қаҳр-газаб алангалаанди. У аввало оталик меҳри билан Турсунбойни бағрига босади. Аммо бу меҳр ўрнини тезда ҳақли равишида қаҳр-газаб эгаллайди: ота ўғлини лаънатлайди, уни хоин сифатида ўлдирмоқчи бўлади. Турсунбой қочади, ота милтигини ўғлига тўғрилаб отади ва «Хайрият, ўқ тегмади» деб ўзига-ўзи таскин беради.

Трилогияда бадиий бўёқларда ёрқин ва жонли қилиб ифодаланган бундай ҳаётий воқеалар ва тасвиirlар кўп. «Ўфқ» трилогиясида Икромжон, Азизхон, Низомжон сингари бадиий тўқума образлар билан бирга, халқимизнинг асл фарзандлари Йўлдош Охунбобоев, Усмон Юсупов,Faфур Гулом каби тарихий шахсларнинг образлари ҳам яратилган.

Сайд Аҳмад «Ўфқ» да ҳаётдаги ибратли томонларни, ажойиб инсонларни тасвиirlаш билан бирга, салбий жиҳатларни ҳам рўйирост акс эттиради. Бунда сатира ва юмор икониятларидан унумли фойдаланади. Асадраги Иноят оқсоқол — мукаммал ишланган сатирик образ. Адид унинг жирканч маънавий дунёсини, бойликка ҳирс қўйиб, одамгарчилик хислатини йўқотганлигини аёвсиз фош этган.

Умуман олганда, Саид Аҳмад ижоди сатира ва юморга, ранг-баранг кулгига бойлиги билан бошқа ёзувчилар ижодидан ажралиб туради. Адабиётшунос олим Умарали Норматов қайд қилганидек, «Саид Аҳмад асарларида кулгининг ҳамма тури — қувноқ ханда, енгил табассум, беозор ҳазил-мутойибдан тортиб киноя-кесатик, масхара ва ғазабли қаҳқаҳагача учрайди. Шундай бўлса-да, Саид Аҳмад кулгиси асосан юмористикдир. У қувноқ, ҳазилкаш ҳажвчи. Ёзувчи табиатан лирик бўлганидан ҳажвиятда ҳам лириклиги-ча қолади, ҳажвияларида ҳам лирик жўшқинлигини саклайди»<sup>1</sup>.

Бу хусусият Саид Аҳмад прозасидагина эмас, унинг «Келинлар қўзғолони», «Қуёв», «Фармонбиби аразади» сингари комедияларида ҳам очиқ намоён бўлади. Чунки, бу пьесалар сюжети хушчакчақ кулиги — юмор асосига қурилган бўлиб, драматург халқимизга хос миллий урф-одатларни, одоб-ахлоқни эъзозлаш билан бирга, кундалик турмушда учровчи қусурларни ўткир юмор воситасида очиб ташлайди.

Саид Аҳмаднинг «Келинлар қўзғолони» комедиясига бош қаҳрамон Фармонбиби ўзига хос миллий характер бўлиб, унда меҳрибон оналаримизнинг хусусиятлари жамланган. Фармонбибидаги қаттиққўллик, ўзбилармонлик, ўжарлик билан ҳалоллик, тежамкорлик, мардлик, интизомга риоя қилишлик, меҳрибонлик, болажонлик хусусиятлари узвий бирлиқда намоён бўлади. Ана шунга кўра, Фармонбиби ҳаётий қаҳрамон сифатида томошабинлар ҳурматига сазовор бўлади.

Саид Аҳмаднинг «Жимжитлик» романида 80-йилларнинг биринчи ярмидаги ҳаёт ҳақиқати Мирвали Рихсиев директорлик қилаётган совхоз мисолида очиб берилган. Адиб совхоз ҳаётини республика ҳаёти, халқимиз турмуши, меҳнати, дарди, муаммолари, орзуистаклари заминида акс эттиради. Ёзувчи юзаки қараганда бир меъёрда, сокинлик ва жимжитлик билан ўз йўлидан тараққий этиб бораётгандай туюловчи ҳаётимиздаги ҳар хил иллатларни, кескин зиддиятларни, алғов-далғовликларни яққол кўрсатган. Бино-барин, романнинг номи ҳам киноявийдир. Романда

<sup>1</sup> Ўзбек совет адабиёти тарихи, Тошкент, «Ўқитувчи» нашриёти, 1990, 393-бет.

Толибжон: «Бу жойларга жимжитлик қидириб келдим» деса, Мирвали: «Жимжитлики одамзод ўлганда топади. Гўрга кирганда», дейди. Ёзувчи эса, «бу нотинч XX асрда жимжитлик қидириш телбалик»дир деган холосани асар тўқимасига сингдириб юборади.

Романда ранг-баранг образлар яратилган. Булар орасида, айниқса Мирвали қиёфаси алоҳида ажралиб туради. Мирвали образида икки хил киши — ҳам яхши одам, ҳам ёвуз одам қиёфаси гавдалантирилган. Ёзувчи романнинг биринчи қисмини «Бир танда икки одам» деб бежиз атамаган, албатта. Ҳақиқатан ҳам, Мирвали салоҳиятли, иш билармон, ташаббускор, ташкилотчи. Унинг республика миқёсида раҳбар бўлишга, ҳатто бирор вазирликини бошқаришга қурби-қобилияти етади. Бироқ Мирвали характерида ижобий хусусиятлар билан бир қаторда, амалпарастлик, шуҳратпарастлик, хушомадгўйлик, кўзбўймачилик, юлгичлик, нопоклик, хиёнат ва жиноят қилишдан тап тортмаслик сингари салбий иллатлар ҳам талайгина.

Романда тасвирланишича, дунёда Мирвали қилмаган пасткашлик ва ифлослик қолмаган. У истаган вақтида хоҳлаган номаъқулчиликни қилаверади: ўз қарамоғидаги кишиларга зўравонлик қиласи; халқ ва давлат мулкини истаганча ўмаради; бузуқчилик қилишдан — одамларнинг оиласини бузиш ва ёшлар ҳаётини заҳарлашдан (сулув келинчак Бодомгул ўлимини, врач қиз Седона қисматини ёки ўқувчи бола Азизбекнинг руҳан қийналишларини эсланг) ор қилмайди. Мирвали, ҳатто одам ўлдиришдан ҳам қайтмайди. У ўз йўлига тўсик бўлган ёки энди кераксиз бўлиб қолган ҳар қандай яқин кишисини ҳам ўйламай-нетмай осонлик билан гумдон қиласи. Мирвали ўзининг энг яқин сирдоши ва югурдаги Расулбекни, тоғда тинчгина ўзириклиги билан машғул бўлиб юрган камтар ва ҳалол майор Асқаралини ёвувларча ўлдиради. Ёшликтаги дўсти, ҳақгўй қариндоши Толибжоннинг, ҳатто райком секретари Ҳожимурод Холматовнинг ўлими ҳам Мирвали ёвуэлигининг оқибатидир.

Мирвали не-не жиноятларни қилмасин, бундан унинг пинаги ҳам бузилмайди, чунки жумҳуриятда унинг мушугини «пишт» дейдиган одамнинг ўзи йўқ. Дарҳақиқат, ёзувчи Мирвалининг ярамас қилиқларини, ваҳшиёна кирдикорларини тасвирлаш билан бирга,

Мирвали характеридаги иллатлар қандай пайдо бўлганлигини ва қандай қилиб ривожланиб борганлигини ҳам очиб ташлаган. Романда кўрсатилишича, Мирвали ўзи хон — кўланкаси майдон. У на каттани, на кичикни тан олади, на райкомга, на обкомга бўйсунади. Унинг манманлиги шу даражага бориб етадики, райкомнинг биринчи котиби Қодиров совхозга борганида Мирвали уни қабул қилмайди. Эшик олдидаги навбатчи райком котибининг йўлини тўсиб, директор «Хозир қабул қилолмас эканлар, эртага келсин, дедилар», дейди. Мирвали ҳатто обкомнинг биринчи котиби Маҳкамовни ҳам менсимайди. Маҳкамов совхозга келганида унга ҳурматсизлик билан қўпол муомала қиласди.

Бугина эмас. Мирвали ўзига ёқмаган не-не котибларни бехуда ёмонлайвериб, охир-оқибатда уларни сабабсиз ишдан олинишига эришган. Ана шунинг учун ҳам «бу райондагилар райком котибини кундалик рўзномага ўхшатсалар, обком котибларини ойлик журналга ўхшатишарди. Мирвали икковини бирпасда ўқиб эскитар, янгисини кутарди... Раҳимов воҳада фақат шу Мирвалининг гапини гап дерди. Ҳозирги бўлиб ўтган тўқнашувни кузатиб турган одам бўлса, албатта, Мирвали тушмагур бу «журнал»ни ҳам ўқиб бўпти-да, дейиши аниқ эди.

Мирвалининг орқа таянчи қанчалик зўр бўлмасин ва у қанчалик усталик билан ҳаракат қилмасин, барибир, охир-оқибатда халқ ғазабига учрайди, боши берк кўчадан чиқолмай қолади. Бошқача қилиб айтганда, Мирвали ўз қилмишларига яраша эл-юрт қарғишига қолади — тириклиайн ўлади.

Мирвали тақдири мисолида Саид Аҳмад катта бир фалсафий фикрни ўргага ташлаган ва уни образли тарзда ҳар жиҳатдан асослаб берган: аниқроғи, адаб Мирвалининг ҳаёт йўлини тасвирлаш орқали кимки, халқимизнинг ҳалоллик, тўғрилик,adolatпарварлик ва инсонпарварлик сингари эзгу анъаналарини менсимай, уларни оёқ ости қиласа ва нопок ишларни амалга оширса, у қанчалик қобилиятли бўлмасин, барибир, охир-оқибатда хору зор бўлиб ўлади, деган ҳикматли фикрни олга сурган. «Жимжитлик» романидаги Ҳожимурод Холматовнинг фожиали қисмати ҳам ана шундай хулоса чиқаришга асос бўлади.

Донгдор колхоз раиси Ҳожимурод Холматов «банкда булбулнинг қафасидек тор кассада пул олиб, пул

бериб» ўз тирикчилигини тинчгина ўтказиб юрган, тажрибаси зўр ҳисобчи, ниҳоятда тўғри, ҳалол ва содда одам Нурмат тогани қўярда-қўмай колхозга кассирликка ишга олиб кетади. Дастребки бир йилда раису кассир жуда иноқ бўлиб, бир-бирига ишониб ишлайди. Кейинча раис кассирдан тилхатсиз бир йўла ўттиз минг сўм пул олиб, Нурмат тоға бошига қора кун солади; коса косага текканда, у «олган бўлсан тилхатимни кўрсатсин. Шунча пулни тилхатсиз, ҳужжатсиз, гувоҳсиз бериб бўладими? Ахир, ёш бола эмас-ку», дея пул олганидан тонади, пасткашлик қиласди. Натижада кассирнинг мол-мулки мусодара қилиниб, ўзи ўн икки йилга қамалади, хотини эса қўлидаги ёш боласи билан уйдан ҳайдаб чиқарилади. Бу аёл бир неча йил давомидаadolatsizlik ва бедодлик азобидан ўртаниб, фарёд чекади, номард раисни қаргай-қаргай охири телба бўлиб дунёдан ўтади.

Асарда турғунлик давридагиadolatsizlik ва шафқатсизликнинг қурбони бўлган Нурмат тоға қисмати жуда таъсирли ва ҳаққоний акс эттирилган. У ўша даврдаги жирканч амалдорлар томонидан гижимлаб, эзғилаб ташланган аянчли бир кимсанинг ҳаётий образи сифатида жуда жонли ва тўлақонли бўлиб чиққан. Ёзувчи бу образни яратишда Нурмат тоганинг «қамоқдан озиб-тўзиб, буқчайиб қайтиб келгандан» кейинги ҳаёти, унинг Мирвали қўлида, тогдаги шийпонда ёлғизликда ғам чекиб кун ўтказиши, база бошқарувчиши (собиқ колхоз раиси) Ҳожимурод Холматовга тасодифан дуч келиши ва ундан қасос олиши воқеаларидан усталик билан фойдаланган. Нурмат тоға Ҳожимуродни ўлдирмайди, лекин ўлдиргандан ҳам баттар қиласди...

Шуниси муҳимки, ёзувчи «Жимжитлик» романида салбий жиҳатлар тасвирига ортиқча берилиб кетмайди, романни ҳар хил салбий воқеа-ҳодисалар, салбий шахслар билан тўлдириб ташламайди, меъёрга, турмуш ҳақиқатига риоя қиласди. Ҳожимурод, Мирвали, Луқмонов, Расулбек, Жаъфар, Насим сингари салбий образларга қарама-қарши ҳолда Толибжон Усмонов, Жайрон, Нурмат тоға, Эрали чавандоз, Маҳкамов, Истроил Маликов, Салима, Асқарли, Катта эна, Рисолат ая, Зайнаб ва Азизбек каби софдил, ҳалол, ўзи ҳам пок, сўзи ва иши ҳам пок бўлган турли ёшдаги ва турли феъл-атвордаги кишилар образини муҳаббат билан

тасвирлайди. Сайд Аҳмад ана шу ижобий образлар воситасида тургунлик йилларида ҳам адолат ва ҳаққоният йўлидан чекинмай, жамият тараққиётини таъминлашга, орзу-умидларимизни мустаҳкамлашга сидқидилдан хизмат қилган меҳнат аҳлини улуғлайди. Ҳалқимизга хос ҳалоллик, тўғрилик, маънавий-виждоний покликини маҳорат билан тасвирлайди. Ёзувчи соф, бегубор инсоний фазилатларни ўзх таржимон қиз — Жайронা образида айниқса ёрқин ифодалаган.

Жайронана — мураккаб ва муқаммал адабий қаҳрамон. Жайронана тимсолида адаб юксак ахлоқ-одоб ва маданият соҳибаси бўлган ақлли, тадбиркор ўзбек қиз-жуонларининг умумлашма образини яратган. Жайронана «олов бўлиб ёнадиган, юрганда оёғидан ўт чақнайдиган» сулув ва ориятли қизлардан. У «шаддод, бир гапирсанг, иккени қайтарадиган, кўп ўқиган, кўп мутолаа қилган, мулоҳазали қиз эди. Бутун қурилиш аҳлиниң кўзини ўйнатиб оловдек кийиниб юради».

Жайронана бир неча йил чет мамлакатларда таржимон сифатида ҳалол хизмат қилади ва ҳамма жойда ҳалқимиз ва давлатимиз ишончини оқлайди: ўз шаънига заррача бўлса-да, доф туширмайди.

Жайронанинг инсоний фазилатлари унинг Толибжонга бўлган самимий муносабатларида айниқса яққол намоён бўлади. Толибжоннинг кўз очиб кўрган турмуш ўртоғи чет элда вафот этади, унинг армияга кетган яккаю ягона ўғлидан «қорахат» келади. Натижада Толибжон ўзга юртда оғир дардга чалиниб, ётиб қолади. Ана шунда Жайронана одамгарчиликнинг юксак намунасини кўрсатади: бетобни оёққа турғазмасдан тинчимайди. Жайронана Тошкентта қайтиб келгандан кейин ҳам Толибжонга ҳамдам ва ҳамдард бўлади. Толибжоннинг кўнглини кўтаради, уни тушкунлик ва умидсизлик балосидан қутқаради. Толибжонга турмушга чиқиб, бу адолатталаб, соғдил ва камтар инсонга ҳар жиҳатдан далда беради. Ў билан биргаликда тургунлик даври иллатларига, ҳаётдаги ноҳақлик ва адолатсизликка қарши мардона қурашади. Бироқ Мирвали ўз одамлари — Жаъфар ва Насим полвон қўли билан Толибжонни ўлдириб Жайронанинг ҳаётига заҳар солади.

«Жимжитлик» романининг мазмун йўналиши ҳаётий ва қизиқарли бўлганидек, сюжетнинг ўсиб бориши ҳам меъёрида. Бинобарин, китобхон воқеаларнинг давомини

ва қаҳрамонларнинг тақдирини, асарнинг ечимини орзиқиб кутади.

«Жимжитлик» — кўп қиррали роман. Унда акс эттирилган воқеалар ва тақдирлар бир-бири билан ўзаро мустаҳкам алоқада. Воқеаларнинг бири иккинчи сини тўлдиради ёки бошқа бир йўналишда давом эттиради. Романдаги Мирвали ва Раҳимов чизиги ҳам, Толибжон ва Жайрона йўналиши ҳам, Нурмат тоға ва Ҳожимурод билан боғлиқ ҳодисалар ҳам, Салима ва Асқаралиники ҳам, қисқаси, бошқа ҳамма чизиқлар ҳам охир-оқибатда бир марказга келиб туташади ва асарнинг умумий гоя ва мундарижасини ташкил қиласди.

Романда ҳаётий ва бадиий тасвиirlар ўзаро бирлашиб кетган. Кийиксовди момо афсонаси, Эрали чавандознинг қисмати, шунингдек, Қора Лочин ва Қора Бахмал сингари учқур отлар номи билан боғлиқ воқеаларда бу руҳ айниқса очиқ сезилиб туради.

«Жимжитлик» романида миллий хусусият кучли. Ўзбекона ҳаёт манзаралари, ўзбек миллий феъл-автор, халқимизга хос бўлган урф-одат ва анъанаалар ёрқин акс этган. Қишлоқ аҳлиниң меҳнатсеварлиги, табиат бойликларига ва ҳайвонот дунёсига бўлган эзгу муносабати, уларнинг ўзаро бир-бирига меҳр-муҳаббати, ёши улуғларни эъзозлаши, мардлиги, тоғликларнинг тўйтомошаси, маъракаси, дағн маросимини ўтказишдаги аҳиллиги, одоб-ахлоқи, Катта эна, Рисолат ая сингари кексаларнинг меҳрибонлиги, болажонлиги, шунингдек, уларнинг ғаму мусибатларга бардошлиги, тоғ болаларининг қувончи, шўхлиги ва ўзига хослиги кабиларнинг тасвири бунга мисол бўла олади.

Сайд Аҳмад, айниқса, халқимизга хос бўлган меҳр-оқибатни, соддалик ва ҳалолликни, аҳиллик ва доноликни мафтун бўлиб тасвиirlайди. Толибжонга уй-жой қуриш учун қишлоқда уюштирилган ҳашар тасвирини олайлик. Ёзувчи бу ҳашардан Толибжоннинг қанчалик таъсирангандарнинг ифодалаш орқали халқимизнинг олижаноб фазилатларини улуғлаган. «Толибжон эса ҳашарчиларнинг бир ота-онанинг боласидай аҳилликларига, онасининг улар билан очиқ, ўз жигарлариdek гаплашишига қараб юраги тўлқинланиб кетади. Дунёнинг ҳеч ерида бунақа аҳил одамларни кўрмаганди. Яхши-ёмон кунларда бир-бирининг пинжига кириши, биттасининг дардига ҳаммасининг жони оғришига,

биттасининг қувончига ҳаммаси баб-баравар яйраб кетишига ҳайрон бўлиб қолган эди».

«Жимжитлик» романи тил ва услуб жиҳатдан ҳам пухта-пишиқ, у ўқимишли қилиб ёзилган. Асарда Сайд Аҳмад ижодига хос хушчақчақ юмор, сўз ўйинлари кўзга ташланиб туради. СовхоздаFaфур Fуломнинг 60 ёшлик юбилейини нишонлаш, Эрали чавандознинг Тошкентга — Faфур Fулом уйига меҳмон бўлиб бориши воқеалари тасвири самимий юмор, ҳазил-мутойиба, сўз ўйинлари билан безатилган. Роман енгил ўқилади.

Сайд Аҳмад қаҳрамонлар тилини ҳам, автор нутқини ҳам пухта ишлаган. Қаҳрамонлар тили уларнинг феъл-автори ва тушунчасига мос — табиий қилиб берилганки, зерикмай, толиқмай ўқилади. Мисоллар: «Менга қара, гўдак, сени уч модда билан айблайман. Бири кекирда-гингдан, бири киндигингдан, яна бири оёғингдан дорга осадиган айблар. Агар биттасини айтсан, оёқларим тагида эмаклаб юришга ҳам рози бўласан» (министр Луқмонов сўзидан). «Долимбой, кичкина қуданг мелиса деб эшитдим. Ростми? Мелисалик ҳам яхши ҳунар. Ёнида тўўпончаси бўлса, яна нима керак. Келининг мўмин-қобилгинами, ё мелисани қизиман, деб қайнонасини токчага чиқазиб қўяяптими?» (кампир сўзидан).

Сайд Аҳмад қаҳрамонлар тилини улар қиёфалари-нинг хусусиятларидан келиб чиқиб, содда, ихчам, образли ва сермазмун жумлалар тузади. Бунда у жонли ҳалқ тили байликларидан, ҳалқ мақоллари, ҳалқ иборалари ва турли тасвир воситаларидан унумли фойдаланади. Қуйидаги мисол фикримизнинг далилдидир: «Вой нимасини айтасан, болам, ғойибим ҳозир бўлиб, уйим тўлиб қолди. Энди оёғимни узатиб кетаверсан ҳам бўлади. Дийдорини кўролмаяпман-да, бу кўз ўлгур дунёни зимистон қилиб қўйди. Келганинг жуда яхши бўлди-да, болам. Толибжонгинамнинг ичи тўла дардга ўхшайди. Энди ўзинг уни бағринтга ол. Ўкситма. Ҳар қалай юртнинг тепасидаги одамсан» (кампирнинг сўзидан).

Адид ҳалқ тили бойликларини ҳам, турли хил тасвир воситаларини ҳам тежаб-тергаб ўз ўрнида ишлатиб, аниқликка ва равонликка, қисқалик ва образлиликка — чуқур бадиийликка эришади. Ўз мазмунига кўра ҳалқ

афоризмлари даражасида турувчи ҳикматли жумлалар тузади: «Жайрона, ҳеч ким ўзга юртда дардга чалинмасин экан. Ўз юртингда оғрисанг, юртинг ҳавоси ҳам дори бўлади. Аммо мусофириликда жуда ғарид бўлиб қоларкансан» (Толибжон сўзи). «Ўзинг биласан, қарисинг бор. Иссик-совуғинг бор, ётиш-туришинг бор. Ёнингда биттагина ҳамдаминг бўлса дегандим-да, яна ўзинг биласан. Қарид, боши ёстиққа етганда хотин киши ҳар ерга сигиб кетаверади. Мана. Мен сиғаяпманку. Эркак қариганда ҳеч бир кунж-кавакка сиғмайди» (кампир сўзидан).

«Жимжитлик» романида нуқсонлар ҳам бор. Узоқ ийллар давомида республикамизда биринчи раҳбар бўлиб ишлаган Шавкат Раҳимов образининг нуқул салбий томондан акс эттирилиши ҳаёт ҳақиқатига мос эмас. Шунингдек, обком конференциясида Биринчими кескин танқид қилган Толибжон Усмонов фаолияти, адолатли ишлари кенгроқ, батафсилроқ, чуқурроқ тасвиrlаниб, у иллатларга қарши курашувчи асосий образ даражасига кўтарилса, нур устига аъло нур бўларди. Шунингдек, адаб асарнинг баъзи ўринларида психологик таҳлил санъати имкониятларидан етарли фойдаланмаган. Ҳатто, романда асосий қаҳрамон Мирвали феъл-авторига тааллуқли бўлган чуқур руҳий ҳолатлар тасвири кам десак, хато бўлмайди. Романда етарли асосланмаган, бинобарин, ишонтириш қуввати заиф бўлган баъзи воқеа ва ҳодисалар ҳам учрайди.

Сайд Аҳмаднинг сўз санъати соҳасидаги хизматлари давлатимиз ва ҳалқимиз томонидан муносаб тақдирланган. Ёзувчи Ленин ордени, Ҳалқлар дўстлиги ордени билан мукофотланган. Унга «Уфқ» трилогияси учун Ҳамза номидаги республика Давлат мукофоти берилган. Сайд Аҳмад «Ўзбекистон ҳалқ ёзувчиси» деган юксак унвон соҳибидир.

Сайд Аҳмад ижоди адабий танқидчилик ва адабиётшуносликда тегишли тарзда холосона таҳлил этилган. Бир қанча мақола ва тақризлар, танқидий-биографик очерк ва рисолалар яратилган. Ҳусусан, М. Султонова, У. Норматов, И. Фофуровнинг илмий асарларида Сайд Аҳмад ижодининг асосий ғоявий-бадиий ҳусусиятлари тўғри кўрсатилган.

## АДАБИЁТЛАР

1. *Л. Қаюмов.* Сайд Аҳмад «Замондошлар» китобида, Тошкент, 1972.
2. *М. Султонова.* Ёзувчи услугига доир. Тошкент, «Фан», 1973.
3. *У. Норматов.* Сайд Аҳмад. Тошкент, 1978.
4. *И. Гофуров.* Прозанинг шоири. Тошкент, 1981.
5. Ўзбек совет адабиёти тарихи, Тошкент, «Ўқитувчи», 1990.

### Матн

*Сайд Аҳмад.* Сайланма (4 жилдлик), Тошкент, 1980—1981.

## ОДИЛ ЁҚУБОВ

(1926 йилда туғилган)

Етук бадиий асарлар яратишга қодир бўлган ҳақиқий истеъодлар ҳаётда камдан-кам учрайди. Таниқли адаб Одил Ёқубов ана шундай ноёб истеъодод соҳибларидан биридир. У ўз ижоди билан ҳозирги замон ўзбек адабиётини бойитди, бадиий тафаккур тараққиётига салмоқли ҳисса қўшди.

О. Ёқубов 1926 йилда Қозогистоннинг Чимкент вилояти Туркистон нохиясидаги Отабой қишлоғида туғилди. Тошкент Давлат дорилфунунининг филология куллиётида таҳсил олди.

Ўзбекистон Ёзувчилар уюшмасида маслаҳатчи (1955—1959), «Литературная газета» да маҳсус мухбир (1959—1963, 1967—1970), «Ўзбекфильм»да, Ўзбекистон Кинематография давлат қўмитасида (1963—1967),Faфур Ғулом номидаги Адабиёт ва санъат нашриётида (1970—1982), «Ўзбекистон адабиёти ва санъати» рўзномасида бош муҳаррир (1982—1987) бўлиб ишлади. О. Ёқубов 1987 йилдан то 1991 йилгача Ўзбекистон Ёзувчилар уюшмаси бошқарувининг биринчи котиби бўлиб ишлади. Ҳозирги кунда у Республика атамалар қўмитасининг раисидир.

Одил Ёқубов Мехнат Қизил Байроқ, «Хурмат белгиси» орденлари билан мукофотланди. У «Улугбек хазинаси» романни учун Ҳамза номидаги Ўзбекистон Республикаси Давлат мукофоти билан тақдирланди.

О. Ёқубов — сермаҳсул санъаткор. У ўзининг ҳикоя

ва очерклари, публицистик мақола ва пъесалари, хусусан, қисса ва романлари билан китобхонлар оммасига танилган. Унинг «Мураккаб сайлов» (1956), «Юрак куймоғи керак» (1957), «Олма гуллаганд» (1960) драмалари республикамиз театрларида саҳналаштирилган.

Одил Ёқубов, айниқса, қисса ва роман жанрларида катта маҳорат кўрсатди. Унинг биринчи қиссаси «Тенгдошлар» 1951 йилда нашр этилди. Шундан сўнг адид «Бир фельетон қиссаси», «Муқаддас», «Ота изидан», «Қанот жуфт бўлади», «Излайман», «Биллур қандиллар», «Ларза», «Тилла узук», «Матлуба» сингари қиссалари билан ўзбек реалистик қиссачилиги тараққиётiga катта улуш қўйди.

О. Ёқубов қиссаларининг аксарияти бадиий жиҳатдан бақувват. Адид асарларида замондошларимизнинг мураккаб ва етук образларини чизишга интилиш кучли. Зотан, у ўз қиссаларида ҳаётий қаҳрамонлар яратиб, инсон ва замин, виждон ва бурч, севги ва муҳаббат, ахлоқ ва одоб, меҳнат ва тинч ҳаёт ҳақида қизиқарли тарзда ҳикоя қиласди.

Шуниси қизиқи, О. Ёқубов қиссаларидаadolat ва ҳаққониятнинг, ҳалоллик ва садоқатнинг хиёнат, фитна-фасод, туҳмат, ҳийлаю мақр устидан ғалабаси тўлақонли образлар воситасида жонли ва табиий қилиб ифодаланади. Бу фазилат, айниқса, «Муқаддас» қисса-сида очиқ кўринади. Асар мазмунига Шариф билан Муқаддаснинг ҳаёти асос қилиб олинган. Ёзувчи бу икки ёш қалбнинг бошидан кечган айрим воқеаларни, хусусан, уларнинг севги саргузаштини, олий мактабга кириш имтиҳони топшириш билан боғлиқ кечинмаларини ҳаяжонлантирали даражада акс эттирган. Шариф ўз севгилиси Муқаддас билан бирга кириш имтиҳонлари топширади. Бироқ йигит имтиҳонда нопок йўл тутиб, ўзи сезмаган ва истамаган ҳолда Муқаддасга жабр қилиб қўяди. Қиз имтиҳондан ўтолмайди. Бу воқеа йигит қалбида чуқур из қолдиради, у ғоят қийналади, изтироб чекади. Охир-оқибатда унинг маънавий ҳаёти остин-устун бўлиб кетади.

Қиссада ёзувчи ахлоқ-одоб ва ёшлар тарбиясига оид муҳим муаммоларни кўтариб чиққан. Поклик, вижданий софлик, тўғрилик ва ҳалолликни улуғлаб, бальзи ёшлар ҳаёти ва онгида учровчи олғирлик ва қингирлик сингари иллатларни қоралаган.

Одил Ёқубов турли мавзуларда ҳикоя, очерк ва киссалар ёзиб, прозада муайян малака ҳосил қилгач, ўз кучини роман жанрида ҳам синааб кўрди. Биринкетин бешта роман ёзиб, ўзининг катта прозанинг моҳир устаси эканини намойиш этди.

О. Ёқубов романларининг мавзу доираси кенг ва хилма-хил. «Эр бошига иш тушса...» (1965) романида уруш мавзуи қаламга олинган бўлса, «Диёнат» (1981), «Оқ қушлар, оппоқ қушлар» (1986) романларида 70—80-йиллардаги ҳаёт ҳақиқати тасвиirlанган. «Улугбек хазинаси» (1973), «Кўҳна дунё» (1983) романларида эса тарихий ўтмиш мавзулари ёритилган.

О. Ёқубов романлари гоявий мазмунининг бойлиги ва бадиий бақувватлиги билан китобхонларга манзур бўлди. Хусусан, «Улугбек хазинаси» романчилигимиз шуҳратига шуҳрат қўшди.

Романда Мирзо Улугбек, Али Қушчи, Қаландар Қарноқий, Хуршидабону, Амир Жондор, Абдуллатиф, Салоҳиддин каби ранг-баранг, ёркин образлар яратилган. Феодал жамиятда адолатнинг барқарор бўлиши ва илм-фаннынг изчил ривожланиши мумкин эмаслиги ҳаётий зиддият ва қизиқарли сюжет тасвири орқали кўрсатиб берилган.

Романда Улугбек, Али Қушчи, Абдуллатиф сингари тарихий-воқеий, Хуршидабону, Қаландар Қарноқий каби бадиий-тўқима образлар юксак маҳорат билан яратилган. Бу асарда салкам қирқ йил подшоҳлик қилган Улугбек ҳаётининг драматик воқеаларга бой бўлган сўнгги даври акс эттирилган. Асарда тасвиirlанишича, Улугбек подшоҳлик қилиш билан бирга, илм-фанда (хусусан, астрономия фанида) оламшумул янгиликлар каашф этади. Нодир китобларни йиғиб, бой хазина яратади. Улугбек илм-фанинг ўстириш орқали мамлакатда адолат ўрнатишни, эл-улус аҳволини яхшилашни, жаҳолатга барҳам беришни орзу қилади.

Бироқ Улугбек қанчалик ҳаракат қилмасин, у ўзининг маърифат ва адолат йўлидаги эзгу мақсадларига эриша олмайди. Чунки реакцион феодаллар ва диншариат пешволари Улугбекнинг йўлига ғов бўладилар. Унга қарши турли йўллар билан кураш олиб борадилар. Реакцион кучлар ўз қора ниятларини амалга оширища Улугбекнинг ўғли — мансабпаст ва худбин Абдуллатифдан фойдаланадилар, Қорагуруҳчи руҳонийлар ва фитначи беклар Улугбек бошлиқ маърифатпарвар

кучларга қарши курашда динни байроқ қилиб оладилар; турли фисқу фасод ва тухматлардан фойдаланадилар. Охир-оқибатда улар маърифатпарвар подшоҳ Улугбекни ваҳшийларча ўлдиришга муваффақ бўладилар.

Шуниси характерлики, Улугбек бу фожиадан бир қанча вақт аввал қорагуруҳларнинг мудҳиш ниятидан, мамлакат осмонини қора булут қоплаётганлигидан воқиф бўлади. Бироқ уни ҳокимият тақдиридан кўра, кўпроқ узоқ йиллар давомида йиғилган илм-фан хазинасининг тақдири қийнайди. «Йўқ! Мен салтанатдан айрилишдан қўрқмаймен. Фақат бу әлга қирқ йил раҳнамолик қилиб орттирган бойлигим — мадрасаю расадхонам, нодир хазинам — тўплаган кутубхонам ва, ниҳоят, яратган асарларим — барчаси поймол бўлишидан қўрқамен. Ҳа, фақат шундан қўрқадурмен»,— дейди Улугбек.

Ана шу мулоҳазаларга кўра, Улугбек ўзининг содиқ шогирди, таниқли астроном олим мавлоно Али Қушчи ни ўз ҳузурига чорлаб, унга илм-фан хазинасини жоҳил гумроҳлардан, маҳдуд мутаассиблардан асраб қолиш ва уни келажак авлодларга етказиш чораларини кўриш вазифасини топширади. Улугбек Али Қушчига: «Қирқ йил салтанат тебратиб, орттирган буткул бойлигим, расадхона ва кутубхонам, битилган ва ҳали ниҳоясига етмаган рисолаю китобларим — барчаси сенинг қўлингдадир. Алқисса, бу хазинани жоҳил гумроҳлардан, маҳдуд мутаассиблардан асраб қолмоқ... ёлғиз сенинг ихтиёргандадир... Аммо эсингда бўлсин: кўп хатарли юмуш бу!» дейди.

Романда Али Қушчи бошлиқ софдил илм аҳлининг Улугбек топширигини бажариш — илм хазинасини сақлаб қолиш ва ундан келгуси авлодларни баҳраманд қилиш соҳасидаги жонбозликлари қизиқарли ва таъсирли қилиб ифодаланган. Романда Али Қушчи толиби илм Мирам Чалабийга қараб: «Шу бу кунгача не иш қилган бўлсак, шу юмушни қиламиз, болам! Устод, жаннатмакон Мирзо Улугбек ҳазратлари ёқсан илм шамини ўчирмоқ гуноҳи азим бўлур... Зеро, илм аҳлининг ганимлари бўлмиш мустабид шоҳлар келиб кета берар, аммо бу маскан, бу заҳматкаш халқ абадулабад ҳаётдир. Шу юрт ҳурмати, келгуси авлодлар ҳурмати, устод бошлаган улуғ ишни охирига етказмоқ даркор, азизим»,— дейди.

Али Қушчининг бу доно сўзлари «Улугбек хазинаси» асарининг мағзи сифатида акс садо беради. Романда ўша замон ҳақиқати бор мураккаблиги ва зиддиятлилиги билан ҳаққоний акс этган.

Романда Улугбек, Али Қушчи сингари тарихий шахсларнинг башарият олдидағи (илм соҳасидаги) буюк хизматлари, уларнинг феъл-автори, шахсий фазилатлари очиб берилади. Шу билан бир қаторда, сарой ҳаёти, темурийларнинг ўзаро тарафкашлик жанглари, маърифат билан жаҳолат, фан билан дин ўртасидаги кураш, Мовароуннахр халқларининг ўша даврдаги оғир қисмати ҳам ҳаққоний тасвирланади. Ёзувчи асардаги асосий образлар тақдирини халқ ҳаёти билан узвий боғлиқ ҳолда очиб беради. Шунга кўра, романда давр руҳи бўртиб туради. Бу ҳол, ўз навбатида, О. Ёкубовнинг «Улугбек хазинаси» романида А. Қодирий, С. Айний, Ойбек, М. Шайхзода сингари устод ёзувчиларнинг ўтмиш ҳаётни акс эттириш соҳасидаги анъанааларини муваффақият билан давом эттирганлигидан далолат беради.

«Улугбек хазинаси» романни лирик нафосат билан йўғрилган. Тили пишиқ ва ширали. Унда руҳий ҳолат таҳлили жуда юқори.

«Улугбек хазинаси» романни муносабати билан Чингиз Айтматов Одил Ёкубовга йўллаган мактубида шундай дейди: «Яхши китоб ҳақида сўзлаш мароқли. Юқори савияда яратилган Сизнинг китобингиз тарихий даракларни юксак бадиий шаклда гавдалантирганлиги билан мени тўлқинлантирди. Бу ёзувчилик маҳоратининг биринчи белгиси»<sup>1</sup>.

Одил Ёкубов тарихий ўтмиш мавзуини акс эттириш, халқимиз орасидан етишиб чиқсан буюк алломалар образини яратишда «Кўҳна дунё» романида ҳам катта ютуқга эришган.

«Улугбек хазинаси», «Кўҳна дунё» асарларига хос бўлган ёрқин бадиий умумлашмалар адебнинг «Диёнат», «Оқ қушлар, оппоқ қушлар» романларида ҳам очиқ кўринади. Бу кейинги икки роман замонавий мавзуларни ёритишда ёзувчи имкониятларининг тобора кўпайиб, маҳорати янада ўсганлигидан далолатдир.

<sup>1</sup> Қаранг: Н. Фозилов. Устозлар даврасида, Тошкент, «Ёш гвардия» нашириёти, 1988, 124- бет.

«Диёнат» романида қишлоқ ва шаҳар ҳаётидаги ибратли томонларгина эмас, балки салбий ҳодисалар ҳам усталик билан очиб берилади. Кишиларимиз онгиди, руҳиятида камол топган инсонпарварлик, ҳалоллик, поклик, камтарлик сингари фазилатлар улуғланиб, 70-йилларда ҳаётда анча илдиз отган мансабпарамастлик, қонунбузарлик, кўзбўямачилик, манманлик, диёнатсизлик каби иллатлар фош этилади. Романда етук олим ва камтар инсон Нормурод Шомуродов, райком котиби Аброр Шукурев, биолог олим Соқижон Обидов, раиснинг келини Латофат сингари образлар қалби ҳам, иши ва орзу-истаклари ҳам гўзал бўлган кишилар сифатида муҳабbat билан тасвирланади. Ёзувчи бу қаҳрамонларнинг ҳар бир ҳаракатини, юриш-туришини, ўй-хәёлларини мантиқан асослашга, уларнинг ички ва ташқи дунёсини табиий ва ишонарли қилиб тасвирлашга муяссар бўлган.

Колхоз раиси Отакўзи Умаров «Диёнат» романидаги асосий йирик образлардан биридир. Адид илғор колхознинг шуҳратпарамаст раиси Отакўзининг ташкилотчилик қобилиятини, ишчанлиги ва уддабуронлигини қадрлаш билан бирга, ундаги манманлик, ўзбошимчалик, мансабни суиистеъмол қилишлик, кўзбўямачилик каби ярамас одатларни кескин қоралайди. Шу орқали айрим мансабдор шахслар, хусусан, баъзи колхоз раислари характеристида учровчи қусурларни, шунингдек кўз илғамас даражада нозик бўлган бошқа иллатларни яққол акс эттиради. Асардаги Воҳид Миробидов, Жамол Бўрибоев образлари воситасида ҳаётдаги салбий воқеа-ҳодисалар очиб ташланади. Шундай қилиб, «Диёнат» романида ҳаёт ҳақиқати бутун борлиғи билан акс этган. Тўгри, «Диёнат» романида онда-сонда бўлса-да, мантиқий далилнинг етишмаслиги сезилади. Айрим такрорлар ва асар тилига доир баъзи нуқсонлар учрайди.

О. Ёқубовнинг «Оқ қушлар, оппоқ қушлар» романида 80-йилларнинг бошларидағи ҳаёт ҳақиқати акс эттирилган.

О. Ёқубов ўзининг янги романи ҳақида фикр юритиб, «Дейдиларки, дунёда оқ қушлардай беозор, пок, бегубор қушлар йўқ эмиш. Мен ана шундай қушларда бебаҳо фазилатли меҳнат кишиларини кўраман. Айрим ҳолларда порахўрлик, иғвогарлик, мансабпарамастлик иллатлари илдиз отган 80-йиллар бошида ҳам ӯзларига

гард юқтирумай покиза яшаб, ҳалол кун кўрган заҳматкаш бобо деҳқонларимизни ўша гўзал оқ қушларга қиёс қилгум келади. Ва шу боисдан асаримнинг номини «Оқ қушлар, оппоқ қушлар» деб атадим»,— деган эди.

Дарҳақиқат, романда ёзувчи ўз ниятига тўлиқ эришган. Ҳар қандай шароитда ҳам ҳалол ишлаб, ҳалол яшаган, оққушлардай покиза бўлган одамларимизнинг қиёфаларини самимий меҳр-муҳаббат ва ихлос билан тасвирлаб берди. Асардаги бундай қаҳрамонлар орасида маҳсулот тайёрлашда кўзбўямачилик қилишдан бош тортгани, нопокликдан ҳазар қилгани учун ишдан ҳайдалган соғдил бригадир Шораҳим Шоввоз, бутун борлигини илм-фанга бағишилаган, доимоadolat ва ҳаққоният учун курашиб келган профессор Расул Нуриддинов, собиқ комбат, республика ҳалқ контроли комитети раисининг муовини Иван Белобородов образлари алоҳида ажралиб туради.

Романда тасвир этилишича, 1945 йилда япон самурайларини тор-мор этишда қатнашиб, ўз ватанпарварлик бурчларини шараф билан адо этган бу уч азamat урушдан сўнгги даврда ҳам фидокорона меҳнат қилади, ҳалол ишлаб, ҳалол яшайди. На бойлиқ, на мансаб, на шуҳрат ва на бемаъни майшат бу ҳақиқий инсонларни тўғри йўлдан тойдира олмайди.

Лекин уруш йилларида булар билан бирга жангда бўлган ва улардан кўп яхшиликлар кўрган Музаффар Фармонов урушдан сог-саломат ютига қайтиб келгач, ўз аҳдини бузади, дўстликка хиёнат қилади. Музаффар Фармонов «ошна-оғайнилари» ёрдамида «Даштстрой» таъминот бўлимининг бошлиғи лавозимига кўтарилигач, босар-тусарини билмай қолади. Мансабини суиистеъмол қилади. Маянавий жиҳатдан бузилади, ёши анчага бориб қолганига қарамай, Тошкентдаги қудағайи Клара Жамоловна билан, ҳатто ёш котибаси билан айш-ишрат қилади, «Боги эрам» ва «Шаршара» да кайф-сафо суради. Музаффар Фармонов содиқ дўстлари Шораҳим ва Расулни назар-писанд қилмай қўяди. Хусусан, Шораҳимлар оиласига нисбатан жудаadolatsizlik ва виждонсизлик қилади. Иван Белобородовни эса пора бериб қўлга олмоқчи бўлади. Музаффар Фармонов шахсий бойлиқ йигишга муқкасидан кетади. Давлатнинг ярим миллион сўм пулини ўмаради, ҳалқа, давлатга катта зиён етказади. Лекин бу нопок шахс

кечикиб бўлса-да, охир-оқибатда ўз қилмишидан пушаймон ейди.

«Оқ қушлар, оппоқ қушлар» романида қайта қуриш ва покланиш даври адабиётига хос бўлган хусусият — танқидий рух кучли. Бироқ адаб асарда салбий жиҳатлар тасвирига ортиқча берилиб кетмайди. Аксинча,adolat ва ҳаққоният йўлидан бориб, жамиятилиз тараққиётини таъминлаётган ҳалол, меҳнатсевар қишиларимиз образларини биринчи ўринга қўйиб, ёрқин тасвирлайди. Асарда Шораҳим, Расул Нуриддинов, Иван Белобородов сингари асосий қаҳрамонларгина эмас, балки меҳрибон она Ойсулув, шифокор врач Соҳибаҳон, агроном Шоқосим, ёш археолог Нигора, истеъододли ҳайкалтарош Беҳзод каби кичик образлар ҳам жонли ва ҳаққоний қилиб кўрсатилган.

Романда айрим нуқсанлар ҳам мавжуд. Асар ечими янада теран ва таъсири қилиб берилса, асосий салбий кимса Музаффар Фармоновнинг нопок ишлари, инқирози ва фожиаси янада чуқурроқ акс эттирилса роман ҳар жиҳатдан бойиган ва сайқаллашган бўлар эди.

О. Ёқубовнинг ижоди ўзбек насрининг ёрқин саҳифасини ташкил этади. Салоҳиддин Мамажонов тўгри қайд қилганидек, «Адаб ўзбек прозасини, тўғрироги, романчиликни бир босқич юқорига кўтарди. «Улугбек хазинаси» романи «Ўтган кунлар», «Навоий»-лардан кейин тарихий романчилигимиздаги ҳодисадир, янги босқичдир, у тарихий-психологик роман сифатида ажralиб туради. Бироқ бунда ҳозирги замон романчилигига равшан сезилаётган... фалсафий йўналиш вазни ҳам сезиларли ҳолда кўринади. Бу фазилат «Кўҳна дунё» романига келиб салмоқли ўринни эгаллайди ва бу асар тарихий-фалсафий роман томон ташланган дадил қадам бўлади. Социал-психологик роман бўлмиш «Диёнат» ўзбек адабиётининг етук асарлари сафидан мустаҳкам ўрин олди... «Оқ қушлар, оппоқ қушлар» романида таҳлилий, танқидий тафаккур кучли»<sup>1</sup>.

О. Ёқубовнинг сўнгги йиллардаги ижодида публицистика жанри салмоқли ўрин эгаллайди. У ҳозирги даврнинг долзарб мавзуларида «Наврўз арафасидаги ўйлар», «Муруватни унутмайлик» сингари бақувват публицистик мақолалар ёзиб, қишлоқ ахли,

<sup>1</sup> С. Мамажонов. Адебининг бадий олами, «Совет Ўзбекистони» рўзномаси. 1986 йил 12 декабрь.

хусусан, қишлоқ хотин-қизлари ҳаётини тубдан яхшилаш, уни ҳозирги кун талаблари даражасига қўтариш, ўлкамизни янада обод қилиш, табиатни севиш, асрар, табиат бойликларидан тежаб-тергаб фойдаланиш ҳақида бонг урди.

Ёзувчи ўз мақолаларида табиатнинг дахлсизлигини таъминлаш, унинг қадими чиройини ўзига қайтариш, Орол денгизи фожиаси ва унинг асл сабаблари ҳақида куйинчаклик билан ёзар экан, табиатга зулм қилиш гунохи азим экани, келажак авлодлар кечирмайдиган айб экани ҳақида дангал ва жуда таъсири қилиб ёzádi. Пахта яккаҳокимлигига қарши, пахтанинг харид нархини қўтариш тўғрисида қимматли фикрларни ўртага ташлайди.

О. Ёқубов табиат бойликларини исроф этишни, адолатсизлик ва ноҳақликни, кўзбўямачилик ва қўшиб ёзишни, давлат ва халқни алдашни жамиятимизнинг соғлом танасидаги жароҳат деб атайди. Бундай иллаторга қарши узлуксиз курашиш, оддий инсон қадр-қимматини баланд қўтариш гоясини олга суради. Адигнинг бу даъвати ҳозирги замон руҳига ҳамоҳангдир.

Хуллас, Одил Ёқубов ҳозирги замон ўзбек адабиёти хазинасига, хусусан, сўнгги йиллардаги наср тараққиётiga салмоқли ҳисса қўшган адиллардан биридир.

## АДАБИЁТЛАР

1. О. Шарафиддинов. Ижод довонлари оша. («Биринчи мўъжиза» тўпламида), Тошкент, 1979.
2. У. Норматов. Замондошларимизнинг маънавий бисоти. («Етуклик» тўпламида), Тошкент, 1979.
3. С. Мирвалиев. Роман ва замон, Тошкент, F. Фулом номидаги Адабиёт ва санъат нацириёти, 1983.
4. Н. Худойберганов. Парвоз давом эради, Тошкент, 1980.
5. М. Қўшжонов. Қалб поклиги, «Сайланма», 1-том, Тошкент, 1982.
6. А. Расулов. Тиниклик. («Янги замон — янги қаҳрамон» тўпламида), Тошкент, 1976.
7. П. Шермуҳамедов. Диёнат, «Шарқ юлдузи» ойномаси, 1986, 10-сон.

## Матн

О. Ёқубов. Сайланма (3 жилдлик), Тошкент, 1985—1987.

## ПИРИМҚУЛ ҚОДИРОВ

(1928 йилда туғилган)

Истеъдодли носир, ажойиб таржимон, зукко адабиётшунос олим сифатида танилган П. Қодиров, айниқса, насримиз ривожига салмоқли ҳисса қўшиди.

П. Қодиров 1928 йилда Тоҷикистоннинг Ўра-Тепа ноҳиясидаги Кенг Қўл қишлоғида чорвадор оиласида туғилган. 1951 йилда Тошкент давлат дорилфунуни битирган. М. Горький номидаги Жаҳон адабиёти институти (Москва)да аспирантура курсини ўтаб, 1954 йилда «Абдулла Қаҳҳорнинг урушдан сўнгги ижоди» мавзуида кандидатлик диссертациясини ёқлаган. 1954—1963 йилларда СССР Ёзувчилар уюшмасида ўзбек адабиёти бўйича маслаҳатчи, 1963—1988 йилларда Ўзбекистон Фанлар академияси Тил ва адабиёт институтида катта илмий ходим бўлиб ишлаган. «Ўйлар» (1971), «Дил ва тил» (1972), «Халқ тили ва реалистик проза» (1973) сингари монографиялар ёзиб, сўз санъатининг тил ва бадиий маҳоратга доир муҳим муаммоларини ёритишга муносиб улуш қўшган.

П. Қодиров «Сенинг изларинг» киносценарийси ва «Инсоф» пьесасининг муаллифи. Унинг таржима санъати соҳасидаги хизматлари ҳам самаралидир. У Лев Толстойнинг «Казаклар», К. Фединнинг «Илк севинчлар», П. Толиснинг «Саратон», Хидир Деряевнинг «Қисмат» ва бошқа бир қанча насрый асарларни ўзбек тилига ўгирган.

П. Қодиров республикамида жамоат арбоби сифатида ҳам танилган. У Ўзбекистон халқ депутати. Ўзбекистон Республикаси Вазирлар Маҳкамаси хузуридаги адабиёт, санъат ва меъморчилик соҳасида Ўзбекистон Республикаси Давлат мукофотлари қўмистасининг раиси ҳамdir.

П. Қодиров «Халқлар дўстлиги» ордени ва медаллар билан, «Ўзбекистон ССРда хизмат кўрсатган маданият ходими» (1978) унвони билан тақдирланган. «Юлдузли тунлар» романи учун Ҳамза номидаги республика Давлат мукофотига сазовор бўлган.

П. Қодиров ўз ижодини 50-йилларнинг бошларида талабалар ва ўқитувчилар ҳаёти ҳақида айrim ҳикоя ва очерклар ёзишдан бошлади. Унинг биринчи китоби — «Студентлар» 1950 йилда нашр этилди. Кейинчалик

«Беш йилликлар фарзанди» (1951), «Олимамиз» (1953), «Ҳикоялар» (1953) каби тўпламларини чоп эттириди. Шундай қилиб, П. Қодиров 50-йилларнинг биринчи ярмида ижодий изланиш даврини босиб ўтди. Шундан сўнг у насрнинг энг қийин ва йирик жанрларига кўл уриб қиссачилик ва романчилиқда истеъодини намоён эта бошлади.

П. Қодиров «Қадрим» (1959), «Эрк» (1969), «Мерос» (1974), «Нажот» (1981) каби қиссалар, «Уч илдиз» (1958), «Қора кўзлар» (1965), «Олмос камар» (1977), «Юлдузли тунлар» (1978), «Авлодлар давони» (1988) сингари романлар яратиб, ўзбек насли тараққиётiga салмоқли ҳисса қўшди. Бу асарларда инсон қадр-қимматини улуғлаш, инсонпарварлик ва адолатпарварлик, ҳалоллик ва соғ виждонлилик, ватанпарварлик ва ҳалқлар дўстлиги каби ғоялар олға сурилган. П. Қодиров қиссаю романларининг замонавийлиги ва тарбиявий-эстетик аҳамияти ҳам асосан ана шунда.

П. Қодировнинг «Қадрим» қиссасида ўзбек адабиёти учун янги мавзу — газчилар ҳаёти Искандар, Зулайхо, Даврон, Ашур каби жонли образлар орқали гавдалантирилган. Қаҳрамонлар характерининг мураккаблиги ва тўлалиги жиҳатидан, хусусан, Искандар ва Зулайхо образлари ажralиб туради. Асарда ёш ишчи Искандар дунёқарашининг шаклланиши, унинг ўз қадр-қимматини тушуна бориши, ҳаётдаги ўрнини топиб олиши жарайенини тасвирлашга асосий эътибор берилган.

Қиссада воқеаларнинг Искандар тилидан, унинг бошидан ўтказган кечинмалар сифатида ҳикоя қилинishi ёзувчига образларнинг (хусусан, бош қаҳрамоннинг) руҳиятини чуқур таҳлил қилиш имкониятини берган.

П. Қодировнинг машҳур пахтакор Мамажон Дадажоновнинг порлоқ хотирасига бағишлиланган «Мерос» қиссасини ўзбек пахтакорлари меҳнатини тасвирлашдаги ўзига хос янгилик деб айтиш мумкин. Асарда пахтакорлар ҳаёти, уларнинг машаққатли меҳнати ўзининг бутун борлиги билан реал акс эттирилган. Пахтакорлар меҳнати шунчаки ўйнаб-кулиб далада енгил-елпи иш қилиш эмас, балки мислсиз жисмоний қийинчиликларга чидаш ва уларни енгишдан иборат эканлиги маҳорат билан очиб берилган. Асардаги Ёлқин, унинг укаси Турсун, онаси, Рустам, Ўқтам, Жобир Тошбеков каби образлар ҳаётий ва таъсирчан бўлиб чиққан...

Қиссанинг бош қаҳрамони Ёлқин Отажонов фидойи пахтакор, Фарғоналий бу йигит Мирзачўлни ўзлаштиришда жонбозлик кўрсатади; ўзини асло аямай, кечани кеча, кундузни кундуз демай тинимсиз меҳнат қилади. Шу тариқа йирик пахтачилик совхозининг директори Ёлқин Отажонов не-не қийинчиликларни енгиб, мамлакат хирмонига хирмон қўшади. Шуҳратли — юлдузли қаҳрамон сифатида танилади. Бироқ, охир-оқибатда «оёқ остидан чиққан фалокат, катта йўлда содир бўлган бемаъни бир тасодиф» натижасида ўн гулидан бир гули ҳам очилмасданоқ ҳаёт билан хайрлашади. Ундан укаси Турсунга пахтакор меҳнати — машаққатли, оғир меҳнат мерос бўлиб қолади. «Начора, болам! Энди Ёлқинжон учун ҳам сен узоқ умр кўр. Қаҳрамонлик сенга акангдан мерос... Аканг ўзини аямади. Энди сен ўзингни сал аягин, эҳтиёт бўлгин! Сен борсану пахта бор. Одамдан азизи йўқ!» — дейди она ўғли Турсунга насиҳат қилиб. Онанинг бу сўзлари қиссанинг асосий гояси сифатида акс садо беради.

П. Қодировнинг биринчи романи «Уч илдиз» 50-йиллар ўзбек прозасида муҳим воқеа бўлди. Абдулла Қаҳҳор бу романга юксак баҳо бериб, «Анча вақтдан бери мен ўзбек адабиётида момақалдироқ гулдуросини эшитмай юрган эдим. Назаримда, мана шу асар адабиётимизга момақалдироқдай гулдурос солиб, чақмоқдай ялтиллаб кириб келаяпти», — деган эди<sup>1</sup>.

«Уч илдиз» талабалар ҳаётига бағишлаб ёзилган биринчи ўзбек романидир. Асарда шахсга сифиниш ва унинг заарли оқибатлари ўша давр имкониятлари даражасида очиб ташланган. Бинобарин, шахсга сифиниш даврининг таъсирида 50-йилларда олий ўқув юртларида илдиз отган тарафкашлик, мансабпарастлик, сохталик, дабдабозлик — «қизил сўзлик», хақиқатдан кўз юмиб, ростгўй олимларни беобруй қилиш сингари иллатларни фош этиш, илм фидойилари билан сохта «олим»лар ўртасидаги зиддиятни ва бунинг асл моҳиятини очиб бериш, истеъдодли, ҳақгўй зиёлиларни ва толиби илмларни қўллаб-куватлаш — «Уч илдиз» романининг асосий гоявий мазмунини ташкил этади.

<sup>1</sup> Қаранг: Абдулла Қаҳҳор замондошлари хотирасида, Тошкент, F. Ғулом номидаги Адабиёт ва санъат нашриёти, 1987, 346-бет

Асар воқеаси асосан бир дорилғунун даргоҳида бўлиб ўтади. Роман мазмуни асосида ётган зиддият ана шу даргоҳда ишлаётган ёки таълим олаётган одамларнинг ўзаро муносабатларида намоён бўлувчи мафкуравий курашдан иборатdir. Асар конфликти Акбаров, Тошев сингари соф виждонли ва адолатли олимлар билан нопок Ҳакимов, унинг ҳамтовори Эшонбоев сингари қингир шахслар, сохта олимлар ўртасидағи кураш жараёнида гавдаланади. Зотан, романда яккабошчилик билан коллективчилик, манманлик билан камтарлик, қингирлик билан ҳалоллик, поклик билан нопоклик, лоқайдлик билан фаоллик ўзаро бирбирига қарама-қарши қўйиб тасвирланади, шу орқали эзгулик улуғланади. Асарда тўғриликнинг сохталик устидан, Акбаров, Тошев, Маҳкам сингари соф виждонли замондошларимизнинг Ҳакимов, Эшонбоев каби қингир шахслар устидан ғалабаси яққол ифодаланган.

Романда Маҳкам, Гавҳар, Очил сингари фаол талабалар ҳамда Акбаров, Тошев каби ҳалол олимлар — педагогларнинг фаолияти — турмуши, таълим-тарбияси, ўқиш-ўқитиши, ахлоқ-одоби ва орзу-истаклари ёрқин бўёқларда тасвирлаб берилган. Шу билан бирга Ҳакимов, Эшонбоевларнинг кирдикорлари яққол кўрсатилган.

Асарнинг бош қаҳрамони Маҳкам мафкуравий «хато»ларга йўл қўйган деган баҳонада «урилган», ишдан ҳайдалган тарихшунос олим Тошевнинг қизи Гавҳарни севиб қолади. Воқеалар давомида Маҳкамнинг кўзи очила боради: у Ҳакимов, Эшонбоев каби домлаларнинг ҳақиқий қиёфасини англаб олади. Худди шунингдек, мансабпаст шахслар томонидан ёмон отлиққа чиқарилган Акбаров, Тошев, Умаров сингари педагог ва илмий ходимларнинг чин инсонлар, ҳақиқий олимлар эканига қаноат ҳосил қиласди. Натижада Маҳкам курашлар жараёнида ўсиб, тобланиб янги авлоднинг ёрқин вакили сифатида гавдалана боради. Самимилик, эътиқодга садоқат, вафодорлик ва ростгўйлик, қийинчиликлардан қўрқмаслик ва уларни енгишга дадил интилиш Маҳкам қиёфасида мужассам. Ёзувчи Маҳкам образини яратар экан, бу йигит шахсининг шаклланиш жараёнини очишда руҳий таҳлил санъатидан унумли фойдаланади.

«Уч илдиз» романни чуқур мазмунли фалсафий умумлашмаларга, ҳикматли сўз ва ибораларга сероб.

Романинг номи ҳам теран мазмун ташийди, яъни ёзувчи асарда талабалик даврида шаклланадиган эзгуликлар ҳақида ҳикоя қиласар экан, мустаҳкам билим олишни, фаол фуқаро малакасини касб этишни ва севги-садоқатда устувор туришни самарали, мазмундор ҳаёт кечиришнинг уч илдизи деб атайди. Шу билан бирга, ана шу уч илдизи ҳам мустаҳкам бўлган кишигина жамиятнинг ҳақиқий аъзоси бўлади, ҳаётда ўз ўрнини эгаллаб, эл-юрг хурматини қозонади,— деган фикрни олға суради. Адив профессор Акбаров тилидан студент-ёшлиарга қаратса: «Шу илдизларнинг бири ўқишида ўсса, бири жамият учун қилинган ишда ўсади. Илдизлар бир дарахтга келиб бирлашгандай, булар ҳам ҳаётларингизда бирлашиб, бир-бирига киришиб кетади. Шу илдизларнинг қанчалик чуқур бўлса, шунчалик кенг шох ёя оласизлар, қанчалик мустаҳкам бўлса, ер юзида шунчалик маҳкам қад кўтариб тура оласизлар»,— дейди.

«Уч илдиз» асарида Абдулла Қодирий романларидағи теран бадиий нафосат, Абдулла Қаҳҳор ижодига хос ихчам ва содда тил, руҳий таҳдил санъати таъсири рўйирост сезилади. Бу ҳол П. Қодировнинг устозлар мактабидан сабоқ олганини, уларнинг анъаналарини ижодий давом эттирганлигини кўрсатади.

П. Қодировнинг «Қора кўзлар», «Олмос камар» романларида ҳам замонавий мавзулар қаламга олинган. «Қора кўзлар» романнда чорвадорлар ҳаёти, катта жамоа хўжалигини бошқариш муаммолари Исмат бобо, Холбек, Ҳулкар каби образлар воситасида ҳаққоний ёритилган бўлса, «Олмос камар» романнда эса катта шаҳарларни қайта қуриш ва ободонлаштириш жараёнида юзага келган мураккабликларни бартараф этиш, қадимий эзгу урф-одатларни, иқлим шароитини сақлаб қолиш билан боғлиқ муаммолар ўзининг бадиий ифодасини топган.

П. Қодиров ижодида «Юлдузли тунлар» романи алоҳида ўрин эгаллайди. Адив бу романни яратиш билан тарихий мавзуни бадиий ўзлаштиришнинг янги намунасини кўрсатди. Роман ўзининг ҳаққонийлиги ва қизиқарлилиги билан ажralиб туради.

«Юлдузли тунлар» — тарихий-биографик роман. Унда улуг ўзбек шоири, адаби ва машҳур подшоҳ Захириддин Муҳаммад Бобурнинг (XV — XVI аср) зиддиятли ҳаёти, фаолияти, марказлашган йирик

давлат тузиши йўлида чеккан азиятлари, кўрсатган қаҳрамонликлари кенг тарихий кўламда тасвирилаб берилган. Роман воқеаси Бобурнинг Андижондаги ёшлик чоғларини тасвирилашдан бошланади. Роман Бобурнинг Шайбонийхон ҳужумларига қарши курашда гоҳ енгиб, гоҳ енгилиб, ниҳоят Афғонистон ва Ҳиндистондаги тарқоқ хонликлар устидан ғалаба қозониши, «Бобурийлар сулоласи» деб ном олган йирик феодал давлатни тузиши каби воқеалар силсиласини ўз ичига олади.

Роман воқеаси Бобурнинг Аграда ўзи ташкил этган боғда вафот этиши билан якунланади. Ана шу воқеалар тасвири жараёнида Бобур талантли лирик шоир, адаби, моҳир саркарда, буюк давлат арбоби, самимий инсон, меҳрибон ота, санъат ва адабиёт ҳомийси, тарихчи олим сифатида гавдаланади.

Романда ҳаёт ҳақиқати, Бобур яшаган мураккаб, гоят зиддиятли давр, хусусан, асар бош қаҳрамони Бобур ҳаёти билан боғлиқ бўлган воқеалар ниҳоятда табиий қилиб ифодаланган. Адаб романда «Бобурнома», «Хумоюннома» сингари асил манбалардан ижодий фойдаланган. Романда ҳаёт ҳақиқати бадиий ҳақиқатга айлантирилган.

Шуниси муҳимки, роман марказида Бобур образи турса-да, асарда меҳнаткаш ҳалқ тарихнӣ ҳаракатга келтирувчи асосий куч сифатида намоён бўлади. Худди шунингдек, асарда фожиали воқеалар, зиддиятлар, изтироблар тасвири катта ўрин әгаллаган. Роман воқеаси бош қаҳрамон Бобурнинг вафотини акс эттириш билан тугаса-да, унда ҳаётбахш рух (оптимизм) балқиб туради. Романда подшоҳ Бобур ўлган бўлса-да, буюк шоир Бобур ўлмаган, унинг ҳаёти у яратган дилбар асарларда мангу давом этмоқда, деган гоя ёрқин акс эттирилган.

Ёзувчи асарда Бобурнинг бутун онгли ҳаёт йўлини қамраб олиб тасвиirlар экан, уни оқибатли фарзанд, меҳрибон ота, талантли шоир ва адаби, илм-фан ва маданият аҳлининг мураббийси, буюк ватанпарвар инсон, доно подшоҳ, моҳир саркарда, зийрак дипломат сифатида кўрсатган. Бунда Бобур образининг ёрқин, мукаммал чиқишида ёзувчининг руҳий таҳлил санъатидан моҳирона фойдаланганлиги ва ҳар бир воқеани пухта асослай билганлиги алоҳида аҳамият касб этган. Романдаги Бобурнинг она-Ватанга бўлган меҳр-му-

ҳаббати, ўз Ватанидан йироқда яшашга мажбур бўлиб чеккан изтироблари, она юртни соғиниши тасвирланган ўринлар руҳий таҳлилнинг намунасиdir. Бунда ёзувчи ана шу психологогик тасвир ва таҳлил воситасида Бобурни буюк ватанпарвар инсон сифатида гавдалантира олган. Бобур ўз ҳаётининг сўнгида суюкли ўғли Ҳумоюнга васият қилиб, «Мен туғилган юрт билан алоқани узманглар, шояд мен битган китоблар икки орадаги алоқанинг ришталари бўлса», — дейди.

Бобур асарда ҳақиқий инсон сифатида жонланади. Ёзувчи унинг инсоний фазилатларини ўз онаси Кутлуг Нигорхонимга, ўз опаси Ҳонзодабегимга, суюкли хотини Моҳим бегимга ва азиз фарзанди Ҳумоюнга бўлган меҳр-муҳаббати мисолида очиб беради. Натижада Бобур китобхон кўз ўнгига пок қалбли оқил инсон сифатида гавдаланади. «Ҳумоюн, жигарим,— дейди Бобур оғир касал бўлиб ётган ўғлига қараб,— сенинг бетоқатлигингга мен тоқат келтирай! Сенинг шу оғир дардингни худо сендан олиб менга берсин».

Асарда Бобурнинг хотин-қизларга муносабати ҳам реал акс этган. Бобур хотини Моҳим бегимнинг ақлу фаросатига, фарзандларини меҳр-оқибатли қилиб тарбиялаётганига тан бериб: «Моҳим, Сиз менинг беназир малагимсиз! Мен шоҳ бўлсанм ҳам улуг қалбингиз ўтрусида қулмен!» — дейди.

Романда Бобур образининг турли қирралари очила боради. Бобурнинг мамлакат, ҳалқ, адабиёт, санъат, маданият олдидаги буюк хизматлари, ўнинг моҳир саркардалиги, жангда кўрсатган қаҳрамонлиги, мустаҳкам иродаси, тадбиркорлиги қизиқарли акс эттирилган.

Бобур зўр бир давлат тузиб, юртни тинчтиши, мамлакатни обод қилиш йўлида курашар экан, илм, фан, санъат, адабиёт аҳлига ҳар жиҳатдан ёрдам беради. У ақлнинг қудратига ишонади, фидойиликни, содиқликни, соғдилликни улуғлади.

Ёзувчи Бобурнинг андижонлик йигит Тоҳирга, меъмор Фазлиддинга, тарихчи Ҳондамирга, ажойиб рассом Беҳзодга, ҳинд фуқароси Ҳиндубекка бўлган муносабатларини тасвирлаш орқали унинг буюк орзуларини, йирик давлат тузиш, мамлакатни обод қилишга астойдил ҳаракат қилганлигини, адабиёт ва санъат ривожига катта ҳисса қўшганини очиб берган. Бобурнинг меҳнаткашларга, навкарларга, санъат ва адабиёт

аҳлига меҳрибонлигини кўрсатган. «Менинг тақдирим галати, мавлоно, атрофимни обод қилганим сари ўзим сўлиб бормоқдамен... Мен бир зўр давлат тузиш мақсадини зиммамга олганимда бунинг қанчалик мушқул эканини тасаввур қилмаган эканмен. Туну-кун меҳнат, ташвиш, ўт-олов.. худди ҳаракатдаги вулқонлар орасига тушиб қолгандекмен. Кўзлаган мақсадим амалга ошгунча умрим етгайми, йўқми, билмайман»,— дейди Бобур.

Романда Бобурнинг ақлу фаросати, ҳар нарсани чуқур ўйлаб ҳал қилиши яққол ифодаланган. Асарда тасвир этилишича, ҳинд ҳукмдори Иброҳим Лўдининг онаси Байда Бобурга заҳар бериб, энг оғир жиноятта қўл уради. Бобур эса маликани қийнаб ўлдириш ўрнига, унга ҳаёт баҳш этиб, мардлик ва тантиликтининг, ёмонликка яхшилик билан жавоб қайтаришнинг ажойиб намунасини кўрсатади. «Бизни заҳарлаб ўлдирмоқчи бўлган бу маккор хоним учун энг олий жазо шуки, биз мана, тирикмиз! Бу хонимнинг ўзию ўғли қилолмаган улкан ишларни биз қилмоқдамиз!.. Малика бизнинг бундан кейинги зафарларимизни ҳам кўрсин, ёмонликка яхшилик қилиш мард кишининг қўлидан келишига амин бўлсин. Агарда маликада виждон бўлса, ўғли қилмай кетган ишларни биз қилганимизни кўриб вижедони азоблансин. Агар вижедони бўлмаса, ичида фақат баҳиллик чаёнлари бўлса, бу чаёнлар ўзини чақиб ётаверсин. Маликага бундан ўзга жазо муносиб эмасдир!» дейди Бобур.

Романда ибрат олишга лойиқ бўлган бундай ўринлар кўп. «Юлдузли тунлар» романининг замонавийлиги ҳам худди ана шу ибратда.

«Юлдузли тунлар» романида сарой муҳити, ундаги зиддиятлар ҳам ҳаққоний акс эттирилган. Амир-амалдорларнинг, бекларнинг адолатсизлиги, золимлиги, бир-бирига хиёнат қилиши, шахзодаларнинг бебошлиги, ўзаро тарафкашлик жанглари очиқ кўрсатилган. Шу билан бирга, булар ҳаммаси ўша давр ҳаёти билан боғлиқ ҳолда Бобур образи, хусусан, унинг донолиги, тадбиркорлиги, ижобий ва салбий ишлари, ютуқлари ва хатоларини очиб беришга тўла бўйсундирилган.

П. Қодиров сарой муҳити ва амир-амалдорларнинг кирдикорларини фош этишда ўша давр ҳаёт ҳақиқатига тўлиғича асосланган. Бобур ўзининг энг яқин қўриқчи-

си Тоҳирнинг: «Сиз подшоҳсиз, ҳазратим. Беклар Сизнинг итоатингиздалар»,— деган сўроғига жавобан: «Итоатимда бўлиб итоат этдиурлар. Буларнинг шундай гирдoblari борки, сал бехабар қолсангиз гарк қилиб юборурлар...» дейди. Бу қисқа жавобда подшоҳ саройи фитна-адоват уяси эканлигига, темурийлар ўртасидаги ўзаро бемаъни низолар, уларнинг бир-бирини алдаб, бир-бирига хиёнат қилишдан қайтмасликларига ишора қилинган.

Асарда тасвирланишича, Бобур ўз фаолияти давомида бир неча бор муваффақиятсизликка учрайди, лекин тушкунликка берилмайди, доимо улуг мақсад йўлида олға интилади, қийинчиликларни тадбир ила енгади.

«Юлдузли тунлар» романида Бобур ҳаёти ва фаолиятидаги салбий томонлар ҳам очиб берилган. Ҳусусан, унинг подшоҳ сифатидаги хато ишлари, шафқатсизлиги, Бобур шахси ва дунёқарашидаги зиддиятлар, қарама-қаршиликлар кўрсатилган. Ёзувчи асарда Бобурнинг бутун фаолиятини бирдек оқлаб қўя қолмайди, балки оқни оқ, қорани қора қилиб тасвирлайди. Ана шунинг учун ҳам Бобурнинг буюк тарихчи Хондамир билан сухбатда айтган қуйидаги сўзлари романнинг ғоявий хуносаси, адабнинг Бобурга берган ижтимоий умумлашмасининг асл магзи сифатида акс садо беради.

Бобур: «Авлодлар ҳақиқатни билсинлар, бизни фаришта деб ўйламасинлар. Қилган гуноҳларимиз ўзимизга нечоғлик оғир тушганидан огоҳ бўлсинлар... Жангларнинг қонли селлари, салтанатнинг тошқин дарёдай бетиним талотумлари жонимга тегди. Тожу тахт бевафолигини кўпдан бери сезиб юрибман. Менга вафо қилса, фақат ёзган асарларим вафо қилмоғи мумкин. Ватанимга ўзим қайтолмасам ҳам, асарларим қайтмоғи мумкин. Эндиғи орзум — мен туғилган юртимга қилолмаган фарзандлик хизматимни асарларим қилса...»,— деб нола қиласди. Романнинг бошқа бир жойида Бобур: «Неки хатолик, неки гуноҳ қилган бўлсанм, ҳаммасининг бирламчи сабаби менинг подшоҳлигимдир»,— дейди. Кўринадики, адаб подшоҳликни, оқламайди, ундаги зиддиятларни,adolatcizliklarni foш қиласди.

«Юлдузли тунлар» романида Тоҳир, Фазлиддин, Хонзодабегим, Нигорхоним, Ҳумоюн, Моҳим бегим, Шайбонийхон, Хондамир, Малика Байда каби тарихий

ва бадиий тўқима шахс образлари ҳам гавдалантирилган. Булар ҳаммаси роман мазмуни ривожини таъминлашда муҳим роль ўйнайди.

П. Қодиров бобурийлар авлоди тарихини бадиий тадқиқ этишни «Авлодлар довони» романида давом эттириди. Асарда Акбарнинг Ҳиндистонда Бобур тузган давлатни мустаҳкамлаш ва ривожлантириш йўлида олиб борган қураши кенг тасвир этилган.

### АДАБИЁТЛАР

1. О. Шарафиддинов. Улгайиш. «Адабий этюдлар» китобида. Тошкент, F. Гулом номидаги Адабиёт ва санъат нашриёти, 1967.
2. У. Норматов. Ҳаёт билан ҳамнафаслик. «Етуклик» китобида. Тошкент, F. Гулом номидаги Адабиёт ва санъат нашриёти, 1979.
3. М. Қўйижонов. Баҳсларда улгайтан ижод. Сайланма. Икки жилдлик, 1-жилд. Тошкент, F. Гулом номидаги Адабиёт ва санъат нашриёти, 1982.
4. П. Шермуҳамедов. Пиримқул Қодиров (адабий портрет), Тошкент, F. Гулом номидаги Адабиёт ва санъат нашриёти, 1983.
5. М. Сатторов. А. Каттабеков. Олис юлдузлар жилоси, Тошкент, «Ўқитувчи» нашриёти, 1984.

### М а т н

Пиримқул Қодиров. Сайланма асарлар (уч жилдлик), Тошкент, Faafur Гулом номидаги Адабиёт ва санъат нашриёти. 1988—1989 й.

## ЭРКИН ВОҲИДОВ

(1936 йилда туғилган)

Эркин Воҳидов ўзбек адабиётига 60-йилларда кириб келди. У шоир сифатида сўнгги йилларда мамлакат ҳаётида ва ижодий ишда жонланган демократик ҳаракат, қурашчанлик ва ошкоралик руҳи таъсирида ўсиб камолотга етди.

Эркин Воҳидов 1936 йилда Фарғона вилояти Олтиарик ноҳиясида туғилди. 1960 йилда Тошкент давлат дорилфунунинг филология факультетини битирди. «Ёш гвардия» ҳамда Faafur Гулом номидаги Адабиёт ва санъат нашриётларида масъул лавозимларда ишлади. «Ёшлиқ» журналига Бош муҳаррир бўлди. «Шарқий қирғоқ» тўплами учун Ҳамза номидаги Ўзбекистон Давлат мукофоти билан тақдирланди (1983). Шоир «Хурмат белгиси» ордени билан мукофотланди. Ўзбекистон халқ шоири. У Ўзбекистон халқ депутати.

Эркин Воҳидов адабиётнинг турли жанрларида ижод қилиб, асардан асарга тобора ўса борди. Шоирнинг бундай ижодий ўсишида унинг устозлардан ўрганиши муҳим аҳамиятга эга бўлди. Эркиннинг устозлардан ижодий ўрганиши, асосан икки йўл билан содир бўлди: биринчидан Эркин ёшлигидан бошлаб Навоий, Фузулий, Пушкин, Есенин, X. Олимжон, Файратий каби шоирларнинг асарларини ўқиб ўрганди. Ана шунинг учун ҳам у, масалан, Ҳамид Олимжон ҳақида: «Мен уни устоз дейман. Мени илк бор шеъриятнинг сехрли гулбогига ғойибона етаклаган, ханда уриб оқсан мисралари ёш қалбимга шалоладай қуйилган, менга баҳт ва шодликни қуйлаш санъатини ўргатган шоир...» деб ёзган эди. Иккинчидан, Эркин Воҳидов ўз фаолияти давомида Абу Али ибн Сино, Ҳофиз Шерозий, Бедил, Фридрих Шиллер, И. Гёте, А. Пушкин, С. Есенин, А. Блок, М. Светлов, А. Твардовский, Сильва Капутикан, А. Малишка, Расул Гамзатов сингари шоирларнинг бир қанча асарларини таржима қилди. У, айниқса, И. Гётенинг «Фауст», Сергей Есениннинг «Эрон тароналари» асарларини ўзбек тилига моҳирона ўғирди. Шу жараёнда бу шоирлар ижодидан таъсирланди, улардан ижодий ўрганди.

Эркин Воҳидовнинг ўзига ҳос истеъдоди унинг лирик шоир сифатида ўзбек шеъриятини кўпгина ингликлар билан бойитишида ёркин намоён бўлди. Маълумки, шахсга сигиниш йилларида шеъриятда ижтимоий пафос асосий ва етакчи бўлгани ҳолда бевосита инсоннинг ҳис-туйғуларини тасвирлашга етарли эътибор берилмай келинган эди. Эркин Воҳидов биринчилардан бўлиб бу ақидани бузиб, шеъриятнинг ҳақиқий ҳаёт билан алоқасини мустаҳкамлашга хизмат қилди. Лириканинг хилма-хил қамуналарини яратиб, шеъриятимиз савиясини ошириш учун курашди.

Эркин Воҳидов дастлабки шеърларида ёқ бадиий маҳоратга, асар сифатига алоҳида эътибор берди ва яхши натижаларга эришди. Бунга шоирнинг «Тонг нафаси» (1961), «Ақл ва юрак» (1963), «Менинг юлдузим» (1964) каби дастлабки тўпламлари мисолида қаноат ҳосил қилиш мумкин. Чунки, бу тўпламларга кирган шеърларнинг аксарияти майин, дилрабо, ёқимли лирика намуналари бўлиб, уларда чин инсонийликни улуғлаш, фуқаролик ҳис-туйғулари уфуриб туради. Шоир ишқ-муҳаббат, ёшлиқ ва дўстлик, инсон ва

инсонпарварлик, меҳнат ва роҳат, ватан ва ватанпарварлик, поклик ва ҳалоллик, адолат ва вафодорлик, камтарлик ва тўғрилик сингари ҳаётий, долзарб мавзуларни лирика торларига солиб ўзига хос ёқимли услубда куйлади. Масалан: «Гўзаллик» шеърида инсон ва меҳнат мавзуи тасвирланиб, меҳнат оламнигина эмас, балки одамнинг ўзини ҳам ўзгартиради; гўзал ва қўркам қилади, деган гоя усталик билан ифодала нади:

Мулки борлиқ ичра бир маҳал,  
Кўрксизгина олам яралган.  
Бермоқ учун дунёга сайқал.  
Оlam аро одам яралган.  
Шундан бери инсон тинмайин  
Шу ер узра тер тўқар ҳамон,  
Ерни гўзал қилгани сайин  
Гўзал бўлар ўзи ҳам инсон.

Эркин Воҳидов шеъриятида замонавий рух бўртиб туради. Шоир замонамизнинг ранг-баранг мавзуларини ёритишда бармоқ вазни имкониятларидан ҳам, аруз вазнидан ҳам бирдек маҳорат билан фойдаланди. Шоирнинг гўзал ғазаллардан, мухаммас ва қасидалардан ташкил топган «Ёшлик девони» (1969) Эркин Воҳидовнинг аруз вазни нозикликларини чуқур ўзлаштирганини, янги замон гояларини ифодалашда анъана вий ғазал шаклидан моҳирона фойдалана олишини намойиш қилди.

Эркин Воҳидовнинг «Лола сайли», «Ёшлигим, кел», «Барча шодлик сенга бўлсин», «Ширин», «Дўст билан обод уйинг» сингари кўплаб шеърлари ғазал жанрининг мукаммал намуналариdir. Уларда қаламга олинган мавзу юксак савияда ёритилган. Бинобарин, ғазаллардаги мисралар ўзаро мустаҳкам боғлиқ бўлиб, яхлит бир ҳаётий манзарани ёхуд тугал бир гоявий мазмунни ҳосил этади. «Дўст билан обод уйинг» ғазалида шоир хилма-хил тасвирий воситалар, ҳалқ мақол ва афоризмлари даражасидаги ҳикматли мисралар яратиб, ўзининг дўстлик ҳақидаги бадиий хулосаларини ғазал нинг умумий руҳига сингдириб юборади.

Дўст билан обод уйинг,  
Гар бўлса у вайрона ҳам,

Дўст қадам қўймас эса,  
Вайронадир кошона ҳам...  
Дўст қидир, дўст топ жаҳонда.  
Дўст юз минг бўлса оз,  
Кўп эрур бисёр душман  
Бўлса у бир дона ҳам.

Эркин Воҳидов газалларининг тили ҳар қандай ортиқчалик ва жимжимадорликдан холи. Шоир мисралари ғоят табиий ва равон оқади. Ана шу сабабли Эркин Воҳидов газалларининг деярли ҳаммаси бастакорлар ва ҳофизлар томонидан куйга солиниб, қўшиқ қилиб айтиб келинмоқда.

Эркин Воҳидовнинг 70—80-йиллардаги шеъриятида ижтимоий куйлар янада кучайди. Бу шоирнинг «Нидо» (1965), «Ҳозирги ёшлар» (1974), «Тирик сайёralар» (1978), «Шарқий қирғоқ» (1981), «Бедорлик» (1985), «Муҳаббатнома», «Садоқатнома» (1986) каби тўпламларига кирган ранг-баранг янги шеърлари («Зангори шуълалар», «Биз ишляпмиз», «Манфаат фалсафаси», «Унутиш қўшиғи», «Темир тан даҳолар» ва ҳ. к.) да яққол кўзга ташланади.

Шоир ижтимоий ҳодисаларни ифодалашда Ўзбекистон ва ўзбек халқи ҳаётининг турли соҳаларига бевосита мурожаат этади. Халқимизнинг ўтмишини, хусусан, унинг меҳнатсеварлик, инсонпарварлик, ватанпарварлик, меҳр-оқибатлилик, бағри кенглик сингари ажойиб фазилатларини мафтун бўлиб тасвирлайди. Шу билан бирга, халқимизнинг шодлигу қувончларини, дарду аламларини, ташвишу изтиробларини, орзуистакларини милллий либосда ғоят таъсирили ва жозибали қилиб ёрқин ифодалайди.

Эркин Воҳидов ўзининг «Ўзбегим» шеърида заҳматкаш халқимизнинг яхлит бадиий образини яратиб, ўзбекнинг қадр-қимматини баланд кўтаради; ўзбекнинг бой ва қадимий тарихга эга бўлган мард халқ эканини шеърий тилда таъкидлаб, қуидаги фалсафий холосага келади:

Тарихинг битмакка халқим,  
Мингта Фирдавский керак.  
Чунки бир бор чеккан оҳинг,  
Мингта достон, ўзбегим.

Эркин Воҳидов шеъриятида нотинч замонамизнинг халқ оммасини қизиқтирадиган, тацвишлантирадиган ранг-баранг масалалари асосий ўринни эгаллайди. Шоир ҳозирги воқелиқдаги ибратли томонларни, ижобий нарсаларни тасвирлаш билан бирга, салбий жиҳатларни ҳам аямасдан акс эттиради. Жумладан, хотин-қизларимиз ҳётидаги қийинчиликларни, уларнинг нолаю фифонларини дил-дилдан ачиниб тасвирлайди:

Замин дардича бор бир аёл дарди,  
Ойнинг доди балки унинг доғидир,  
Фарёд олов бўлса олам ёнарди  
Шарқлик жувонларнинг чеккан охидан.

Эркин Воҳидов ўз асарларида жамиятни қайта қуриш мавзуини ҳам қаламга олади. Қайта қуришнинг моҳиятини чуқур идрок этган ҳолда уни қўллаб-қувватлайди. Шу билан бирга, бу ҳаётий масалани ҳар томонлама ўйлаб, пухта ҳал қилиш керакки, токи «биздан кейин ҳеч бир авлод қайта қурмасин», деб бонг уради:

Кунлар кўрдик,  
Остонада турган истеъдод  
Бизнинг кўрган у кунларни  
Қайта кўрмасин.  
Шундай қайта курайликки,  
Энди умрбод,  
Биздан кейин ҳеч бир авлод  
Қайта қурмасин.

Эркин Воҳидов халқ ва жамият тақдирига тааллукли ижтимоий масалаларни ёритишда воқеа ва ҳодисаларни қуруқ баён этиш йўлидан эмас, аксинча, янги ташбеҳлар, содда ва теран байтлар яратиш, асар тоғасини бадиий тарзда гавдалантириш йўлидан боради. Шоирнинг икки жилдлик «Сайланма» асарлари («Муҳаббатнома», «Садоқатнома») ана шундан далолат беради.

Ҳозирги замоннинг долзарб, ранг-баранг ижтимоий мавзулари тасвирига бағищланган жиддий, ўйчан шеърлар Эркин Воҳидов ижодида асосий, салмоқли ўринни эгаллайди. Шу билан бирга, шоир бисотида қувноқ, хушчақчақ, самимий юморга бой шеърлар ҳам

мавжуд бўлиб, улар Эркин Воҳидов шеъриятининг муҳим бир хусусиятини ташкил этади. Шоирнинг «Дониш қишлоқ латифалари» туркумига кирган «Матмусанинг қишлоғи», «Матмусанинг қалпоги», «Матмусанинг лагани», «Матмусанинг чархпалаги», «Матмусанинг тандири», «Матмусанинг уйланиши», «Қизиқувчан Матмуса», «Матмуса — рассом», «Матмусанинг дутори», «Тандир кийган Матмуса» каби хушчақчақ шеърлари ўқувчиларга манзур бўлди.

Эркин Воҳидов хилма-хил лирик шеърлар ёзиш билан бирга, «Буюк ҳаёт тонги» (1960), «Орзу чашмаси», «Нидо» (1964). «Палаткада ёзилган достон» (1966), «Қуёш маскани» (1970), «Чароғбон» (1971), «Бахмал» (1974), «Рухлар исёни» (1979) каби достонлар ҳам яратган. Бу достонларнинг аксарияти ғоявий мазмун жиҳатидан ҳам, бадиий жиҳатдан ҳам бақувват, гўзал. Уларда турли мавзулар теран акс эттирилган. Масалан, «Нидо» поэмаси урушга қарши тинчлик учун кураш мавзуига багишлиланган бўлиб, унда ҳозирги ёшларнинг ҳис-туйғулари, орзу-истаклари, интилишлари — замондошларимизнинг қиёфаси маҳорат билан тасвирланади. «Нидо» достони Ватан урушида ҳалок бўлган мард, фидойи оталарнинг ўрнини босиц, халқимизнинг муносиб авлоди бўлиб етишиш ғояси билан сугорилган. Поэма йигирма яшар лирик қаҳрамоннинг:

Ҳайқираман,  
Тоғлар бағридан  
Гумбурлаган садо келади.  
Она Ернинг оташ қаъридан  
«Ўғлим!» деган нидо келади,—

тарзидаги шеърий монологи билан бошланади.

Поэмада тасвирланишича, отаси жангда ҳалок бўлган ёш йигит отасидай халқпарвар, ватанпарвар бўлишга аҳд қилади. Бинобарин, у масъулиятни ва ҳозирги давр руҳини чуқур идрок этади. Поэмада шоир ўзининг tengdoш, асрдош, ватандош дўстларига қаратса ана шу йигит — лирик қаҳрамон тилидан қуидагича хитоб қилади:

Асрдош биродар,  
қўлни бер,  
Кел, Ерга қиласайлик  
қасамёд:

Бўлурмиз гал келса  
Ҳар биримизга  
Тинчлик жангхонинг  
фидоси.  
Бу сенга,  
бу менга,  
бу бизга,  
Йигирманчи аср нидоси.

«Нидо» поэмаси енгил услугуб ва ширали тил билан ёзилган. Унда таъсирли ва жозибадор лирик парчалар кўп.

Эркин Воҳидов достонлари орасида «Рұхлар исёни» алоҳида ўрин тутади. Инқилобчи ҳинд шоири Нарзул Исломнинг ҳаёти ва фожиали тақдирни достон сюжети учун асос қилиб олинган. Лекин, шоир бу билан чекланиб қолмайди; эрк ва тенглик, фидойилик ва мангулик, ҳақиқат ва тўғрилик, самимийлик ва риёкорлик, содиқлик ва хиёнат ҳақидаги афсоналар ва ривоятларни ҳам достон мундарижасига усталик билан сингдириб юборади.

Мустақиллик, озодлик, тенглик, адолат ва ҳақиқат учун кураш гоялари «Рұхлар исёни» достонининг асосий гоясини ташкил этади. Адабиётшунос Умарали Норматов айтганидек, «Рұхлар исёни» — фалсафий достон. Муаллиф Нарзул Ислом жасорати, фидойилиги, оғир қисмати баҳонасида шоирнинг, умуман ижодкорнинг ҳаётдаги ўрни, гражданлик бурчи, қолаверса, инсонийлик, фидойилик, эрк ташналиги, ижтимоий ва маънавий ҳаётнинг бошқа хилма-хил муаммолари устида ўй-мушоҳадаларга толади.

«Рұхлар исёни» — шакл жиҳатидан ҳам ўзига хос, новаторона асар. У хилма-хил шеърий шакллар, ритм, ҳиссий оҳанг ва ранглар; ҳам реал ҳаётий лавҳалар, ҳам ривоятлар, шартли-рамзий ифодалар бирикмасидан ташкил топган. Шу хилдаги шакл ва ифода ранг-баранглиги асар замирида ётган ҳаётий ҳақиқатни мураккаблиги, хилма-хил қирралари билан ифода этишга хизмат қиласи. Шоирнинг узоқ йиллик кузатиш, ҳаётий тажриба, хулоса, ўй-мушоҳадаларини, кўнгил дардларини тўкиб солишига имкон беради<sup>1</sup>.

«Рұхлар исёни» достонида қайта қуриш руҳига мос

<sup>1</sup> Ўзбек совет адабиёти тарихи, Тошкент, «Ўқитувчи» нашриёти, 1990, 434-бет.

бўлган қуидаги пуржикмат мисралар кўзга яққол ташланиб туради:

Шоир бўлсанг,  
Бўлсин қалбинг  
Элга қурбон бўлгудек.  
Шоир бўлсанг,  
Бўлсин ҳалқинг  
Сенга қалқон бўлгудек.  
Шоир бўлсанг,  
Сени элинг  
Қалби билан тингласа,  
Ед олмаса ҳамки шеъринг,  
Фидолигинг англаса.

Шундай қилиб, Эркин Воҳидовнинг достончиликда-  
ги ютуқлари, бу жанр ривожига қўшган ҳиссаси катта.  
Бироқ, шоир достонларининг айримларида, хусусан  
«Куёш маскани», «Тошкент садоси» достонларида  
қасидагўйлик, реал ҳаётни ҳаддан ташқари бўяб-безаб  
мадҳ этиш ҳоллари сезилади. «Орзу чашмаси», «Ча-  
роғбон» асарларида эса юзакилик, жўн-саддалик,  
ибтидоийлик кўзга ташланади. Лекин, муҳими шунда-  
ки, Эркин Воҳидов достончиликда ҳам асардан асарга  
ижодий ўсиб, юзакичилик ва асоссиз қасидагўйликдан  
қутула борди. Бунинг энг ишончли далили шоирнинг  
сўнгги давр ижоди, хусусан, «Рұҳлар исёни» ва  
«Истамбул фожиаси» сингари йирик шеърий асарла-  
ридир.

Эркин Воҳидов драматург сифатида ҳам танилган.  
Унинг «Олтин девор» (1970) комедияси Ҳамза номидаги  
ўзбек Давлат академик драма театрида мувваффақият  
 билан саҳналаштирилди ва томошабинларнинг олқиши-  
га сазовор бўлди. «Олтин девор» асарида драматург  
бойлика ҳирс қўйиш ва қінғир йўллар билан мол-мулк  
орттиришга интилиш устидан кулади, ҳалол ишлаб  
ҳалол яшаш гоясини олга суради. Асарда Мўмин образи  
маҳорат билан яратилган. «Олтин девор» комедияси  
мазмунан бой бўлганидек, бадиий жиҳатдан ҳам  
мукаммал. Асарнинг бошидан охиригача кулгу уфуриб  
туради. Чунки, унда ҳажвий мазмунга эга бўлган воқеа  
ва зиддиятлар биринчи ўринда намоён бўлади. Пьесада-  
ги асосий образлар, хусусан бош қаҳрамон Мўмин  
комик характерга эга. Бундан ташқари, асарда киноя,

кесатик, масхаралаш, сўз ўйинлари, асқия каби кулги воситаларидан унумли фойдаланилган.

Эркин Воҳидов ижодида «Истамбул фожиаси» (1985) шеърий драмаси алоҳида ажралиб туради. Асар қайта қуриш даври руҳи билан сугорилган. Унда поклик билан нопоклик, тӯғрилик билан эгрилик, ҳалоллик билан кўзбўямачилик, адолат билан адолатсизлик, самимиийлик билан носамимиийлик ўртасидаги кескин тафовут ва кураш ҳозирги қайта қуриш даври талаблари асосида ёрқин акс эттирилган.

«Истамбул фожиаси» драмасида асосан уч образ (колхоз раиси Жалол, унинг хотини Саодат ва укаси Искандар) мавжуд. Учови ҳам ҳаёт ҳақиқатига мос равишда яратилган ва асар гояси ана шу қаҳрамонларнинг фаолиятлари, хатти-ҳаракатлари, диалог ва монологларига моҳирлик билан сингдириб юборилган.

Драмада кўрсатилишича, Саодат муайян вақтда ёшлиқ қилиб хатога йўл қўяди: Искандарнинг пок юрагига ишқ ўтини ёқиб, «тақдир тақозосига кўра», унинг акаси Жалолга турмушга чиқади. Шу боисдан aka-uka ўртасига совуқлик солиб, ўзи билмаган ва истамаган ҳолда турли нохуш воқеаларнинг сабабчисига айланади. Севгилисига ета олмаган Искандар эса қаттиқ изтироб чекади ва алам билан армияга кетади. Фашистларга қарши мардона жанг қиласди. Оғир жангларнинг бирида иложсиз қолиб, ёв қўлига асир тушади. Асирикдан қочади. Турли таъқиб ва қийинчиликларга дуч келади. Кўп йиллар давомида она-Ватан меҳрига зор ва хор бўлиб, чет элларда дайдиб юради. Она юртида эса бу воқеадан хабарсиз ҳолда фронтда қаҳрамонларча ҳалок бўлган жангчи сифатида унинг ҳайкалини яратиб Искандарнинг номини кўкларга кўтарадилар. Ҳатто Жалолни қаҳрамоннинг акаси деб кўтар-кўтар қиласдила.

Ҳақиқатда эса, Искандарнинг қисмати аянчли бўлади. У фожиа устига фожиага йўлиқади, бироқ Искандар ўз бошидан не-не ғурбатларни, аччиқ қисматларни кечирмасин, доимо она юрт соғинчи билан ҳамнафас бўлади. Охир-оқибатда у она-Ватан ва ўз ҳалқи юзига қарай олмайдиган нохуш ҳолга тушиб бевақт қарийди. Ана шу қарилик чоғида Искандар. Ўзбекистондан турист сифатида чет элга борган акаси Жалол билан собиқ севгилиси — ҳозирги янгаси Саодатга дуч келиб

қолади. Бу учрашув кўриниши пьеса чўққисини ташкил этади ҳамда асарнинг кескин драматик ҳолатларга, чуқур фожиали воқеаларга энг бой ва энг таъсирили саҳифалари сифатида ўқувчи қалбини ларзага солади. Чунки, бу учрашувда ҳаёт ҳақиқати, аниқроғи, чалкаш тақдирлар қисмати, даҳшатли воқеаларнинг асл сабаблари шекспирона маҳорат билан очиб берилади. Бу учрашув ҳақида Жалолнинг ўзи шундай дейди:

Мен бу кечада бир лаҳза ҳам ухлаганим йўқ,  
Бутун умрим кўз олдимдан бирма-бир ўтди,  
Искандарнинг узоқ йиллар чеккан дардини  
Бир кечада юрагимдан кечирдим бугун.  
Бу ерда мен ўлиб кетган укам биланмас,  
Ўлиб кетган виждан билан учрашиб қолдим,  
Сен билмайсан, анча-мунчагуноҳларим бор.

Драматург Жалолнинг шу учрашувдан сўнгги руҳий ҳолатини тасвирлаш, бошидан кечган воқеаларни эслаш орқали шахсга сифиниш ва тургунлик даврига хос бўлган сохталик, кўзбўямачилик ва қўшиб ёзиш каби иллатларни фош этади.

Жалол эслайди:

Бу воқеа ўн етти йил илгари бўлган,  
Эндиғина раис бўлиб сайланган эдим.  
Эрта баҳор бир кун обком вакили келиб  
Бир пиёла чой устида гап очиб қолди:  
«Биз маслаҳат қилдик,— деди,— областимизда  
Сизнинг колхоз машъал бўлиб туриши керак.  
Қурултойга сиз борасиз. Нутқ гапирасиз».  
«Нега,— дедим,— қўшни колхоз ҳамма жиҳатдан  
Олдинда-ку...» У: «Йўқ,— деди,— ҳамма жиҳатни  
Ўйламоқни бизга қўйинг. Сиз муносибсиз.  
Қаҳрамоннинг акасисиз. Табиат Сизга—  
Кўп хислатлар бериб қўйган. Кўрсаткич бўлса...  
Кўрсаткични тўғрилайсиз. Ёрдам берамиз».  
Бўшлиқ қилдим. Кўндим. Шундан бошланиб кетди...

Кўринадики, Жалол юқори ташкилотларнинг хоҳишига бўйсуниб, тўғри йўлдан чекинади. Кўзбўямачилик билан бирни икки деб кўрсаткични қўтаради. Шу тарзда давлатни ҳам, ҳалқни ҳам алдаб, сохта обрўшухратга эришади. Кўша-қўша орденлар олади, қаҳрамон бўлади. Охир-оқибатда Жалол ўз қилмишидан қаттиқ пушаймон бўлиб руҳан әзилади. Асада ана шу

рухий ҳолат акс эттирилган. Жалолнинг пушаймони унинг ўз тилидан қуидагича ифодаланган:

Мен умримни яшаб бўлган одамман, энди  
Болаларга мендан ёлғон мерос қолсинми?  
Фарзандларим мени ёлғон кафанга ўраб,  
Сохта тобут билан гўрга олиб борсинми?!  
Бизни кўмиб, устимиздан тупроқ тортишар,  
Лекин, ахир, ҳақиқатни кўмиб бўлмайди.  
У бамисли товонтешар; минг тупроқ тўкма,  
Бир кун келиб қаердандир ёриб чиқади...  
Бор гапни мен тиригимда айтишим керак,  
Ҳеч бўлмаса, гўримда тинч ётишим керак...

Драмада кўзбўямачилик ва сохталик фожиаси билан бир қаторда ватангдолик фожиаси ҳам очиб ташланган. Искандар чет элда акаси Жалодни учратгач, биринчи навбатда, «Она юртдан бир кафт тупроқ келтирмадингми?» деб сўрайди. Жалол эса: «У тупроқда битган майиз бор», дея унга майиз беради. Искандар «бир дона майизни оғзига солиб, узоқ тамшанади». Сўнгра: «Шукр, шукр, юртим нафасини туйгандек бўлдим», деб энтиқади. Искандар: «Қани энди насиб бўлиб бағрингда ўлсан, бу дунёдан ҳеч беармон кетардим. Гўё она қучоғида ухлаган боладек, тупроғингда эркаланиб ётган бўлардим», дея нола қилади, изтироб чекади.

Шундай қилиб, драматург Искандар образини яратиш, унинг аччиқ қисматини кўрсатиш билан она-Ватан туйғусининг қанчалик муқаддас, қанчалик бебаҳо туйғу эканини, бу туйғуни бошқа ҳеч қандай туйғуга қиёс қилиб ёки алмаштириб бўлмаслигини гоят таъсирили қилиб кўрсатган. Шу тариқа она-Ватанга муҳаббат гояларини асарни мағзи-мағзига сингдириб юборган.

«Истамбул фожиаси» бадиий жиҳатдан ҳам етук. Драма ҳозирги ҳаёт ҳақиқатидан келиб чиқувчи чукур мазмунли фалсафий умумлашмаларга, халқ ҳикматлари даражасига кўтарилган сермазмун фикрларга сероб. Саодат тилидан Искандарга қаратса айтилган:

Энди билдим, ҳақиқат бир юксак тог экан,  
Ундан кўзни юмиш мумкин, терс қарааш мумкин.  
Аммо тупроқ билан кўмиш беимкон экан.  
Энди сенга сўнгги сўзим: Ватанингга қайт,  
Ўтган ишлар ўтди, энди қолган умрни  
Ёлғон билан эмас, ҳалол ва пок яшайлик,—

сингари сўзларда асарнинг бу фазилати яққол кўринади. Бу шеърий драма тил, қофия ва вазн жиҳатидан ҳам пухта ишланган. Тўғри, достонда турли нуқсонлар ҳам мавжуд. Жалолнинг раислиқ фаолиятидаги салбий жиҳатлар, чигал муаммолар кенгроқ ва теранроқ акс эттирилса, ўша давр ҳақиқати янада яққолроқ очилган бўлар эди. Асада етарли далилланмаган, бинобарин, ишонтириш қуввати заиф бўлган баъзи фикрлар учрайди. Драманинг номи унинг мазмунига унчалик мос эмас. Чунки фожиа Истамбулда эмас, бошқа жойда юз берган. Истамбулда эса ака-ука учрашган ва аввал бўлиб ўтган фожиаларни эслашган, холос. Умуман олганда, «Истамбул фожиаси» драматургиямизнинг ютуғидир.

Эркин Воҳидов ижоди ўзбек шеъриятининг энг катта ютуқларидан бири сифатида 60-йиллардан бўён адабий танқидчилик ва адабиётшуносликнинг диққатини ўзига жалб этиб келмоқда. О. Шарафиддинов, Л. Каюмов, У. Норматов, Н. Худойберганов, Н. Шукуров, И.Faфуров ва бошқаларнинг асарларида Эркин Воҳидов ижодининг асосий гоявий-бадиий хусусиятлари атрофлича очиб берилган.

#### АДАБИЁТЛАР

1. Л. Каюмов. Замондошлар, Тошкент, 1985.
2. Н. Худойберганов. Ҳақиқат ёғдулари, Тошкент, 1984.
3. О. Шарафиддинов. Ҳалқ устозим, мен эса толиб, «Шарқ юлдузи» ойномаси, 1986, 12-сон.
4. Н. Шукуров. Шоирнинг юлдузи. «Адабий портретлар» китобида, Тошкент, 1985.
5. У. Норматов. Эркин Воҳидов. «Ўзбек совет адабиёти тарихи», Тошкент, «Ўқитувчи» нашриёти, 1990.

#### Матн

Эркин Воҳидов. Сайланма. Икки жилдлик («Муҳаббатнома», «Садоқатнома»), Тошкент, 1986.

### АБДУЛЛА ОРИПОВ

(1941 йилда туғилган)

Абдулла Орипов 60-йилларда Эркин Воҳидов, Омон Матжон, Ҳалима Худойбердиева, Ойдин Ҳожиева сингари ижодкорлар билан бир қаторда ўзбек адабиётига кириб келди. Абдулла ижодининг илк давридан бошлаб ўз услуби ва ўзига хос янгроқ овози билан шеъриятимизда янгилик яратиб, кўпчиликнинг диққатини ўзига жалб этди.

Абдулла Орипов 1941 йил 21 мартда Қашқадарё вилоятининг Косон ноҳиясида туғилди. Тошкент Давлат дорилфунунини битириб (1963), нашриётлар (1963—1974)да, «Шарқ ўлдузи» ва «Гулхан» ойномалари таҳририятлари (1974—1980) да, Ўзбекистон Ёзувчилар уюшмаси (1980—1985) да масъул лавозимларда ишлади. Ҳозирги вақтда Абдулла Орипов Ўзбекистон муаллифлар ҳуқуқини ҳимоя қилиш давлат қўмитасига раҳбарлик қилмоқда. У «Ҳурмат белгиси» ордени, Ҳамза номидаги жумҳурият Давлат мукофоти совриндори.

Абдулла ўз устозлариFaфур Гулом, Ҳамид Олимжон, Чўлпон, Үсмон Носир, Миртемир, А. Қаҳҳор ва бошқа ижодкорлар асарлари таъсирида ўсиб камолотга етди. У йил сайин адабиётимиз тараққиётига кўпроқ ва қимматлироқ ҳисса қўша борди. Абдулла Орипов «Митти ўлдуз» (1965), «Кўзларим йўлингда» (1966), «Онажон» (1969), «Чашма», «Руҳим» (1971), «Ўзбекистон» (1972), «Ҳайрат» (1974), «Юртим шамоли» (1976), «Нажот қалъаси» (1980), «Йиллар армони» (1984), «Ишонч кўприклари» (1989) сингари бир-биридан сара бўлган шеърий тўпламларнинг муаллифиdir.

Ҳозирги кунда Абдулла Ориповни бутун мамлакат яхши билади ва унинг асарларини севиб ўқиди. Абдулла осонликча ижодий камолотга эришмаган, албатта. Зотан, шоир ёшлигиданоқ ижодий ишга катта масъулият билан қаради. Бинобарин, устози А. Қаҳҳор: «Абдулланинг битта хислати менга маъқул. У фақат ўзи кўрган ва ўзи билан нарсаларнигина ёзади! — деб бежиз айтмаган. Бунинг устига, шоир асарга жило ва сайқал беришдан асло эринмайди. Чунки у шеъриятни виждан иши деб билади. Шунинг учун ҳам Абдулла самимий ихлос ва мамнуният билан:

Бошин этгай ҳамиша  
Остонангда Абдулло,  
Энг олий бахтим менинг,  
Онажоним, шеърият,  
Топган тож-тахтим менинг,  
Жонажоним, шеърият,—

деб қуилаган эди.

Тўғри, Абдулланинг барча шеърларини бирдек етуқ асарлар деб бўлмайди. У ҳам бошқа ижодкорлар сингари ўз боцидан ижодий изланиш даврини кечирди. Буни шоирнинг ўзи ҳам инкор этмайди. Унинг қуйидаги мисралари бежиз яратилмаган, албатта:

Мен бир тажрибасиз, гўр йигит, нечун  
Адашдинг деяпман дунёга, ҳайҳот.  
Оҳ, шоир, ханжарни ўзингга ургин,  
Сен ўзинг адашмай ўсдингми, наҳот.  
Ҳа, ёшлиқда мен ҳам бир оз адашдим...  
Адашган йўлидан ким қайтса, шу мард.

(«Юзма-юз»)

Ҳа, Абдулланинг дастлабки баъзи шеърларида ноаниқлик аломатлари, шунингдек, баҳсли, зиддиятли ўринлар сезилади. Бироқ, уларни гоявий нуқсон сифатида эмас, балки ўсиш қийинчиликлари сифатида изоҳлаш ва талқин этиш лозим. Чунки бу шеърларда шоирнинг нияти холис бўлиб, воқелик бузиб акс эттирилмаган.

Бундан ташқари, шоирнинг кейинчалик яратилган «Жаннатга йўл» достонида ва айрим шеърларида мунгли нидо, маъюсликнинг мавжудлиги ҳам асослидир. Булар Абдулланинг хатоси эмас, аксинча, шоирнинг шахста сифиниш ва турғунлик даврларидағи адолатсизлик ва кўзбўймачилик сингари иллатларга бўлган кескин эътирозининг инъикосидир. Таниқли олим Матёқуб Қўшжонов ҳақли равишда қайд этганидек, «Вақтлар ўтди. Қайта қуриш ишлари бошланди. Бир вақтлар шоирнинг мунгли бўлиб қўринган шеърлари мавжуд ҳаётнинг акс-садоси экани, шоир қаламга олган манфур ҳодисалар ўша даврга хос ҳақиқатнинг ўзи экани маълум бўлди. Унинг ҳақиқатгўй, ҳозиржавоб шоир эканига ҳамма тан берди»<sup>1</sup>.

Абдулла Орипов асардан асарга гоявий-бадиий жиҳатдан ўсиб борган. Натижада чин реалист, ростгўй, ватанпарвар ва халқпарвар шоир сифатида халқимизга манзур бўлган.

Абдулла Орипов шеъриятида она-Ватан — Ўзбекистон образи ўзининг салобати, борлиги билан гавдаланади. Она-Ватанга ва заҳматкаш халқимизга меҳр-муҳаббат туйгуси шоир ижодининг асосий гоявий мундарижасини ташкил этади. Абдулла она-Ватан туйгусининг қанчалик муқаддас, қанчалик бебаҳо эканини, бу туйгуни бошқа ҳеч қандай туйгуга алмаштириб бўлмаслигини дил-дилдан куйлади. Шо-

<sup>1</sup> «Совет Ўзбекистони» рўзномаси, 1991 йил 29 март.

ир «Ишонч кўприклари» китобида Ватан ва она ҳақида теран бадиий умумлашма яратган. Ҳар бир инсоннинг дунёда онаси битта бўлгани сингари Ватани ҳам биттадир, деган гояни самимият билан яққол ифодалаган:

Бисёр бўлса агар бол ҳам беқадр,  
Такрор айтилганда рангизидир қалом.  
Бу ёруғ оламда Ватан биттадир,  
Биттадир дунёда она деган ном..

Абдулла Ориповнинг асосий тасвир объекти — она-Ватан — Ўзбекистон, асосий қаҳрамони эса меҳнаткаш ўзбек халқидир. Абдулланинг ўзи бу ҳақиқатни «Мен куйлайман бу олам аро, магур турган халқимни фақат», деб қайд этган эди. Чиндан ҳам, шоир ўз ижодида бу мавзуга қайта-қайта мурожаат этади ва ҳар гал бир-биридан нодир, гўзал асарлар ёзиб, Ўзбекистон ва ўзбек халқи ҳаётининг янги-янги қирраларини очиб беради. Кишиларимизнинг меҳнатсеварлик, инсонпарварлик, ватанпарварлик, бунёдкорлик, бағри кенглик сингари хислатларини мафтун бўлиб тасвирлаш орқали халқимизнинг яхлит, умумлашма образини яратади, ўзбек халқининг миллий характеристикини меҳр-муҳаббат ва ғурур билан чизиб беради:

Юлдузлар, билмайсиз менинг халқимни,  
Бундайин заҳматкаш ер юзида кам.  
Елда тиним бордир, унда тиним йўқ,  
Шундай ишпаратдир, у мунисгинам.

Абдулла Орипов ростгўй ижодкор сифатида халқимизнинг қувончига ҳам, дарду ғамига ҳам бирдек шерик. Шунга кўра, унинг ижодида шодлик ва қувонч туйғуси кўпинча ташвиш, дарду алам туйғуси билан узвий бирлиқда намоён бўлади. Шоир халқимизнинг ҳалол ишлаб, ҳалол яшаётганидан қанчалик шодланса, баъзи кишиларимизда меҳр-муҳаббат, тўғрилик ва садоқат йўқолиб бораётганидан шунчалик ташвишланади, изтироб чекади. Шоирнинг ўз она халқи тақдира-га дил-дилидан ачиниб, куйинчаклик билан «Қаршингда ҳасратли ўйга толаман, қачон халқ бўласан, сен эй, оломон?!» — деб нидо қилиши ҳам ана шундан далолат беради. «Қўриқхона», «Денгизга», «Саратон»

каби шеърлар ҳам шоирнинг меҳнаткаш ҳалқа чексиз меҳр-муҳаббатидан, унинг ҳалқ дарду ғамига малҳам бўлишга бутун борлиги билан интилганлигидан нишона бўлиб, уларда ҳалқ қисматига доир туйғулар түғёни ёрқин ифодаланади. «Қўриқхона» шеърида шоир фақат ноёб бўлиб қолган, ҳатто бутунлай йўқолиш даражасига бориб етган ўсимлигу жониворларнигина эмас, балки меҳр-оқибат, садоқат, тўғрилик, ҳалоллик ва адолат сингари инсоний фазилатларни ҳам кўз қорачиғидай авайлаб-асрашга ва покиза сақлашга чақиради:

Инсоф йўқолмасин, ўранг мустаҳкам,  
То уни юзсизлик этмасин хароб.  
Эзгуликни асранг, оламда у ҳам  
Тождор турна каби бўлмасин камёб.  
Оқибатни асранг, оқибат гўё,  
Айиқдай қайдадир топмасин завол.  
Ҳаёни асрангиз, куймасин ҳаё,  
Оташга дуч келган полопон мисол...  
Виждонни асрангиз ҳар недан ортиқ,  
Ягона заминни асрагансимон.  
Боболардан қолган ноёб бу тортиқ  
Токи авлодларга етолсин омон.

Абдулланинг «Аёл» шеърида ҳам ахлоқ-одоб ва виждонга доир муҳим ғоя жуда таъсири қилиб ифодаланади. Бу асарда уруш туфайли ўн гулидан бир гули ҳам очилмасдан ўн тўққиз ёшида бева бўлиб қолган келинчакнинг кўз очиб кўрган ёрига содиклиги самимият билан тасвирланади. Шеърда ёрига садоқатли аёлнинг матонати сабру қаноат туйгусидан маҳрум баъзи аёлларнинг бешарм хатти-ҳаракатларига қарама-қарши қўйилади. Бу қиёсий тасвир бева — келинчак образининг янада улуғворлик касб этишида муҳим роль ўйнаган:

Назокат пайтимас, яқинроқ келинг,  
Буюк зот қошида айлангиз салом.  
Шу содик бевага саждалар қилинг,  
Шу содик бевага айланг эҳтиром.

Абдулла Орипов ҳалқимизга хос эзгуликни, юксак ахлоқ-одобни улуғлашда узоқ ва яқин ўтмиш мавзула-рига ҳам мурожаат қиласиди. Ҳалқимизнинг ўтмишини,

ажойиб анъаналарини, ўзига хос миллий хусусиятлари-ни, урф-одатларини ихлос билан тасвирлаб, улардан ҳозирги кун муаммоларини ҳал қилишда мохирона фойдаланади. Жумладан, шоир халқимизнинг эзгу анъаналарига таянган ҳолда ҳалқ ва Ватан манфаати тақозо этса, тогни талқон этишга, игна билан қудук қазишга, ҳалқ ва Ватан учун жон фидо қилишга тайёр экани ҳақида бонг уради. Абдулланинг «Ёзажакман» шеърида:

Бошингга агар қўнса шу кун шарпаи иқбол,  
Пойингга, элим, бош уриб қуръон ёзажакман,—

дэя аҳду паймон қилиши бунга ёрқин далиллариди.

Абдулла Орипов том маънода миллий шоир. Чунки унинг ижодида, биринчи навбатда, ўз миллатининг ҳаёти, унинг кайфияти, орзу-истаклари, ўзбек ҳалқи турмуш тарзига доир ранг-баранг мавзулар асосий ўринни эгаллайди. Бироқ шоир бу билан чекланмайди. Абдулла Орипов айни бир пайтда байналмилал шоир ҳамдир. У ер юзидаги барча ҳалқларни қизиқтирадиган муҳим масалалар ҳақида ҳам самимият билан ёзади. Дарҳақиқат, адабиёт ҳам, ёзувчи ҳам аввало миллий бўлиши, ўз ҳалқининг туб миллий манфаатларини кўзлаши ва унга бевосита хизмат қилиши лозим. Бу объектив ҳақиқатдир. Лекин ёзувчи ҳаётни доимо холисона, ҳаққоний тасвирлаши, бошқа миллатларга ҳам самимий дўстлик, биродарлик нуқтаи назаридан қарashi лозим. Абдулла Орипов ижоди бу жиҳатдан ҳам ибратлидир. Чунки шоир шеъриятида ҳалқлар дўстлиги мавзуи бўртиб туради. Масалан, Абдулла ўзбек ва тоҷик ҳалқлари ўртасидаги дўстлик ҳақида куйлар экан, унинг тилидан шакар-бол томади:

Дўсту қардошdir азалдан  
    ўзбегим тоҷик билан,  
Иккиси бир байт газалдан  
    ўзбегим тоҷик билан.  
Кай йўсин айлай қиёс мен  
    бул ширин дўстлик сўзин,  
Тотлидир болдан, асалдан,  
    ўзбегим тоҷик билан.

Сўз санъаткорининг «Арманистон», «Қозогистон», «Қирғиз диёри», «Ўзбекистон», «Совға» каби асарлари ҳам халқлар дўстлиги, биродарлиги гоялари билан суғорилган. Демак, Абдулла Орипов шеъриятида миллийлик билан байналмилаллик узвий бирликда намоён бўлади. Шоир ҳаёт ҳақиқатини бадиий ҳақиқатга айлантиришда доимо халқлар дўстлиги гоясига содик бўлиб қалам тебратади. Миллий мавзуларни тасвирланганда ҳам, халқаро мавзуларни ёритганда ҳам инсон-парварлик, дўстлик гояларини асарнинг умумий руҳига сингдириб юборади. Чунки Абдулла Ориповни фақат ўз миллати ва ўз мамлакатининг ташвишу дардларигига эмас, балки бутун жаҳон халқларининг тақдиди, ғаму аламлари ҳам безовта қиласди. Буни шоирнинг чет эл мавзуларига бағишланган, хусусан, Фарбий Европа ва Америка сафари таассуротлари асосида ёзилган «Икки Америка», «Мексика», «Лос-Анжелос кўчаларида», «Тунислик бола» сингари шеърларида яққол кўриш мумкин.

«Тунислик бола» шеърида шоир Рим (Италия)да тунислик бегуноҳ бир боланинг безорилар томонидан эрмак-мазах қилиниб, ёндириб юборилганлиги ҳақида газабланиб ёзади. Абдулла бу боланинг фожиасини ўз шахсий фожиаси сифатида қабул қилиб, зўравон — текинхўрларга лаънат ўқииди. Шу билан бирга кишиларни, ирқи ва миллатидан қатъи назар, инсон эркини, инсон хукуқини дадил ҳимоя қилишга даъват этади:

Афсус разолатга ботди бу очун,  
Айбни яратганга тўнкамоқ нечун?  
Сенга ўт қўйдилар бир эрмак учун,  
Римга нега келдинг тунислик бола?  
Биламан, сен учун парча non қаҳат,  
Замин мозор бўлса, Африка лаҳат.  
Ўт қўйса, ўт қўйсин ўз элинг фақат,  
Римга нега келдинг тунислик бола?

Кўринадики, Абдулла Орипов фикрлар ва эҳтирослар шоиридир. Абдулланинг ижод қамрови кенг, фикри теран, бадиий мушоҳадалари кучли, эҳтироси жўшқин, парвози юксак. У лоқайдликни билмайди. Ана шунга кўра, шоир шеърлари жўшқинлиги ва лирик туйғуларга бойлиги билан ўқувчиларни мафтун этади.

Абдулла шеърларида фалсафий теранлик билан жўшқин лиризм уйғунлашиб кетган. Унинг «Ўзбекистон», «Муножот»ни тинглаб», «Авлодларга мактуб», «Ўйларим», «Баҳор», «Биринчи муҳаббатим», «Юзмазюз», «Отелло», «Куз», «Саратон», «Денгизга» ва бошқа шеърларида мана шу хусусият яққол сезилади. Бу фусункор ва теран шеърлар ўзбек милллий адабиётининг мумтоз намуналари бўлиб, улар юксак бадиийлиги, мантиқан кучлилиги, жўшқинлиги, ёқимлилиги ва лирик туйғуларга бойлиги билан ажралиб туради:

Эшилиб, тўлғониб ингранади куй,  
Асрлар ғамини сўйлар «Муножот».  
Куий шундай бўлса, ғамнинг ўзига  
Қандай чидай олган экан одамзод.

(«Муножот»ни тинглаб»)

Абдулла ўз шеърларида рамзий образлардан, киноя, пичинг ва сўз ўйинларидан моҳирона фойдаланади. Кундалик оддий воқеалардан катта ижтимоий хulosалар чиқаради ва буларни тасвирлашда кўпинча янгиликлар кашф этади. Шоир «Абдулла Қодирийга» шеърида ўзбек ҳалқининг бебаҳо қадриятлари, асл истеъдоднинг қадр-қиммати ҳақида бадиий мулоҳаза юритиб, чуқур мазмунли, афоризм даражасига кўтарилиган мисралар яратади ҳамда уни содда ва ихчам шаклда жозибадор қилиб ифодалайди:

Азалий ҳақ гапни яширмоқ нечун,  
Завол йўқ энг асл истеъдод учун.  
Агарда коинот тегирмон бўлиб,  
Оlamни янчса ҳам, қолгай у бутун.

Абдулла Орипов шеърияти ҳаёт ҳақиқатига асосланган ва уни синчковлик билан кузатиш, таҳлил этиш натижасида ҳосил бўлган бундай теран мазмунли, ажойиб бадиий хulosаларга бой. Шоир ўзининг она ҳақидаги шеърларида аёл ҳақида шу кунгача айтилмаган, лекин айтилиши шарт бўлган теран фикрларни топиб, уларни маҳорат билан ифодалайди:

Инсон атаб бўлмас ҳеч бир, ҳеч маҳал,  
Аёлни танимас такаббур бошни.

Ундайин юлдузнинг сўнгани афзал,  
Агар тан олмаса сендай қуёшли.  
Аёл чехрасида кўрсанг табассум  
Билки, замон тинч, осойиш олам.  
Аёлга тиласанг гар толе маъсум,  
Дунёни оловдан аспа, эй Одам!

(«Сени она дедим»)

Абдулла меҳрибон оналар образини яратиш билан бирга, оталар ҳақида ёзишни ҳам унутмайди. Шоирнинг «Оталар илгидан замон билан вақт» шеърида меҳрибон, мард, заҳматкаш оталаримизнинг умумлашма лирик образи яратилган. Шоир шеърида гўзал, теран бадиий хулоса чиқаради:

Мен кўкка термулиб кутмасман мадад,  
Дўст излаб ҳар ёнда кезмасман сарсон.  
Дўсту мададкор ҳам отадир абад  
Шони — шонинг эрур, армони — армон.

Абдулла Орипов шеърларида ҳаёт ва тараққиёт, меҳнат ва ижод, севинч ва ташвиш, ғам ва алам, устоз ва шогирд, дўстлик ва садоқат, ёътиқод ва хиёнат, олғирлик ва нопоклик ҳақида янги-янги бадиий хуло-саларнинг бўртиб туриши шоир ижодига алоҳида бир ҳусн бахш этган. Шоирнинг «Устозларим» шеърида ифодаланган гоявий мазмун ҳам бунга мисол бўла олади. Дарҳақиқат, бу шеърда муаллиф ўзининг марҳум устозлари — «аҳли шуаро» яшаб ижод этган машъум шахсга сифиниш даврининг тавсифномасини яратган. Шу орқали устоз шоирлар хизматини, асосиз камситишга, ўларга беҳуда тош отишга қарши ўткир фикр билдириб, устозлар руҳини шод этган:

Марҳум устозларим,  
Рахматли зотлар,  
Энди сиз тинч ётинг маконингизда.  
Ўқинманг, маломат қилсалар агар,  
Абадий бардош бор имконингизда.

Абдулла Ориповнинг 90-йилларда майдонга келган «Ҳаёт сабоқлари», «Фожиа», «Гина», «Вафо қиласмисан, баҳорим!», «Темур боғлари» сингари шеърларида ҳам кўпчиликни ҳаяжонлантирадиган катта фикрлар, турфа туйғулар ёрқин ифодаланган:

Темурдек зотнинг-ку қайтмоғи гумон,  
Лекин не бўлса ҳам изи қолибди.  
Қанча чеврилмасин кўхна бу жаҳон,  
Боги, иморати, сўзи қолибди...

(«Темур боғлари»)

Абдулла Орипов шеърияти ҳаёт билан ҳамнафас, халқчил ва курашчан шеъриятдир. Шоир асарлари фалсафий теранлиги, жозибадорлиги, жўшқинлиги, равонлиги, бадиий етуклиги билан эътиборлидир.

Абдулла Орипов шеъриятида публицистик рух кучли. Шунингдек, унда танқидий рух ҳам бўртиб туради. Шоир ҳаётни бўяб-безаб, ортиқча мақтаб, кўкларга кўтариб ўтиrmайди. У бор гапни бутун борлиғи ва мураккаблиги билан лўнда ва дангал қилиб айтиб қўя қолади. Бу хусусият шоирнинг жамиятни қайта қуриш ва покланиш масалалари ҳақидаги шеърларида, айниқса очиқ кўринади. Абдулла Орипов қайта қуришнинг моҳиятини чуқур идрок этган ва уни қўллаб-қувватлаган ҳолда бу соҳадаги хато ва нуқсонларни, митингбозлигу ваъзхонликларни, иш ўrniga гап сотишларни, бир-бирига тош отишларни очиқчасига қоралайди. Шоир баъзи шахсларнинг бир-бирини асоссиз айблаб, беобрў қилишларини пичинг ва киноя воситасида фош этади:

Тараққиёт экан, замонлар келиб,  
Орзу босиб кетди бутун оламни.  
Ҳозир мақтанишар: — «Қўйингиз билиб,  
Мен бадном қилганман энг зўр Одамни».

(«Тараққиёт»)

Яна бир мисол:

Парво қилманг, бўлмаганин бўлдирамиз,  
Паймонаси тўлмаганин тўлдирамиз.  
Бир замонлар отар эдик, осар эдик,  
Энди эса мажлис қилиб ўлдирамиз.

(«Гап битта»)

Абдулла Орипов шеъриятида ҳажвиёт катта ўрин эгаллади. Шоирнинг «Тулки фалсафаси», «Ёзғувчиликка ариза», «Турғунбой», «Темир одам», «Эътиқод» каби шеърларида, «Ранжқом», «Жаннатга йўл» достонларида бу хусусият яққол намоён бўлади. Бу асарларда адолатсизлик ва қаллоблик, айёрилик ва кўзбўяма-

чилик, хиёнат ва виждонсизлик, порахўрлик ва ёлгончилик, ўгрилик ва тамагирлик сингари иллатлар ҳажв остига олинади. Шоир ҳаётда учровчи иллатларни фош этишда турли хил тасвир воситаларидан, жумладан, рамзий образлардан ва ҳар хил мажозлардан ўринли фойдаланади.

«Жаннатга йўл» драматик достонида қиёмат ва охират, жаннат ва дўзах, савоб ва гуноҳларни ўлчайдиган афсонавий тарози сингари диний тушунчалар ва фантастик воқеалар ҳақида ҳикоя қилинади. Йигит, Она, Ота, Дўст, Ўспирин, Қария сингари ҳаётий қаҳрамонлар билан бирга, Тарозибон, Фаришта, Ҳур қиз, Югурдак, Садо ва бошқа рамзий образлар яратилади. Ана шулар воситасида муайян ҳаёт ҳодисалари очиб берилади. Ҳаётда учровчи турли хил иллатларни фош этилади. Шоир адолат ва тўғриликка, виждон ва инсофга, ахлоқ одоб ва яхшиликка доир умуминсоний қадриятларни, олижаноб фазилатларни тарғиб-ташвиқ этишда диний тушунчалардан ҳам, рамзий образлардан ҳам донолик билан фойдалана олган. Шоирнинг достонда кўзлаган нияти асар охирида берилган қуйидаги мисралардан очиқ сезилади:

Бир ривоят баҳонаю, достон сўйладим,  
Турли-туман тақдирларни айлаб мужассам  
Одамларга ибрат бўлсин, дея ўйладим.

Абдулла Орипов «Жаннатга йўл» драматик достонида ҳозирги ҳаётдаги иллатларни фош этишда диний-афсонавий воқеага мурожаат этган бўлса, «Ҳаким ва ажал» достонида эса асар гоясини гавдалантиришда узоқ ўтмиш мавзуудан ўринли фойдаланган. Жаҳон тиббиёт илмининг буюк даҳоларидан бири Абу Али ибн Сино ҳақида ёзилган бу достонда умуман, инсон ҳаётига тааллуқли ва абадий замонавий бўлган муаммолар кўтарилган. Ҳаёт ва инсон, илм ва ўлим, олижаноблик ва ҳасадгўйлик ҳақидаги теран ижтимоий фикрлар бадиий тарзда гавдалантирилган.

«Ҳаким ва ажал» достонида ҳикоя қилинишича, Абу Али ибн Сино узоқ йиллар давомида тиббиёт соҳасида ҳаддан зиёд азият чекиб, меҳнат қиласи. Кўп изланышлар натижасида буюк каашфиёт яратади: ўлимга қарши даво топади. Бироқ гаразгўй ва шуҳратпараст шогирди Мирзо ўз устозининг оламшумул каашфиётига

ҳасад билан қарайди. У Абу Али ибн Синога қараб беҳаёлик билан:

Мен — иблисман, одамларнинг ўзидан чиқсан,  
Сен — зақосан, йўқдир Сени кўрарга қўзим,—

дейди ҳамда Абу Али ибн Сино қашф этган ноёб, бебаҳо, ҳаётбахш дорини қасддан йўқотади. Абдулла Орипов «Ҳаким ва ажал» достонида ана шу драматик воқеани афсус ва надоматлар билан ҳикоя қилиб, ҳасадгўйлик ва бахилликни, ёвузлик ва ичиқораликни беаёв фош этади. Шу асосда ҳақиқий инсонийликни, илм ва заковатни улуғлаб, инсонлар бир-бирига беминнат ва бетама яхшилил қилиши лозим деган фалсафий фикрни олга суради.

Абдулла Ориповнинг «Ранжком» (1988) достонида жамиятни қайта қуришнинг асл маъносини, хусусан, демократия ва ошкораликнинг туб моҳиятини англамасдан «янги ширкат»лар тузиб, ҳалол яшаётган инсонларни бехудага ранжитиб юрган одам шаклидаги махлуқлар фош этилади. Уч нокас «Ҳашарот» журнали таҳририяти хоналаридан бирида тўпланиб, яхшиларга озор беришни, уларни ранжитишни ўз олдига асосий мақсад қилиб қўйган «Ранжком» ташкилотини тузади. Шу «мажлис»да бу уч шахсдан бири дейди:

Шундай қилиб, янги ширкат туздик, ўртоқлар.  
Мен раисман. Сизлар аъзо. Ҳозирча каммиз...  
Биз маънавий ташкилотмиз — «Ранжком»миз яъни,  
Ўзгаларни ранжитмоқлик бизнинг ишимиз.

Достон воқеаси ана шу «Ранжком» аъзолари (раис, биринчи аъзо, иккинчи аъзо образлари)нинг ўзаро сұхбати ва уларнинг фаррош аёлдан dakki еб, шармандаю шармисор бўлиши асосига қурилган. Асарда кўрсатилишича, ташкилот аъзолари меҳнатсиз, бемаъни ва беибо ҳаёт кечиради. Улар нима қилса, нима деса ўз хоҳиши; уларни тергайдиган, ҳақ йўлга бошлайдиган бирорта кимса йўқ. Ана шунинг учун ҳам фаррош аёл худога мурожаат қилиб:

Лекин нечун бу қавмнинг йўли доим шай,  
Қандоқ қилиб бир-бирларин излаб топарлар...  
Ўзгаларда не ташвишу буларда не ғам,  
Ғўрми десанг, Ҳизр сифат пешволари бор.  
Не бўлса ҳам, сен шулардан асрарин эгам,  
Шундайларнинг қўлларида юртни қилма хор,—

деб нола қиласди.

«Ранжком» достонида реал ҳаёт ҳодисаси акс этган. Жонли образлар яратилган. Иллатларни очиб ташлаш асосида мұхим ғоя — ҳалол ишлаб, бегалва, пок яшаш ғояси ифодаланган.

Абдулла Орипов асарларининг тили бой, ихчам, сержило ва равон. Улар мавҳумликдан ва жимжимадорликдан холи бўлиб, жонли ҳалқ тили бойликлари, ҳалқ ҳикматлари билан безанганд. Бир мисол:

Тингла, бу абадий садо бўлади,  
Гадонинг душмани гадо бўлади.  
Иккови бир-бирин егунича то  
Ўртада бу дунё адо бўлади.

Абдулла ўз асарларининг бадиий мукаммаллигини таъминлашда қофия ва вазн имкониятларидан ҳам моҳирона фойдаланади. Бармоқ, аruz ва сарбаст вазнларида етук шеърлар ёзиб, шеърий оҳангларнинг ранг-баранг намуналарини юзага келтиради.

Абдулла Орипов — моҳир таржимон. У Пушкин, Шевченко, Низомий Ганжавий, Қайсин Қулиев сингари шоирларнинг бир қанча шеърларини таржима қилган. Абдулла, айниқса, Дантелинг машҳур «Илоҳий комедия» асарини ўзбек тилига ўгириб, хайрли ишни муваффақият билан бажарди.

Абдулла Орипов ижоди ҳақида адабий танқидчилик ва адабиётшуносликда анча ишлар қилинган. И. Султон, М. Қўшжонов, О. Шарафиддинов Л. Қаюмов, У. Норматов, Н. Худойберганов, И.Faфуров, Р. Воҳидов, М. Ҳошимова сингари муаллифлар шоир асарларининг ғоявий-бадиий хусусиятлари ҳақида мақолалар, тақриз ва рисолалар ёзиб, шоир ижодини ҳақли равишда юксак баҳоладилар. Иззат Султон шоир ижодини таҳлил этиб, Абдулла Орипов шеъриятининг «энг мұхим хусусияти одамларни бирлаштирувчи куч, қудратдир. Бу — ҳақиқий шеъриятнинг энг улуғ фазилатидир», деган холосага келди. Одил Ёқубов эса: «Абдулла Орипов шеъриятига нисбатан ташбех қўллайдиган бўлсак, у дутор навосига ўхшайди: бирда чексиз мунг билан дилларни ларзага келтирса, бирда шўхчан тус олади, майин ва ўзига хос таронаси тағин кишини мафтун этади. Унинг асарлари қон томирида ўт билан сувдек бир-бирига зид туйғулар тинимсиз оқиб туради. Шунинг учун ҳам бир шеъри ҳаётнинг етук фалсафий идроки ҳосиласи билан тўйинган, бошқа бир шеъри эса

дарду ғамга тўлиқ, нолали ва руҳсиз, бир шеъри шўхчан, қочиrimли ва юморга бой, бошқа бир шеъри эса саҳоватли қалб меҳрига тўлиқ, шунинг учун ҳам у бетакрор, ҳаётнинг ўзидай мураккаб, ҳаётнинг ўзидай сўлим ва жозибали, юракларга яқин.

Она-Ватан — Абдулла ижодининг бош мавзуи. Ватанни ундан ҳам кучли севиш, шарафлаш мумкинлиги ни ҳозирча бунчалик ёрқин намоён этаётганлар кам»<sup>1</sup> — деб ёзди.

Фавқулодда улкан истеъдод эгаси, том маънода файласуф шоир, моҳир таржимон ва жамоат арбоби Абдулла Орипов ҳозирги замон ўзбек адабиётининг кўрки ва ғуруридир. У мустақил Ўзбекистон Республикаси Давлат мадҳиясининг муаллифидир.

#### АДАБИЁТЛАР

1. О. Шарафиддинов. Шеърият — қалб ёлқини. «Ҳаёт билан ҳамнафас» китобида, Тошкент, «Ёш гвардия», 1983.
2. М. Қўйшжонов. Онажоним шеърият, Тошкент, «Ўқитувчи», 1984.
3. И. Гофурев. Шеърият — курашчанлик демак, Тошкент, F. Ғулом номидаги Адабиёт ва санъат нашриёти, 1984.
4. Н. Худойберганов. Довоналардан давонларга. «Ҳақиқат ёғдулари» китобида, Тошкент, F. Ғулом номидаги Адабиёт ва санъат нашриёти, 1984.
5. Р. Воҳидов, М. Ҳошимова. Шеърият — шоир юраги, Тошкент, «Фан», 1987.

#### М а т н

Абдулла Орипов. «Йиллар армони» (1987), «Ишонч кўприклари» (1989) тўпламлари.

<sup>1</sup> «Ўзбекистон адабиёти ва санъати» рўзномаси, 1991 йил 28 марта.

## Х О Т И М А

Ҳозирги замон ўзбек адабиёти халқимиз ва диёризмиз ҳаётининг ўзига хос йилномасидир. Унинг юзага келишида янги воқелик асосий замин бўлди. Бу адабиёт янги жамият билан бирга туғилди ва у билан бирга ўсиб, мураккаб ва мазмундор тараққиёт йўлини босиб ўтмоқда.

Ҳозирги замон ўзбек адабиёти ўтмиш адабиётининг меросхўри ва унинг янги замондаги ўзига хос давомидир. Янги хил бу адабиёт ўз тараққиётида уч манбадан: а) ўзбек мумтоз адабиёти анъаналаридан; б) халқ оғзаки ижоди бойликларидан; в) қардош ва дўст халқлар адабиётларининг ўзаро ҳамкорлиги ва ўзаро ижодий таъсиридан озиқланиб келди. Шунингдек, янги хил адабиётнинг шаклланишида жаҳон тараққийпарвар адабиётининг илғор анъана ва тажрибалари ҳам катта аҳамиятга эга бўлди. Янги адабиётнинг илдизлари инсониятнинг узоқ тарихли бой адабий-маданий анъаналарига бориб тақалади.

Қадимги адабий анъаналарнинг меросхўри бўлган ҳозирги замон ўзбек адабиётининг бошқа халқлар адабиётлари билан баҳам кўришга лойиқ бўлган бебаҳо бойликлари ва янги анъаналари бор.

Ҳозирги замон ўзбек адабиёти ўтган 75 йил ичida жаҳон адабиёти ҳазинасига ўз ҳиссасини қўшишга улгурди. У инсониятга Ҳамза, С. Айний, А. Қодирий, Чўлпон, Фитрат, Ойбек, Ҳ. Олимжон, F. Гулом, А. Қаҳҳор каби ноёб истеъододларни етказиб берди ва реализм, миллийлик ва байналмилаллик, ватанпарварлик, халқчиллик, инсонийлик ва бадиий маҳорат бобида сезиларли даражада ютуқларга эришди.

Ҳозирги замон ўзбек адабиёти ўз тараққиёти давомида ғоявий мазмун, бадиий маҳорат, жанр ва услуб ранг-бараанглиги жиҳатидан йил сайин ўсиб, жаҳоннинг илғор адабиётлари қаторидан жой олди. А. Қодирий ва Ойбек романлари, Чўлпон ва Фитрат асарлари, Ҳамза ва Яшин драмалари, F. Гулом, Ҳ. Олимжон, У. Носир, Уйғун, Миртемир, М. Шайхзода, Зулфия, Э. Воҳидов, А. Орипов шеърлари, А. Қаҳҳор, Ойдин, Ш. Холмирзаев ҳикоялари, Шароф Рашидов, О. Ёкубов, А. Мухтор,

Сайд Аҳмад, П. Қодиров, Ҳамид Ғулом, Мирмуҳсин, Ў. Умарбеков, Ў. Ҳошимов, Ҳудойберди Тўхтабоев, Ҳаким Назир, Назир Сафаров прозаси адабиётимизнинг беба-ҳо бойлигидир.

Ҳозирги вақтда ўзбек адабиётини на фақат ўзбек китобхонлари, балки бутун дунёдаги миллион-миллион китобхолар севиб мутолаа қилмоқда, ундан маънавий озиқ олмоқда.

Зотан, ўзбек ёзувчилари, одатда, тор миллион мавзуларни акс эттириш билангина кифояланиб қолмай, балки жаҳондаги барча ҳалқларни, миллион-миллион соғ виждонли китобхонларни қизиқтирадиган мавзуларни, умумбашарий муаммоларни кўтариб чиқадилар. Чин инсонийликни улуғлаб, дўстлик, озодлик, тенглик,adolat, тинчлик, баҳт-саодат гояларини таррнум этадилар. Адолатсиз ва қирғинбарон урушларни қоралаб, тинчликни кўйлайдилар. Демак, ўзбек адабиётининг жаҳондаги тараққийпарвар инсониятни қизиқтирувчи, унинг туб ҳайтий манфаатларига мос келувчи ўзига хос маънавий бойликлари ва эзгу анъаналари бор.

Шуниси муҳимки, бу маънавий бойликлар ва яхши анъаналар ёзувчиларимизнинг самарали ижодий меҳнатлари туфайли тобора кўпаймоқда. Шунга кўра, ўзбек адабиётининг тарбиявий-эстетик аҳамияти ортиб бормоқда.

1991 йилда Ўзбекистоннинг мустақил республика деб эълон қилиниши адабиёт ва санъатимиз тараққиётiga ҳам кенг имкониятлар яратиб берди.

Мустақил республикамиз мустақил адабиётининг келажаги порлоқдир.

Ҳозирги кунда ўзбек ёзувчилари сафи янги-янги ҳистеъдодлар ҳисобига кенгаймоқда. Шу билан боғлиқ ҳолда адабиётимиз хазинаси ҳам бойиб бормоқда. Бошқача қилиб айтганда, ёзувчиларимизнинг янги авлоди, адабиётимизнинг янги даври — мустақиллик даври адабиётини яратмоқда. Улар ўзларининг рангбаранг шеърий, насрый ва драматик асарларида ҳозирги мустақиллик даврида жумҳуриятимизда амалга оширилаётган инқилобий ўзгаришларни ҳаққоний акс эттириб, ёш авлод дунёқарашининг шаклланишида фаол иштирок этмоқдалар. Меҳнаткаш ҳалқ оммасини юксак гоялар руҳида тарбиялашга улкан ҳисса қўшмоқдалар.

Муаллифлардан	3
Муқаддима	4

### *Биринчи қисм*

#### *Ҳаёт ва адабий жараён*

I. Октябрь инқилоби, гражданлар уруши, халқ хўжалигини тиклаш даврида ўзбек адабиёти (1917—1929)	7
II. Янги жамият куриш учун кураш йилларида ўзбек адабиёти (1929—1941)	17
III. Ватан уруши ва урушдан кейинги дастлабки йилларда ўзбек адабиёти (1941—1956)	29
IV. Янги ўзбек адабиёти тарихининг ҳозирги босқичи (1956—1992)	49

### *Иккинчи қисм*

#### *Ҳозирги замон ўзбек адабиёти намояндалари*

Ҳамза Ҳакимзода Ниёзий	77
Садриддин Айний	95
Абдулла Қодирий	115
Чўлпон	138
Ойбек	151
Faфур Гулом	180
Ҳамид Олимжон	202
Абдулла Қаҳдор	220
Комил Яшин	248
Уйгун	267
Шароф Рашидов	294
Миртемир	307
Максуд Шайхзода	322
Зулфия	335
Аскад, Мухтор	349
Сайд Аҳмад	363
Одил Ёқубов	377
Примқул Қодиров	386
Эркин Воҳидов	395
Абдулла Орипов	406
Хотима	420

**Мирзаев Сайдулла, Шермухамедов Саид.**

M 54 Ҳозирги замон ўзбек адабиёти тарихи. Дорил-  
фунунлар ва педагогика олийгоҳларининг филол.  
куллиётлари сиртқи бўлим талабалари учун ўқув  
қўлл. / Т. Бобоев таҳр. қилган /.— Т.: Ўзбекистон,  
1993.— 422 б.

ISBN 5-640-01265-X

1. Автордош.

Икки қисмдан иборат мазкур қўлланмада ўзбек адабиётининг ўзига хос  
хусусиятлари, шаклланиши, тараққиёт босқичлари ёритилган. Шунингдек, унда  
ўзбек адабиёти йирик намояндларининг ижодий ўйли таҳлил этилган.

Кўлланма олий ўқув юртлари филология куллиётларининг талабаларига  
мўлжалланган.

**Мирзаев Сайдулла, Шермухамедов Саид**  
**История современной узбекской литературы.**

ББК 83.3 Ўз — 7

№ 96—9  
Навоий номли Ўзбекистон  
Республикаси Давлат  
кутубхонаси.

4603020102 — 116  
M — 2—93  
M 351(04)93